



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>





UNIVERSITEITSBIBLIOTHEEK GENT



90





JOANNES CLERICUS.

JOANNIS
CLERICI
ARS
CRITICA,

IN QUA AD STUDIA
Linguarum Latinæ, Græcæ, & Hebraicæ
via munitur; Veterumque emendando-
rum, Spuriorum Scriptorum à Genuinis
dignoscendorum, & judicandi de eorum
Libris ratio traditur.

Editio Secunda auctior & emendatior.
VOLUMEN PRIMUM.



AMSTELÆDAMI,
Apud G. GALLEY, Præfectum
Typographiæ HUGUETANORUM.



M. DCC.



M. ANT. TEUTONI

Suo S. P. D.

JOANNES CLERICUS.

CRITICEN nostram, mi
TEUTO, quam nosti du-
dum inchoatam, sed alio studiorum
& laborum genere interruptam
fuisse, ad umbilicum tandem per-
ductam ad te mitto. Nemo erat,
cujus studiis consultum magis opta-
rem, quàm tuis; nec amicorum
quisquam, cui crederem utilius esse
posse hoc Opus; si modò à scopo,
quem mihi proposui, non prorsus
aberrasse censeri queam.

A puero tibi dux fui

— per amoena vireta
Fortunatorum nemorum, sedésque
beatas,

*in quas se receperunt magna illæ
animæ, quæ olim Græcis & Roma-
nis præluxerant. Optimorum quo-
rumque Scriptorum, Græcorum &
Latinorum, intelligo libros, in qui-
bus etiamnum videntur spirare, &
quos tibi aut integros, aut ex parte
olim interpretatus sum. Meâ haud
multò minùs quàm tuâ interest, te
nunc studiosè cùm vestigia tua rele-
gentem, tum etiam in abditiores
partes eorum nemorum penetran-
tem, à recta semita non aberrare,
ut quò tendis pervenias. Quo enim
uberiores fructus, ex rectè institu-
tis studiis, capies; eo major erit
mea voluptas, cùm me frustra non
fuisse intelligam. Tum demum mi-
hi videbor optimo viro, Patri tuo,
beneficia, quibus me, ex quo in
Hollandia pedem fixi, devinxit,
posse*

posse rependere; cùm sentiet operam
meam tibi inutilem non fuisse. Pa-
tere ergo me ingenium, quod mihi
tenellum commissum à viro amicissi-
mo per aliquot annos non indiligen-
ter excolui, etiamnum subinde mo-
nitis & consiliis firmare; ut, quem-
admodum facis, ad honestissima
quæque pergas contendere.

Eam in rem, hoc Opusculo te
donare volui, ut quod voce non pos-
sum, dum Oceano divisi sumus, nec
etiam Epistolis, propter perpetua
negotia, quibus me scis distineri,
id libello hoc faciam. In eo multa
distinctius, & copiosius leges ex-
posita, quæ olim me obiter dicen-
tem audivisti. Monita etiam hinc
plurima, e media Philosophia pe-
tita, videbis; quæ, nisi fallor,
humaniores, & sanctiores etiam lit-
teras colentibus non nimium incul-
cari possunt; cùm viri, non è vul-
go, quòd hæc satis non attendissent,
passim in Scriptis suis cespitarint.

Hic Criticum, non pædagogico fastu tumentem, aut farragine quadam jejunæ eruditionis onustum, formare aggressus sum; sed non minus judicio, atque memoriâ suâ utentem, & qui probè calleat quàm pauca penitus in Veterum monumentis intelligamus; ideóque modestè de aliis judicet, & ab omnibus discere sit paratus. Volo eum ante omnia niti intelligere quid Veteres velint, & sibi diligenter cavere, ne opinetur se scire quod nescit. Sed dum hisce studiis operam dat, nolo eum Philosophicis & Mathematicis umquam ita valedicere, ut judicii sui oblitus memoriam tantùm excolat. Utraque perpetuò conjungenda sunt, ita ut dum Philologia nobis congerit materiem, è Græcis, Latinisque Scriptoribus, quâ, ubi necesse erit, utamur; Philosophia omnem illam materiem, ordine certo digerat, & singula suis locis collocet. Nisi hoc fiat,

fiat, moles quædam indigestæ eruditionis comparatur, aptior obruendis audientium animis, quam iis collustrandis.

Itaque utilissimum tibi erit Disciplinarum Mathematicarum studium, cui nunc incumbis, si Geometricum illum laudatissimum ordinem ad alia transferas, quoad per naturam rerum licebit; atque animum ordini adsuetum instruas, lectione Veterum, iis cognitionibus, eaque facultate dicendi, quæ sunt litterarum studioso, quodcumque vitæ iter ingrediatur, necessariae. Quamobrem, ut Ciceronis verba usurpem nonnihil immutata, disces quidem, mi MARCE, à principibus hujus ætatis Geometrarum, & disces quamdiu voles; tamdiu autem velle debebis, quoad te quantum proficias non poenitebit. Sed tamen nostra leges, ut subactum, ope Geometriæ, iudicium instruere possis pulcherrimarum rerum, quæ

quæ in Veterum libris leguntur, cognitione. Quæ omnia studia tibi in dies faciliora & utiliora fieri, corpusculumque tuum & valetudinem confirmari, Deum Opt. Max. ex animo oro. Vale.

**Dabam Amstelodami Calend.
Decembribus.**

C I C I C X C V I,

LECTORI

L E C T O R I

S. P. D.

JOANNES CLERICUS.

ALTERAM hîc habes, LECTOR, Editionem Criticæ nostræ, quam non modò diligenter emendavi, à capite ad calcem, sed & insignibus & magni momenti testimoniis Veterum passim auxi. Si prior Editio aut Amstelodamensis, aut Londinensis tibi non displicuit, hæc sine dubio propterea magis placebit, cùm multò accuratior & auctior sit. Scio esse qui querantur mutari vel augeri posteriores Editiones; quòd prioribus, quas sibi compararunt, nullum postea sit pretium. Sed an ideò vetitum erit scribentibus emendare aut exornare Scripta sua, ut emtorum crumenæ parcat? Non puto, cùm tantillæ pecuniæ jactura non sit æquiparanda cum fructu, quî ex meliore Editione colligi potest. Reputent secum se non aliter insumsisse pecuniam emendæ
priori

priori Editioni, quàm eam quam in-
 sumunt in coenulam familiari præ-
 bendam ; quam non putant tamen
 prorsus sibi periisse. Pecuniam nu-
 meratam Bibliopolæ, prioris Editio-
 nis causâ, existiment satis pensatam
 fuisse fructu aut voluptate lectionis.
 Alteram verò iterum emant , ut Bi-
 bliothecam eâ exornent, cùm postea
 non sit mutanda, aut augenda. Mihi
 quidem certum est, si quid addendum
 aliquando judicaro, in separatis Vo-
 luminibus additamenta publici juris
 facere. Tertium addere jam coepi
 huic Operi Tomum, in quo non
 Ars quidem ipsa traditur, sed ejus
 usus, in gravissimis quæstionibus,
 ostenditur. Mistus est, fateor, Artis
 usus cum mei defensione contra non-
 nullos, qui in me calamum strinxere,
 at dedi operam ut pleraque omnia
 ommitterem, quæ eos & me priva-
 tim spectant, argumentâque omni-
 bus utilia excuterem.

Amstelodami Calendis Decembribus anni

MDCCXCIX.

INDEX



INDEX CAPITUM TOMI PRIMII.

PRÆFATIO. **D**efinitio, Divisio & Usus
Critices. Pag. I

PARS I. De Ordine in Vett. lectione
observando.

CAPUT I. De iis, quæ Vett. lectioni præ-
mitti debent. 25

CAP. II. De ordine in lectione Latinorum
observando. 49

CAP. III. De ordine in legendis Græcis
observando. 68

CAP. IV. De Methodo in Hebræica Lin-
guæ studio observanda. 87

CAP. V. Consilia varia ad rationem stu-
diorum pertinentia. 112

PARS

I N D E X

PARS II. De Vocum & Loquutionum significatione.

SECTIO I. *Regulae Generales de Vocum, &c.*

CAPUT I. *De Divisione Vocum.* 125

CAP. II. 1. *Linguas sibi invicem non satis respondere.* 131

CAP. III. 2. *Voces variarum Linguarum, quæ planè idem significare videntur, sibi invicem non respondere.* 175

CAP. IV. 3. *Multa videri in Versionibus Emphatica, quæ in ipsis fontibus nullam Emphasin habent.* 188

CAP. V. 4. *Plurima esse vocabula ambigua, in omnibus Linguis, cum ipsarum Linguarum inopiâ, tum negligentia Scriptorum.* 201

CAP. VI. 5. *Significationes vocum earumdem, nunc esse ampliores, nunc arctiores.* 223

CAP. VII. 6. *Propriam vocum significationem cum tralatitia non esse confundendam.* 239

CAP. VIII. 7. *Plurimis vocibus esse obscuras notiones subiectas.* 250

CAP. IX. 8. *Voces esse, quibus nulla subiecta est potestas.* 261

CAP. X. 9. *Loquutiones esse plurimas, in omnibus*

CAPITULUM.

omnibus Linguis, anomalas, & parum accuratas, quæ nimium urgendæ non sint. 276

CAP. XI. 10. *Ἀκυρολογία* non debere cum tropicis vocibus, aut figurata oratione confundi; neque ex ea regulas confici posse. 296

CAP. XII. 11. Multa esse propter constructionem ambigua. 306

CAP. XIII. 12. Ut probè intelligatur Scriptor quivis, consuetudines & opiniones popularium ejus esse tenendas. 319

CAP. XIV. 13. Diversas sectas iisdem sæpe usas esse vocabulis, ad diversa prorsus dogmata exprimenda; & easdem servatis iisdem vocabulis, lapsu temporis, sententiam mutasse. 333

CAP. XV. 14. Difficultatem intelligendi maximam interdum oriri ex rhetorico stylo. 348

CAP. XVI. Brevis historia studiorum rhetoricorum, quibus difficillimum cognitum factum est, quid cogitarint pluribus de rebus celeberrimi Scriptores. 374

PARTIS

INDEX CAPITUM.

PARTIS II. SECTIO II. In qua particulatim expenduntur vocum & loquutionum significationes.

- CAPUT I.** *De significatione vocum, quae simplicium notionum signa sunt.* 395
- CAP. II.** *De nominibus notionum compositarum.* 417
- CAP. III.** *De nominibus substantiarum & modorum.* 433
- CAP. IV.** *De nominibus relationum.* 460
- CAP. V.** *De rerum concretarum & abstractarum nominibus.* 476
- CAP. VI.** *De notionum singularium, particularium, & universalium nominibus.* 493
- CAP. VII.** *De notionum clararum & obscurarum nominibus.* 509
- CAP. VIII.** *De notionum adequatarum & inadequatarum nominibus.* 521

A R S



ARS CRITICA,
SEU DE
INTERPRETATIONE
VETERUM SCRIPTORUM.

PRÆFATIO

Definitio , Divisio , & Usus
CRITICES.

SECTIO I.

I. **C**RITICEN, ut à definitione ordi-
diamur , vocamus *Artem intelli-*
gendorum Veterum Scriptorum, si-
ve numeris adstrictâ , sive solutâ orationa-
utentium ; & dignoscendi quam eorum ge-
nuina scripta sint , quæ spuria ; tum etiam
Tom. I. A qua

quæ sint ad regulas Artis exacta, quæ vero secus. Dicitur ΚΡΙΤΙΚΗ, quod ejus ope judicemus de sensu & elegantia dictorum, deque ætate scribentium. Hac in appellatione, aliquantum discrepamus ab iis, à quibus mutuam sumsimus, Græcis veteribus; Criticos enim dicebant, docente Eustathio in Homerum, ad II. B. (a) τὰς καὶ γεγραμμένων παραδόσιν εἰδότες κρίνειν τὰ ποιήματα, eos qui ex doctrina Grammaticorum, judicare de Poëmatibus norunt. (b) Alibi eosdem vocat ἀκριβετέρας Γραμματικούς; acturatiores Grammaticos. Sed utrobique agit de Interpretibus Homeri, aut de iis qui ejus opera recensuerant; qualis fuit Aristarchus, qui spurios versus Homeri notaverat. (c) At nos Criticen non minùs ad eos qui prosâ oratione scripserunt interpretandos adhibemus, quàm ad intelligendos Poëtas. Non inquiremus hîc, an hæc Ars pars sit Grammaticæ propriè dictæ, an verò secus; quia pendet ex cujusque arbitrio, arctiorem aut ampliorem vocabulo cuivis tribuere significationem, in suo ipsius sermone, mo-

a Pag. 285. l. 9.

b Pag. 775. l. 30. Ed. Rom.

c Sic & Scholiastes Mf. Dionysii Thracis, cujus verba affert Ger. Langbanius ad Longini Cap. VI. foliis Poëtis mancipat Criticum.

modò audientes aut legentes moneat. Itaque qui *Grammaticen* vocabit quidquid ad Linguarum Antiquitatisque cognitionem pertinet, eo nomine *Criticen* etiam complectetur; qui verò *Grammaticen* dici tantum debere censebit *Artem rectè loquendi*, is *Criticen*, quamvis *Grammaticæ* affinem, ad aliam disciplinam referet. Laxiore significato *Grammatices* nomen intellexit *Quintilianus* Lib. I. c. 4. ubi hisce verbis ita eam descripsit, ut *Criticen* ejus ambitu comprehenderit: *Hæc professio*, inquit, *cum brevissimè in duas partes dividatur, rectè loquendi scientiam & Poëtarum enarrationem, plus habet in recessu, quàm in fronte promittit.* Nam & scribendi ratio conjuncta cum loquendo est, & enarrationem præcedit emendata lectio; & mixtum his omnibus judicium (relictis unde restat) est, quo quidem ita severè sunt usi veteres Grammatici, ut non verus modo censorià quadam virgulâ notare, & libros qui falsò viderentur inscripti, tanquam subditicios, submovere permisissent sibi; sed auctores alios in ordinem redegerint, alios omnino exemerint numero.

2. *Critica*, quam sumus tradituri, non attingit *Grammaticas Regulas*, quæ sunt sermonis elementa; sed eas jam dudum

notas esse legentibus statuit. Neque etiam rerum ipsarum cognitionem suppetat, sed viam tantum aperit, ad intelligendum eorum sermonem, qui de rebus egerunt. Haud magis quæritur hic quid verum sit, quid falsum, seu an id quod legimus Veritati consentaneum sit, necne; sed dumtaxat quæ possimus intelligere quid sibi velint ii, quorum Scripta versamus. Uno verbo, quæritur vera dictorum sententia, non veritas eorum quæ dicuntur, licet huic illa facem sæpe præferat; cum, nempe, Scriptor, quem intelligimus, Veritatem adsequutus est.

3. Itaque, quod sollemne est Criticorum vitium est, cavendum ne, dum verborum significationes discimus, aut Scriptorum veterum sententias cognoscimus, putemus nos semper Veritati ipsi, rerumque cognitioni operam dare; neque postquam multa talia memoriter tenemus, res ipsas ideò cognitæ habere nos existimemus. Viam aperit ac munit Critice ad veram eruditionem, hoc est, rerum certam notitiam; cuius tamen ipsa pars non est. Qua de causa, Thebanus *Cebes* in septo, cujus ostio *Ψάδοντι-δία* adstabat, collocat *Criticos*; qui sanè nisi ulterius contendant, in septum

ptum *Vera Eruditionis* numquam perveniunt.

S E C T I O I I.

1. **C**Ritica, prout hanc vocem definiimus, complectitur ambitu suo tres partes; primò, monita ac consilia attinentia ad ordinem quo legendi Veteres, ut Linguae potissimum Latina, Graeca & Hebraica addisci commodè queant, resque Latinorum, Graecorum & Hebraeorum cognosci; secundò, canones de interpretatione verborum & loquutionum; tertio, praecepta de iudicio quod de antiquorum Scriptorum libris & locis tam genuinis, quam spuris, tam sinceris, quam corruptis ferre oportet.

2. Multum interest quo ordine incipiamus lectioni Veterum operam dare, quia multi libri numquam possunt probè intelligi, nisi alii antea lecti sint; & quia à facillimis incipiendum, ut ad difficiliores paulatim accedamus. *Alioquin, ut usurpemus verba Justiniani Inst. Lib. 1. Tit. 1. si statim ab initio rudem adhuc & infirmum animum studiosi, multitudine ac varietate rerum, oneraverimus; duorum alterum, aut desertorum studiorem efficiemus:*

aut cum magno labore, sæpe etiam cum diffidentia, quæ plerumque Iuvenes avertit, seriùs ad id perducemus; ad quod leviori vi ductus, sine magno labore & sine ulla diffidentia, maturiùs perducì potuisset. Exempli causâ, si quis aggrediatur legere Scriptorem addictum cuiuspiam sectæ Philosophicæ, de cuius tamen sectæ placitis non agat, ut ea interpretetur, sed subinde tantùm ad ea respiciat; eum non intelliget, nisi priùs sectæ illius dogmata aliunde cognoverit. Voces præsertim *πινυγι*, siue singulis usitatæ sectis peculiari notione, & à vulgari quandoque remotissima, siue singulari dogmatum ejus sectæ cognitione, intelligi nequeunt. *Origenes*, & plerique alii Græci Patres, Platonici dogmatibus maximè addicti fuerunt; ideoque si quis eos legere aggrediatur, ante *Platonis* aut Platonici Philosophi lectionem, frustra sanè tempus terat. Similiter si quis Tragicum Græcum legeret, nondum aliorum Poëtarum lectione firmatus, primò multum sudaret, deinde cum se eum intelligere putaret, tot cælo aberraret. Hæc exempla hanc in rem adducimus, quæ sunt manifesta, ut quid velimus clariùs pateat; sed sunt alia, in quibus innumeri peccant, quæ postea proferemus.

3. Quam-

3. Quamvis non desint Interpretes & Lexicographi, quorum labore non parum adjuvamus, in cognoscendis vocum & loquutionum significationibus; attamen, ne dicam multa ab iis esse omissa, difficillimum interdum est ea quæ habent aptare locis Veterum, quibus intelligendis insudamus. Præter ambigua multa vocabula, voces plurimæ & phrasæ affines quidem sunt significari, sed varia tamen notant; quæ si confundantur, magnos possunt in hoc negotio errores parere. Sunt præterea loquutiones & voces haud paucæ, quæ cum aut nullam aut obscuram habeant significationem subjectam, attamen quasi claræ perperam habentur. Harum omnium exempla, ubi ad rem deventum erit, affatim proferemus.

4. Exercitatione & dexteritate haud exigua opus est, primum ad cognoscendam dictionem cujuscumque Scriptoris, ut eum à quovis alio discernere possimus; secundum, ad videndum si quid vitiosi, negligentiam Librariorum aut temeritate Criticorum, irrepperit, & veram lectionem à falsis dignoscendam; tertio, ad deprehendendas Veterum Librariorum fraudes, qui insignia nomina addiderunt fronti Librorum interdum non malorum, sed

Scriptorum minùs celebrium , ut meliùs venderentur. Itaque hic est summus Artis Criticæ apex , ad quem non nisi longo labore pervenire licet.

S E C T I O I I I .

I. **U** Sus quamplurimos habet Critice, & alios quidem cum aliis Disciplinis communes , alios verò sibi proprios; quorum præcipuos breviter attingemus. Utilitas omnis, quæ hauritur ex Historiæ cognitione, adeoque ex universo humaniorum litterarum studio , quantum patet , huic imputari debet ; quoniam, hujus unius ope, Historiæ & elegantiorum litterarum peritia comparatur. Eadem unicum est veræ Rhetorices, non fucatæ illius, quæ Mendacio æquè ac Veritati patrocinator, fundamentum. Hujus beneficio, verborum ambiguum, seu de industria , seu incautè adhibita fuerint , latentes fallacias deprehendimus; idque quod intelligi potest ab eo , quod sensu caret , secernimus. Nulla quoque Ars, præter Criticam, docet quâ ratione suppositicia monumenta dignoscantur, & loca veterum instrumentorum, fraude , vel incitiâ , corrupta restituantur.

Ar-

Atque hi duo posteriores usus Criticæ proprii sunt, priores habet communes cum aliis Disciplinis. Quod paullo copiosius ostendere, quoad instituti nostri patitur brevitās, operæ pretium erit; hinc enim manifestius liquebit, quanti momenti sit hæc disciplina.

2. Historiæ ope cognoscimus initia humani generis, quæ nos deducunt ad cognitionem ipsius rerum omnium Opificis; opiniones & consuetudines populorum addiscimus, quæ prosunt multum ad bene ac beatè vivendum; eventusque & mutationes intelligimus, quæ in rebus humanis necessario eveniunt, & quibus cautiore ac mitiore evadimus. Hæc autem omnia cognosci nequeunt, sine Critices subsidio. Nam licet pauci hujus Artis canonas satis attenderint, & certā viâ hoc in negotio progressi fuerint; attamen si quid in Historia intelligunt, totum ferè id Criticæ debent, ut ex ipsâ re postea liquidò constabit. At sunt innumeri, qui, miro errore, putant se intelligere quod non intelligunt; quia ignorant quanta cautio adhibenda sit, ad sermonem veteris Scriptoris probè adsequendum. Quot & quanti viri crediderunt se Historiam Ecclesiarum Christianarum,

rum , & opiniones eorum , qui vulgò SS. Patres vocantur , in numero habere , qui reverà hospites ea in re fuerunt ? Nempe , vocabula nuda didicerant , aut voces , quibus ex hodiernis placitis significationes tribuebant , memoriæ mandarent , quod indubitatis exemplis alibi ostendemus.

3. Ope humaniorum litterarum , expolitur ac emollitur animus , naturâ suâ rudis & tenax earum rerum , quibus primum imbuatur aut percellitur ; quod in rusticis deprehendimus , qui non modo rudes sunt & ignari eorum , quæ in villa sua non videntur ; sed etiam pertinacissime plerumque adhærent consuetudinibus & opinionibus ab infantia acceptis. At qui cum plurimis versantur , experientiâ non tantum ruditatem exuunt , sed etiam sese adsuefaciunt audiendis contra suam sententiam rationibus ; atque eâ adsuetudine , discunt cedere aliorum argumentis , si recta videantur. Ita quoque qui plurimos Scriptores legerunt , & cum illis , ut ita dicam , familiariter versati sunt , imperitiam & pertinaciam , cognitâ illâ varietate infinitâ opinionum , deponunt. Fateor tamen vastæ lectionis viros , utroque vitio , præ ceteris , laborasse ;

raſſe ; verùm hoc factum non eſt vitio Artis, ſed quòd ipſi pravæ eſſent indolis, & multa quidem legiſſent, ſed pauca verâ intellexiſſent. Accidit ſanè ſæpiſſimè ut, qui diuturnam cuiſpiam Arti operam dederant, finem Artis illius nequaquam adſequerentur ; quòd non eſt ipſi Arti vitio vertendum, ſed iis qui ea abutuntur, imbecillitate judicii, aut pravo affectu præpediti. Verùm ubi Ars cum indole aut præſtanti, aut non prorsus inepta conjungitur ; indoles præſtantiſſima evadit, vel mediocriter certè expolitur.

4. Critica quidem canoſas non tam diſertè loquendi tradit, quàm intelligen-
dorum Scriptorum veterum ; ſeu eloquentes fuerint, ſeu minùs facundi. Attamen, dum docet quâ ratione animum Scriptoris, ſub verbis quibuſvis latentem, perſpicere queamus ; eadẽ operâ oſtendit quis ſit, & quis debeat eſſe ſermonis uſus, ut qui noſtra legunt, vel audiunt mentem noſtram probè capere poſſint. Itaque hac rationè, Critica fundamentum eſt Rhetoricæ ; quæ eò ante omnia tendit, ut perſpicuè quæ volumus efferre nos doceat.

5. Hoc maniſeſtius erit, ſi reputemus,

inter præcipuos Criticæ fines, hunc esse; ut probè, nimirum, intelligamus quid unaquæque vox significet, & quænam sit cum singulorum commatum & periodorum, tum totorum librorum sententia; hoc est, efficere ut cum legimus Scriptorem aliquem, id ipsum cogitemus, quod dum scriberet ille cogitabat, quantum id ex verbis ejus conjici potest. Ideoque si cujus cogitationes obscuræ fuerunt, dum scriberet, ejus dictis non affingemus claras notiones; quasi quæreremus quid cogitare debuerit, & quænam dogmatum ejus sint consectaria, non verò quid re ipsâ cogitarit. Intelligimus autem hîc hominem, non qui quod perspicuè intelligit, imperitiâ scribendi, obscurè effert; sed qui obscuram notionem animo obversantem, iis quibus potest verbis exprimit, quod nimis frequens est. Contrà si quis dilucidas notiones verbis expresserit perspicuis; oportebit nos itidem clarè intelligere quid velit, numquam aliàs. Pariter si quis incautè, aut præ affectu, utatur verbis ambiguis, eadem Ars nos docet quâ ratione varios vocum sensus excutere possimus; ne præter Scriptoris mentem aliquid in ejus sermone urgeamus, quod

ur-

urgendum non fuerat. Contrà vulgò fit, nam qui obscurissimum Scriptorem, hoc est, cujus obscura non verba modò, sed & animi sensa fuerunt, quàm maxime potuit, perspicuè interpretatus est egregii interpretis officio defunctum se putat; cùm ut plurimum indicaverit, quid cogitare debuerit Scriptor quem explicat, ut ejus verbis responderent animi sensa, non quid re ipsâ cogitarit. Idem faciunt etiam qui res, quatenus sibi notæ sunt, magis attendentes quàm verba Scriptoris quem interpretantur, dicta ejus notionibus suis aptant, cùm ex iis sensa Auctoris expiscari debuissent. Multa quoque, quasi clara, transmittuntur, quæ haud levi ambiguitate laborant; eaque multò plura sunt, quàm vulgò censentur. Alia intelliguntur, non pro usu Scriptorum, qui ea adhibuerunt, sed nostri sæculi; quo non vocibus modò Linguarum superstitum pro arbitrio utimur, sed dictionibus etiam Latinis novas assignamus significationes, aut à proximè præteritis sæculis attributas retinemus. Videntur & quædam emphatica auribus nostris, iis non satis adfuetis, quibus ita non afficiebantur Veteres; nec etiamnum afficiuntur doctiores.

Imò,

Imò, quod paradoxum videatur, haud pauca sunt vocabula, apud Veteres, uti & apud Recentiores, quæ, non dicam obscuram, sed nullam planè potestatem subjctam habent, non secus quàm Aristophanicum *φλαττόμεθα φλαττόμεθα*. Deprehendimus homines sæpe hoc unum in sermone spectare, non ut notiones quæ mentibus suis obversantur, dum loquuntur, exprimant; sed ut certas voces in certis circumstantiis, instar Psittacorum, aut Gracculorum, pronuntient. Hoc observare est potissimum in vocabulis quibusdam, quæ grandia occultare dicuntur mysteria; qualia sunt vocabula *Transsubstantiationis*, *Præsentia corporis*, *non naturalis*, *sed sacramentalis*, *Ubiquitatis humanæ naturæ Christi*, &c. Quæ asserimus, non quasi sola, sed ut eximia quædam exempla vocabulorum nihil significantium. Sunt præterea innumera, quæ si non sint eodem loco habenda, notiones adeò generales & incertas habent, apud plurimos Scriptores, adnexas, ut vix ac ne vix quidem indicari possint. Attamen qui iis utuntur sperant se lucè meridianâ clariùs loquutos, cum plurima ejusmodi protulerunt vocabula. Hinc etiam fit ut qui eos Scriptores legunt videan-

deantur interdum sibi mira legere, ubi nihil intelligunt; iisque adsentiantur, vel potius in vocibus quibusdam adquiescant, summâ propensione animi, & putent se veritatem didicisse, cum meros sine mente sonos didicerint.

** Omnia enim stolidi magis admirantur,
amantque*

*Inversis quæ sub verbis latitantia cer-
nunt;*

*Veræque constituunt, quæ bellè tangere
possunt*

*Aures, & lepido quæ sunt fucata so-
nore.*

6. Critica nos docet quî possimus suppositicia Scripta à veris secernere, quod maximi est momenti. Primùm enim, nisi hujus regulas attendamus, historias fictitias pro veris suscipimus, & sic fabulis honorem soli veritati debitum tribuimus. Ita cum quidam *Joannes Annius Viterbiensis*, Ordinis Prædicatorum, qui floruit sub finem sæculi XV, edidisset, quasi à se in schedis vetustis repertos, *Fabium Pictorem* de Aureo sæculo, *Myrsilum Lesbium* de Tyrrhenis, *Catonis Origines*,
Sem-

Lucræ. Lib. I.

Sempronium de Italia, *Archilochum* de temporibus, *Metasthenem* (quem debuit vocare *Megasthenem*) *Philonem*, *Berosum*, & *Manethonem*; multis imperitis imposuit, & plures fefellisset, nisi hoc facinus luce litterarum, quæ postea excoli cœpere, reiectum fuisset. Veteres Christiani, cum hanc artem non satis callerent, fabulas sub Apostolorum, aut virorum Apostolicorum nomine, sibi obtrudi passi sunt. Talia fuere *Itinera Pauli*, *Prædicatio Petri*, aliæque de quibus olim egerat *Amphilochius* Iconiensis in opere quod *Ἐν τῷ ψαλμῷ ἐξ ὧν τὸ ἄλφαι τὸς Αἰρετικῶς*, & hoc sæculo *Joannes Dallæus* in *Pseudepigraphis Apostolicis*; & quæ ab iis proferri solent tam securè, quàm si certò constitisset esse eorum, quorum nomina præferebant; cum manifestissimum sit fuisse Scripta suppositicia. Plurima quoque celeberrimis Scriptoribus Ecclesiasticis tributa sunt, quæ iis ignota fuere, ut passim observant qui de hisce Scriptoribus egerunt, & inter alios *Robertus Cocus* in libro inscripto: *Censura quorundam Scriptorum qui, sub nominibus Sanctorum & Veterum Auctorum, citari solent*; *Joan. Dallæus* Cap. III. Lib. I. de *Uso Patrum* ac *Andreas Rivetus*, in *Critico Sacro*. Hinc
factum

factum ut * celebris Episcopus Oxoniensis, Antiquitatis alioquin propugnator acerrimus, in hæc verba eruperit: *Tanta fuit primis sæculis fingendi licentia, tam prona in credendo facilitas, ut rerum gestarum fides graviter exinde laboraverit; nec orbis terrarum tantum, sed & Dei Ecclesia de temporibus suis Mythicis quæretur. Arreptâ occasione, quod Confessores Θεόφοι & Χρισόφοι passim dicebantur, male feriat homines Briareum Christianum Martyrologiis inseruere. Paribus auspiciis lancea, quæ Domini latus transfixit, in sanctum Longinum transibat, & vestis, quâ Protomartyr Anglorum Albanus se induit, in sanctum Amphibalum mutabatur. Atque hæc & similia crederemus etiamnum hodie portenta, nisi Critices lux nostri Occidentis tenebris illata, Mendaciis discuffis, Veritatem patefecisset.*

7. Verum non in Historicis dumtaxat fictitiis secernendis prodest Critica, sed in veris Historicorum Scriptis reteggit additas lacinias, aut resectas particulas, quæ aut sensum turbant, aut novum etiam pariunt Historicorum opinionibus contra-

Tom. I.

B

rium.

* Joann. Fellus in Mœnit. præmissa Confessione Suppositicæ Cypriani.

rium. Ita viri docti * existimarunt *Josepho* adfuta fuisse verba de Christo, à Christiano malè feriato, ut *Josephus* Christo testimonium, quo non indiget, exhibuisse videretur. Detracta quoque interdum sunt veteribus Historicis, quæ non satis consentire videbantur, aut cum fide Historiæ, aut cum receptis sententiis; qua in re, nequidem sacris Apostolorum † Scriptis pepercere audaces, imò perfidi Librarii. Quod cum ita sit, quid mirum, si manus non abstinuere ab aliis Historicis? Sic apud *Eusebium*, in Chronico translato & aucto ab *Hieronymo*, legitur ad An. M. M. CCC. XCII. *Basilus Casariensis Episcopus Cappadociæ clarus habetur; resectis hisce quæ in quibusdam Manuscriptis, temerariam correctionem non passis, comparent: † Qui multa continentia & ingenii bona, uno superbia malo, perdidit. Quod quàm verum fuerit, satis liquet ex Carminibus & Epistolis Gregorii Nazianzeni, summi ejus amici.*

8. Cavendum tamen docet Critica, ne quia interpolata sunt multa Veterum Opera,

* *Tan. Faber* in Epist. 44. Lib. I.

† Vide *Critica* Part. III. S. I. c. 14.

‡ Vid. *Is. Vossium* in Resp. ad 3. Objection. *Ric. Simoni* p. 119.

ita, multa item *ὑποβολιμαία*, ideò omnia suspicemur corrupta aut supposita ; & præcepta tradit, quæ si sequamur, nec omnia sine examine admitteremus ; nec omnia, quod est alterum extremum, rejiciemus, ideò quia sunt quædam falsa; uti faciunt qui Criticæ numquam litantur.

9. Sed, quas modò memoravimus, fraudes non solum in his quæ ad eventus pertinent commissæ sunt ; sed etiam in libris dogmaticis, quod majoris est periculi. Etenim ut novitiâ dogmata auctoritate Veterum fulcirentur ; aut ne Veterum dictis oppugnarentur, eorum Scripta, vel aucta, vel imminuta sunt. Libri integri is attributi, quorum non erant, verisque alienâ manu foetibus insertæ integræ periodi, cujus utriusque fraudis vel unus exemplum est *Ignatius Antiochenus* Episcopus ; cui non modò affictæ sunt, quas numquam scripserat, Epistolæ ; sed additæ, in genuinis, plurimæ lacinia, ut ex earum *Usseriana* Editione videre est. Detracti sunt ex Veterum Scriptis libri integri, quod non placerent Editoribus, sicuti fecisse se jactat * *La-*

B 2

tinus

* Biblioth. Sacr. p. 177. Ego, inquit de hac Epistola verba faciens, *Latinus Latinus omise, non Manutius, cum Majorum exempla sequutus, tum petulantiam hominis detestatus.*

tinus Latinius in Ed. Operum Cypriani Manutiana, ubi non comparet insignis Epistola *Firmiliani Cæsareæ Cappadociæ* Episcopi, in qua *Stephani Romani* Episcopi vitia vivis pingit coloribus. Qui Editionem Venetam Operum Augustini Ann. 1570. procurarunt fatentur, in ipsa operis fronte, quasi egregium facinus, *se curavisse removeri ea omnia quæ fidelium mentes hæreticâ pravitate possent inficere, aut à Catholica & orthodoxa fide deviare.* Neque hoc putandum heri aut nudiustertius primum cœpisse fieri; pestis hæc multò periculosiùs grassata est, antiquioribus sæculis, cum libri manu describerentur, rariorésque adeò essent; ut exemplis allatis, & plurimis aliis, quæ posthac afferentur, liquet.

10. Ope Criticæ, hæc omnes fraudesprehendimus; quod nisi fiat, errores novos, quasi prisca dogmata, admitti à nobis oportebit. Apostolis, exempli causâ, tribuenda erunt figmenta quæ in eorum *ᾠδὲν γέγραφοις* reperiuntur, ut fecerunt Veteres, & inter alios *Clemens Alexandrinus*. Idem etiam, quòd avidiùs arriperent quidquid videbatur favere Christianæ Religioni, sine ullo examine Critico, Ethnicis sæpe ludibrium debuerunt;

buerunt; ut cùm Sibyllarum versus; à Christiano fictos, contra Ethnicorum Religionem adhibuerunt, quasi à mulieribus fatidicis ante plurima sæcula effusos; unde factum ut ab iis * *Sibyllistæ* vocarentur, & † fraudis accusarentur. Denique eâ ratione fiebat ut multorum animi à Christianismo alieniores fierent, utque fides Christianorum non paucorum cæca potius esset credulitas, quæ falsis æquè ac veris movebatur; quod postremis temporibus multis, qui nasutiores quidem sunt, ut possint fraudem subolfacere, sed non sat docti ut Veritatem inveniant, omnem pectore excussit fidem.

II. Præter memoratas fraudes, quæ luce Critices reteguntur, & caventur, multa irrepere in Veterum Scripta menda, ignorantia Librariorum, eorundemque oscitantia; imò & Criticorum, qui Critices non satis periti audaciùs libros Veterum emendarunt, temeritate. Ejusmodi mendis vix ulli carent Scriptores, quoniam Librarii aut Critici paucissimi satis diligentes, aut cauti, ut decuit, fuerunt; nulli prorsus spiritu ἀναμαρτησίας acti. Hinc nati hujus & prioris sæculi viris do-

B 3

Æis

* *Origen. contra Celsum* Ed. Cant. p. 272.

† P. 369.

etis labores, circa hoc solum innumerari, ut emendatè Veterum Scripta ederentur; hinc tot de Codicibus depravatis querelæ, quibus vel solis volumina conflarentur. Atque hæc labes non modò minoris momenti Scripta invasit, sed Sacros etiam Codices, ut viri summi manifestò ostenderunt. Licèt hujusmodi menda iis, quæ ad salutem necessaria sunt, non officiant; attamen nisi Critices periti sint, qui legendis Sacris Libris operam dant, necesse est aut non intelligant varia quæ legunt, aut mira fingant, ut sensum ex depravatis locis eruant. Sic cùm *Augustinus* haberet mendosum Codicem, in quo locus Pf. XLIII. qui profertur Rom. VIII, 36. sic legebatur: *propter te, afficimur. totâ die*, omissâ voce *morte*, hinc consecraria inania duxit deceptus *mendositate codicis*, ut ipse loquitur, quorum eum postea puduit. Vide *Retractat. Lib. I. Cap. VII. n. 2. & seqq.*

12. At ope Critices via aperitur tuta ad menda ejusmodi deprehendenda, &, si fieri possit, emendanda. Fateor Criticos innumeros hîc peccasse, & quotidie *ἀμαρτάνουσιν* Veterum Scripta inquinare. Verùm hi Arte non uti, sed abuti censendi sunt, nec propterea Ars ipsa


ipsa vituperanda. Plurimi quidem sanè ratiocinando in errores delapsi sunt, sed quemadmodum propterea Rationem non abjiciemus, ut nos, brutorum instar, impetu non judicio, regamus: ita nec, propter Criticorum peccata, Artem ipsam Criticen repudiabimus; si quis ea dextrè utatur, summæ utilitatis semper futuram. Non desunt quidem qui in Sacris Codicibus ne minima etiam menda agnoscant; sed certè quod optant, & quod etiam omnes optarent, credunt. Verùm hac eorum opinione aut pertinaciâ, quod falsum est non evadit verum; adeoque dum manifesta negant, Religionem Atheorum ludibrio exponunt; ostenduntque se non amore Veritatis, sed studio partium agi. Sapientiores enim cum nihil tutius Veritate esse putent, tum verum vero contrarium esse non existimant; quò fit ut nihil Religioni Christianæ timeant, modò Veritatem semper propugnare liceat; quod, Deo favente, saltem in aliquo terrarum angulo, semper licebit.

13. Postremò, Critica nos docet an quod aggressus est Scriptor quivis (exceptis tamen iis qui de abstrusioribus disciplinis scripsere) ad regulas Artis præsti-

terit; an Poëta, an Historicus, an Orator, Poëtices, Historices, ac Rhetorices Leges observarint. Quæ pars hujus Artis non est miscenda, cum ea quam modò memorabamus; neque censenda sunt suppositicia omnia, quæ in Leges Artis peccant, quarum optimi quique Scriptores interdum immemores fuere. * Quod tamen aliquando factum à summo Critico *Aristarcho Alexandrino*, qui *Homeri* *versum esse negabat*, quem non probabat, ut loquitur *Cicero* *Epist. Famil. Lib. III. Ep. II.*

14. Atque hæc de Definitione, Divisione, & Usu Critices dicenda habebamus; quæ ad hanc Disciplinam in ipsa fronte hujus Opusculi delineandam, necessaria duximus. Ex re ipsa certius judicabit Lector, an ei quidquam immeritò tribuerimus; nos quidem speramus scientiam hanc multò φιλοσοφικωτέραν esse, quàm multi crediderunt, iis quæ dicemus, manifestum futurum.

* *Insigne exemplum vide infra P. 3. Sect. I. c. 13. §. 2.*



ARTIS CRITICÆ

P A R S I.

De Ordine in Lectione Veterum Scriptorum observando.

C A P U T I.

De iis quæ Lectioni Veterum pramitti debent.

EUM, cui hæc præcepta tradimus, jam imbutum esse oportet Grammaticæ elementis, & eâ cognitione Latinæ Linguae instructum; ut possit faciliores Scriptores, sine Dictionarii subsidio, intelligere, & Commentariorum, qui ad difficiliorum locorum interpretationem scripti sunt, sensum adsequi. Quod in Præfatione jam innuimus.

2. Cum in omni Disciplina is ordo, quoad ejus fieri potest, servandus sit, ut
illa

illa ante omnia addiscantur, quæ simpli-
cissima sunt, seu sine aliarum rerum co-
gnitione intelligi possunt; ac demum ad
alia, magis impedita & quæ priorum il-
lorum luce indigent, deveniatur, ejus
rei nos hîc oportet esse memores; ne à
difficilioribus initio factò, aut animus à
studiis alienior ipso labore fiat, aut labor
sine fructu studiosorum augeatur, aut
etiam perturbationem in studiis & in ani-
mo pariat ordo præposterus; quæ omnia,
quasi scopuli studiorum, sunt diligentissi-
mè vitanda.

3. Tria sunt quæ, positâ eâ Latini ser-
monis cognitione, quam initio indicavi-
mus, possunt intelligi; adhibito eo stu-
dio, quod in omnibus scientiis, quæ
primùm attinguntur, necessarium est.
Prima est *Geographia*, altera *Chronologia*,
tertia *Consuetudinum & Opinionum notitia*.
In tribus hisce possunt cum fructu versa-
ri, qui humanioribus litteris operam da-
re incipiunt; neque enim ad ea intelli-
genda magnâ Latinæ Linguæ cognitione
opus est, & possunt ex Recentiorum Scri-
ptis hauriri.

§. I.

De Geographia.

I. **G**EOGRAPHIAM, cùm discendam præcipimus, non intelligimus Artem ipsam Tabularum Geographicarum conficiendarum, principiorumque ejus Artis Mathematicorum notitiam; hæc enim ad Mathematicas disciplinas, quas hîc non attingimus, pertinent. Necessaria dumtaxat est cognitio Geographiæ, qualis traditur in Compendiis plurimis Geographicis, quæ omnium manibus teruntur; ubi discere est quinam in Sphæra intelligantur circuli, quas in partes Orbis Terrarum dividatur, quis sit situs Imperiorum, Regionum, Provinciarum, Urbium, locorumque omnium celebriorum.

2. Ea notitia, saltem mediocris, necessaria est, priusquàm ad seriam lectionem Scriptoris ullius deveniatur; cùm passim occurrant nomina Gentium, Populorum, Regionum ac Urbium. Nisi enim sciamus, quem locum terrarum habuerint; primum non intelligemus sæpissimè quod de iis dicitur, nec quid Gentium cum

cum Gente , Civitati cum Civitate , negotii esse potuerit adsequemur. Erroribus etiam Veterum Geographicis , qui neque rari , neque exigui sunt , si simus ἀγνοῶντες, passim deludemur. Sic qui Alexandri res gestas scripsere *Caucasum* , qui est inter maria *Caspium* & *Euxinum* , apud Indos quæsiwere. Vide *Curtium* Lib. VII. c. 4 , 5. Unde factum ut *Curtius* *Caspium* & *Euxinum* maria miscuerit , & *Tanain* , ubi est *Oxus* , ad ortum *Caspii* maris posuerit , aliâque peccaverit , de quibus in Parte III. agemus. Sic *Lucanus* Lib. III. vers. 248. malè inducit Arabas

Umbras mirantes nemorum non ire sinistras,

cùm sint ἀμύμονοι. Quod peccavit etiam de *Taprobana* , *Plinius* Lib. VI. c. 22. Alia quoque notat in iis meritò *Josephus Scaliger* , in Prolegomenis ad *Manilium*. Sed, quod mireris , Romani Scriptores *Virgilius* , *Manilius* , *Lucanus* , *Florus* , immanni errore, miscuerunt Philippos Phthiotidis in Theffalia urbem , haud procul à *Pharsalo* sitam , ubi C. Julius Cæsar Cn. Pompeium vicit, cum *Philippis* Macedoniæ

niæ urbe , ad *Strymonem* fluvium , ubi Brutus & Cassius ab Antonio & Cæsare victi sunt ; ut post alios animadvertit *Lucas Holstenius* , in *Stephanum Byzantinum* , ad vocem ΘΗΒΗ. Deinde sine voluptate Historias aut alia , in quibus multa mentio est populorum & locorum , legimus ; at quæ ita legimus brevi fastidimus , unde nascitur studiorum primò langor , postea neglectus , ac tandem barbaries ignorantiae fida comes. Neque dicas , qui Scriptores antiquos legunt , etsi sunt Geographiæ prorsus imperiti , posse juvari Dictionariis Geographicis aut Eru- ditorum Notis ; etenim ubi ad illa subsidia passim est confugiendum , id sine maxima molestia fieri nequit. Sunt autem litterarum studia facillima , si fieri potest , efficienda ; & satis habent in se salebrarum inevitabilium , ut necesse non sit alias negligentiam nostram aliunde accedere. Præterea si quis hanc molestiam concoquere sit paratus , tamen diutissime leget , priusquam ex sola lectione Historicorum , Philosophorum , Oratorum aut Poëtarum mediocrem Geographiæ cognitionem sibi comparare possit ; quod tamen haud ægrè potest fieri , si brevis terrarum descriptio Geographica diligenter legatur.

3. Dubitari nequit, quin *Desiderius Erasmus* inter eos censeretur, qui *πολύτροπος* vocari possunt, & quin innumera legisset. Attamen intelligere est ex pluribus locis ejus Operum, eum ne elementa quidem Geographiæ tenuisse. Memini probè me, dum legerem ejus notas in *Hieronymi* Epistolas, observare eum *Μιτυλην* Lesbi insulæ urbem confudisse cum *Melita* Insula, ad quempiam *Hieronymi* locum, ubi mentio fit naufragii Pauli; quem locum memoria nunc non suppeditat. Sed nec opus est, quoniam hunc ipsum errorem repetiit in Notis ad *Acta*, Cap. XXVIII, 1. tertiæ editionis, anni M. D. XXII. & novos alios addidit: *Hugo*, inquit, *Carrensis* liberum nobis facit, utrum malimus *Militenem* legere, an *Miletum*, etiamsi sunt qui corruptius legant *Mytilene*. *Græci* legunt *Melite*. Ea est insula inter *Epirum* & *Italiam*, spectans *Siciliam* ad *Septentrionem*. 1. Ille *Hugo Carrensis*, qui scripsit *Commentarios* in V. & N. Testamentum, obiit anno 1521, barbaro sæculo, nec proinde dignus erat, cujus auctoritati in hujusmodi re crederet vir tantus, quantus erat *Erasmus*. 2. *Miletus* urbs fuit *Ioniae*, in *Asia* Minore, aut *Calabriæ*, in Regno *Neapolitano*,

litano, de quibus hîc sine dubio non agitur. *Militene* ne nomen quidem est ullius loci, sed mera depravatio pro *Mitylene*. 3. *Melita* * est quidem nomen insulæ inter Illyricum & Italiam, sed absurdum est dicere eam spectare Siciliam ad Septentrionem; nam spectat Illyricum, quod est ad Septentrionem Italiæ. Inter hanc insulam & Siciliam interjacet Italia, cui est Sicilia ad Meridiem. At *Erasmus* hanc Adriatici maris insulam confudit cum insula ejusdem nominis, quæ est ad Meridiem Siciliæ in Africo mari; immani sanè errore, & ita expresso ut appareat eisitum Epiri, Italiæ & Siciliæ inter se notum satis non fuisse; unde necesse est colligere tantum virum hospitem fuisse in hac disciplina, adeoque innumera in Veterum Scriptis non satis intellexisse. Neque reponas *Erasmum* oscitantiam peccasse, nam & alibi in eadem re peccat; ut ad vers. 13. ejusdem Capitis, ubi dicit *Rhegium esse civitatem Siciliæ maritimam*, cum tirones norint esse Italiæ. Vicinia fortè in errorem illum conjecit, at hoc causari nequit ineptus Grammaticus, qui *Servii* in *Virgilium* Commentariis subinde

nugas

* Aut *Milita*, nunc *Melida* ab Italis, *Mliet* à Sclavis dicitur.

nugas immiscuit, & cujus hæc sunt verba in Aen. IV, 367. *Hyrcanaque admo-
runt ubera Tigres.* HYRCANÆ: Ara-
bica, inquit, nam Hyrcania sylva est Ara-
bia.

4. Hinc liquet *Erasmum* vix umquam in Tabulas Geographicas, quæ sane ejus ævo rariores erant, quàm hoc nostro, oculos conjecisse. Non dissimulabo tamen *Erasmum*, in posterioribus Editionibus, emendasse quod peccaverat de situ Melitæ, & Rhegii; quod postea animadverti. At debuisset delevisse eadem operâ quæ ex *Hug. Carrense* habet, & ultima hæc verba: *Quamquam est Mytilene Cappadociæ civitas, verùm hîc insulam vocat.* Si commemoranda fuisset aliqua *Mytilene*, debuit esse urbs insulæ Lesbi; sed tota hæc dubitatio oriri non potuit, nisi in animo Geographiæ non satis perito. Quæ non dicuntur à me in tanti viri contumeliam, quem maximi facio, sed ut tirones ejus exemplo admoneantur. Haud à multis annis etiam vir non indoctus, qui *Historiam Patriarcharum* scripsit, ubi de Uxoris Loti μεταμορφώσις agit, dixit *Uticam* non esse *Sidone* remotam; unde conjiciebat eam mulierem in salem fossilem conversam; qualis circa *Uticam* fuisse

fuisse dicitur, ac proinde ut ille putabat, non procul Sidone, adeoque Palestina. Itaque ignoratio Geographiæ in errorem viros ceteroquin eruditos facile conjicere potest.

5. Ut autem probè discatur hæc disciplina, quatenus viam Critices studio sternit, utendum est *Sphæra Armillari*; ad cognoscendos circulos, de quorum variis generibus initio Artis agunt Geographi. Dein comparandæ sunt Tabulæ præcipuarum Regionum, ubi nomina antiqua adscripta sint; præsertim Imperii Romani, Italiæ ac Græciæ. Hanc postremam Regionem optimè omnium descripsit *Nicolaus Sophianus*, antecedentem *Philippus Cluverius*, licet eorum Tabulæ mendis non careant. At sunt meliores multò reliquis antiquis, quæ plerumque pessimæ sunt; ut summopere optandum esset viros eruditos hoc negotium in se suscipere, ut novas Antiqui Orbis Tabulas conficerent. Attamen quoniam præstat aliquas habere, quàm nullas; tot sunt comparandæ, quot possunt inveniri. Utile etiam est *Ptolomæum* habere Edit. Hondianæ anni 1605. si ejus comparandi occasio occurrat; est enim sæpe accuratior Recentioribus.

6. Addendam est huic Compendium Geographicum *Phil. Cluverii*, aut quod nuper editum est, ubi sola continetur Geographia antiqua, à *Christophoro Cellario* Smalcaldiensi, aut aliud quidpiam simile opusculum, prout erit ad manum. Ejusmodi liber est semel atque iterum legendus, cum Tabulis, ubi quærenda omnia loca quorum meminit, aut quæ erunt in Tabulis quibus utemur; donec eam cognitionem sitûs Provinciarum, & Urbium præcipuarum adquisiverimus, ut veluti pictæ in memoria sint Tabulæ, & statim ac obijciuntur oculis, possimus invenire locos de quibus sermo est. Ita fiet ut cum legemus itinera, expeditiones, bella, fœdera inter Populos & Urbes, statim animadversuri simus, quàm longa essent itinera, quàm facilia aut difficilia bella, quàm necessaria fœdera, aliâque similia. Vitabimus etiam in sermone errores, in quibus deprehendimus interdum viros aliquot eruditos, sed Geographiæ imperitos. Hic non recensebimus reliquæ Disciplinae illius commoda, quia non sunt hujus loci, & à Geographis ipsis peti debent.

§. I I.

De Chronologia.

1. **C**HRONOLOGIÆ, seu Scientiæ Temporum partes sunt duæ; quarum una *ιστορικη* potest dici, altera *πρωικη*. Prior docet quo tempore viri celebres vixerint, & præcipui eventus contigerint. Altera verò ostendit quibus fundamentis nitatur tota illa computatio Chronologica. Utraque, antequàm animum ad lectionem Veterum appellamus, prælibanda est, sed potissimum prior; posterior enim differri potest, utpote difficilior, in aliud tempus.

2. Planè necessarium est Historiam summam nosse, ut sciamus tempora eorum quæ notatu dignissima humano generi evenerunt; primum quia melius intelligimus Scriptorem, cum scimus quo tempore vixerit, quàm cum ignoramus. Unumquodque sæculum suos habuit eventus, sua ingenia, sæpe & suos loquendi modos ac suas opiniones; ad quæ aut clarè, aut obscurius alluditur passim ab omnibus Scriptoribus, ut ostendemus suo loco copiosius. Secundò, vix possu-

C 2

mus loqui de Veteribus, nisi sciamus quo tempore vixerint; alioqui timendum ne in crassos errores delabamur incauti, quod evenit etiam viris non indoctis, qui Chronologiæ rudes erant. Ejusmodi ingentem errorem erravit *Justinus Martyr* in * 2. *Apologia pro Christianis*, ubi fabellam de LXX. Intt. seriò narrans ait *Ptolemaum Ægyptiorum Regem*, cum Bibliothecam institueret, atque omnium hominum scripta colligere niteretur, & de Prophetiis Hebræorum aliquid inaudivisset, misisse ad *Herodem Judæis tunc imperitantem*, τῷ τῶν Ἰουδαίων τότε βασιλεύοντι Ἡρώδῃ, qui peterent ad se mitti libros Prophetarum; quos *Rex Herodes misit*. Non est tantum hîc delictum memoriæ, sed imperitiæ; neque enim qui Chronologiæ elementa norit, in tam celebribus Regibus, tantum peccatum umquam admiserit. Cum primis Christianæ Religionis sæculis, Platonici Christianis varias sententias Evangeliorum à Platone petitas esse absurdè objicerent, alii quidem alia calumniæ reposuerunt; sed *Ambrosius Mediolanensis Platonem*, in peregrinatione Ægyptiacâ, ab *Jeremia Propheta Judaicâ doctrinâ imbutum* fuisse responderat, ac proinde à Judæis

dæis sumfisse quæ haberet. Is liber *Ambrosii de Sacramentis*, vel *de Prophetia* inscriptus, periit. Sed tam immanis erroris memoriam servavit *Augustinus*, qui eum pariter erravit *de doctrina Christiana* Lib. II. c. 28. & Epistola XXIV. ad *Paulinum*, ac postea retractavit *Retract.* Lib. II. c. 4. Tertiò, tota perit lectionis voluptas, adeoque studiorum & litterarum amor, si prorsus ignoremus, quo tempore evenerint ea quæ legimus; quod experimur etiam, cum nobis quidpiam narratur. Solemus enim illico quærere, quando contigerit; quod nisi sciamus, illibenter narrantem audimus.

3. Neque etiam hîc putandum est satis esse, si penès nos habeamus Tabulas Chronologicas, aut Chronologiam quampiam quam consulamus, ubi necesse est; etenim incommodum est frequenter nimium lectionem seriam abrumpere, ut ad ejusmodi subsidia confugiamus. Saltem tenenda sunt tempora potissimum eventuum, & virorum celeberrimorum; ut pauca tantum minoris momenti quærenda supersint. Alioquin ex quærendi labore nascitur fastidium & negligentia, quæ sunt in litterarum studiis veluti lethales morbi;

4. Igitur antequàm nos accingamus ad lectionem Veterum, prælibanda est Chronologia, & quidem brevis Universalis Historia eligenda, quæ studiosè aliquoties perlegi possit. Multa ejusmodi nunc exstant Compendia, quorum unum ad manum habendam erit, quale est *Petaviani Rationarii Pars prior*, aut nuper edita *Christophori Cellarii*, viri eruditi, Historia Antiqua. Et hunc quidem prætulerim *Petavio*, quòd *Pezuvius* non semper annos eventuum quos narrat addat; præterquàm quòd in *Cellario* sint subjecti Scriptores, unde haufit, quòd habet. Sed & nos edidimus, post primam Criticæ hujuscæ Editionem, ejusmodi Epitomen, ab initio *Adundi* ad tempora *Caroli Magni*. Verumtamen hic non est querenda summa *antiquæ*, quæ in Compendiis esse nequit; satis est si modò præcipua quæque notata sint, & eorum tempus circiter memoria teneatur. Hoc autem facillè fiet, si attentè aliquoties eandem Epitomen legamus; & quotiescunque memoria tempus alicujus rei, quæ inter legendos Veteres occurrat, non suppediet, non pigeat ad Compendium confugere. Addi etiam possunt *Tabulæ Chronologicae*, quales sunt *Petaviana*, aut alia; quas utile

erit parietibus Musei appensas habere, ut sæpe aliud agendo perlustrentur, & tempora animo altiùs infigantur.

5. Quicumque hoc experientur, videbunt magnum inde nasci emolumentum, & summam in legendo voluptatem. At præterea habere oportet Dictionaria Historica, uti & Geographica, quæ aut junctim aut divisim traduntur. Conjunctim illa inveniuntur in *Caroli Stephani Lexico*, & *Nicol. Loydio*, nuper in Anglia aucto, vel in *J. Jac. Hofmanni* Dictionario. Separatim Geographiam tradidere *Abr. Ortelius* olim, postea *Phil. Ferrarius*, cujus opus multum auxit *Mich. Antonius Bandus*. Hæc aut similia, prout commodum erit, sunt comparanda Lexica; iis enim prorsus carere non potest, quicumque cum fructu legere cupit; uti nec Artem ἐν τῷ βασιλειῶν, sine artis instrumentis, quisquam potest addiscere.

6. Non addam hîc plura consilia de Geographorum, aut Chronologorum Veterum vel Recentiorum lectione; quia qui hæc circa initia studiorum præbe observarint, & ulterius fuerint progressi, ipsi sibi satis consulent. Monendum tantum superest aliquid de ea parte Chronologiæ, quæ ἡγεμονία dicitur. Ea docet rationem

annorum plerarumque Gentium nobiliorum, & methodum quâ utuntur Chronologi, ad tempora antiquarum Historiarum constituenda; prout possumus cognoscere ex secundo libro *Rationarii Petaviani*, ubi illa ars traditur. Hæc quidem est Chronologiæ omnis fundamentum, sed quia est difficilior, & utilis dumtaxat, ad calculos Chronologorum expendendos; ideo ejus lectio differri potest. Sumimus enim hîc quasi certum, Chronologos, quos sequimur, rectè rationes iniisse, quod quin in præcipuis saltem verum sit, dubitari nequit; licet sint, in aliis minoris momenti, *modi αλυσιν*. At hîc satis est, si modò de summa rerum constet, etenim error pauculorum annorum rariùs officere potest intelligentiæ Scriptorum antiquorum.

§. III.

Cognitio Consuetudinum & Opinionum.

I. IN omnibus Scriptoribus, innumera sunt allusiones ad consuetudines ac opiniones eorum temporum, quibus scribere; quas nisi in numerato habeamus, non intelligimus multè maiorem partem eorum

rum quæ legimus, si aliunde Interpretem, quem consulamus, nancisci nequeamus. Hoc adeò manifestum est, ut probatione non egeat; quicumque enim vel unum Scriptorem legere aggressus est, rem expertus est illico, aliquot pagellarum lectione. Sed sunt non modò manifestæ allusiones, verùm etiam obscuriores multæ, quæ ab omnibus non animadvertuntur; adeò ut non pauci ea se intelligere putent, quæ non intelligunt.

2. Consuetudines autem omnes possunt ad duas classes referri. Aliæ respiciunt res privatas, aliæ publicas; & hæ quidem notiores plerumque sunt, ceteræ ignotiores. Attamen ad res privatas non minùs passim alluditur, quàm ad publicas. Innumeræ loquutiones inde desumptæ sunt, quarum vim ideo non adsequimur, quia illas consuetudines sæpe ignoramus. Exemplum unum, aut alterum asserere non pigebit.

Theologi multùm desudarunt ad inveniendam rationem, ob quam Christus Matth. VIII. 12. vocat poenas malorum *οἱ ὀπίσσω* *tenebras externas*. Opinionem non referam, ne brevitatis institutâ excedam, sed uno verbo indicabo quid sit. Nempe, sermo est de cœna, quæ cum

cum noctu sumeretur, ut nunc; nemo poterat cenâ excludi, quin esset in *tenebris externis*. Vide quæ ad eum locum (a) scripsimus.

Aliquando, ut vel hinc apparet, ad notas consuetudines non attenti, à sensu aberramus. Ita etiam, in celebri illa Dominicæ Orationis petitione: *panem nostrum quotidianum da nobis hodie*, alludit Christus ad morem eorum qui pauperes alunt, præbitis quotidie in unum diem alimentis; quorum exemplum exstat apud Tobiam, Cap. I. 3, 19. secundum Latinam Versionem. Similiter *Vopiscus* (b) in *Aureliano*: *Siligneum suum* (scilicet, panem). *quotidie ævo sua unusquisque recipiebat*. Eos panes vocabant *ἡμερησίους*, (c) quos pauperes ab Impp. unoquoque die, accipiebant, per totam vitam; quod exprimit vox *ἡμερησίους*, *castinus*. Sic & Manna, quæ in Arabicis solitudinibus Hebræos Deus aluit, fuit panis *ἡμερησίους*, quem Deus quotidie, quamdiu necesse fuit, præbuit. Hoc ergo Christus vult: Da nobis in posterum; per reliquam vitam, quotidie unde vivamus: ut fit pauperibus;

(a) In add. ad H. Hammondii Adnotationes in N. T.

(b) Edit. Salmasiana Parisin. p. 210.

(c) Claud. Salmasius in not. p. 375.

peribus, quibus quotidie victus suppeditatur. De significatione singularum vocum, consulendus *H. Grævus*.

Alludit Christus ad publicam consuetudinem Matth. V, 22. ubi mentionem facit *Judicii & Synedrui*, quæ nomina erant Tribunalium, ad quæ leviores & graviores causæ, apud Judæos, disceptabantur. Vide quæ ad eum locum diximus.

3. Ad opiniones quoque passim respicitur, quæ in duo summa genera possunt distribui. Aliæ pertinent ad cultum Dei, & mores; aliæ ad res naturales. Ita cum Judæorum præcipua in divino cultu cærimoniam in sacrificio esset sita; ideò in N. Testamento omnia ferè pietatis officia, sacrificii nomine, interdum indigetantur. Mors Christi sacrificium quoque vocatur, quòd fuerit præcipua ejus erga Patrem pietatis pars, & quædam habeat sacrificiis similia. Summa est interdum difficultas sciendi an vox, quæ metaphoricè & allusione quadam cuiuspiam rei designandæ adhibetur, urgenda sit pro tota primigeniæ suæ significationis amplitudine; hoc est, an in rebus, quibus metaphoricè aptatur, omnia querenda sint similia iis quæ sunt in aliis, quas ea vox propriè de-

designat. Qui opinioniones, ad quas respicitur, ignorant, ne de allusione quidem cogitant; nedum ut nodos ejusmodi, in interpretandis Veterum Scriptis longè maximos, solvere queant. Verba LXX. Intt. in versione Psalm. XCI. 6. δαιμόνιον μεσημβρινόν, *Dæmonium meridianaum*, multum torfere Patres Græcos & Latinos. Non quæram an Hebræici Codicis verba rectè versa sint, hisce vocibus. Hoc tantum dicam, ad Ethnicorum opinionem respici, qui credebant Dæmonas potissimum meridie esse timendos. Ita *Callimachus Cyrenæus*, in Hymno in *Lavacra Palladis*, vers. 71. Deam describit cum *Chariclone* nymppha lavantem, hisce verbis:

Ἰππω ὅππῃ κρήναι Ἑλικωνίδι καλὰ ῥεοῖσαι
 Λώντο, μεσημβρινὰ δ' εἶχ' ὄρη αἰσυχία.
 Ἀμφοτέραι λώνοντο, μεσημβρινὰ δ' ἔσαν ὄρη,
 Πολλὰ δ' αἰσυχία τῆνο κατέειχεν ὄρη.

In Hippocrene Heliconide pulchrè fluenti lavabant, cum meridiana obtineret montem quies; ambæ lavabant & meridiana erat tempus, multaque tranquillitas illum obtinebat montem. Quo factum est ut Tiresias, qui Heliconem tunc oberrabat, Deâ conspectâ,

spectâ, oculorum usum amiserit. Simi-
liter, apud Theocritum, Idyll. I. Pastores
non audent τὸ μεσημέριον σιγᾶσαι, me-
ridie fistulâ canere, quòd timerent Panem:
τὸ Πᾶνα δ' εὐλοχεύμεν, timemus, inquit,
Panem. Lucanus Lib. III. de Luco ad
Maffiliam sito, quem sanctissimum Galli
habebant:

*Non illum cultu populi propiore frequen-
tant,
Sed cessere Deis, MEDIO cùm Phæbus
in axe est,
Aut cælum nox atra tenet; pavet ipse sa-
cerdos
Accessus, dominumque timet deprendere
luci.*

Hinc videmus quare, inter dici pericula;
Septuaginta Intt. *demonium meridianum*
recensuerint; nempe, quòd Dæmonas
tunc temporis errare crederent, ut Græ-
ci, imò & Ægyptii, aliique Orienta-
les.

4. Præcipua diligentia doctissimorum
Interpretum in eo sita est, ut allusiones
eiusmodi enucleent; sed quoniam non
semper omnia attingunt, & molestum ac
tædiosum est vix aliquot paginas legere,
fine

fine necessitate ad Interpretem confugiendi ; antequàm incipiamus Scriptorem ullum legere , necesse est aliquam operam dedisse cognoscendis Gentis ejus potissimis Consuetudinibus & Opinionibus.

5. Optandum sanè esset libros nos habere de Consuetudinibus & Opinionibus Veterum , etiam vulgaribus , tum scriptos , cùm ea vigeant ; multa enim etiam notissima tempore intercidunt , quæ ne summâ quidem diligentia ex Veterum ruderibus postea erui possunt. Sed dum Consuetudines & Opiniones latè receptæ vigent adhuc , vix ab ullo describuntur ; quòd æquales perpauca libros , de rebus notissimis & vulgaribus scriptos , legere sustinerent. Itaque dum Historici præsentium animos sibi conciliare student , & fama sua frui , id memorant quod sui ævi hominibus non satis notum esse poterat , sed quæ omnibus nota erant ferè omittunt ; unde factum ut posteritatem fugerint , quia paullatim in consuetudinem abeuntium memoria à nemine servata est. Sic propter consuetudines servilis olim notissimas , nunc eruditissimi quique viri non parum sudant , quòd eas ignorent. Ad Historiam & mores Roma-

Romanorum quod attinet, id evenit quod plurima ad posteritatem traduxit, quæ alioqui periissent. Scilicet, Græci, inter Romanos versati, Historiam horum & mores describere aggressi sunt, non in Romanorum, sed in Græcorum gratiam; & coacti fuere multa tradere ac explicare distinctius, quàm opus erat Romanis hominibus, quòd Græci in rebus Romanis hospites eorum Historias alioqui non erant intellecturi. *Polybius* de Romanorum militia plurima dixit, quæ in nullo Scriptore Romano inveniri potuissent. *Dionysius Halicarnassensis* multò accuratius, eadem de causa, Historiam Romanam scripsit, quàm ullus Historicus Latinus. Sanè præterquàm quòd Romani mores Græcis erant exponendi, homo Græcus aptior erat ad eos observandos, quàm qui ab infantia iis adfuerant. Quæ enim insolita nobis sunt faciliùs animadvertimus, quàm ea quibus sumus adfuerant. *Plutarcho* quoque plurima, ad Romanorum mores & opiniones pertinentia, debemus.

6. Attamen nullus antiquus Scriptor unus omnia aut plerâque hujusmodi uno opere complexus est; & coacti sunt Receptiores ex omnibus colligere plenam, quan-

quantum potuit, Romanarum Consuetudinum & Opinionum descriptionem. Utilem operam huic rei navavit *Joannes Rosinus*, quem suis *Συλλογισμένοις* illustravit *Thomas Dempsterus*, unde conflatum est Antiquitatum Romanarum Corpus. Multi multas earumdem Antiquitatum partes illustrare, ut *Justus Lipsius*, cum plurima alia, tum *Militiam*; *Octavius Ferrarius* rem vestiariam; *Franciscus Balduinus* indumenta pedum; alii alia, quæ studiosis per se satis innotescunt. Potissima & lectu dignissima hujus generis in unum Corpus colligere aggressus est Criticorum decus *J. Georg. Grævius*, cujus *Antiquitatum Romanorum Thesauri* jam decem prodierunt volumina. At studiorum initio, utendum brevi Compendio, qualis est *Respublica Romana* *Pet. Josephi Cantelii*, nuper *Ultrajecti* edita, post *Parisinam* Editionem; aut *Thomæ Godwini Romana Historia Anthologia*, * *Anglicè*, & *Belgicè* edita. Hos libros, quasi in suo genere perfectos, non indicamus; possunt enim multa iis addi, nec pauca in iis emendari; sed ad præcipua capita quod attinet, quod unum hîc quæritur, satis esse possunt.

7. Quæ

* Londini in 4. 1648.

7. Quæ hætenus diximus, consilia quædam sunt, ad viam sibi muniendam ad cuiusvis Scriptoris lectionem spectantia; sed quoniam à Latinorum lectione incipimus, debent præsertim Latinis aptari, quò etiam pertinent, quæ habentur *Numm.* 5, & 6. Nunc consilia quædam danda sunt de ordine, in legendis ipsis Scriptoribus Latinis, observando.

C A P U T II.

De Ordine in Lectione Latinorum Scriptorum Observando.

§. I.

Prosa Scriptores.

1. **P**OSTQUAM attributi sumus aliqua Geographiæ, Historiæ Chronologicæ, & Consuetudinum ac Opinionum, ex Recentiorum Scriptis, cognitione, animus appellendus est ad ipsorum Romanorum Scriptorum lectionem. Atque hîc etiam, quoad ejus fieri potest, à libris incipiendum qui, ut intelligantur, *Tom. I.* **D** quàm

quàm paucissimorum subsidio indigent,
& qui simul Latinitate præstant.

2. In Latino sermone, distingui possunt ἀρχή, ἀκμή & παρακμή, hoc est, initia, perfectio, & corruptio. Ad initia * referuntur Saliaria carmina *Numæ Pompilii*, aliique veteres hymni, quæ *Ciceronis* sæculo vix ab eruditis intelligebantur. Illa proximo intervallo sequuntur priscae leges Regiæ ac Decemvirales, & antiquiorum temporum monumenta. Nolim ad initia referre *Andronicum*, *Nævium*, *Ennium*, *Pacuvium* aliósque Poetas eorundem temporum; sed neque ad perfectionem pervenerunt, cui proximi fuere *Plautus* ac *Terentius*, & hic præsertim. Perfecta erat Lingua Latina, quando scripsere *Cicero*, *Cæsar*, *Sallustius*, *Cornelius Nepos*, *Livius*, *Velleius*, aliique æquales prosæ Scriptores; Poëtæ verò *Lucretius*, *Catullus*, *Virgilius*, *Horatius*, *Tibullus*, *Propertius*, *Ovidius*, aliique qui ad *Tiberii* usque Principatum vixerunt. *Cicero* in *Bruto*, Cap. 43. postquàm dixit *L. Crassum* sibi quatuor & triginta annis præstitisse, ac triennio minorem fuisse, quàm *M. Antonianum*, qui eloquentissimi homi-

* Vid. Ger. Vossium in Præf. Operis de Vitiis Sermonis.

homines ætatis suæ fuerant ; addit *se hoc idcirco posuisse, ut dicendi Latine prima maturitas, in qua ætate exstitisset, posset notari.* Tempore Tiberii , Latina Lingua , propter concursum hominum ex Provinciis & Urbibus remotis civitate donatorum , corrumpi cœpit. Attamen , ut subito ad perfectionis summum apicem non pervenerat : ita nec prorsus corrupta est , nisi paullatim. Cùm enim rectæ Latinitatis exemplar à sæculo Ciceronis petatur , ipse Cicero , ob causam allatam , jam tum Latinum sermonem inter multos vitiari cœptum esse auctor est , in eodem libro , Cap. 74. *Omnes ferè qui nec extra hanc urbem vixerant , inquit , nec eos aliqua barbaries domestica infuscaverat , rectè loquebantur. Sed hanc certè rem deteriorem fecit vetustas, & Romæ & in Græcia. Confluxerunt & Athenas & in hanc urbem multi inquinatè loquentes, ex diversis locis.* Verùm hæc Latini sermonis pestis grassari potissimum cœpit , ut diximus, sub Tiberii principatu. Hinc meliori Latinitati affiniores censentur M. & L. Seneca , Pomponius Mela , Cornelius Celsus , L. Columella , Q. Curtius , Plinius uterque , Quintilianus , Suetonius , Tacitus , qui prosâ usi sunt ; inter Poëtas , Lucanus , Persius ,

D 2

Silius,

Silius, Juvenalis, Martialis, Papinius & Valerius Flaccus. Post horum ætatem, corrupta haberi potest Lingua Latina, ab Hadriani, nempe, temporibus; non quòd nemo postea eleganter scripserit, sed quòd sermo vulgaris immutatus fuerit, & bene scribendi exemplaria in antecedentibus sæculis quærerentur.

3. Incipiendum est ab iis Scriptoribus, qui ἐν ἀρχῇ Linguæ vixerunt, aut ei proximi fuere, & præterea facili stylo scripserunt. Facilitas autem ex duobus oritur, ex argumento, nimirum, ipso, & eloquutione. Faciles intellectu sunt res ad communem vitam pertinentes, quæ haud multò minùs sæculo nostro fiunt, quàm olim; ut eventus frequentes, aut qui nihil habent nimis inusitatum, vel descriptiones affectuum qui omnibus sæculis vigent, aliæque similia. Si hæc præterea efferantur sermone quotidiano, non quæsitis figuris, aut accersitis procul ornamenti, faciliè intelliguntur. Contrà obscuritas nascitur, cum ex rebus inusitatis, & de quibus pauci cogitarunt, aut quæ naturâ suâ obscuriores sunt; tum ex sermone ἐξημαπορεύω, à propria significatione verborum remoto, aut structurâ duro & ambiguitatibus laborante.

4. Hinc

4. Hinc colligimus non posse initio Scriptorem ullum utiliùs legi , *Plauto*, *Terentio* & *Phædro* qui senariis versibus, Augusti sæculo, Æsopicas fabulas expresse. Hi enim res vulgares simplici dictione, & elegantia quadam nativâ gratâ tradiderunt,

5. In *Plautum* utilem Commentarium, licet fortè ampliorem interdum , quàm necesse fuit , edidit *Fridericus Taubmannus* ; cui , si commodum non occurrat, substitui potest Editio *Plauti Gronoviana*. In *Terentium* multi scripsere, quorum excerptæ notæ , unâ cum *Donati* Veteris Grammatici fragmentis , editæ sunt à *Corn. Schrevelio* , nullius ferè judicii confarcinatore. Qui notulis minoribus *Terentium* explicuerunt , *Thom. Farnabius* & *Joan. Minellius* , in Anglia & Belgio, ii cum plurima omiserint necessaria, tum etiam in plurimis errarunt. Omnium optimè versione Gallicâ , & notis *Terentii* mentem expressit erudita Matrona *Annâ Tanaquilli Fabri* filia , cujus Pater etiam doctissimis notulis *Phædrum* illustravit.

6. Hi autem Scriptores non sunt perfunctoriè legendi , sed summâ adhibitâ curâ , ut , quantum in nobis est , planè intelligantur ; nec supersit nodus ullus,

nisi in locis qui hæcenus frustra ab Interpretibus tentati sunt. Igitur legendi non semel modò, sed iterum, atque iterum; ut eorum stylus nobis veluti familiaris evadat, & omnes Anomalias eorum per noscamus. Hoc jacto fundamento, cetera firmiùs inædificabuntur; quàm si, vix intellecto libro, alterius lectio superinjiceretur; nutante enim cognitione non nisi dubia nititur interpretatio. Malè itaque ii faciunt, qui incipientem tironem multitudine librorum obruunt, & cum plura legisse obsurè intellecta, quàm pauciora clarè percepta malunt.

7. *Plautus* quidem plurimos habet Archaismos, & serviles jocos, aliquando frigidos; attamen aptis adeò ut plurimum utitur verbis, & structurâ tam facili, ut, si ea quæ diximus omittas, possit esse exemplar Latinæ elegantiz. *Terentius* tersior est, ut appareat hominem eo sermone scripsisse, quo utebantur Scipio, Lælius, aliique ex Romana Nobilitate, quibuscum ille victitabat. Ut is sermo à sordibus plebeculæ multum abest: ita etiam ab omni tumore est alienissimus; quibus in rebus, certat cum eo, quem conjungendum diximus, *Phædrus*. Non videntur quidem nobis initio Poëtæ sublimioris

mioris carminis legendi; sed hi, licet metris adstricti, à quotidiano sermone non recedunt.

8. Hosce postquam probè intellexerimus ac concoxerimus, adiri poterunt Historici, quorum stylus, licet à versibus abhorreat, comitior est Comico, & sublimior, adeoque difficilior; quæ difficultas interdum augetur rebus ipsis, qualia sunt prælia, machinæ, aliæque similia; quibus minùs sunt adsueta adolescentes, quàm iis, quæ apud Comicos narrantur. Faciliores Historici sunt *Cæsar*, *Cornelius Nepos*, & *Justinus*, quorum stylus simplex est & perspicuus, præsertim duorum priorum; nam postremus non rarò inflata utitur dictione, potissimum in orationibus, nec Latini sermoni puritatem æquat. Imò & multa habet *ævæ*, & duris metaphoris interdum distinctus est, nec semper melioris ævi Scriptores imitatur. Comitiores sunt *Livius*, *Sallustius*, *Curtius*; & *Sallustius* quidem dictionis brevitate durior, *Curtius* tumidior. Horum omnium sunt eligendæ, quantum potest, emendatissimæ editiones, quales sunt quæ cum notis Variorum in Hollandia editæ; quamvis enim Notæ interdum malè sint selectæ, attamen ut plurimum Textus

56 ARTIS CRITICÆ P. I. C. II.
emendatior est, quàm in aliis Editionibus.

9. Possem plures indicare legendos Scriptores, sed initio ne sex quidem, quos nominibus appellavi, ita legendi sunt, ut, statim ac unus primùm lectus est, ad alium convolemus. Qui primus sumitur in manus, *Cæsar*, *Cornelius Nepos*, aut *Justinus*, non debet modò, ut ita dicam, celeri lectione vorari, sed aliquâ morâ concoqui; adeò ut quàm paucissima in eo remaneant nobis obscura, nisi sint loca, quæ ipsis Interpretibus negotium facefferint. Difficile est primâ lectione omnes nodos, non dicam solvere, sed animadvertere; sæpe enim difficilia, quasi facilia, prætermittuntur. Itaque ad iteratam lectionem possunt differri loca difficilia, ne primùm legentes nimius offendant labor. Qui hoc tentabunt, secundâ lectione mirabuntur se antea difficilia judicasse quædam loca, in quibus omnia erant plana; & vice versâ ea facilia, quæ magnis difficultatibus laborabant. Utile est tamen, in prima lectione, libellum habere in quo adnotentur loca quæ intelligi non potuerunt, & in quorum sensum inquirere nondum licuit. Is libellus inscribetur *Quærenda*, in quo postea, si tanti

vi.

videatur, & inveniri potuerit locorum illorum interpretatio, scribi poterit paucis, aut indicari Scriptor qui eam tradiderit; additâ paginâ, Libro & Capite, prout commodissimum erit. Nihil interest illa *Quærenda* postea nobis nihili videri, post majores progressus; imò jucundum erit ex illis, quanti profectus sint, videre.

10. Hisce Historicis conjungi poterunt Epistolæ *Ciceronis ad Familiares*, cum notis *P. Manutii*, & eæ quidem, si possit fieri, ordine temporum dispositæ. *Manutius* in argumentis tempora notavit, quantum ea conjicere potuit, & in quibusdam * Editionibus additi sunt Indices, in quibus eo ordine disponuntur. Hoc maximè propter Historiæ seriem delectat, ad legendum allicit, & ad intelligendum juvat. Postea ad Orationes *Ciceronis* deveniendum erit, & faciliores ante alias legendæ, quales sunt *pro lege Manilia*, *pro Archia Poëta*, *Catilinariæ*, &c. quæ, ut reliqua omnia, repetitâ lectione erunt concoquendæ. Hos autem Scriptores non ita suademus legendos, quasi aut omnes necessariò initio essent evol-

* In nupera Amstelodamensi in 12. cum notis *Gravii*.

evolvendi, aut nulli similes adjici possent; sed ut quis delectus initio legendorum fieri possit ostendamus, & quare ita progrediendum sit pateat.

II. Qui huc usque progressi fuerint, de Poëtis legendis, Elegiarum Scriptoribus, Epicis, Lyricis, tum demum cogitare debebunt, non prius. Cujus rei ratio hæc est, quòd ut Linguam probè discamus, prius intelligenda sit propria significatio verborum, quàm metaphorica, & oratio simplex, quàm figuris ornata. Hic enim est ordo naturæ, quem à pueris, in discenda Lingua vernacula, observari etiam videmus. Contrà si prius quàm simplicem orationem probè intelligamus, ad figuratam nos conferamus, omnia miscentur; nec proprias verborum & loquutionum significationes tenemus, nisi post longiorem multò & majorem laborem. Hinc etiam fiet ut, cùm scribere tentabimus, proprietate vocum & phrasium neglectâ, duram & affectatam dictionem, ac proinde obscuram & odiosam habituri simus; in versibus prosæ loquutiones, in prosa oratione poëticas simus imprudentes adhibaturi, quòd eos characteres non satis distinguamus; ut constat exemplis plurimorum virorum alioqui do-

doctorum, qui studiorum initia perturbatiora habuerant. Sed majus incommodum inde fluit, & quod vix emendari potest; nempe, sapissimè videntur sibi intelligere quæ non intelligunt, quia propriam uniuscujusque vocis significationem non tenent, nec quibus gradibus ex propria in metaphoricæ plures transierit norunt. Interdum enim ex propria significatione magis aut minùs receditur, & plures etiam in una voce latent allusiones. Exempli causâ, celebris est *Horatii* locus, Od. II. Lib. II. ubi dicit virtutem deferre regnum uni,

*Quisquis ingentes, oculo irretorto,
Spectat acervos.*

Multùm se torfere Interpretes, ad inveniendam significationem vocis *irretortus*, licèt viderint hîc significari oculos abstinentes. Sed non intellexerunt quare oculi abstinentes dicantur *irretorti*, quòd propriam vocis significationem non satis attenderint. *Torquere* ergo significat *insflectere*, *convertere*; unde *oculos torquere* dicuntur qui caput vertunt, ut aliquid videant.

~~————~~ *Oculòsque ad mœnia torfit,*

id

id est, convertit. *Retorquere oculos* est caput in humeros convertere, ut quod à tergo reliquimus videamus. Ita *Cicero*, in *II. Catilin.* de Catilina ingratiis ex Urbe egresso: *Retorquet oculos profectò sæpe ad hanc Urbem, quam ex suis faucibus ereptam esse luget.* Dicere possemus contrà de eo, qui patriâ excederet, sine desiderio: *spectavit mœnia patriæ exiens oculis irretortis*, si in prosa liceret ejusmodi tropo uti; aut potius, quod licet per *Rhetoras*: *egressus mœnibus non retorfit oculos.* Itaque *Horatius* describens opum contemtorem, quasi transeuntem prope acervos auri, nec eos dignantem spectare, nisi dum ante se sunt positi, *non retorfit*, inquit, *oculos cùm transiit*; quod à cupidis solet fieri. Græci multò feliciores Latinis hoc unicâ voce ἀμειτασπεπνῖ, non conversâ facie, exprimunt. Ita *Plato* de *Rép. X.* hoc præceptum eximium tradit, ubi commodum ea vox occurrit: τὰς τῶν κακῶν συνουσίαις φεύγε ἀμειτασπεπνῖ, malorum confortia fuge irretortis oculis. *Eusebius* in *Præp. Evangel.* sub finem *Lib. I.* ait nobis ab Evangelio præceptum Theologiam, qualis erat Phœnicia, quam ibi exposuit, ἀμειτασπεπνῖ φεύγειν; qua in re, diligens *Platonis* lector, videtur cum imitatus:

sicut

sicut ipse *Horatius* Græcos, uti alibi passim, hac in re sequutus fuit. *Homerus* *Iliad.* Z. vers. 496. ita describit *Andromachen* ægrè à viro divulsam, & invitam videntem cum urbe exire:

——— Ἄλοχ' ὃ φίλη οἶκόνδε βεβήκει
Εὐτροπαλιζομένη.

Uxor cava domum ibat, subinde se convertens, desiderio, nempe, viri, quem inuita dimiserat. Apud Lucianum in Tyranno, p. 433. T. I. de iis qui inviti moriuntur ita loquitur Micyllus: ὁπιστρέφοντες εἰς τὴν πίσω, ὥσπερ οἱ δασύρωτες, καὶ πόρρωθεν ἀποβλέπειν τὰ ἐν τῷ φωλὶ βέλονται: convertuntur in ea qua sunt à tergo, ut infelices amantes, & è longinquo volunt videre qua fiunt in luce. At de se, cum libens mortuus esset: ἔδ' ἐν δέ με ἔκ' κατόπιν ἐπέστρεφε καὶ μετεκάλει: nihil eorum, qua à tergo reliqueram, me convertebat ac revocabat. Alioqui Latini optimè dixerint fugere sine respectu, cum de timente, qui non respicit præ metu, tum de contemnente, cui nullum inest relictæ rei desiderium. Livius, de Philippo ad Aoi annis angustias à T. Quintio Flaminio victo, Lib. XXXII. c. 12. Rex primò effusè ac sine respectu fugit.
An-

Annibal verò cū Italianam relinqueret, non sine respectu vela in Africam dedit. Rarò quemquam alium patriam, exsilii causā, relinquentem magis mœstum abiisse ferunt, quā Annibalem hostium terrā excedentem, respexisse sæpe Italiæ littora, &c. Quæ verba sunt ejusdem Scriptoris, Lib. XXX. c. 20. Græci etiam eum qui non invitus aliquò it, nec loca ubi fuit desiderat, ire aiunt μηδὲν ὀπισθεφóμηνον non conversum. Vide *Epicleti* Enchir. C. XII. Idem Philosophus, C. LXXVI. ubi vetat aliorum curari sermones, ὁ, π, inquit, ἀν' ἐγὼ πείσῃ, μὴ ὀπισθέρῃ, hoc est, ne curato. Egregium exemplum hominis, auri acervos irretortis oculis spectantis, habemus in fene illo Thebano, de quo plurimi Veterum. Unius *Phavorini* verba proferam, ex Libris de Senectute, apud *Stobæum* Serm. CXII. Ὁ Βοιάπῃ ἐντυχὼν θησαυρῷ, μὲν ἐβδομήκοντα ἔτη, ἐπάρας τὸ σιέλῃ ἀπεματώισι, καὶ παρήλθεν, ὡς ἐκέτι εἰδὲν ὄντα πρὸς αὐτὸν: *Bæotus*, cū incidisset in thesaurum natus plus quā septuaginta annos, sublato crure, frustra inventum significavit, ὃ transit, quippe qui nihil ampliùs ad se pertineret. *Apollonius* quoque *Tyaneus*, ut auctor est *Philostatus* in ejus vita Lib. I. c. 20. διὼν εἰς τὰ

βα

βασίλεια ἡ δὲ διέβλεψεν εἰς ἡδὲν τὴν θάυμαζον
 μῶν, αἱ δὲ ὡς οὐδὲν οὐδὲν διήει αὐτὰ: per
Regiam (apud Parthorum Regem) tran-
 siens eorum quæ admirationi sunt nihil spectav-
 it, sed quasi inter faciens eam peragrabat.

Præterea *Horatius* alludit hîc ad oculos,
 ut ita dicam, Stoïcos; in antecedenti-
 bus enim versiculis, manifestò ex Stoï-
 corum sententia loquitur; ut rectè Inter-
 pretes observavere. Leve vulgus cupidi-
 tatibus suis, quasi ventis, huc illuc actum
 habet oculos, ut loquitur *Cicero*, *lubri-
 cos & mobiles*. Non potest defixum in
 unam rem objectam hære, sed quavis
 de causa huc illuc circumfert adspectum.
 Contrâ Philosophicæ gravitatis fuit fixos
 habere oculos, quales sunt cùm de re
 quapiam attentè cogitamus. Ita narra-
 tur *Socrates* * *stare solitus pertinaci statu,*
perdius atque pernox, à summo lucis ortu ad
solem alterum orientem, inconnivens, im-
mobilis, iisdem in vestigiis, & ore atque ocu-
lis eundem in locum directis cogitabundus,
tamquam in quodam secessu mentis atque
animi factò à corpore. Talia innumera oc-
 currunt, quæ non intelliguntur, quòd
 non recto ordine, in discendis vocum si-
 gnificationibus, progressi fuerimus.

§. II.

* *Apud A. Gellium Lib. II. c. 1.*

§. II.

Poëta.

I. **D**UM ageremus de Prosa Scripto-
ribus, meminimus *Plauti & Ter-
rentii*, qui Poëtæ fuere; quia eorum di-
ctio, ut diximus, licet metris adstricta,
sermoni propior est, quam ipsorum Hi-
storicorum libri; quòd Poëtæ Comici in-
ducant loquentes servos, aliósque, qui
familiari tantum & quotidiano utuntur
sermone. Eadem de causa, ne *Horatius*
quidem, suarum Satirarum & Epistola-
rum causâ, se Poëtam dici sustinuit, sed
hujus nominis honorem ori magna sona-
turo deberi dixit. Nunc verò agemus
de lectione eorum, qui non modò ver-
sus, sed carmina poëticâ dictione edide-
runt.

2. Cùm Poëtæ passim alludent ad anti-
quissimam Græciæ Historiam, quam *Mū-
dov verbum*, seu *fabulam* dixerunt, quòd
ore tradita ab antiquissimis temporibus,
nec nisi serò litteris consignata complecta-
tur; necesse est, priusquam ad eos acce-
damus, aliquam saltem Mythicæ Histo-
riæ cognitionem nobis comparemus.

Alio-

Alioqui legi non poterunt, sine molestissimo labore confugiendi subinde ad *Dictionarium Poëticum*; nisi multa non intellecta prætermittantur, quod cavendum, quantum fieri potest. Ideò multi ex Veteribus Grammaticis Mythicorum Temporum olim historias confecerant; ex quibus supersunt nobis *Diodori Siculi* quinque priores libri, & *Apollodori Atheniensis Bibliotheca* Græcè, Latinè verò *C. Julii Hygini Fabulæ*. Sunt & alii, sed non tanti, & hi tres potissima satis docebunt. Sunt itaque, ut memoriæ infigantur fabulæ, semel atque iterum legendi, aut minimùm unus ex tribus, cùm nec id longum postulet tempus. Statuimus hîc eos, qui Latinos Poëtas studiosè legere aggredientur, satis in Græcis exercitatos esse oportere, ut, adhibitâ diligentia, *Apollodorum* possint intelligere. Ac sanè, à primis studiorum initiis, sunt conjungenda Græca cum Latinis, ut dicemus in sequentibus.

3. Perlecto *Apollodoro*, aut *Hygino*, aut quopiam ex Recentioribus, qui idem argumentum litteris mandarunt, prout ad manum erit, nullis Poëta prior legendus *Ovidio*. Atque ex hujus quidem operibus *Metamorphosis* & *Fastorum libri*, cùm

Tom. I. E quòd

quòd stylus eorum facilior sit, tum quòd lectio duorum horumce librorum, ad infigendam memoriæ Mythicam Historiam multum conducatur; in his enim libris totus est *Ovidius*, in fabulis narrandis. Subjungi hisce poterunt *Heroidum* Epistolæ; nam alia ejusdem Poëtæ opera in aliud tempus erunt differenda, nisi fortè libros *Tristium* & ex *Ponto* Elegias scriptas antecedentibus adjeceris.

4. Hoc jacto fundamento, veniendum erit ad *Virgilii Æneidem*, *Eclogas* & *Georgica*, quæ omnia sunt accuratè legenda. Editiones omnium optimæ sunt *Taubmanniana*, in qua sunt *Ciris* & *Culex* cum amplissimis *Taubmanni* Commentariis; vel *Emmenessii*, cum Variorum notis, cui adjunctus est Index *Erythraeus* omnium vocum *Virgilii*. Huic Poëtæ succenturiandæ erunt Odæ æqualis & amici vatis *Horatii*, qui unus Poëtarum Lyricorum Latinorum superest, & ferè unus digna legi, auctore *Quintiliano*, scripserat. Ad di poterit *Gratii Cynegeticon*, cum *Eclogis Olympii*, & *Nemesiani*; qui licet senioribus temporibus vixerint, elegantiam ævi *Gratiani* imitati sunt. *Horatii* Editionem nondum habemus memoratis *Virgilii* Editionibus æquiparandum. Interea

Tor-

Torrentiana videtur præstare; sed omnium optima esset, si notæ Latine existerent, firmarenturque Veterum testimoniis plurima, quæ sine argumentis profuerunt, & inutilia circumciderentur; Latino-Gallica *Andrea Dacerii*, eruditissimi viri. *Gratium* edidit, cum *Olympio* & *Nemesiano*, *Janus Vlitius* vir doctissimus, ac pererudito commentario illustravit.

5. Hos sequentur *Lucanus* & *Statius*, & si cui animus sit Poëtas omnes evolvere, amatorii vates *Catullus*, *Tibullus*, *Propertius*, *Ovidii* amatoria; Satirici *Juvenalis* & *Persius*; Epigrammatographus *Martialis*; Philosophici *Lucretius* & *Manilius*. Horum omnium editiones non adnotamus, cum brevitatis causâ, tum quod studentibus satis innotescant. Neque ordinem in hisce certum constitui-
mus, quia modò ii, quos initio appellavimus, *Ovidius*, *Virgilius*, *Horatius*, *Lucanus* & *Statius* lecti sint, animus satis erit ad reliquos paratus.

6. Non addimus etiâ plura hac de re consilia, quia qui eò usque profecerint satis sibi ipsi consulent. Hoc dumtaxat accurate observandum, quod jam monuimus, ut qui primi leguntur Scriptores

res quàm optimè intelligantur; alioqui si partim intellecto Scriptore, ad alium continuò transeamus, in quo etiam plurima non intellecta prætermittamus, aut nunquam, aut serò ad perspicuam & certam rerum notitiam perveniemus, neque nutantibus fundamentis firmum ædificium imponemus. Non esset nobis difficile invenire exempla virorum celeberrimorum, qui ob neglecta studiorum initia, indecorè in rebus ad ea pertinentibus cespitarunt. Exempla nonnulla ejus rei insignia, in additamentis nostris ad *H. Hammondi* Adnotationes in N. T. observavimus.

C A P U T I I I .

De Ordine in legendis Græcis Scripto-
ribus observando.

§. I.

Præsa Scriptores.

I. **Q**UÆ antea diximus, de ordine in Lectione quorumlibet Scriptorum observando, non repetemus. Ob-
serva-

servabimus dumtaxat tantam fuisse affinitatem & similitudinem Opinionum & Consuetudinum, inter Græcos & Romanos, qui omnes suas leges, suamque eruditionem, quanta fuit, Græcis debebant; ut Latine doctus nemo haberi queat, qui in Græcis litteris hospes sit. Latini Scriptores scatent vocabulis & loquutionibus Græcis, quæ nisi intelligantur, ne Latina quidem satis intelligi possunt. Pleraque artium vocabula Græca sunt, quod à Græcis artes acceperint Romani; & Poëtæ præsertim Hellenismis usque adeò sunt referti, ut eorum Interpretes eruditiores passim ad Græcam Linguam confugere necesse habeant.

2. Itaque, quod solet à peritioribus Magistris fieri, Juventutem statim ac Latinæ Linguæ elementa hausit, operam dedisse Græcæ volumus; ut cum accedit ad Poëtarum lectionem, possit subsidio Dictionarii Græcum Scriptorem ex facilioribus intelligere. Hoc posito fundamento, quo initia Linguæ continentur, quomodo sint ulteriora studia instituenda docebimus; si hoc prius monuerimus, cavendum esse ne putemus, priusquam lectionem Scriptorum Græcorum aggrediamur, Grammatica omnia præcepta

memoriæ mandanda. Plerique ad hunc scopulum impingentes, Græcæ Linguae studium, hac sola de causa, ab ipso limine abjiciunt; quod illis, aliâ insistentibus viâ, alioqui feliciter fortasse cessisset. Nempe, semel nominum declinationibus & verborum inflexionibus accuratè memoriæ mandatis; Anomaliæ, aliæque difficiliora paullatim ediscentur, crebrâ & attentâ lectione, in qua subinde occurrent. Uti hanc in rem licet *Angele Caninii Hellenismo*, & *Thesauro Grammatico Pet. Antefignani*, in quo Anomaliæ omnes expediuntur, possuntque in copiosissimo indice quæri. Sunt & alii hujuscemodi libri, quibus, prout ad manum erunt, uti poterunt adolecentes.

3. Neque hoc prætermittendum, non esse initio conandum quidquam, sine versionis Latinæ subsidio, legere; sunt enim in primis conatibus omnia, quantum fieri potest, quàm facillima efficienda. Prudens est monitum * *Quintiliani*, in primis cavere oportere, ne studia qui amare nondum potest oderat; & amaritudinem semel præceptam, estiam ultra rudat immo reformidet. Scio me loqui contra sententiam virorum doctissimorum, qui interdum graviter

* *Inst. Or. Lib. 1. c. 1.*

conquesti sunt, quòd versiones Latinæ è regione Græcorum adderentur; quibus aiebant impediri, ne Græca legerentur. Sed, pace tantorum virorum, multò minus legerentur Græca, sine translationibus, quàm iis additis leguntur; cum certum sit plerosque iis indigere, ut Græca legere possint. Non sunt fingendi homines quales non sunt, non erunt; sed eorum utendum ingeniis, prout sunt. Nescio etiam annon & odiosus quidam factus, ac invidia erga alios parum laudabilis, eas querelas illis suggesserint. Dum enim se versionibus nequaquam egere aiunt, & à lectione Veterum eos remotos volunt, qui iis indigent; se aliis multum antistare gloriantur, & sibi solis eruditionis suæ fontes patere cupiunt. At per eos sæpe factum est, ut spretæ sint littæ, cum tantis difficultatibus septæ viderentur, ut fructus non essent cum iis æquiparandi. Atque hæc obiter. Verùm eò usque versione abuti non licet, ut nihil quærat in Dictionario, aut credatur versioni de conjugationis inflexione. Nulla prætermittenda vox est, quæ an radicalis sit, nèque, nesciatur; nullum verbum, cuius modus, tempus aut thema ignoretur. Versio hunc usum solum præ-

bere debet, ut ejus ope voces jam quasitas, sed ex memoria elapsas, in eam denuò faciliùs revocemus; útque adju-mento sit ad constructionem, & verborum themata iuveniendâ. Hac ratione fiet ut haud difficulter, cùm vocum significationes, tum etiam inflexiones memoriz infigamus; útque tandem versione faciliè carituri simus.

4. Præterito sæculo, viri eruditissimi *Melchior Wolmarus, Gulielmus Budæus, & Joachimus Camerarius* cœperant Græcæ Lingvæ studia ab *Homeri* lectione; sed postea eos præposterius sui ordinis pœnituit, cùm prosæ Scriptorem legere aggressi videbant se, post exantlatum laborem immensum, faciliores Scriptores non intelligere. *Josephus* quidem * *Scaliger* ait se, vix lectâ Grammaticâ Græcâ, intra viginti tres dies totum perlegisse *Homerum*; sed hoc, si verum est, non est cuiusvis tentare, nec judicium ejus ubique sequendum. Licet enim in rebus, ex memoria & lectione pendentibus, excelluerit; nec judicio, nec arte ratiocinandi tantopere valuit.

5. Igitur, propter rationes allatas, à prosæ Scriptoribus & quidem facilibus in-

* In Ep. 1. ad *Jap. Donzam.*

initium faciendum. Legi itaque possunt *Polyani Stratagemata*, qui Scriptor sub *Marco Aurelio* vixit, faciliq; & perspicuo stylo artes varias, à præstantibus Imp̃p. in bello adhibitas, prodidit. Brevitas Capitum quiescendi etiam gratas moras incipientibus præbet. Eadem de ratione, conjungi ei potest *Ælianus*, qui *Varias Historias & Historiam Animalium* eleganter scripsit, præsertim posterius opus; nam prius videtur imperfectum reliquisse. Sequi potest hosce *Lucianus*, qui præter Dialogos, multos alios libellos utiles scripsit. Atticæ sanè dictionis puritate, & ipsâ etiam argumentorum facilitate præstat; sed optandum esset hominem Epicureum verecundiores fuisse, in verbis saltem, nec obscenos amores passim miscuisse. At seligi poterunt initio *Dialogi mortuorum, & Deorum*, in quibus pauciora sunt talia, tum *Liber de scribenda Historia*, aliq; similes. Huic subnectendum censerem *Aristophanem*, qui Attico lepore, simpliciq; & eleganti stylo adeò excellit; ut primus omnium legi deberet, nisi obscenitatibus nimium abundaret. Sed hoc fuit vitium sæculorum illorum, iis omnibus familiare, qui castigatis moribus non fuerunt. Attamen legi possent, exceptis

exceptis versibus haud multis, tres prior-
res Comœdiæ *Plutus*, *Nubes*, & *Rana*.
Sed nec malè huic substituantur Excerpta
ex veteribus Comicis, quæ ab *Hug. Grotio*
versa sunt, * & Græcè ac Latine edita
Lutetiæ; vel si is liber, qui rarior est fa-
ctus, comparari nequeat, *Cebetis Theba-*
ni pulcherrima eruditæ Tabulæ explicatio,
quæ nuper tandem à viro docto integra
edita est. Hæc potest, imò debet, sæpius
relegi, quod argumentum utilissimum
simplici, & nitidâ simul persequatur di-
ctione. Huic subjungentur *Theophrasti*
Characteres Ethici, cum *H. Casauboni* no-
tis, unde Græcorum vitia & virtutes op-
timè cognoscentur. Dignus est etiam is
liber, ut & *Casauboni* Commentarius, qui
semel, iterumque legatur.

6. Hinc hauriri poterit, ut hoc obi-
ter dicam, cognitio particularum inde-
clinabilium αἰνᾶ, μέν, ὅ, ἐν, δὴ, ὅδ, &
similium, quæ Attici sermonis elegantiam
condiunt; & quarum nisi vis intelliga-
tur, non modò gratia orationis perit,
sed sensus etiam sæpe ei affingitur alie-
nus. Sæpius illæ particulæ, apud At-
ticos, παρέλκει; hoc est, ad sensum ni-
hil pertinent, licet numerosiore oratio-

nem
* In 4. Jan. 1626.

nem efficiant, & nescio quid elegantiz addant; nec possunt in aliam Linguam verti, particulis quarum significationi passim respondent. Exempli causâ, *πῶς* quod significat plerumque *olim*, *aliquando*, apud Atticos, interdum planè abundat, præsertim cum additur voci *τίς* interroganti; nec Latine potest verti, nisi expletivâ etiam particulâ *tandem*, *τίς πῶς, quis tandem?* *Aristophanes* in *Pluto*, non procul ab initio:

Πῶς αὖ φράσεις μαι τίς πῶς ἐστὶν ἔμπροσθεν,

antequàm mihi dixeris quis tandem hic sit. Subinde talia occurrunt, & plura collegerunt *H. Stephanus* & *R. Constantinus*, in Lexicis. Existimo autem peccatum esse in hac particula, initio *Cebetis*, ubi legimus *ὅτι ἡδυνάμεθα συμβαλεῖν τίνες καὶ πῶς ἦσαν*, nota poteramus conjicere quenam & unde essent, fabulæ, nempe, in Tabula *πίστεως*. *Mss.* omnes, ut testatur nuperus ejus editor, homo diligens atque eruditus, habent *ΠΟΤΕ*, nam *πῶς* est ex conjectura *H. Wolfii*, quæ è contextu merito in ultima editione ejecta est. Attamen superest, nisi fallor, mendum, quod inde ortum est quòd Librarii nescirent quid

quid sibi vellent τῖς ποτε, qua de causa καὶ interposuerunt; cum hoc unum vellet Cebes, quæ tandem essent hæc fabulæ. Sic postea, ubi τῷ καὶ nullus esse locus poterat, quo factum ut intemerata Cebetis verba ad nos pervenerint, bis legimus τί ποτε; quidnam tandem? Ita & αἰνὰ non potest semper reddi sed, ut adversativam, sicut Grammatici loquuntur, vim habeat; neque. § enim aut nam, quod attentè legenti memoratos jam Scriptores passim liquebit. Hoc cum alii etiam, licet minus frequenter, factitarint, multum ad omnis generis Scriptores Græcos intelligendos conducet. Ipsum Novum Testamentum, præsertim Epistolas, nemo satis intellexerit nisi hoc norit. Series enim orationis iis particulis continetur, quas proinde, nisi adsequaris, oratio ipsa laborat. Ita Rom. X, 8. si voculam Αἰνὰ veritas sed, nullus est sensus; neque enim quod in illo commate dicitur opponitur antecedentibus. Vertendum Latinè: Αἰνὰ τὶ Αἰνὰ; quid præterea dicit? Eiusdem Cap. Vers. 17. Αἰνὰ vertendum est sanè, certè, non ergo; alioqui sensus est intricatissimus.

7. Hisce Scriptoribus lectis, pergendum erit ad Xenophontis libros Historicos,

cos, quorum dictio, suavissimâ simplicitate condita, admirationi præstantissimis totius Antiquitatis viris fuit; à quibus dictus est * *Musa Attica*. Cicero quoque, † *Xenophontis voce Musas quasi loquutas*, ait. Subjungendi erunt libri Philosophici, quos argumentum non adfuetis paulò obscuriores reddit. Inde legendi erunt *Herodoti*, qui pater Historiæ dicitur, libri; in quibus elegantia Ionicæ Dialecti haud minùs enitet, quàm Atticismus in *Xenophontis* operibus. De hisce duobus Scriptoribus, idem, ad Græcam Linguam quod attinet, possumus dicere, quod *Quintilianus* de *Cicerone* ad Latinam respiciens dixit; nempe, quò magis *Herodotus* & *Xenophon* Studiofis placuerint, eò magis eos in Græca Lingua profecisse. Qui nondum illâ elegantiam capiuntur, nondum Linguam satis adsequuntur. Est & alius Scriptor Atticus, masculam eloquentiam celeberrimus, *Thucydides*, sed cujus eloquentio obscurior multò est, attamen lectu dignissimus.

8. Qui eò usque processerint consiliis nostris non indigebunt, de delectu Scriptorum.

* *Diogen. Laërt.* in ejus Vita, seu L. II. §. 57.

† *In Oratore*, Cap. 19.

ptorum faciendo ; nec multum laborabunt in lectione Oratorum Atticorum *Isocratis* , *Demosthenis* aliorumque , nisi ubi nova quædam vocabula forensia occurrent , quæ laborem etiam eruditis fecerunt . At non debebunt prætermittere lectionem *Platonis* , cujus Philosophia , pulcherrimâ dictione expressa , tanto in pretio apud Veteres fuit , ut innumeros admiratores , non inter Ethnicos modò , sed etiam Judæos & Christianos invenirent ; quo factum ut plurima ejus dogmata latissimè olim sparsa fuerint , inter trium Religionum cultores , nec paucæ etiamnum hodie apud nos eorum maneat vestigia ; quod proclive esset ostendere , si res esset hujus loci .

9. Monebimus potius , quod memoria penè elapsum initio dictum oportuit , ante lectionem Græcorum Scriptorum , esse inquirendum in Græciæ consuetudinibus , quantum id fieri poterit . Respublicas Græciæ , & præcipuos mores tradidit *Ubbó Emmius* in sua Græcia , quem juvabit legisse . Est etiam *Archæologia Attica* Angliæ Scripta , nescio an & in alias Linguas versa , * à *Francisco Roa* . Hæc quamvis in multis jejuna , nec satis accurata ,

* Londini in 4. 1637.

rata, poterunt tamen tironibus usui esse. Sed in hisce antiquitatibus eruendis, præ ceteris, desudavit *Joannes Meursius*, cujus Scripta optandum esset in unum Corpus colligi, & quæ ad Græciæ Antiquitates pertinent, in Juventutis gratiam à viro docto in compendium redigi; sunt enim vastiora, quàm ut initio legi queant. Itaque *Ubbone Emmio*, aut alio qui primus occurret, utendum erit, donec utiliore aliam operam præstet vir quispiam eruditus. Post primam hujusce Operis editionem, edi Lugduni Batavorum cœpit *Thesaurus Antiquitatum Græcarum*; cujus posteriores Tomi, facto initio à quarto, doctissimorum virorum hisce de rebus Commentarios complectuntur. In qua collectione, Antiquitatum Græcarum studiosi invenient quæ difficillimè antea sibi comparare potuissent.

§. I I.

Poëta.

POSTQUAM satis versati erimus, in prosæ orationis Scriptorum lectione, ut nobis voluptatem, non molestiam dumtaxat, facilitate suâ pariat; de-

veniendum tandem erit ad Poëtas. Inter eos non numeramus, propter allatas rationes, ubi de Latinorum Poëtis loquuti sumus, Comicos, qui prosæ propiores versus ediderunt. *Homerus* itaque & *Hesiodus* primi omnium erunt legendi, quòd facillimi sint Poëtarum Græcorum; argumentum enim (si excipias librum qui *Opera & Dies* ab *Hesiodo* inscriptus est) elegerunt nequaquam naturâ suâ obscurum, & facili usi dictione molestiam, structuræ obscuritate, non creant. Hæc una est difficultas, Dialectorum varietas, & inflectiones, ac mutationes Poëtica verborum; sed hæc facili superabitur, ope Lexicorum, in quibus omnia ejusmodi vocabula accuratè explicata sunt, ut omnibus notum est. Præterea sunt multæ & frequentes repetitiones, quibus fit ut, si quis sex, septémve *Homeri* libros accuratè legerit, jam in iis intelligendis non multum indigeat Lexico, utque facili sequentes sit intellecturus; quod plus semel experientiâ deprehendimus. Utile erit, cum initium fiet *Homerici* studii, evolvere * libellum inscriptum, ab ejus Scriptore *Everardo Reithio*, *Antiquitates Homericae*; ubi describuntur

* *Ed. Lugd. Bat. 1677. in 12.*

Heroïcorum temporum consuetudines, ex *Homero* potissimum haustæ. Quod quidem argumentum potuit accuratius & clarius exponi; sed quoniam nemo alius id præstitit, eo Catone contentos nos esse par est.

2. Præter allatas rationes, ob quas ab horum Poëtarum lectione initium faciendum esse duximus, hæc est non contemnenda; quòd omnium qui supersunt antiquissimi sint, & ex eorum * fontibus sequentium ætatum Poëtæ certatim plurima hauserint. Multò autem melius intelligimus quæ sunt aliunde desumpta, cum scimus unde sint mutua accepta, quam cum id nobis latet. Sæpe enim allusio quædam obscurior est, ad ea quæ dicuntur à Scriptore, qui primus iis usus est; in qua allusione totus est orationis lepos, qui nisi sentiatur, ipsa res non satis intelligitur. Atquæ animadverti non potest, ab iis, qui rem in ipso Poëta non legerunt; ut ii norunt quibus ejusmodi allusiones, inter legendum, occurrerunt. Huc etiam accedit, quòd & prosæ Scriptores passim ad *Homerum* & *Hesiodum* respiciant, & vix possint intelligi, innu-

Tom. I.

F

meris

* Vid. *Ælian. Var. Hist.* Lib. XIII. c. 11. & ad
eum Intt.

meris in locis , nisi in Poëtis legerimus quæ ab iis proferuntur. Est aliud quoque , quod observatu indignum non est ; nempe , neminem satis intelligere quare *Homerus* tantæ fuerit admirationi Veteribus , nisi , magna saltem ex parte , ab eo perlectus fuerit. Commisit nonnulla peccata contra Poëmatis Epici leges , & verisimilitudinem , quæ videntur iis qui Poëtam non legerunt , cum narrantur , adeò absurda ; ut contemni debuisse censetur , utque iudicium totius Antiquitatis in dubium vocetur. Exempli causâ , *Iliadis* Lib. VI. in medio prælio , dum acerrimè Trojani à Diomede urgentur , auctor est *Helenus* *Hectori* , ut in Urbem eat , matri dicturus vovendum esse pepulum *Palladi* , si fortè Trojanis placetur. Obsequitur *Hector* , & multum temporis absūmit , in colloquendo cum matre , cum *Helena* , cum *Paride* , cum *Andromacha* , qui ne momento quidem ab exercitu abesse debuit. Hoc certè peccatum est in Poëta , qui artis tamen militaris peritus fuisse censetur , ingens ; at si quis eos sermones legat , in quibus tempus terit *Hector* , præsertim cum Uxore , peccati Poëtæ illico obliviscetur ; tanta enim est eorum dulcedo , & elegantia , tamque

que vividæ imagines, ut regularum Artis oblitus, & Homericis versibus, quasi carmine magico, delinitus, lataturus sit ita peccasse *Homerum*, & exclamaturus potius; felix peccatum, quod elegantes adeò versus nobis peperit!

3. Post *Homeri* & *Hesiodi* lectionem, poterunt adiri reliqui Heroïci carminis Scriptores, & in primis *Apollonius*, qui in *Argonauticis* antiquissimam Historiam persequutus est. Debent etiam studiosè legi *Bucolici* Poëtæ *Mosechus*, *Bion* & *Theocritus*, ad quorum Doricam Dialectum intelligendam non parum proderit *Emilii Porti* Lexicon Doricum, vel, qui in suum Dictionarium hoc transtulit, *Corn. Schrevelius*. Initio enim ejusmodi subsidii utendum est, modò semper omnes voces derivatas ad Radicem referamus; neque enim hoc parum, cum ad memoriam, tum ad vim vocum adsequendam prodest. Utile tamen etiam erit ex Grammatico petere præcipuas Dialecti Doricæ regulas, ne vel minimæ voculæ negotium facessant. Horum Poëtarum editiones variae sunt, sed omnium optima est *Heinsiana*, cum Scholiis Græcis, & observationibus *Jos. Scaligeri*, *Is. Casauboni*, ac *Dan. Heinsii*; quorum tamen hic, dum

acumen perpetuò sectatur, sæpe inanem quamdam ἀνεύθυνον ostentat.

4. Post Bucolicorum Poëtarum perlecta volumina, adeundi erunt Tragici, inter quos primas tenet, cùm ceteris doctibus, tum facilitate eloquutionis *Euripides*; cujus etiam quot sunt versus, tot esse sententias, seu γράμματα, Cicero meritò dixit. Hunc sequetur *Sophocles*, *Sophoclem* *Æschylus*, qui durior & audacior est, & minorem multò adhibet artem. Postremus omnium legendus erit *Pindarus*, qui ipsum *Æschylum* dithyrambis superat, & duritiem styli præ se fert numquam concoquendam, nisi Linguae peritissimis.

5. Plura non addam, quia quicumque huc usque progressus erit, duce viæ nequaquam opus habebit. Potuissem multò plura Poëtarum recensere nomina, sed ambitioso indice abstinendum duxi; quia quæ tacui satis nota erunt iis, qui nominibus appellatos evolverint. Præstat monere cum lectione Poëtarum conjungendum esse Artis Poëticæ studium, nisi enim leges Artis norimus, non satis intelligimus finem Poëmatum, peccata, aut eruditionem Poëtarum; quo fit ut certa hisce de rebus ferre nequeamus iudicia,

dicia, aut cum tædio legamus, quæ legum Artis peritis summam admirationem ac voluptatem creant, vel admiremur quæ vituperanda sunt. Cùm multi hac de re scripserint, duos potissimum ceteris prætulerimus; quorum alter est G. J. Vossius, qui *Institutiones Poëticas* Latine scripsit: alter verò Gallus, nomine *Renatus le Bessu*, * qui de *Carmine Epico* elegans volumen Gallicum publici juris fecit. Accedere tamen ad hos poterit *Poëtica Aristotelis* in Gallicam Linguam translata, & Commentario illustrata à viro eruditissimo *And. Dacierio*.

6. Posset hîc aliquid subungi de Fabulis, quæ Poëtarum argumentum sunt; sed res ampliorem disputationem, quàm institutum nostrum patitur; postulat. Monebimus tantum eos errare, qui credunt eas omnes esse à Poëtis inventas; cùm plerumque nihil sint, præter antiquam Historiam Græciæ, exornatam quidem illam, vel potius depravatam figmentis, sed non prorsus confictam. Antiquissimæ Historiæ narrabantur versibus, & cùm eorum dictio scateret tropis & figuris, hinc factum ut propriè intellecta, aut alieno sensu explicata pepererit figmenta

F 3 pluri-

* *Traité du Poëme Epique* à Paris 1675. in 12.

plurima, quibus postea datâ operâ à Poëtis alia adjecta sunt. Præterea cum Pelasgi, aliique Græci antiquissimi incolæ Linguâ Barbarâ, hoc est, ad Hebraicam accedente uterentur, quæ postea Lingua intercidit, vetustissimæ eorum narrationes perperam intellectæ, in absurda mendacia passim mutatz sunt. At Veritas non est ubique adeò in illis occulta, quin magna ex parte figmentorum involucris liberari possit, si rem quis seriò aggrediatur; * quod experti dicimus, & faciliè possemus ostendere. Hoc observari debuit, ne deliros censeamus Poëtas, quòd fabulas tanto studio narrent.

* Vide explicationem *Tabule de Harpys* in *Diss. De Statua Salina*, & notas ad *Theogoniam Hesiodi*.

CA.

CAPUT IV.

De Methodo in Hebraïcæ Linguae studio observanda.

§. I.

Lectio Vocum.

I. **P**RIVSQUAM de Methodo Hebraïcorum studiorum agamus, observandum est esse prorsus necessarium iis, qui Novi Testamenti libros penitus intelligere optant, cujus rei hæ sunt rationes. Religio Christiana non est ita cælo integra delapsa, ut nullam rationem habeat Religionum, quæ antea erant, sed omnia nova hominibus afferat. Contrà est veluti Religionis Judaicæ surculus, at ipso trunco major ac viridior. Addit quidem Judaicæ plurima, & iis interdicit Christianis, quæ in Judæis à Deo, propter eorum σαλτηροσχεδαι, tolerata fuerant; attamen multis Judaicæ Religionis dogmatibus inædificat, & ab hominibus, in Judaicæ Religione educatis, primum constituta est; unde fit ut in eo-

F 4 rum

rum libris, perpetuæ sint ad Judaicas leges, ejusdemque Gentis prisca Scripturæ allusiones. Præterea qui Novum Testamentum scripsere, Græcis quidem usi sunt vocibus, sed phrasi Chaldaica; quod hæc Lingua tunc temporis in Judæa, inter Hebræos, in usu majore esset, quam Græca; ita ut plebs, aliique Judææ incolæ eâ Linguâ Hellenismum, qui à Seleucidis & Lagidis eò fuerat illatus, inficerent. Itaque ad intelligendum Novum Testamentum, opus est aliquâ cognitione Chaldaismi, aut Hebraismi, qui ejusdem Linguae duæ fuere Dialecti.

2. Huc accedit quod omnes rationes, quæ suadent Historicorum Græcorum & Latinorum lectionem utilem esse, imò validiores, militent pro Hebræicorum Scriptorum lectione. Quod quia per se manifestum est, à nobis pluribus non probabitur.

3. Quoniam autem solent juvenes, ætate demum grandiores, animum appellere ad Linguae Hebræicæ studium; hic, ut in Græca & Latina Lingua fecimus, non statuemus elementa jam esse nota, sed ab iis incipiemus. Primum litteras Hebræicas adspicientes terrent ductus absimiles planè litteris, quas novimus;

mus; licet certum sit Græcas, ex quibus Latinæ, à charactere Phœnico ortas esse; characterem autem Phœnicium, qui vulgò Samaritanus dicitur, initio eundem cum Assyrio, quo nunc utuntur Hebræi, fuisse. Ita, labente tempore, mutatur figura litterarum. At facile est Consonantium primùm figuram discere, si Alphabethum Hebraicum aliquoties excribatur. Vocalium cognitio, utpote pauciorum, multò facilior est, & statim ac attentè expensa est, & sonum Consonantium, descriptione Alphabethi, didicimus, brevi exercitatione lectio proclivis evadit.

4. Vocales antiquis Hebræis in pronunciatione quidem usitatæ erant, cum sine iis nullà vox efferri possit; sed inter scribendum nullas earum figuras apponebant, ut copiosè contra *J. Buxtorfium* probavit *L. Cappellus*, in *Arcano Punctuationis*, ejusque *Vindiciis*. Sed cum Lingua Hebraica jam dudum intercidisset, nec legerentur Hebræici Codices, nisi ab iis, qui eam lectionem difficulter *παρρησιασμένως* traditione didicerant; docti quidam viri, fortè *Tiberienses Massorethæ*, quadringentis minimùm post Christum annis, figuras vocalium invenerunt; ne ob

ob nimias Judæorum migrationes, traditio illa, quæ jam multas mutationes passa erat, tandem profus intercidet. Sed quoniam inventio illa non simul ac semel, neque ab iisdem hominibus videtur perfecta; & præterea semper morosi & reconditoris nescio cuius doctrinæ jactatores fuere Rabbini; leges lectionis impeditiores sunt, & scatent exceptionibus, præter multitudinem inutilem vocalium; cùm satis fuissent quinque breves & quinque longæ, eæque distinctis figuris notatæ. Eodem modo hac in re se gessere Rabbini, ac Rhetores Græci in tradendis artis suæ præceptis; * *ne parum multa scisse viderentur, ea conquiverunt quæ nihil attinebant, ut ars difficilior cognitu putaretur, utque proinde majori in pretio haberetur.*

5. Verùm illis incipientes terri non debent; primùm enim non discitur Lingua Hebraïca, ut inter loquendum, aut in scribendo usui sit, sed tantùm ut intelligatur; quam in rem non multùm confert morosa pronuntiatio, adeò ut non necesse sit hac de re nos anxios esse. Secundò, si vel accuratissimè, ex hodiernis regulis, quis voces efferat, non est putan-

* Script. ad Herennium Lib. 1. c. 1.

putandum eum ex veterum Hebræorum more pronunciaturum ; ut apparet vel ex nominibus propriis , quæ aliter à Massorethis lecta sunt , quàm à Septuaginta Interpretibus , aliisque etiam Recentioribus.

6. Itaque primùm missâ illâ multiplici regularum , tot exceptionibus laborantium , cognitione , quæ paullatim poterit adquiri , initio hoc tantùm observandum ; Consonantem , sub qua est figura Vocalis longæ , constituere semper cum sua Vocali syllabam , ut פקדו *phá-kedou* ; contrà verò brevem Vocale Consonantem , sub qua est , conjungere cum sequente , ut syllaba constet duabus Consonantibus , ut פקד *phakked*. Hoc tamen in brevi Vocali non ita perpetuum est , quin interdum cum Consonante cui subjacet syllabam constituat ; sed quando hoc usui venit , non potest aliter pronunciari vox à legentibus , ut nullus sit peccato locus. Rectiùs nihilominus fecissent Massorethæ , si constantiores fuissent. Malè etiam fecerunt , quòd *Camets magnum* à *parvo* , si aliter efferri debuit , diversitate figuræ constanter non distinxerint. Sed hoc tenendum est semper esse magnum , cum potest cum unica Consonante

nante cui subjacet syllabam efficere; cum verò aliter efferri nequit syllaba, nisi duæ Consonantes jungantur, esse parvum; ita in פקרו magnum est, in צורם *sfourom* est parvum, quia *Mem finale* necessario conjungitur cum ר *Resch*. Sunt qui velint excipi terminationem in ה ut רמה *Ramah*, sed seu excipiatur, seu non excipiatur, perinde est. Imò ad omnes illas inanes difficultates rescandas, præstaret fortè figuram ט, aut semper טז O sonum obtinere, aut pronuntiari semper A; quandoquidem nominum priorum quædam sub quibus est, ad eam syllabam quod attinet, modò per O efferantur apud Veteres Interpretes, modò per A; quod quomodo in aliis vocibus usurpatum fuerit cum ignoremus, nec hoc faciat ad intelligentiam Lingux, negligi prorsus id discriminis possit.

7. Ad vitandam molestiam distinctionis Vocalium in breves, & brevissimas, duo tantum observanda: 1. *Scheva simplex* numquam esse pronuciandum, nisi cum aliter vox ore efferri nequit; quod evenit ubi Consonante, cui subjectum est, inchoatur syllaba, ut in voce פקרו *phakedou*. Vel si id discrimen non arri-deat, & confundi placeat sonum *Cametæ*
ma-

magni cum parvi sono, legenda erunt vocabula, quasi nihil esset sub Consonantibus, sub quibus est *Scheva*, ut fit apud Syros. 2. *Scheva compositum* non esse sono distinguendum à brevibus Vocalibus, quibus constat. Accentuum nulla planè habenda est ratio, quippe qui sint sine causa inventi ab hominibus, quibus Linguae legitima *accentuatio*, si ita loqui licet, æquè erat ignota, ac nobis; imò qui ne accentuum quidem naturam norant, quippe qui ope unius, ejusdém. que accentus Vocalem longam in brevem mutant, & brevem in longam.

8. Objicient qui Rabbinos nimis mirantur, ita futurum ut non pronunciemus, ut illi solent; quod verum est. At non minùs verum, legitimam & antiquam pronunciationem illis non magis notam fuisse, quàm nobis. Et cum illa nihil ad Linguae intelligentiam faciat, nihil interest quocumque modo pronunciemus; nisi quòd facilius sequendus est, ne inutili difficultate nos impediamus.

9. Itaque missis Rabbinis, statuendum etiam est, nullam rationem esse habendam § *Dagesch*, nisi cum litteram duplicem facit; quod numquam fit, nisi antecedente Vocali brevi. Grammaticorum

94 ARTIS CRITICÆ P.I. C. IV.
rum distinctio est profecta ex Rabbino-
rum vano ingenio, qui illa distinctione
imperitis persuadere voluerunt, se tenere
pronunciationem Linguæ Hebræicæ, non
minùs quàm cum vigeat, quod falsum
& absurdum est; ut constet, cum ex no-
minibus propriis, tum ex re ipsâ; soni
enim non possunt, sine mutatione, per
plura sæcula servari.

10. Ceterùm si quid hisce Regulis con-
trarium occurrit, quod rariùs fit, id qua-
si punctationis mendum habendum est,
non quasi exceptio. Postquàm enim Re-
gulæ inventæ sunt, quæ naturâ ipsius pro-
nunciationis nituntur, quales sunt ante-
cedentes; non est putandum Librario-
rum errores, aut Rabbiorum inconsan-
tiam, debere exceptiones in iis parere;
quod sanè faciunt qui Anomalias omnes,
quæ occurrunt in Codice Hebræico, to-
tidem esse exceptiones volunt. Idem est,
ac si unicus superesset Latinus Codex,
atque ex eo Codice Regulas colligeremus
Linguæ; ita ut licet passim observassemus
vocem *Homo* habere in plurali *homines*,
alicubi tamen occurreret, culpâ Librarii,
humanes, & hoc adnotaremus, quasi ex-
ceptionem Regulæ.

§. II.

§. I I.

*Monita de ceteris Grammaticis
Regulis.*

1. **P**OSTQUAM in Lectione satis exercitati erant Hebraicæ Linguae studiosi, ad sequentes Grammaticorum Regulas accedant oportet, adhibitis hisce cautionibus. Prima est ut sciant potissimas tantum esse tenendas, quales sunt primum Regulae de terminationibus pluralium & quæ ad *statum constructum*, & *absolutum*, ad nomina quod attinet, distinguendum, necessariae sunt. Farraginem illam mutationis punctorum, quæ superstitiosè tradi solet, omittant oportet. Si enim necessaria esset, usui tantum scribendis foret, & sunt plurima fortè in ea Librariorum menda, aut Masoretharum oscitanter punctantium errores, quæ à credulis Grammaticis veluti consecrata sunt.

2. Ad Verba quoque quod spectat, sunt regularia, & generalia tantum de *quiescentibus* & *defectivis* tenenda; cum enim quæ ab iis discedunt, an veræ Anomaliae sint, an menda scire nequeamus, non opus

opus est ut in iis discendis nos excruciemus. Præterea tot sunt, ut nonnisi usu disci queant; quam in rem utile est habere ejusmodi Lexica, quæ illa vocabula ordine Alphabethico habent, ut quando occurrunt quæ ad Regulas commodè referri nequeunt, quid de iis censeant Grammatici sine labore discamus. Ita enim fiet, ut aliquoties quæsitam unam eandemque vocem memoriæ haud difficulter mandemus; modò nullam prætermittamus, sine investigatione Thematis, & Radicis; hoc enim, ut de Lingua Græca diximus, non parum memoriam juvat.

3. Donec autem hisce tricis nos expedierimus; constanter labori incumbendum est, ut quotidie saltem aliquot Scripturæ commata legamus. Etenim continente illâ exercitatione, fit ut memoriæ meliùs infigantur voces, utque labor in dies minuatur. Incipiendum autem est, à libris facilioribus, quales sunt Historici, ut libri Mosis, Samuëlis, Regum & Chronicorum; unde postea ad Psalms & difficiliores libros Propheticos progrediendum erit. Primâ hac lectione, unicè spectandæ sunt difficultates Grammaticæ, omiſſis omnibus aliis quæ ad res pertinent. Primus enim ille labor eò
tan-

De studii Hebraïci Methodo. 97
tantum spectat, ut significationes verborum, quales tradi solent, cognoscamus, & Grammaticas Regulas discamus.

§. III

De Litterarum Hebraïcarum ulteriore studio.

1. **C**UM memoriæ mandaverimus Grammaticas Regulas, & cognoverimus quâ ratione Interpretes & Lexicographi voces Hebraïcas, interpretentur; ulteriùs progrediendum erit, ut Linguae illius indoles, quantum fieri potest, perspicatur, & Hebraïcæ antiquitates cognoscantur. Hanc in rem, cum Libri Veteris Testamenti denuo legentur, utile erit Librum secundum *J. Buxtorfii Thesauri*, ubi copiosè de Syntaxi agit, & Libros III, IV, & V. *Philologia Sacra Salomonis Glassii* evolvere. Conducet etiam, prout comparari poterunt, legere libros varios ad Antiquitates Hebraïcas pertinentes, quales sunt *Cornel. Bertrami Politia Judaïca*, *Caroli Sigonii & Petri Cunei Resp. Hebraeorum*, *Thomæ Godwini Moses & Aaron*, Anglicè ab eo editus, & in Germania ab aliquot annis *Latine*
Tom. I. *G* *tinè*

tinè versus, *Joannis Seldeni libri de Synedrîis Judæorum, de Jure Naturæ & Gentium, Uxor Hebraïca, de Diis Syris, de Decimis, Samuelis Bocharti Phaleg & Hierozoicon, Joannis Spencers opus de Legibus Ritualibus Hebræorum, Lud. Cappelli Critica Sacra & Arcanum Punctationis, Joannis Buxtorfii variaz Dissertationes, Joannis Drusii Opuscula omnia, Salomonis Glassii Philologiæ Sacræ reliqui libri, aliâque similia*; ubi res non Theologicè, sed Grammaticè, discutuntur; hoc est, ubi quærantur Antiquitates Hebraïcæ, omissis ut plurimum controversiis hodiernis, & consectariis, quæ inde ad conficienda systemata Theologica deduci solent. Hæc enim studia sunt aliis planè generis.

2. Jam non erit in Lexico Buxtorfiano, & recentioribus versionibus dumtaxat, ut primâ lectione sit, hærendum; sed Textui Hebraïco conjungenda erit versio LXX. Intt. & Vetus Latina, adjectis fragmentis aliorum Veterum Interpretum, quæ à Joanne Drusio collecta, & notis illustrata sunt. Hinc enim hodiernarum versionum, quæ ferè ex recentiorum Judæorum interpretamentis, & Theologicis præjudiciis haustæ sunt, cognoscuntur

tur plurima peccata. Utiles sunt *Conradi Kircheri Concordantiæ Versionis τὸν LXX*, in quibus uno intuitu cernere est quot variis rationibus *ei LXX* unamquamque vocem verterint.

3. Qui in hisce eo, quo par est, studio versabuntur, animadvertent facile plurima esse, adeoque longè plura, quàm vulgò censentur, quæ cùm in Lingua Hebraica summatim considerata, tum in Libris Veteris Testamenti intelligi nequeunt. Cujus rei hæ sunt rationes, 1. quia superest tantùm nobis unicus liber Hebraicus, isque non magnæ molis, quo totius Hebraicæ Linguae indoles & dictiones contineri nequeunt; 2. quia in hoc libro fuerunt errata Librarium, quæ sensum turbarunt, jam antequàm Versiones ullæ scriberentur, negligentia aut difficultate exscribendi, in Textum illapsa; 3. quia sunt plurimæ voces quæ aut semel, aut pauculis vicibus occurrunt, & quidem iis in locis, in quibus nec natura rei, nec orationis series nos docent quo sensu sint accipiendæ; 4. quia constructio passim ambiguitates parit, & tempora confunduntur, nam & paucæ habent Hebræi inflexione distincta, eaque subinde inter se miscentur; unde fit, ut

nisi res ipsa moneat, nesciamus utrum res præterita, an verò futura agatur; 5. quia exceptis ritibus Mosaïcis, aliisque consuetudinibus divinâ auctoritate institutis, ignoramus prorsus, aut dubiis conjecturis ex pauculis locis plurimas opiniones Hebræorum colligimus; 6. quia habemus eorum Historiæ brevissimam epitomen; quibus rebus, fit ut passim hæreamus.

4. Ad hæc accedit, quòd certiora quæ nobis suppetunt, ad eas difficultates superandas, subsidia, sint eorum sæculorum in quibus Lingua Hebræica dudum in desuetudinem abierat, nec aliter nota erat, nisi traditione inter pauculos eruditos Judæos. Antiquissima enim Versio omnium est ea, quæ LXX Viralis dicitur, confecta regnante *Ptolemæo Philadelpho*, ducentis quinquaginta minimùm annis, post reditum è Captivitate Babylonica, in qua Lingux Hebræicæ usus corruptus fuerat. Hinc factum, ut necessariò plurium vocabulorum & phrasium significatio interciaderet, unâ cum Lingux quotidiano usu; etenim eo tempore non erant eadem studendi artes, quæ nunc sunt. Nulla tunc habebant Lexica, nullas Grammaticas, ut satis apparet ex multis locis Septuaginta
In-

Interpretum, ubi unam eamdemque vocem variè admodum vertunt, & interdum ita ut nulla significationum quas adhibent ulli locorum, in quibus vox occurrit, satis conveniat; & ubi certissimas Grammaticæ Regulas negligunt. Præterea in locis difficilibus adeò hæsitant, ut aut prorsus à verbis recesserint, aut sensum ex conjectura, prout potuerunt, effecerint; quorum omnium exempla supeditabunt *Notæ Criticæ Lud. Cappelli, & Commentarii nostri in Pentateuchum.*

5. Sequentium temporum Versiones antiquæ iisdem vitiis laborarunt, donec tandem Judæi, meliore initâ methodo, post annum Christi millesimum, Grammaticas & Commentarios in Scripturam accuratius scribere cœperunt, quos postea sequuti sunt Christiani. Sed cum quidquid Judæi recentiores dixerunt hanc in rem nitatur vel auctoritate Massoretharum, vel veteribus versionibus, vel eorum conjecturis, necesse est eos non minùs fluctuare, ac ceteros Interpretes. Massorethæ enim puncta vocalia addiderunt contextui, eo tempore quo legitima linguæ Hebræicæ pronuntiatio ignota erat, & menda codicis sui consecraverunt; ut appareat in Pentateucho, vel ex

Codice Samaritano, è quo, mendofo licèt, multa minuta menda, quæ in Hebraïco passim occurrunt, absunt. Veterum versionum non adeò certa est auctoritas, ut vidimus. Conjecturæ etiam Rabbinarum, quæ hac aut similibus opinionibus nituntur, Codicem hodiernum carere mendis, Linguam Hebraïcam perfectissimam esse, non possunt sine examine admitti; nec pluris debent fieri, quàm Christianorum in obscuris explanandis conatus. Imò verò ejusmodi sunt opiniones, ut stare nullo modo possint, cum iis quæ à perito interprete fieri debent; útque qui in ejusmodi rebus manifestis peccat, nullius peccati possit esse immunis, & contemptu prorsus dignus sit.

6. Nostra Lexica hodierna, cùm sint omnia inde hausta, in plurimis peccent necesse est; nostræque Grammaticæ, cùm sint unico ex Codice Massorethico formata, ut monuimus, oportet etiam ut multis vitiis laborent. Unde colligere est plurimorum Interpretum hodiernorum laborem, qui nullo alio nititur fundamento, sæpe parum utilem esse, quandoquidem ei fidere non licet. Itaque fatendum est eum conari *χεδὴν περὶ αὐτὴν μέγα κῦμα θαλάσσης*, qui sperat se, subsidiiis
me-

memoratis adjutum, mediocrem adepturum cognitionem Hebraicæ Linguae; hoc est, se eam ita intellecturum, ut plerisque in locis, aut saltem plurimis, V. Testamenti, possit certò sibi persuadere se æquè intelligere quid Scriptores Sacri velint; ac olim, dum vivebant, ab Hebræorum vulgo intelligebatur.

7. Si quis, superioribus lectis, hîc subsisteret, facilè crederet ea fortè hoc animo à nobis esse scripta, ut à Linguae Hebraicæ studio Juventutem deterteremus; cùm re ipsâ animos ei addere ad hunc laborem alacriter suscipiendum instituerimus. Sed priusquàm quidquam aggrediamur, quæ in eo occurrant difficultates probè tenendum est; cùm ut ad eas superandas necessaria comparemus, tum ne iis prætermittis, satis eruditos nos esse putemus. Videmus enim ad hæc studia plurimos accedere, & in iis etiam consenescere, qui difficultates hæc ignorant, & se eruditos putant, cùm ne quidem viam ad eruditionem tendentem norint. Non parum etiam ad certam rerum cognitionem adquirendam conducit, scire quò usque pervenire liceat; ne frustra laboremus, aut nos id scire credamus, quod reverà nescimus.

8. Cùm , ut Poëta ait , *fit aliq̃d prædire temus , si non datur ultra* , quamvis multùm absit ut eam cognitionem Hebraicæ Linguæ adipisci queamus , qualem Linguarum Latinæ & Græcæ multi viri docti , postremis hisce sæculis , sibi compararunt ; attamen , propter rationes antea allatas , nitendum est , ut , quoad ejus fieri poterit , eam cognoscamus. Hæc autem subsidia adhiberi possunt , præter ea quæ memoravimus , ex Interpretibus veteribus & recentioribus hausta.

9. Cùm constet Arabicam , Chaldaicam & Hebræam Linguam Dialectos esse , potiùs quàm Linguas diversas : quemadmodum Ionicam , Doricam , & Atticam Dialectos ; prodest interdum , ad Hebraicarum vocum significationem adsequendam , confugere ad vicinos Populos. Quod fecerunt non rarò & feliciter viri doctissimi , & præ aliis *Sam. Bochartus* , *Lud. Cappellus* , & *Lud. de Dieu* , quorum postremus & primus enumeratis Linguis Æthiopicam etiam priscam , quæ Hebraicæ affinis fuit , conjunxerunt. Exempla passim in eorum libris occurrent , ut & in *Historia Æthiopica* , adjecitque ei Commentario viri celeberrimi *Jobi Ludolfi* , qui omnibus in studio Æthiopicæ

thiopicæ Linguæ prævit, & præstitit. Nos quoque hoc ipsum non rarò, in Commentariis in *Pentateuchum*, ostendimus. Itaque si cui animus eò propendeat, memoria firma sit & vasta, ac vitæ genus patiatur, non inutiliter hisce studiis operam dederit; & ad conferendas quidem invicem hæc Linguas, multùm proderunt Lexica in quibus conjunctæ sunt, qualia *Lexicon Pentaglotton Val. Schindleri*, *Heptaglotton Edm. Castelli*, & *Harmonicum J. H. Hottingeri*. Hæc Lexica possunt esse usui etiam Linguarum illarum haud valde peritis, si modò earum lectio nota sit, cùm affines Radices sæpe juxta se invicem collocentur. Sed tenenda quoque est, quam ipsa Grammatices elementa statim docent, permutatio litterarum affinium.

10. Verùm hîc cavendum, ne putemus hæc Linguas ita ἐν ὁμογενείᾳ sibi invicem respondisse, ut eadem radices eandem in omnibus, aut affinem semper significationem habuerint. Sæpe evenit ut una eadêmque vox in Linguis affnibus varia significet, ut ex Linguis hodiernis satis constat. Exempli causâ, Linguæ Anglica & Belgica multa habent affinia, quæ idem significant; sed non
pauca

pauca quæ planè diversa, quorum unicum exemplum afferam, unde de ceteris iudicium ferri poterit. Apud Anglos, *understand* significat *intelligere*; apud Belgas, *onderstaan* est *moliri, niti*, item *subsistere*. Eâdem voce prognata *understanding* Anglis *intellectum* sonat; Belgis *onderstandt* est *auxilium, adminiculum*. Anglis *understanding* est *solers* etiam & *peritus*, Belgis *onderstandig* est *auxiliarius*. Si interuisset Lingua Anglica, sique unicus superesset liber Anglicus, & paullò plures Belgici; hi quidem sæpe essent usui intelligendo Anglico, sed possent etiam in errorem interdum incautos conjicere; ut si vox allata locis tantùm aliquot exstaret, quorum series tam ferret significationem *auxilii* ex Belgica Lingua, quàm *intellectus*, facilè eò delaberentur qui Belgicè scirent, ut *auxilium* interpretarentur. Ita Psalm. CXIX, 34. leguntur hæc verba in translatione Anglica; *Give me understanding, and i shal keep thy law*, cùm hæc verba significant *da mihi intellectum, & ego observabo legem tuam*; verti ex Belgica Lingua posset, *geef my hulp, da mihi auxilium*. Itaque si quid simile in interpretandis Hebraïcis tentetur, magna attentione utendum; nec quidquam affirmandum

dum quasi exploratum , quod non res ipsa & series orationis manifestissimum * faciat. Etiam in una eadémque Lingua , lapsu temporis, mutatur significatio vocum ; quas proinde ex recentiore usu non licet in antiquioribus Scriptoribus interpretari , unde colligere est majorem cautionem adhibendam in diversis Linguis. Exemplum insigne ejus rei proferemus ex *A. Gellio* Noct. Attic. Lib. XIII. c. 29. *Animadvertere est , inquit , pleraque verborum Latinorum ex ea significatione , in qua nata sunt , decessisse vel in aliam longè , vel in proximam , eámque decessionem factam esse consuetudine & inscitiâ temerè dicentium , quæ , cuimodi sint , non didicerint. Sicuti quidam faciem hominis esse putant os tantum & oculos & genas , quod Græci πρόσωπον dicunt ; quando facies sit forma omnis & modus & factura quædam corporis totius , à faciendo dicta : ut ab adspæctu species , & à fingendo figura. Itaque Pacuvius in Tragœdia , quæ Niptra inscribitur , faciem dixit hominis , pro corporis longitudine.*

*Ætate , inquit , integrâ , feroci ingenio ,
facie procerâ virum.*

Non

• Vide *Diff. nostram de Opt. Gen. Int. Script. §. X.*

Non solum autem in hominum corporibus, sed etiam in rerum cujusque modi aliarum facies dicitur. De ceteris ipsum fontem adeas.

II. Aliud est subsidium, quo usi sunt Interpretes omnes; nempe, conjectura, quæ nititur rebus ipsis & serie sermonis. Sæpe enim vocibus potestatem adsignarunt Interpretes, quia putarunt eam necessario postulari loci circumstantiis. Qua in re facillimum est falli, cum plures sensus uni, eidemque loco convenire queant, nec nobis interdum Scriptoris scopus satis pateat. Solent autem potissimum duobus modis falli Interpretes, in ejuscemodi phrasibus aut vocabulis; quod attendant præconceptas notiones, quas ipsi habent earum rerum, de quibus sermo est, cum sæpe Scriptor, quem interpretantur, easdem non habuerit; & quod eam sententiam statuunt sine dubio esse optimam, quam positam, elegantior aut validior est Scriptoris ratiocinatio; cum sæpe neque elegantiam illam captaverit, neque demonstrationes afferre voluerit. Verum de hisce copiosius, in secunda hujus Operis Parte, agemus, ita feliciter ac LXX Esaiæ LII, 15. ex conjectura verterunt *in jazzeh, admirabuntur*, quam significatione

tionem נון *nazab* alibi nusquam occurrit, neque in vicinis Linguis reperitur. Hoc enim in versu est *נאזב* eorum, quæ habentur in antecedente. Sensus est: *quemadmodum multi piorum Israëlitarum clades admirati sunt: ita multi eorum reditum admirabuntur.* Agit enim Propheta sensu Grammatico eo in loco, de piis Israëlitis, quamvis res multò sublimior sub illo cortice Grammatico lateat. Quam se variè hîc torserint Interpretes, qui scire volet *Lud. Cappelli* notas adeat.

12. Præter eam cognitionem consuetudinum & morum Hebræorum, quam, ex Sacris Libris potissimum haustam, suppeditare poterunt Scripta virorum eruditorum, quos laudavimus; multa huc pertinentia invenientur apud Scriptores, qui de populis vicinis Hebræorum aut victoribus verba fecerunt. Multas enim vicinæ Gentes similes consuetudines habere solent. *Herodotus* Halicarnasseus & *Diodorus* Siculus, aliique Ægyptiorum & Chaldæorum res scripsere; unde non dubia lux multis Hebræorum moribus, ut ostendit *Joannes Spencerus*, in Opere cujus titulum suprâ attulimus. Idem & nos demonstravimus, in Commentario in *Pentateuchum*, multis in locis,

cis , ita ut res ampliùs in dubium revocari nequeat. Præterea eò passim alludunt Hebræi Scriptores, nec quid velint intelligere licet , nisi res Ægyptiorum & Chaldæorum norimus. Sic Eſaiæ Cap. XVIII, 2. Ægyptii describuntur hisce verbis , קו קו גו *goi kau-kau*, ubi quis conjecerit legendum קי קי *ki-ki*, aut potius varietatem esse Dialecti , quâ quod per ׀ scribebant Hebræi id per ׀ efferebant Ægyptii ; quod sæpe fit in Linguis, vel Dialectis Orientalium. Sermo enim est de palustribus Ægyptiis, ut apparet ex eo quòd *fluvii dicantur diripere eorum terram*. De his autem ita *Herodotus*, Lib. II. c. 94. Ἀλείφαπ ὃ χεῖωνται Αἰγυπτίων οἱ περὶ τὰ ἑλεα οἰκέοντες , ὅπου τὸ σιλίκυπριον ἔκαρπον τὸ καλοῦσι μὲν Αἰγύπιοι ΚΙΚΙ : *unguento autem utuntur Ægyptii qui circa paludes habitant , ex fructu silicypriorum , quod appellant Ægyptii Kiki.*

13. Expectaverit fortè quispiam , ut agamus hîc de studiis Rabbinicis ; verum aut hæc ad nostrum institutum non pertinent , aut quæ diximus possunt etiam in eam rem partim dicta existimari. Sunt duplicia potissimùm eorum Scripta. Alia sunt Commentarii in Vetus Testamen-

mentum, qui non sunt difficiles admodum intellectu, iis qui contextum ipsum intelligunt, & mediocrem operam iis navarunt, *Rabbinico Lexico J. Buxtorfii* adjuvi. Sed cum sint recentiorum Rabbiorum, neque ullâ ratione conferri queant Christianorum laudatis Interpretibus, qui plura multò subsidia adhibent quàm Rabbiorum gens, & iudicio multum iis præstant; nullam causam video quare tanti fiant, quanti à nonnullis fieri solent, nisi quòd vulgò non leguntur, & pulcrum est videri ea intelligere, quæ aliis ignota sunt. Sed res ipsa si introspeciat, cum Grammaticis ac Criticis Christianorum, nullo modo sunt æquiparandi. Sunt verò alia Scripta, aut allegorica, aut ad doctrinam Thalmudicam pertinentia, quæ nos docent quid senserint Judæi, aliquot sæculis post Christum; sed parum faciunt ad illustrationem Veteris Testamenti. Allegorici Doctores quidquid volunt fingunt, Thalmudici subtilissimè ritus omnes persequuntur, atque ex cerebro suo supplent, si quid deesse videatur Legi scriptæ, nulla penè Grammaticæ aut Historiæ ratione habitâ; quod studiosi faciliè intelligent, vel ex variis Thalmudicis Codicibus Latine

112 ARTIS CRITICÆ P.I. C.V.
tinè editis, & adnotationibus à viris doctis
auctis. Itaque hæc ad institutum nostrum
nihil faciunt, nec necesse est rem
copiosius demonstrare.

C A P U T V.

Consilia varia ad Studiorum rationem pertinentia.

1. **Q**UÆ diximus hætenus, de ratione
studiorum in Latinis, Græcis
& Hebræicis, pertinent ad Linguarum
cognitionem comparandam, potius quàm
ad certæ cujuspiam disciplinæ inquirenda
dogmata. At si quis sibi Linguae cogni-
tione comparatâ, & rerum etiam, quæ
apud Veteres habentur, neque enim
unum sine altero fit, velit penitiùs se cui-
piam Disciplinæ addicere; alius erit ordo
observandus, vel dudum evoluti Scrip-
tores denuò, immutato ordine antea
indicato, perlegendi. Hac ratione fiet
cùm ut res, tum etiam ut voces & lo-
quutiones rei propriæ meliùs intelligen-
tur, quod posterius hîc potissimùm re-
spicimus.

2. Qui Poëtas quidem ætate maturio-
re

re aggrediuntur legere, eos oportet ab antiquissimis initium facere; quia sequentes ad eos passim alludunt, atque ex iis plurima desumunt. Ex *Homero Hesiodus* fortè, ex utroque sine dubio sequentium ætatum Poëtæ plurima hausere. In Historicis verò non est ratio habenda ætatis Scriptorum, sed rerum quas scribere aggressi sunt; recentiorum enim cognitio nititur anterioribus. *Josephus*, qui multò post *Herodotum* vixit, prior est legendus, in iis quæ habet *Herodoteis* antiquiora. Quis sit inter Historicos ordo, non necesse est hîc dicamus, quia vel ex librorum inspectione innotescere potest. Si Historiam Ecclesiasticam, aut Veteres Christianos Scriptores legere quis seriò aggrediatur, eum etiam ab antiquioribus quibusque incipere oportet.

3. Cum cuius rei cognoscendæ operam damus, ei, quantum potest, sine interjectis moris, instandum est; donec eam animo notitiam, quam quærimus, conceperimus. Si enim sæpius omissum argumentum in manus identidem resumamus, turbabitur multùm Memoria & rerum ordo. Nam licet interdum ea legamus, quæ non sunt inter se connexa, ut unum necessariò ab altero pendeat;

attamen est ut plurimum nescio quis connexus, qui ad intelligendum non parum juvat. Præterea illa nimium interrupta lectio fastidium parit, quo fit ut tandem præ tædio eos Scriptores deponamus; quos si continenter, & sine interpellatione legissemus, avidè evolvissemus. Huc etiam accedit, quòd cum quisque Scriptor suum habeat characterem, suamque eloquutionem, opus sit tempore, & perpetuâ lectione ut ei adsuamur. Hoc enim fieri nequit, subinde deposito & in manus denuò sumto Scriptore; quod experientia nos docuit, & omnes, quicumque idem tentabunt, docebit.

4. Itaque licet fieri nequeat, ut quotidie totidem horas litterarum studiis tribuamus; non est tamen committendum, quantum in nobis est, præsertim illâ ætate, quâ studiis solis operam dare licet, ut ullum umquam diem præterlabi sine lectione sinamus. Hic Pictorum illud celebre monitum, non minùs quàm in Pictura addiscenda, necessarium, animo infigendum: *Nulla dies abeat, quin linea ducta supersit. Habitus*, seu facilitas aliquid faciendi, ut loquuntur Ethici, non contrahitur, nisi repetitis actibus; nec aliter, nisi intermissis, deletur.

5. Ca-

355. Cavendum quoque est ne in aliud peccatum incidamus, quod frequenter admittitur à viris etiam litterarum studio addictissimis, ut uno eodémque die lectionibus planè diversis operam demus; quâ ratione studendi, non parum turbatur Memoria, & quod rerum à Memoria congestarum structor dici potest, Judicium; præsertim ubi ea quæ legimus attentionem animi majorem postulant; nam à gravi studio ad levius sine periculo & incommodo digredi possumus, aut etiam relicta lectione rei facilis, ad aliam æquè facilem transire. At ubi conatu quodam ingenii quidpiam intelligere nitimur; non potest subito ea animi affectio mutari, quin cerebro nostro veluti vis inferatur, quâ perturbantur Memoria & Judicium; ac sanè tunc temporis minus facile quæ legimus adsequimur & concoquimus. Hinc fit ut qui ita student multum laborent, sed parum proficiant, aut nescio quam eruditionem confusam adipiscantur, quam redolent eorum Scripta; ubi neque perspicuitas, neque ordo ullus animadvertitur. Apparet ex Scriptis viri longè doctissimi *Johannis Seldeni*, cum ita studia sua perturbasse, ut eodem tempore de rebus toto genere di-

versis cogitaret; digressiones enim captat adeò remotas & interdum tam longas, ut nisi ita studia instituisset, non potuisset tantam ordinis & rerum perturbationem ferre. Ac sanè dum ordinem & perspicuitatem negligit, non parum tardii Lectoribus creat; quæ vera ac utilia habet, longè plurima, minùs facillè intelliguntur; & sicubi in errorem delabitur, vix origo erroris deprehendi potest. Plurimi viri docti, qui lecto ejus de *Synedriis* Opere, crediderunt cum eo Synedrium Septuaginta-Virale fuisse perpetuum, à Mose ad extrema Judaicæ Reip. tempora, facillè deprehendissent esse hoc merum Judaicum figmentum; si vidissent argumenta *Seldeni* perspicuè & ordine expressa. Sed confusio, digressiones, testimonia aliena, & immensa illa eruditionis unum in Opus congesta farrago facillè fucum faciunt, & perspicaces etiam occæcant.

6. Quoniam autem, pro celebri Aphorismo *Hippocratis*, *ars longa, vita brevis est*, neque ingenia nostra omnibus studiorum generibus æquè apta sunt, neque per vitæ institutum, aut facultates, licet per omnia exspatiari; optimè sibi consulere videntur qui, his expensis, uni possi-

tissimum Disciplinæ operam dant; neque alias delibant, nisi quantum, ad ruditatem pudendam deponendam, satis est. Itaque postquam studiorum jacta sunt fundamenta, & jam cœperunt Studiosi iis cum voluptate incumbere, oportet eos in se descendere, & dispicere quam in rem potissimum naturâ ferantur; tum si cetera, quæ ad vitam pertinent, patiantur, eam sibi deligere excolendam. Exempli causâ, quandoquidem de Critica hic agimus; si quis sentiat se potissimum Poëtarum lectione affici, atque in eam toto animi impetu ferri; rectè faciet, si modò vitæ institutum ferat, si hoc studium, præ ceteris omnibus, colat. Si quis etiam Scriptorem quempiam singulari affectu amet, operâ non abutetur, si nitatur eum ad unguem intelligere, longiusque tempus in eo, quam in aliis, collocet. Multò enim magis proficimus, ubi propensione naturæ adjuvamus; quam cum, aut eâ invitâ, aut solâ vi rationis adducti quidpiam aggredimur; & præstat aliquid eximie tenere, cetera verò mediocriter, quam omnia delibasse, nihil penitus nosse. Ubi præstare dicimus, hoc volumus, utilius id esse, cum ei qui id tenet, tum aliis etiam, quibus prodesse potest.

7. Huc possumus referre monita Senecæ, de vitanda nimia lectione, Lib. I. Epist. 2. *Certis, inquit, ingeniis immerari & imitari oportet, si velis aliquid trahere, quod in animo fideliter sedeat. Nusquam est qui ubique est. Similia habet, Lib. VI. Epist. 1. Non refert quàm multos, sed quàm bonos habeas. Homini verò acre iudicium, quod ante omnia excolendum, in lectione vetusti cujuscvis Scriptoris, adhibenti, is Scriptor bonus fit; quia ejus vitia & virtutes pervidet, has imitatur, illa fugit. Quò magis eum versat, eò minùs ejus vitiis fallitur, eò magis virtutes complectitur, atque ad eas se componit. Sed adeundus Seneca. Digna etiam sunt, quæ altè in animum demittantur, verba hæc Quintiliani: * *Persequi quidem quod quisque umquam vel contempsit, rerum hominum dixerit, aut nimie miseriam, aut inavis jactantia est; & detinet, atque obruit ingenia meliùs aliis vacatura. Nam qui omnes etiam indignas lectione schedas excutit, anilibus quoque fabulis accommodare operam potest. Possemus, si vellemus, ejus delicti reos agere duos doctissimos viros Theod. Marcilium & Casp. Barthium, qui pluris essent faciendi si pauciora, et**

que

que meliora legissent, & magis concoxissent.

8. In omnibus Disciplinis, & præsertim in Linguarum studiis, Memoria est simul Penus & Promus-Conodus, Judicium verò, ut diximus, Structor, qui quæ Memoria depromsit ordine collocat, At ne Memoria rerum copiâ obruatur, est ordine adjuvanda; atque excerpenda, quæ usui postea esse queant, adeò ut inveniri faciliè possint. Inutilis enim esset lectio, nisi quæ legimus usibus nostris possemus accommodare: ut inutilis esset magna suppellectilium copia, si, quando usus urgeret, ubi id esset quo indigeremus nesciremus. * *Vetus est proverbium paupertatem certissimam esse, cum alicujus indigeas, uti eo non posse, quia ignoretur ubi abditum delitescat quod desideratur.* Multi multa hanc in rem scripserunt, & nos etiam experti sumus, sed nulla occurrit methodus commodior & facilior eâ, quam ab amico acceptam Gallicè † dudum edidimus. Non modò enim Latinæ, sed etiam Græcæ Linguae aptatam, ab aliquot annis, utilissimam esse comperimus; neque umquam in manus Collectanea nostra Lati-

H 4

na

* Columella ex Cicerone. Lib. XII. c. 11.

† In Biblioth. Univers. T. 2. pag. 315.

na aut Græca sumimus, quin optimo & doctissimo viro, qui eam methodum nos docuit, gratias habeamus.

9. Initio quidem studiorum, ubi iudicium nondum satis firmatum est, neque cognitio sat magna, ut quæ sint excerpta probè norint Studiosi; vix alia excerpuntur, quàm quæ in breve tempus utilia futura sint; quia, maturescente iudicio, contemnuntur quæ antea in pretio erant. Attamen utile est excerpta ejusmodi habere, cùm ut artem ea disponendi discant Studiosi, tum ut memoriæ meliùs mandent quæ legunt. Ceterùm duo hac in re diligenter observanda, primum est, ut ea tantùm exscribamus, quæ eximia sunt, vel propter rem ipsam, vel propter elegantiam eloquutionis; non quæcumque occurrunt, quo labore nimium sufflaminaretur lectionis impetus. Non est putandum ea omnia esse exscribenda, quæ *γρῶμαι*, aut *sententia* vocantur. Ea dumtaxat sunt seligenda, quorum nobis in mentem non veniret, aut quæ æquè bene exprimere ipsi non possemus. Ita, licèt memorabilis sit fabula eo in loco *Virgilio*, ubi hæc verba habentur, nolim ea describi:

Disci-

*Discite justitiam moniti, & non temnere
Deos,*

Nihil enim est in re, aut in eloquutione, quod sit supra captum cujusvis.

10. Alterum, quod hîc observari velim, est ne nimis multa exscribantur verba, sed tantum observatu dignissima, adnotato Scriptoris loco. Nimium enim tempus, nec sine magna molestia, alioquin in exscribendo absumeretur. Non est etiam excerpendum quidquam, dum lectione distinemur; ita ut propterea abrumperetur lectio, ut calamus in manum sumatur; hoc enim tædiosam lectionem efficit. Notanda sunt tantum loca postea exscribenda, in schedula, ut absolutâ lectione id fiat; neque etiam initio, post primam libri lectionem, id tentandum, sed post secundam dumtaxat.

11. Hæc quidem minuta videbuntur, at sine hisce magna non constant, & neglecta maximam perturbationem Memoriae & Judicii, temporisque, quod rerum omnium pretiosissimum est, jacturam creant. Summa alioquin ingenia, hisce neglectis, ingentia peccata admiserunt; quæ si vitassent, erudito orbi, adeoque hu-

humano generi multò utiliora fuissent. Ac sanè qui talia contemnunt, id non tam magnitudine ingenii faciant, quàm inopiâ judicii, quâ fit ut quanti usûs sint ordo & methodus non satis intelligant.

12. Coronidis loco, addemus singularem methodum studiorum, quâ ii demum uti poterunt, qui eò usque pervernerint, ubi consiliis nostris non ampliùs opus habituros diximus. Ea usum esse *Claud. Salmasium*, *ἀπερὶ ἰστορίας* alioqui singulare in scribendo exemplar, docet nos *Joannes Baptista Lantimus*. „ Quid-
 „ quid superest de Veterum libris cete-
 „ risque monumentis, inquit, diviso in
 „ certa spacia omni ævo, ætatum & tem-
 „ porum ordine pervolvebat; initio ab
 „ antiquissimis ducto, ita ut omnes unius
 „ ætatis Scriptores perlegeret, conferrèt-
 „ que; donec illius sæculi Linguam, mo-
 „ res, ritus, artes & quidquid ex iis
 „ quæ restant monumenta colligi potest
 „ in numerato, & sub uno adspectu po-
 „ sita haberet. Inde ad consequentia
 „ tempora, ad usque ultima, simili ra-
 „ tione, progredi solitus, & observare
 „ quod

* In Proleg. ad libros de Homon. Hyles Iatrices.

„ quodcumque novi in Linguis, artibus,
„ ceterisque prædictis succedens ætas in-
„ vexerat, quidquid à prioribus postero-
„ res Scriptores acceperant; id adsequu-
„ tus est, nihil ut illum fugeret, quod
„ ad Historiam omnis generis spectare
„ posset.

13. Hoc si posset fieri, sine perturba-
tione studiorum in legendis tot vario-
rum planè argumentorum libris, utilissi-
mum sine dubio esset. Sed nec accuratè
hoc potuisse fieri à *Salmasio* crediderim;
& multum aberat ut omnes disciplinas,
de quibus libros Veterum forte legerat,
calleret. Jurisconsulti certè & Medici,
in iis, quæ ad Jurisprudentiam & Medi-
cinam pertinentia scripsit, plurima non
sine ratione carpservunt. Attamen in uno
genere Scriptorum, & per aliquot sæcula,
observari hoc institutum, non sine ma-
ximo fructu, posset. Exempli causâ, in
Scriptorum Ecclesiasticorum lectione,
vix ullus alius ordo commodior est, ut
antea observavimus. Ceterum quæcum-
que de eruditionis monstris nonnullis ja-
ctentur, quasi omnia pænè ingenio com-
plexa sint Disciplinarum genera; & illi
(quidni enim verum profitear?) & alii,
quotquot Litterarum studiis operam de-
de-

124 ARTIS CRITICÆ P. I. C. V.
derunt, experti sunt verissimum esse illud
Poëtæ:

— NON OMNIA POSSUMUS OMNES

Partis Primæ Artis Criticæ Finis.



A R.

ARTIS CRITICÆ

P A R S II.

De Vocum & Loquutionum Signi- ficatione.

S E C T I O I.

Regulae Generales de Vocum & Lo- quutionum Significatione.

C A P U T I.

De Divisione Vocum.

I. **C**UM verba sint dumtaxat signa
notionum, eaque ab hominibus
pro arbitrio instituta, ut docent
Philosophi; sequitur ut ad totidem clas-
ses vocabula possint referri, quot sunt
notionum genera. *Notiones* autem, ne
ulla

ulla sit ambiguitas in hac voce, quâ sæpe nobis utendum erit, vocamus *quæcumque animo nostro obversantur*, cum de re *quæpiam cogitamus*. Itaque *Notio* hîc nobis non est ipsa intellectio, seu id quod agit aut patitur animus noster, cum intelligit, sed id quod ei intelligenti obversatur. *Notiones* igitur nostræ, diu & attentè eas animo lustranti, visæ sunt ad septem classes posse referri; ita tamen ut in singulis classibus plures sint, eæque sibi invicem contrariæ; alioqui classium major esset numerus constituendus.

2. I. Sunt *notiones simplices & compositæ*. Simplicies sunt eæ, in quibus mente quidem plura distinguere possumus; compositæ, quæ pluribus simplicibus constant. Simplicies sunt *notiones sensuum, doloris, voluptatis, motûs, aliæque in quibus partes nullas possumus secernere*. Itaque *amaror*, exempli causâ, *albor*, *senectus*, aliæque id genus sunt nomina *notionum simplicium*. Compositæ sunt *notiones corporum omnium, in quibus varias partes animæ intelligimus, & sensibus etiam ut plurimum deprehendimus; notiones item virtutum & vitiorum, in quibus singulis variæ possunt intelligi, & sensus expendi*. *Igitur am-*
rum,

rum, justitia, ebrietas sunt nomina notionum compositarum.

3. II. Sunt notiones *Substantiarum & Modorum*. Substantias vocamus ea, quæcumque tandem sint, in quibus sunt qualitates rerum quas novimus; modos vero qualitates quæ substantiis insunt, nec sine iis esse possunt. Substantiæ sunt corpora & mentes, quibus insunt innumeri modi; quales figuræ, & cogitationes variae. Hæc autem sua nomina habent, quorum significationem quandoque quaerunt Critici, & in quibus facile erramus, nisi diligenter animum attendamus.

4. III. Sunt notiones *Relationum*, quæ relationes sunt inter omnia patet, quæ animo contemplamur. Sic cum *Patrem* Philippum appello, cogito de *Filio* ejus Alexandro, & vice versâ. Itaque amor filii, aut reverentia patris sunt nomina relationum, seu virtutum quæ ad alia referuntur. Innumera sunt ejusmodi, de quibus Sectione II. subtilius agemus, & quæ diligenter expendisse maximi est, in hac nostra arte Critica, momenti.

5. IV. Sunt notiones *verum*, quæ non veræ sunt, aut saltem esse creduntur, quas concretas vocant Philosophi; & rerum quæ
IV 3



nusquam sunt, nisi in intellectu nostro; quas illi *abstractas* appellant. Ἄνθρωπος, *homo qui revera est*, nomen est concretæ notionis; ἀνθρωπότης verò *humanitas*, &, si lubeat, ἀντιστοιχείαι sunt abstractarum notionum vocabula. Non leves sunt de hisce Philosophorum, aliorumque hallucinationes, ut suo loco ostendemus.

6. V. Notiones, quæ pluribus communes sunt, vocantur à Philosophis *universales*, aut *particulares*; quæ verò uni rei conveniunt *singulares*. *Humanitas* nomen est notionis universalis, *civitas* nomen particularis, *Cicero* singularis. Hæc autem nomina aliquando non satis intelliguntur, atque inter se miscentur; unde multi nati errores, quos ope Criticæ deprehendere licet.

7. VI. Nulla notio est, quæ non possit *clara*, aut *obscura* dici. Obscuræ, exempli causâ, sunt notiones omnium substantiarum; claræ simplices omnes. Licet autem perspicuitas & obscuritas, haud aliter ac dies & nox, diversæ sint, mirum est quàm frequenter clara obscura ab hominibus censeantur, & vice versâ obscura clara; quod diligenter demonstrabimus.

8. VII. Sunt denique notiones quæ integram rei, quam contemplamur, naturam animo nostro sistunt, quas *adequatas*, uno verbo, vocant Philosophi. Aliæ verò partem dumtaxat rei, quam animo versamus, nobis obijciunt, dicunturque *inadequata*. Maximi cum sit momenti imperfectam cognitionem à plena distinguere, non malè mereantur de Litterarum Studiosis, qui doceant quæ nomina sint notonum adequatarum, quæ inadequatarum; quod nos facere conabimur.

9. Hæc sunt genera notionum, ad quæ cuncta referri possunt, & ex quorum numero voces omnes à nobis dividuntur. Atque hoc, ad institutum nostrum quod attinet, satis superque est. Cum oratio sit collectio signorum, eodem ordine collocatorum, quo notiones, quarum sunt signa, menti obversantur; nec possint aliud significare, quàm quod cogitatis qui loquitur, si modò usum sequitur loquendi magistrum; necesse fuit paucula de notionibus dicere, priusquàm ad earum signa deveniremus. Qua in re, si titamur vocibus ignotis, sensu quem iis tribuimus, auribus Latinis, nobis id condonabunt facilè,

Tom. I.

I

ut

ut spero, Lectores; qui meminerint huiusmodi notiones, quemadmodum à nobis considerantur, numquam fortasse animo ullius Scriptoris Romani obversatas, ac proinde novis rebus nova imponenda fuisse vocabula. Sic certè fecerunt olim Latini, cum primum Linguâ suâ philosophari cœperunt; quod cur nobis hodie non liceat, nova proferentibus, nulla ratio afferri potest.

10. Verùm antequàm veniamus ad singulas notionum classes, aut potius antequàm earum nomina singillatim expendamus; nonnulla monenda nobis sunt, quæ ad omnia ferè ex æquo pertinent, aut ad plura simul; quibus allatis, singulas classes excutiemus.

CAPUT II.

Regulae Generales de Interpretatione.

REGULA I.

Linguis sibi invicem non satis respondere.

I. **I**S censetur Scriptorem intelligere posse, qui callet Linguam, quæ Scriptor usus est. Eum autem accuratè loquentes *callere Linguam* dicimus, qui dum legit aut audit alium loquentem, habet animo obversantes easdem notiones, quæ à loquente, aut scribente vocibus quibus utitur subjectæ sunt. Alioqui si quod sit discrimen, inter notiones loquentis & audientis; adeò ut ex alterutra parte sint clariores aut obscuriores, ampliores aut arctiores, aut ulla denique alia in re diffideant, qui audit non potest censeri perfectè intelligere sermonem loquentis. Quòd re ipsà rarò contingit, cum paucis conveniat in omnibus notionibus compositis; dum aliis alii paucio-

res aut plures notiones simplices unâ voce designant; aut dum clariores, aut obscuriores, aliqua ex parte, uni obversantur, quàm alteri. Cùm verò sæpè vix ac ne vix quidem rescire possimus, an aliis eadem planè objiciantur notiones ac nobis, nisi plurimis interrogationibus, & in multis ne hac quidem ratione; ut ostendamus, ubi agemus de notionibus simplicibus; sequitur nos sæpissimè scire non posse, an nos invicem intelligamus.

2. Sed cùm ad summam *intellectus* pervenire nequeamus, oportet nos contentos esse modicâ intelligentiâ. Itaque cum *callere Linguam* dicemus, qui eatenus eam intelligit, ut habeat similes notiones loquentium notionibus; adeò ut si is verbis suis incipiat loquentium sententiam exprimere, ipsi sint agnitori sensum suum in ejus verbis, postquàm suis explicuerint. Qui sermones aliorum probè intelligere cupiunt, debent se veluti eorum loco constituere, & verba interpretari, quemadmodum ipsi ea interpretarentur, sine additione, detractione, aut denique mutatione ulla.

3. Ut hoc fieri queat, usu discenda est

est Lingua, quam intelligere volumus. Versantibus, scilicet, cum iis qui eâ utuntur, observandum diligenter quas potestates subjiciant omnibus vocabulis, & loquutionibus quibus utuntur. At ubi Linguae sunt obsoletæ, ut sunt eæ de quibus in hoc Opusculo agimus, usûs loquentium vicem præstant Libri & Dictionaria; in quibus demortuarum Linguarum voces exprimuntur, aliis vocibus Linguae nobis notæ. Post diuturnam & multiplicem lectionem, non multum quidem indigemus Lexicis; at initio aliter Linguas addiscere non possumus.

4. Verum ex sequentibus Regulis, liquabit in Lexicis, partim eorum qui ea scripsere culpâ, partim Linguarum penuriâ & dissimilitudine, multa desiderari. Hanc in rem, ante omnia observandum *LINGUAS sibi invicem satis non respondere*; hoc est, plurima esse in Lingua quavis vocabula, quæ alterius nullius totidem verbis exprimi possunt, sed tantum periphrasi; quo fit ut in Lexicis similibus tantum vertantur, aut aliqua ex parte dumtaxat respondentibus. Neque hoc tantum contingit singulis vocabulis, sed etiam multis loquutionibus. Atque hac in re sita sunt Linguarum *Idiomata*, quibus

5. In Græca Lingua, præsertim in Atticorum sermone, aliquot sunt particulae, quæ à Grammaticis *παρρηγορηματικαὶ*, *expletivæ* dicuntur; quas interdum nihil significare certum quidem est, sed quas ut plurimum gratiam & vim orationi, quâ careret si abessent, addere omnibus constat, qui Attico sermoni aures adsuetas habent. Tales sunt particulae αἰεὶ, ὃ, δὲ, εἴ, αὖ, αὖ, μὲν, δέ, &c. quæ passim in Scriptorum Græcorum Latinis versionibus refecantur, quod nullæ sint in Latina Lingua similes. At si in ipsis Græcis circumciderentur, constaret quidem fortè constructio & sententia; sed elegantia & perspicuitas, & vis orationis perirent, quod illico experietur quicumque simile quid tentabit. Libet hîc initium Apologiæ Socratis à Platone conscriptæ, exscribere, particulis illis inter uncinos clausis, & in Latina versione, ubi verbum verbo translatimus, omisiss.

I. Ο [μή] ὑμεῖς, [ὦ] ἄνδρες Ἀθηναῖοι, πεπόν-
θατε ὑπὸ [τῶ] ἐμῶν κα-
τηγόρων ἕκ οἷδ' α. ἔγω
[γ' εἴη] αὐτὸς ὑπὸ
αὐτῶν, ὀλίγος δέ ἐστιν, ἐ-
μαυτῷ ἐπελαθόμενος,
ἔγω πιθανῶς ἔλεγον καὶ
τοὶ ἀληθῆς [γε], ὡς ἔπος
εἰπεῖν, ἔδ' ἐν εἰρήκασι.

II. Μάλιστα [δ' ἐ] αὐ-
τῶν ἐν ἐθαύμασσι τῶν
πολλῶν ὧν ἐφύόσκοντο,
τῷτο, ἐν ᾧ ἔλεγον ὡς
χρῆμα ὑμᾶς ὠλαθεῖν
οὔσαι, μὴ ὑπὸ ἐμῷ ἐξα-
πατηθῆτε ὡς δαινῶ ἄν-
τις λέγειν.

III. Τὸ γὰρ μὴ αἰ-
σχυνθῆναι ὅτι αὐτῶν
ὑπὸ ἐμῷ ἐξελεγχθῆ-
σονται ἔργω, ἐπαθεῖν
μὴδ' [ἀπωσιῶν] φαί-
νομασι δεινὸς λέγειν, τῷ-
τό μοι ἐδόξε γὰρ αἰσχυρ-
τότατον εἶναι. εἰ μὴ [οὐρα]
δαινὸν καλεῖσθαι αὐτοὶ
λέγειν, [τὸν] τ' ἀληθῶς
λέγοντα. εἰ [μή] γὰρ τῷ

Quid vos, viri Athe-
nienſes, paſſi fueritis
à meis aculaſtoribus,
non novi; ego ipſe
ab iis parum abeſt
ut mei ipſius oblitus
ſim; adeò aptè ad
perſuadendum dice-
bant, & tamen verum
nihil ferè dixerunt.

Præcipuè eorum
unum miratus ſum,
ex iis quæ multa
mentiti ſunt, hoc in
quo dixerunt oport-
tere vos vereri, ne à
me falleremini, quip-
pe dicendi perito.

Nam non erubeſce-
re quod ſtatim à me
redarguendi eſſent
opere, quandoqui-
dem non appaream
peritus dicendi; hoc
mibi viſum eſt impu-
dentiffimum eſſe.
Niſi peritum vocent
dicendi vera dicen-
tem. Nam ſi hoc di-

πλέγουσιν, ὁμολογοῖν cunt, fatebor ego,
 [ἀν] ἰγώ γε, & κτ' τὰ non secundum hos-
 τας, εἶναι ῥήτωρ. ce, me esse Rhetor-
 em.

Apparet quidem, ex Latina versione, quid velit Socrates; attamen gratia orationis perit, nec parum imminuitur vis, quæ Græcis inest. Non sentient fortè hoc quidem qui non sunt in Græcis satis exercitati, ut neque lautitias ciborum dignoscunt; qui lautè numquam vixerunt; opus, nimirum, est hîc consuetudine. Verùm sequentia satis animadvertent, si attendant. I. In prima periodo, occurrît 1. VOX *πεπόνθατε*, quæ Latinè satis exprimi nequit, ut *Marsil. Ficinus* paraphrasi uti coactus fuerit: *Quâ vos ratione affecerunt accusatores mei nescio*, &c. 2. Idem addidit *me* certè sic affecerunt *ut mei ipsius penè oblitus fuerim*, nec aliter potuit intelligi; quò autem res paucioribus verbis, iisque perspicuis, dici potest, eò vividius exprimitur, & contrà. 3. ὥς ἐπεὶ εἰπὼν est ad verbum, *ut dicere*, hoc est, *ut dicam verbum*, quod vertit *Ficinus*, *ut ita loquar*; verùm apud Latinos ea formula est quâ duriorē metaphoram, aut figuram audaciorem emollimus; hîc verò nihil simile occurrit, nec aliud vult Socrates,

tes, nisi apertè se dicere nihil veri ab
adversariis esse objectum. Aliquoties, in
hac ipsa Apologia, hæc formula eodem
sensu occurrit. Sic loquens de Poëtis:
ὡς ἐπὶ τοῦ εἰπεῖν, ὀλίγα αὐτῶν ὅπαντες οἱ
παρόντες ἂν βέλπον ἔλεγον πρὸς ὧν αὐτοὶ ἐπε-
ποιήκεσαν: *ut dicam quod res est, ferè omnes
præsentes melius quàm ipsi loquerentur de iis
de quibus poemata fecerunt.* Itaque, loquu-
tione Græcâ, non tam novitas tropi aut
figuræ emollitur, quàm τὸ παραδόξον af-
firmationis. Sic intelligenda, Heb. VII, 9.
ubi præstaret vertere, *ut dicam quod sen-
tio*, quàm *ut ita dicam.* Absurdè vertit
Joan. Serranus: *ut uno verbo complectar.*
Galli dicunt: *pour dire le mot*, quâ lo-
quutione utuntur si quid audacius dicunt,
II. In sequentibus verti δεινὸς λέγειν, *pe-
ritum dicendi*, sed major est Græcarum vo-
cum ἑμφασις. Significant enim eloquen-
tissimum. Mirari subiit Henricum Ste-
phanum, qui in *Thesauro suo*, δεινὸς φα-
γεῖν vertit *peritum edendi*, quasi sit aliqua
in ea re peritia. Non melius Justus Vul-
teius, qui *Æliani* varias Historias tran-
stulit, cap. I. Lib. I. vertit: δεινοὶ καὶ κρι-
λίαν, *firma & robusto ventre sunt Polypodes*;
nam ne dicam voce κριλία stomachum si-
gnificari, non ventrem, hæc phrasis, hoc
in

in loco designat ventriculi in appetendis cibis vehementiam, & in iisdem concoquendis firmitatem. Apud *Xenophontem*, Inst. Cyri, Lib. * V. occurrit δεινόν τι καί τι καὶ μέγαν; quod Latinè exprimi nequit, nam *Joann. Leunclavii* versio, quæ habet *admirandâ formâ & proceritate*, asfinem quidem significationem adhibet, & quæ eodem recidit; sed non satis exprimit vim vocis δεινός, quæ numquam *admirandum* significavit. Est & alius locus, apud eundem *Xenophontem*, † ubi hæc vox occurrit juncta verbo παύειν, nec parvum negotium Interpretibus faceffit. Ait de Paphlagonibus, Græcos armatos saltantes spectantibus: ἀρῶντες ὃ οἱ Παφλαγῶνες δεινὰ ἐποιῶντο πᾶσι τοῖς ἀρχαῖς ἐν ὄπλοις εἶναι. Vertit *Joan. Leunclavius*: quæ omnia cum Paphlagonēs adspicerent, mirificum quiddam esse ducebant saltationes hæc universas in armis fieri. Romulus verò Amasæus: Hæc Paphlagonēs commoti sunt, quod neminem videbant nisi armatum saltare. Neuter vim vocis assequutus videtur; quæ, si posset Latinè exprimi, melius verteretur ab usu communi abhorrens censebant. Alioqui δεινὸν τιὸν significat *indignè*

* P. 123. E4. *Veckel*.

† De Exped. Cyri Lib. VI p. 371.

indignè ferre, queri, ut docet *Henr. Stephanus*; sed ea significatio hîc locum habere nequit, ut apparet ex sequentibus.

6. I. Οὐτοι [μὲν] ἔν, ὥσπερ ἐγὼ λέγω, ἔδὲν ἀληθές εἰρηκασιν. ὑμῖς δὲ με ἀκέσεσθε πᾶσαν [τὴν] ἀλήθειαν. ἢ μὲν τοι, μά Δία, ὦ ἄνδρες Ἀθηναῖοι, καλλιεπημέλεις [γε] λόγους (ὥσπερ οἱ τῶτων) ῥημασί τε καὶ ὀνόμασιν, ἔδὲ κεκοσμημέλεις, ἀλλ' ἀκέσεσθε εἰκὴ λεγόμενα τοῖς ὀπιτυχέσιν ὀνόμασι. πτωδὶα γὰρ δίκαια εἶναι αὐτὸ λέγω, καὶ μηδεὶς ὑμῶν προσηγορεύεται ἄλλως. ἔδὲ γὰρ [αὐ] δὴ περ πέποι, ὦ ἄνδρες, τῆδε [τῇ] ἡλικίᾳ, ὥσπερ μειρακίᾳ. πλάττοντες λόγους, εἰς ὑμῖς εἰσέτιναι.

Hi ergo, quemadmodum ego dico, nihil verum dixerunt, vos verò à me audituri estis omnem veritatem. Neque verò, per Jovem, ô viri Athenienses, elegantes sermones (quemadmodum sunt illi horum) verbis & nominibus, neque ornatos; sed audietis temerè dicta, nominibus quæ occurrerint. Nam credo justa esse quæ dico, nec quisquam vestrum expectaverit aliter. Neque enim profectò, decuerit, ô viri, hanc ætatem, quemadmodum adolescentulum componentem sermones, ad vos ingredi.

Quin-

I I. Καὶ μὲν τοῖς [καὶ] πάντι, ὡς ἄν-
 δρες Ἀθηναῖοι, τῷ-
 το ὑμῶν δέομαι καὶ
 παύεσθαι. ἵνα δὲ
 τῶν αὐτῶν λόγων
 ἀκούετε με ὑπολογι-
 μὲν δὲ ὥστε εἰσθε-
 λείγειν, καὶ ἐν ἀγο-
 ρῇ, καὶ ὅππῃ τῶν
 τραπέζῳ (ἵνα ὑμῶν
 οἱ πολλοὶ ἀκηκόασιν,
 καὶ ἄλλοι) μήτε θαν-
 μάξω μήτε θορυβῶν
 τῆς ἐνέκας. ἔχει γὰρ
 ἕτοιμος.

Quinimò vehe-
 menter, ô viri A-
 thenienses, hoc vos
 oro & obsecro, si
 iisdem sermonibus
 audiatís me defen-
 dentem, quibus so-
 litus sum dicere &
 in foro, & ad men-
 sas (ubi plurimi ve-
 strum audiverunt,
 & alibi) neque mi-
 remini, neque ob-
 turbetis propter-
 ea. Sic enim *se res*
 habet.

I I I. Νῦν ἐγὼ
 πρῶτον ὅππῃ δικασ-
 εῖον ἀναβέβηκα, ἐπὶ
 γεροντῶς πλείω ἐβδο-
 μήκοντα. ἀπεχθῶς δὲ
 ξένως ἔχω τῷ ἐν-
 θύδῃ λέξεως. ὥσ-
 περ δὲ [ἀν] εἰ τῷ ὄντι
 ξένος ἐπὶ γῆρανον ὄν,
 ξυνεγινώσκετε δὴ περ
 [ἀν] μοι, εἰ ἐν ἐκείνῃ

Nunc ergo pri-
 mum in locum, in
 quo jus dicitur, ad-
 scendi, annos natus
 plures *quàm* sep-
 tuaginta; planè er-
 go peregrina mihi
 est dicendi ratio *qua*
 hîc *obtinet*. Itaque
 quemadmodum si
 reverâ peregrinus es-
 sem

τῇ φωνῇ τε καὶ τῷ
 τρόπῳ ἐν ᾧ περ ἐστὶ
 θρασυμύην. δὴ καὶ νῦν
 τῷτο ὑμῶν δέομαι
 (δικαίον, ὥς γε μοι
 δοκῶ) τὸν μὲν τρό-
 πον τῷ λέξεως ἑῶν.
 (ἴσως, μὲν γάρ π.
 χείρων, ἴσως δὲ
 βελτίων ἂν εἴη) αὐ-
 τὸ δὲ τῷτο σκο-
 πῆν, καὶ τῷτῳ τὸν
 νῦν προσέχειν αἱ δι-
 καια λέγω, ἢ
 μή. δικασεῖ μὲν γὰρ
 αὐτῇ ἀρετῇ. ῥῆτο-
 ρος δὲ τῷ αληθῆ λέ-
 γειν.

sem ignosceretis uti-
 que mihi, illâ voce &
 modo, quibus innu-
 tritus fuisset, dicen-
 ti: certè & nunc vos
 precor (justum, ut
 mihi quidem vide-
 tur) loquendi qui-
 dem rationem præ-
 termittere (fortè
 quidem aliqua in re
 deterior, fortè verò
 melior sit) hoc verò
 considerare, & ad
 hoc animum atten-
 dere, an justa dicam,
 necne. Hæc enim
 quidem est virtus
 Judicis, Oratoris
 verò dicere vera.

7. I. Quamvis, & vertamus igitur, quia
 nulla aptior particula occurrit, non signi-
 ficat, sequentibus verbis, collectionem
 ex superioribus contineri; est dumtaxat
 transitionis quædam particula. Scio eam
 sæpe abundare, sed si superiora & sequen-
 tia attentè legamus, nequaquam vacare
 hoc in loco videbimus. Scio μὲν & simul
 sumta

sumta verti atqui, certè, & *Ficinum* hîc habere, quippe cùm; nam conjungit hoc cum superioribus, & à sequentibus divellit. Sed redit Socrates ad id quod primâ periodo dixerat, & incipit confutare quod adversarii de ipsius eloquentia jactaverant.

8. Πᾶσαν ἢ ἀλήθειαν. *Ficinus* vertit *vera omnia*, hoc est, nihil nisi verum. Hoc verò vult Socrates, se nihil velle celare judices; sed rem totam, absque dissimulatione, expositurum. Itaque hæc loquutio nonnisi periphrasi Latine exprimi potest, cum hîc, tum infra, ubi iterum occurrit: Gallicè dixeris: *je vous dirai toute la vérité*, expressâ ipsâ loquutione ad verbum; nec prætermisso articulo, qui planè necessarius hîc est. Nam *πᾶσα ἀλήθεια* est quidquid verum est, ad quodcumque negotium pertineat; sed articulus additus ostendit agi tantum de eo, quod in hac causâ quærebatur, utrum Socrates impius esset in Deos, & corruptæ juventutis reus. Sic loquutus est *Josephus* de *Belio Judaico* Lib. VIII. c. 7. de *Terentiano Rufo*, qui à *Simone Giorz* filio quæsierat quis esset, & unde veniret: *ποθύμενος παρ' αὐτῆς πᾶσαν ἢ ἀλήθειαν ἢ μὴ εἶπον λατρεῖς δεδιεμένους, καίτοι, ὅπως εἴη συνειλημ-*

λημψὶς ὁ ἐδήλως : omni ab eo veritate intel-
lecta , vinetum quidem illum custodiebat ,
Cæsari verò , quomodo esset captus significa-
bat. Sic Joan. XVI, 13. Christus de Spi-
ritu Sancto ad Apostolos mittendo, ὁδη-
γήσας ὑμᾶς , inquit , εἰς πᾶσαν τὴν ἀλήθειαν ,
hoc est , in omnem illam veritatem , quæ ad
me & doctrinam meam spectat. Malè ver-
terunt qui habent Gallicè , en toute veri-
té ; nam oportebat verti , à toute la vérité ,
& subintelligi , concernant moi & ma do-
ctrine ; eo enim tempore dimidiā tan-
tū partem veri noverant Apostoli , quod
de Christo nosse eorum intererat. Alii
deterius : il vous fera entrer dans toutes les
vérités.

9. Quoniam de articulo loquuti su-
mus , insigne exemplum varietatis Lin-
guarum , hac ipsa in re , afferemus. Ob-
servamus ergo Linguam Latinam , quòd
articulo careat , maximā interdum am-
biguitate laborare ; minùs Græcam , quæ
præpositivum articulum habet unum ; mi-
nimè omnium Gallicam , quæ est duobus
instructa , ut & aliæ hodiernæ. Si Lati-
nè , exempli causâ , dixeris *Deus* , tribus
modis potest Gallicè verti ; 1. *Dieu* sine
articulo , quâ voce significatur unus ve-
tus Deus , qui omnia creavit : 2. *un Dieu* ,
hoc

hoc est , quidam Deus , ut si Ethnici Scriptoris vertamus verba *Dei monitu*, dicemus, *par l'avertissement d'un Dieu*, hoc est , cuiusdam Dei : 3. *le Dieu*, quâ loquutione significamus certum Deum , de quo sermo est ; ut si loquamur de homine , qui oraculum consuluerit , dicimus : *le Dieu lui répondit* , &c. hoc est , Deus ille quem interrogarat , Apolio , putâ. Græci etiam dicunt *ὁ θεός* , sed nec caret ea loquutio ambiguitate , nec semper addunt articulum , ubi intelligi debet , ut ex hac ipsa Apologia liquet.

10. Ambiguitas illa linguæ Latinæ effecit ut *Tertullianus*, aliique nonnulli Patres eum sequuti , argumentum futile ex loquutionibus quibusdam Ethnicorum duxerint , quo tamen eos *naturaliter Christianos* esse se probare posse sperabant. *Vultis* , inquit Apologetici Cap. XVII. *ex anima ipsius testimonio comprobemus ? quæ licet carcere corporis pressa , licet institutionibus pravis circumscripta , licet libidinibus evigorata , licet falsis Diis exancillata , cum tamen respiscit , ut ex crapula , ut ex somno , ut ex aliqua valetudine , & sanitatem suam patitur , Deum nominat ; hoc solo , quia propriè verus hic unus Deus , bonus & magnus. Et quod Deus dederit omnino verum est.*

est. *Judicem quoque contestatur illum, Deus videt, & Deo commendo, & Deus mihi reddet. O testimonium animæ naturaliter Christianæ! &c.* Christiani quidem, voce *Deus*, nullum alium intelligebant, nisi unum; quemadmodum hodièque, quando dicimus *Dieu*, sine articulo. At Ethnici Latine loquentes, in formulis allatis, intelligebant *Deum*, quisquis esset, qui iis, de quibus loquebantur, præesse existimabatur. Nomen verò nullum addebant proprium, quia sæpe nesciebant quodnam Numen esset invocandum. Nos cum iis formulis utimur, nihil subaudimus, quia nobis est unus Deus; at Ethnici dicentes *quod Deus dederit*, hoc volebant, quod Deus ille, qui me tueatur, aut qui præest rebus quas ago, mihi dederit. Nomen non addebant, pravâ religione impediti, ne fortè Numini cuiuspiam beneficium imputarent, quod alii deberent, hujusque adeò iram moverent.

II. Græci, ut dixi, articulo suo aliquando ambiguitatem tollunt, quam Interpretes Latini vitare nequeunt. Ita Socrates, in hac Apologia: τῷ μὲν ἴτω ὁππερ τῷ θεῷ φίλον, *hoc eat quomodo Deo placebit.* Intelliget Gallus, Linguæ Græ-

cæ non satis peritus: *que cela aille* (hac in loquutione idiomata Græcæ & Gallicæ Linguae ad amussim sibi respondent) *comme il plaira à Dieu*. At ὁ θεός hic est ὁ Σωκράτης δαίμων, *genius Socratis*. Itaque si potestas vocum ὁ θεός esset Latine exprimenda, pluribus verbis utendum foret, qualia essent hæc, *Deus ille, qui me nutatur; Deus ille, qui mihi custos additus, &c.* Notum est quid Socrates diceret de suo Dæmone. Iisdem verbis eum describentem, sæpius in sequentibus, inducit Plato, ut in hisce: ἐγὼ ὑμᾶς, ὦ ἄνδρες Ἀθηναῖοι, ἀπαράζομαι μὴ ἢ φιλῶ, πείσσομαι ᾧ τῷ θεῷ μάλλον ἢ ὑμῖν: vos, ὁ viri Athenienses, *complector quidem & amo, parebo tamen Deo potius, quam vobis*. Si id voluisset, quod dicimus, *Dieu*, sine adjunctione; dixisset τὸ θεῖον, hoc est, *numen*; si verò quod solemus dicere *un Dieu*, θεός τις, *Deus, aliquis*.

12. Verum ad allata Socratis verba redeamus. Paullò post sequitur καὶ δευτέρως λέγεις, quod Latine non satis expresseris, nisi dicas *orationes delectu elegantium dictionum constantes*, hoc est, nisi quatuor voces pro una adhibueris; quod seriem orationis sæpe corrumpit, aut enervat. καὶ δευτέρως autem esse delectu ver-

verborum uti , cum vocis Etymologia, tum sequentium oppositio ostendit; nam Socrates opponit κακιστημενους λόγοις εἰκὴ λεγόμενα τοῖς ὑπὸ τυγχῶσιν ὀνόμασι ; *sine studio*, & quasi temerè dicta , nominibus quæ prima se animo obijciunt.

13. Οἱ τῶτων , Gallicè optimè *vertas ceux de ces gens-ci* , Latinè non dixeris *illi horum*, nisi barbarè. Repetendum *sermone*s , aut *orationes* , quod gratiam orationi molestâ ejusdem vocis , aut similis repetitione, detrahit.

14. Πισδύω ᾤδ , vertit *Ficinus* , *confido enim*, quod frigidum. Vertendum *credo*, ut velit Socrates, se uti oratione sine ornatu ullo ; quòd ea non esset dicturus, quæ non crederet esse justa , ut illius accusatores; qui ideò pigmentis eloquentiæ utebantur, quia contra animi sententiam loquebantur , & contra id quod æquum esse norant , ut fallerent iudices. Sed hoc ad comparisonem Linguarum nihil attinet.

15. Πλάττειν λόγους est aut *formare orationem magno studio*, aut eam pigmentis oblinere. Gallicè dicimus *des discours plâtrez*, hoc est, fucatos.

16. III. Ξένως εἶχειν est *esse in aliqua re instar peregrini*, qui primum aliquò adve-

nit, & loci mores ignorat, nec potest proinde ad eos sese componere. Inversa phrasi, non malè dixit *Ficinus*: *revera peregrinus sum in eo genere dicendi*; ἀπεχρῶς debuisset vertere *prorsus*, non *revera*, quod in sequentibus verbis repeti necesse est, ut vertatur τῷ ὄντι.

17. In sequentibus verbis, post voculam μοι, subintelligendum λέγοντι *dicenti*, cujus vocis omissionem in oratione Latina nescio an ferrent eruditæ aures. Certè similem Ellipsin observare me non memini. Attamen Græcè legentium oculos aut animum non offendit, nec obscuritatem ullam orationi creat.

18. Ὡς-γε μοι δοκῶ. Latini dicunt *ut mihi quidem videtur*, aut mutatâ loquutione: *iusta petere à vobis mihi videor*. Verùm ita loquuntur Græci, ut docebit *H. Stephanus* in *Thesauro*.

19. Τρόπον λέξεως ἔαν est *missam facere dicendi rationem*, ut solas res, quæ dicuntur, attendamus. τὸ ἔαν significat contemptum quemdam testari, quod non satis exprimi Latine queat; cùm, nimirum, quidpiam patimur, non quòd id probemus, sed quia non tanti esse putamus, ut impediamus.

20. Ex hisce satis apparet utriusque
Lia-

Linguae discrimen , prout ex lectione , examinéque non multorum versuum animadverti potuit ; nec opus est , ut integras *ρήσεις* præterea addamus. Loquutiones dumtaxat aliquot , ex eadem Apologia , colligemus , & cum Latinis potissimum conferemus.

21. De veteribus calumniatoribus suis ita loquitur Socrates : *ὅς ἐγὼ μάλλον φοβῆμαι , ἢ τὰς ἀμφὶ Ἀνυτον , καίπερ ὄντας ἢ τὰς δεινός* , quæ verba sic vertit *Ficinus* : *quos magis formido , quàm Anyti adstipulatores , quamquam & hi sunt in persuadendo potentes.* At primùm ambigua est loquutio , *οἱ ἀμφὶ Ἀνυτον* , potéstque æquè significare ipsum Anytum simpliciter , quàm qui unà cum illo consentiebant in accusando Socrate ; ut norunt omnes , útque Lexica quævis docebunt. Præterea loquutio Græca fine dubio Anytum complectitur , quamvis & ejus amicos significare statuatur ; cùm Latina , si propriè intelligatur , non Anytum ipsum , sed eos qui ei adsentiebantur designet. Denique vocem *δεινός* ita intelligit Interpres , quasi subaudiendum esset *λέγειν*. Sed quidni *formidolosum* vertamus , cùm hoc sit una significationum vocis Græcæ , eaque optimè hanc in rem quadret ? Vide & sequentia.

22. Eosdem paullò post describit Socrates *ἰρήμην κατηγορῶντας ἀπολογεῖσθαι* εἰδένους, ad verbum *desertam accusantes* (nempe *δίκῃν causam*) *nemine defendente*; hoc est, hominem accusantes, quem nemo defendebat: ut fit quando reus malè sibi conscius fugit, atque absens, instante accusatore, damnatur. Elegans est Hellenismus *accusare desertam*, qui, licèt cum Analogia non consentiat, perspicuus est, & multa paucis exprimit. Nescio an ex ulla alia Lingua simile idioma proferri queat.

23. Ab hisce accusatoribus transversos actos ait postea *ἀπορωτάτους εἶναι*, quod verti non debuit * *infinitos esse*, ut fecit Ficinus. *Ἀπαρώτατοι* sunt hîc quos invenire, & cum quibus jure disceptare nullo modo poterat Socrates; non propter multitudinem, sed quia eos non norat, nec ob sermones privatim habitos in jus vocare poterat: Οὐδὲ γὰρ, inquit, ἀναξιόλογοι εἶναι τε ἔστιν αὐτῶν ὀνταυροῖ, εἰδένους γὰρ εἶναι, αἰτῶν ἀναγκαῖα ἀπεχθῆναι ὡς περ πρὸς ἀλλήλους ἀπολογεῖσθαι τε καὶ ἐλέγχειν μηδενὸς ἀποκλεισθέντος: neque enim fieri potest ut

* Nescio an legerit ἀπίρους, quod ἀπύρους non intelligeret. Vide H. Stephanum, & R. Constantinum in Lexicis.

ut huc trahantur, neque ut ullus coarguatur; sed necesse planè est veluti contra umbram dimicare, dum me defendo, & alios coarguo, nemine respondente. Vertit Serranus non usquequaque rectè, qui non comparent. Postremis in verbis observatu digna est vox *σκιαμαχεῖν*, quam non satis rectè vertit Ficinus, in tenebris pugnare; pejus Serranus: in umbra decertare; quamvis qui, nocte sublustri, contra umbram suam pugnat in tenebris pugnet. *Σκιαμαχεῖν* is propriè diceretur, qui umbram suam hostem esse ratus, eam confodere niteretur; quia verò qui certat cum umbra nullum adversarium habet, ideò qui aggreditur alium, quem nec nominat, nec satis clarè designat, hîc *σκιαμαχεῖν* dicitur. Vix puto, in alia Lingua, similem extare vocem.

24. In sequentibus, Socrates capita accusationis suæ recitaturus, ἢ ἀνταποσίαν, inquit, δεῖ ἀναγνῶναι αὐτῶν: recitatur accusatio in qua de calumnia jurarunt. Qui accusabant, nimirum, jurabant se non calumniari, ut reus se innocentem esse jurabat; unde factum ut ea capita accusationis, aut defensionis, quæ iurati probare conabantur, dicerentur ἀνταποσίαι. Scio Pollucem propriè ἀνταποσίαν

velle esse rei, θεωμοσίαν verò accusatoris. Sed erroris eum arguit hic Platonis locus, rectiusque Harpocratio: Ἀνωμοσία, γράμματά πνα γράψαντες ἀποφέρουσι πρὸς τὴν δίκην, οἱ τε κατηγορεῖντες καὶ οἱ κατηγορούμενοι, πρὸς ὧν ἀνὴρ δίκη. καλεῖται δὲ ἕτως ἐπεὶ δὴ ἀντὶ μύθου οἱ διώκοντες καὶ οἱ φεύγοντες. οἱ μὲν ἀληθῆ κατηγορήσιν, οἱ δὲ ἀληθῆ ἀπολογήσονται: *scripto quædam complexi ad Magistratum deferunt, accusatores & accusati, de quibus lis intenditur. Sic autem vocantur, quia juramenta contraria dederunt persequentes & fugientes, illi se vera accusaturos, hi se vera defensuros.*

25. Negat Socrates sibi ullo jure tribui posse, quæ Aristophanes in Comœdia objecerat, & sic defensionem suam contra eas calumnias orditur: ὧν ἐγὼ ἔδὲν ἔπε μέγα ἔπε σμικρὸν πέρι ἐπαίω: *quorum ego nihil, neque magnum, neque parvum scio. Habet Ficinus: neque multum, neque parvum quidquam scio. Si voluisset Latine dicere, debuisset vertere: quæ ego prorsus ignora. Est enim idioma sermonis Attici, neque magnum, neque parvum, pro eo quod est nihil. Sic paullo post loquitur Socrates: Φράζετε ἀλλήλοις εἰ πῶποτε ἢ σμικρὸν ἢ μέγα ἤκουσέ τις ὑμῶν ἐμὲ πρὸς τοιούτων ἀλογισμῶν; dicite invicem an unquam par-*
vum,

vum, aut magnum audiverit quispiam vestrum me de talibus differentem; hoc est, quidquam omnino simile dicentem. Hebræi parem habent loquutionem, & eodem planè sensu, ut liquet ex 1. Sam. XX, 2. ubi ita loquitur Jonathas: non facit pater meus דבר גדול או דבר קטן, rem magnam aut rem parvam, quam non aperiat mihi; hoc est, nihil prorsus molitur, quod mecum non communicet. In sequentibus, semel atque iterum occurrit hæc eadem loquutio, & alibi apud Platonem.

26. In hac Apologia, legitur alia loquutio, quâ idem quoque significatur, & quam Attici communem habent cum Hebræis. Socrates loquitur de Politico, hoc est, de homine, qui verba ad populum de Republica facere solebat; atque se, illo interrogato, intellexisse, videri quidem illum sibi aliisque sapientem, sed non esse. Tum subdit: πρὸς ἐμαυτὸν δ' ἐν ἀπὼν ἐλογιζόμην, ὅτι τέτταρτον ἔανθρώπων ἐγὼ σοφώτερός εἰμι: abiens ergo mecum reputabam me illo homine sapientiore esse. Κινδυνεύει μὲν γὰρ ἡμῶν ἑδέεσθαι ἑδὲν κακόν, ἑδ' ἀγαθὸν εἰδέναι: uterque enim versatur in periculo nihil sciendi, neque bonum, neque malum. Ἀλλ' ἔτι μὲν οἷεταί τι εἰδέναι ἑκ εἰδώς: ἐγὼ δ' ὥσπερ ἐν ἑκ οἶδα, ἑδὲ οἶομαι: sed

sed hic quidem putat se aliquid scire, cum nesciat, ego vero ut nescio: ita nec puto me scire. Pro καλὸν bonum scripsimus κακὸν malum, ut opponatur τῷ ἀγαθῷ bono, nam quamvis Græci passim dicant καλὸν ἢ ἀγαθὸν & καλὸν καλὸν, attamen ita non distinguunt καλὸν, & ἀγαθὸν ut ea, particulâ neque interpositâ, sibi invicem opponant. Sed cum Librarii non intelligerent vim phraseos, neque malum, neque bonum ponit, mutarunt κακὸν in καλὸν; idque eò facilius factum est, quòd majusculæ K & Λ non multum differant, si dextrum cornu τῆς K deletum casu aliquo fuerit. Bonum & malum nescire loquutio est παροιμιώδης, quâ significatur summa ignorantia, qualis infantium & puerorum. Sic, apud Homerum, Odyss. I. 310. Telemachus significans se amplius non esse puerili imperitiâ præpeditum, ita loquitur:

οἶδ' αὖ ἕκαστα

Ἐθλά πε καὶ χέρεα, πᾶρ δ' ἐπε νήπιον ἦν.

Scio singula, bona & mala, antehac fui puer. Ita loquebantur Hebræi, quæ de re vide quæ notavimus ad Gen. III, 5.

27. Verum ut ordine in expendenda

So-

Socratica Apologia pergamus, cum negasset se cuiusquam sceleris reum esse, ait fortè aliquem rogaturum, ἀλλ' ὦ Σώκρατες, πὸν πὶ ἐστὶ πρᾶγμα, πῶθεν αἱ Ἀθῆνολαί σοι αὐτῶν γέρονται; quæ vertit Ficinus; quodnam, ô Socrates, tuum est opus? Et unde adversus te exortæ sunt hæ calumniæ. Vertere potius debuit: quomodo se habet res tua? quamquam ne hoc quidem satis exprimit vim Græcæ vocis. At optimè Gallicè dixeris: *quelle est vôtre affaire?* Hoc est, quæ de causa in jus vocaris? Expone mihi totum tuum hoc negotium. Πρᾶγμα & *affaire* planè sunt, hoc in loco, ubi sensu forensi intelliguntur, synonyma. Sequentia Socratis verba legantur.

28. Non procul ab iis verbis, quæ modo expendimus, Socrates, cum dixisset se ob *sapientie humanae* famam invidiosum factum fuisse; ait: τῷ ὄντι γὰρ κινδυνεύω ταύτην εἶναι σοφίης: quæ loquutio frequens est apud Platonem, cum in hac Apologia, tum alibi passim. Exemplum alterum jam attulimus §. 26. Hæc autem loquutio nullo modo Latinè exprimi potest. Habet Ficinus: *Nam hac reverâ sapiens esse videor*, qui sensus non est quidem alienus ab hoc loco, sed nullo modo vim ver-

verbi κινδυνάω exprimit. Norunt omnes eam vocem deduci ἀπὸ τοῦ κινδύνου, à periculo, & significare plerumque periclitari; verùm Latinâ voce hîc uti non licet, quia periclitari Latinè loquentes non dicunt, nisi de re quæ infelicitè cadere potest, & cujus eventus non sine metu expectatur; vox verò Græca adhibetur etiam, ubi nulla metuendi ratio est, ut in hoc loco, & alibi sæpè, apud Platonem. Proximè accesseris ad vim hujus vocis, si verba alata Gallicè ita interpreteris: *car je cours risque d'être sage de cette manière.* Nam *courir risque*, est quidem periclitari, sed dicitur etiam de rebus, quarum eventus timeri non potest. At infra κινδυνάω de lite dicitur, quam judicio dirimi vereri poterant contendentes. Exemplum antea protulimus, cui alterum dumtaxat addemus, ex ultimis Socratis verbis in *Phædonē*, non procul à fine, ubi postquam dixisset se non posse affirmare, quasi compertum, fore ejusmodi felicitatem post mortem, qualem descriperat, ita porro inquit: ὅτι μὲν περὶ τὰ αὐτὰ ἐστὶν, ἢ τὰ αὐτὰ ἀληθῆ, περὶ τὰς ψυχὰς ἡμῶν, καὶ τὰς οἰκίσεις, ἐπεὶ περὶ ἀθάνατον γε ἡ ψυχὴ φαίνεται εἶναι, τῆς καὶ πρέπειν ἐμοὶ δοκεῖ, ἀξίων κινδυνεύειν, οὐ μὲν ὅτις ἔχειν. καλὸς γὰρ ὁ κίνδυνος ἐστὶν

esse tamen vel hæc, vel talia quadam circa animos nostros, eorumque habitationes, quandoquidem animum immortalem esse liquet, id verò & decere mihi videtur, & dignum quod ita esse existimanti periculum subeat, honestum est enim periculum. Gallicè eleganter dixeris: *il faut hazarder cette créance, c'est courir une risque, qui n'a rien que d'honête.*

29. Socrates cum dixisset Chærephon-ti Oraculum respondisse Socrate neminem hominem esse sapientiores, narrat se quæ-sivisse sapientiam, σοφίαν, inter Politicos & Poëtas, nec eam inuenisse. Satis liquet, ex omnibus sermonibus Socratis, σοφίαν in ejus verbis plerumque significare cognitionem officiorum, quæ ad mores pertinent, quam solam magni faciebat. Attamen paullò post, ubi narrat se ad præstantissimos artifices ivisse, ut etiam inter eos sapientiam quæreret, σοφίαν alio planè sensu intelligit; eaque voce peritiam artium significat, quam magnifico illo sapientiæ nomine numquam vocarint Latini. Sciebant, inquit, quæ ipse nesciebam, καὶ μὴ ταύτῃ σοφώτεροι ἦσαν, & in hac parte me sapientiores erant. Sed, & viri Athenienses, eodem mihi visi sunt vitio laborare periti artifices, quo & Poëta. Quia pulchrè artem suam exercebant, quisque putabat,

tabat, & in aliis maximis se sapientissimum
 esse, ἐκαστὸς ἡξίετο καὶ τὰ ἅλλα τὰ μέγιστα σοφώ-
 τας εἶναι. Atque hoc eorum vitium il-
 lam sapientiam occultabat, καὶ αὐτῶν αὐτὴ ἡ
 πλημμέλεια ἐκείνῳ τῷ σοφίαν ἀπέκρυπτεν.
 Oportuit ab interprete Latino servari vo-
 cem *sapientia* utrobique, quia ambigui-
 tate vocis σοφία nititur tota hæc Socratis
 ratiocinatio; at cum *sapientia* apprimè
 conveniret superioribus verbis, ubi de
 Politicis & Poëtis, vix potuit Latine de
 artificibus dici. Si Gallicè voces hosce
 homines *sages*, & eorum peritiam *sagesse*,
 quæ voces solent adhiberi à nobis, cum
sapientes aut *sapientiam* vernaculo sermone
 dicere volumus, ludibrium audientibus
 debetis. At Hebræi, quorum Lingua
 alioqui dives non est, possent voce suâ
 חוכמה *hchochmah* rem feliciter exprimere.
 Vide quæ notavimus ad Exod. XXVIII, 2.
 Similiter cum, in *Phædro*, Plato *Anacreon-*
tem σοφὸν vocat, non est putandum eum
 judicasse Poëtæ Teio sanctum illud *sapien-*
tis cognomen, quo sensu *Socrati* tribue-
 batur, deberi. Intellexit tantum elegan-
 tem Poëtam, & in eo poëteos genere,
 quod excoluit, eximium. Is sane nobis
 illudat, qui Gallicè dicat, *le sage Ana-*
creon; & qui ex *Platone* probari posse putet
 in

in sapientium numero habitum illum Poë-
tam; quod nescio an voluerit vir erudi-
tus, qui editioni suæ *Anacreontis Platonis*
verba præfixit. Certè vir elegantissimi in-
genii, qui *Lutetiæ Dialogos Mortuorum*
Gallicè edidit, *Lucianeis* anteferendos;
videtur eâ voce deceptus fuisse. Quod
carpendi studio non dico, qui hominis
facundiam & acumen mirari soleo. Si
quis dubitare etiamnum posset de signifi-
catu vocis σοφὸς aut σοφία, eum amanda-
remus ad Diff. *Thom. Gatakeri* de Stylo
N. T. Cap. XV. ubi ingens aliorum exem-
plorum copia à viro diligente congesta est,
quæ nolumus exscribere.

30. Ex hoc *Platonis* libello, plura non
addemus, quibus, si omnia singillatim &
subtiliter ad examen revocarentur, exem-
plisque illustrarentur, justum volumen
conflari posset. Pætula dumtaxat alia,
quæ fortè occurrerunt, subjiciemus; ex
quibus omnibus id esse Linguarum dis-
crimen liquebit, ut qui Translationibus
& Lexicis nimium confidunt, ac putant,
sine diuturna lectione, posse se mentem
Scriptorum quos legunt adsequi, in ma-
nifesto errore versari intelligantur.

31. Nulla Lingua exprimat vim ὁμο-
γενείαν, quibus blandè sese invicem
com-

compellabant Græci, ὦ δαιμόνιε, ὦ θαν-
 μάσιε, quæ in Atticorum Scriptorum
 Dialogis passim occurrunt. Quin & com-
 pellatio δαιμόνιε interdum iram significat,
 ut apparet ex Iliad. N. 819. ubi Ajax iratus
 Hectorem ita compellat. *Eustathius* qui-
 dem ad Iliad. B. vers. 190. ita habet: * τὸ
 δαιμόνιε μέση λέξις. διὸ καὶ τὴ βασιλέα δαιμό-
 νιον καλῶ, καὶ τὴ δημότην ὁμοίως δαιμόνιον. ἐκεῖ-
 νον μὲν ὡς εὐδαιμόνα, τῷτον δὲ ὡς δυσδαιμόνα.
 τὴ μέσων γὰρ ἐστὶ καὶ ὁ δαίμων καὶ ἡ τύχη: *Da-*
monie, media vox. Ideò & Regem voco
dæmonium, & plebeium similiter dæmonium;
illum quidem ut felicem, hunc ut infelicem.
Sunt enim media Dæmon & Fortuna. Ve-
 rum est hæc voces παμφοτερίζειν, ut
 postea loquitur, hoc est, nunc in bo-
 nam, nunc in sequiorem partem sumi;
 sed falsum est significari hæc vocibus aut
felicem, aut *infelicem*, ut apparet vel ex
 locis *Homeri*, in quibus occurrit. Est tan-
 tùm vox blandientis, aut irascentis, quæ,
 instar interjectionum, affectum loquen-
 tis significat, potius quàm quidquam
 certum & clarum.

32. Cicero de Oratore Lib. II. n. 17.
 negat vocem ineptius Græcè unâ voce ex-
 primi posse. *Qui aut tempus quid postulet*

non

* Ed. Rom. pag. 200.

non videt, aut plura loquitur, aut se ostendat, aut eorum quibuscum est, vel dignitatis, vel commodi rationem non habet, aut denique in aliquo genere aut inconcinuus, aut multus est, is ineptus esse dicitur. Hoc vitio cumulata est eruditissima illa Græcorum natio. Itaque quod vim hujus mali Græci non vident, ne nomen quidem ei vitio imposuerunt; ut enim quæras omnia, quomodo Græci ineptum appellent non reperiēs. Idem etiam negat Græcos dicere posse, quod aliquando Latini voce *vultus* intelligunt, de Legg. Lib. I. c. 9. Oculi nimis arguti, quemadmodum animo affecti sumus, loquuntur; & is qui appellatur vultus, qui nullo in animante esse præter hominem, potest; cujus vim Græci norunt, nomen omnino non habent. Intelligit, nempe, non πρόσωπον, seu faciem, sed id quod Gallicè dicimus *l'air & la physionomie*. Sed si liberet colligere nomina virtutum & vitiorum, quæ Latinè efferri nequeunt, longus eorum texeretur Catalogus.

33. Interdum Interpretes vocem cuiuspiam Linguae aut phrasin exprimunt aliâ, quæ non idem quidem sonat, sed solet usurpari eadem occasione, quod probè observandum. Ita quod Græci χαίρειν, & χαίρε dicunt, Latini salutem

& *salve*, vertunt, non quod ea sit propriè Græcarum vocum *εὐφρασις*; sed quia ut Græci, initio litterarum, adscribunt *χαίρειν*: Latini apponunt, *saluam*, & quando Græci *χαίρει*, dicunt *salve*, quod in Linguis hodiernis *bona dies* dicitur. Atque hoc cum facitent necessariò Interpretes omnes, ut possint intelligi; non attendentibus passim facum facit, nec potest hoc caveri, nisi ab iis, qui sine interprete Linguam intelligunt.

34. Nescio an in Lingua ulla hodierna, unica voce, verti queant adjectiva Latina, *gratum* & *jucundum*. Posterius significat quod gaudium aut voluptatem creat, prius quod præstat habere quàm eo carere, licet interdum tristissimum sit. Ita Cicerò dicit de tristi nuntio * quod ab Attico acceperat: *ista veritas, etiamsi jucunda non est, mihi tamen grata est*. Idem post mortem Tullie ad Luceium † scribens: *timor tuus, inquit, gratus & optatus; dicerem jucundum, nisi hoc verbum ad tempus perdidissem*. An in alia Lingua totidem verbis quis possit exprimere hanc exclamationem, *Proh Deum, atque hominum fidem!* Imò ægtè ullus dixerit quid sibi velit

* Lib. III. Ep. 24.

† Ad Fam. Lib. V. Ep. 15.

velit *fides*, hoc in loco, licet pluribus utatur verbis. Sunt & alia loquutiones, in quibus vox *fides* occurrit, quarum sensum, ad rem ipsam quod attinet, intelligimus & aliis Linguis exprimimus; sed in quibus tamen difficulter dicas, aut quid propriè significet ea vox, aut quã viã è primigenio significatu, in eam notionem transferit. Exempli gratiã, *capere in fidem devictas nationes*, *commendare fidei alicujus*, *conferre se in fidem alicujus*, *vir plenus fide* &c. quæ magno numero suppeditabit *Rob. Stephanus*, aut alius quivis Lexicographus.

35. Similia passim observabunt Linguarum peritiores, semel moniti. Quæ cum occurrunt in locis Veterum, de quibus eruditis nulla controversia est, facile agnoscuntur; sed ubi lis de loco orta est, tum verò unusquisque, omnibus Criticis Regulis abjectis, affectibus litare incipit.

36. Usque adeò nota est dissimilitudo Linguarum etiam affinium, ut in dubium revocari nequeat; nec exemplis opus fuisset, nisi consultum judicassetur rem oculis etiam rudiorum Lectorum subjicere. Sed observationem addemus maximi hoc in negotio momenti, quæ à paucis for-

tè ad animum , ut debuit, revocata est. Cum Linguam Latinam discere soleamus, ope Lexicorum & Magistrorum, qui ejus voces vernaculæ Linguae vocibus exprimunt; cùmque Latinè scribendi consuetudinem primùm contrahamus, vertendo vernacula in Linguam Latinam; plerique non aliter intelligunt Linguam Latinam, nisi prout eam comparare queunt cum Linguarum vernacularum vocibus, quas perpetuò cum Latinis animo conjungunt. Hinc fit, ut quando Latinè conantur loqui, aut scribere, non modò priùs cogitent quid sint dicturi; sed tacito etiam sermone vernaculo, apud animum suum, exprimant. Exempli causâ, finge hominem Gallum, non satis exercitatum, Latinè scribere aggredientem. Quidquid volet scribere id primùm tacitè, apud se, Gallicè exprimet, deinde quæret quibus vocibus Latinis Gallica possit transferre; quo fit, ut, propter dissimilitudinem Linguarum, & Gallicismos pro Latinismis adhibeat, & vocibus barbaris Romanarum loco utatur. Non potest enim fieri, ut animo simul duarum Linguarum idiomata, sine confusione, obversentur: animusque multiplicibus loquutionibus perturbatus in stylum varia-

variarum Linguarum, si non vocabula, at loquutiones imprudens transfundit. Sunt quidem, qui ea in re minus peccent quàm alii, sed perpauci ejusmodi peccatorum prorsus immunes fuerunt.

37. At ut purè Latinè, vel alià quavis Linguà aut peregrinà, aut exsoletà, scribere possimus, oportet ut statim ac rerum notiones animo nostro obversantur, ejus Linguae, quā volumus scribere, & voces & loquutiones nobis occurrant. Latinè scribentes oportet nos, ut ita loquar, Latinè cogitare, ut sine ullius aliūs Linguae idiomatibus solius Latinae Linguae vim atque ingenium scribendo exprimamus. Hoc autem fieri nequit, nisi ab iis qui longā ac studiosā lectione, & scribendi exercitatione sunt planè Linguae Latinae adfueti; ita ut, cū scribunt, de nulla alia Lingua cogitent quàm de Latina, perinde ac si solam eam Linguam à natalibus didicissent. Hoc cū fieri potest, stylus merè Latinus est, nec ullā fece vernacularum Linguarum corruptus.

38. Similia possumus Graecae Linguae, quam, non nisi ope Latinae addiscimus, aptare. Sed quia non tam de scribendo, quàm de intelligendo hic laboramus, omisā scriptione, ad intellectionem so-

iam nos convertemus. Existimamus igitur cum demum Latine scire, qui Scriptorem Latinum legens, non opus habet singulas voces & phrasas in notiorum Linguam transferre, & animi sui notiones Latinis vocabulis & loquutionibus proxime, sine alius ullius Linguae interventu, subicit. Idem affirmandum de eo, qui Græca aut Hebraica legit, quæ probè intelligere censeri non potest, nisi earum Linguarum voces in ejus animum revocent, non verba aliarum Linguarum primum, sed notiones ipsas Græcæ atque Hebræicæ Linguae vocibus subjectas; quemadmodum in Græcorum ac Hebræorum, nullius alijs Linguae peritorum, animos revocabant.

39. Nisi hoc fieri queat, non est satis sincera eorum quæ leguntur intelligentia; cum nullæ planè Linguae ita sibi invicem respondeant, ut iis semper suppetant vocabula quæ easdem prorsus potestates subjectas habeant; ita ut nihil mutetur, nihil addatur, nihil detrahatur; sicut exemplis antea allatis satis apparet, utque omnes qui rem expendunt intelligent. Itaque si velimus Veteres probè intelligere; oportet, ut aut longâ, & sedulâ lectione, ita eorum Linguis adfuesciamus, ut ipsi

ipsi ab infantia iis erant adsuetsati. Dum multum indigemus Dictionariis, aut Translationibus, certissimum est indicium, ex quo constare nobis potest, non modò nondum Linguas illas nobis plene esse notas; sed etiam nos de earum idiomatibus non temerè judicare oportere, præsertim in rebus obscurioribus. Quæ enim nonnisi Dictionarii ope adsequimur, quamvis accuratum esse statuatur, quod rarò contingit, eorum non exigua pars interdum nos fugit. Rerum quidem faciem videmus, at nequaquam in clara luce, verum peregrinæ Linguae, si ita loqui fas est, umbrâ obscuratam. Corpus spectamus, interdum quidem formosum, sed carbasso tectum; quæ tenuis licet, varia tamen tegit & conspectui nostro interceptit. Imò verò sæpe contingit interpretationem non esse instar umbræ, aut tenuis carbasi; sed instar densissimi veli aut larvæ, quæ figuram tantum, eamque parum similem rei nos videre patitur. Igitur quisquis volet non temerè de Veterum sensis judicare, oportebit ut eò usque progrediatur, ut ea, sine peregrinarum Linguarum involutris, possit nuda introspicere.

40. Viri non indocti, sed qui nondum

cò peritiz pervenerunt, ut ne Linguas inter se taciti dum legunt comparant, facile in errorem delabuntur; à quo vix etiam possunt revocari, si ita fortè interpretentur Veteres, ut sensum non ineptum eis tribuant, quamvis non esse veram eorum sententiam certis argumentis, ex ingenio ipsius Linguz petitis, alii demonstrare queant; quod frequentissimè in Interpretibus deprehendent, quicumque non perfunctoriè hæc studia colent. Exemplum potuit esse *Ficinus*, in versione *Platonis*, ut antea ostendimus. Sed ut rem imperitis Græcæ Linguz probeamus, proferemus & expendemus ex *Adelphis Terentii* Actûs V. Scenam IV. cum duplici versione Gallica, altera viri, altera matronæ, utraque elegante, & quæ Gallis lectoribus meritò placeat; sed ex quibus Terentianas videres nemo satis adsequatur, si nullo alio utatur adminiculo.

41. Ita ergo *Terentianus Demea*, suum & fratris *Micionis* vivendi institutum describit:

Numquam ita quisquam bene subductâ ratione ad vitam fuit.

Quin res, ætas, usus, semper aliquid adportet novi,

Ali-

*Aliquid moneat ; ut illa quæ te scire credas ,
nescias ,
Et quæ tibi putaris prima , in experiundo
repudies.*

*Ita vertit Sanctalbinus : Jamais per-
sonne n'a si bien disposé toutes choses , pour le ré-
glement de sa vie , que les rencontres différen-
tes , l'âge & l'expérience ne lui apprennent
quelque chose de nouveau , & ne lui donnent
quelque vue nouvelle , qui lui fait reconnoître
qu'il ne savoit pas en effet ce qu'il pensoit le
mieux savoir , & le porte à rejeter dans la
pratique , ce qu'il s'imaginoit lui devoir être
le plus avantageux. Ita verò Anna Fabra :
Jamais personne n'a si bien réglé & supputé
tout ce qui regarde la conduite de sa vie , que
les affaires , l'âge , l'expérience ne lui aient
encore appris quelque chose de nouveau , &
ne lui aient fait connoître , qu'il ne savoit
rien de ce qu'il croioit le mieux savoir ; de
manière que dans la pratique , on se voit
souvent obligé de rejeter le parti qu'on avoit
regardé d'abord , comme le plus avantageux.*

43. Nihil dicam de multitudine verbo-
rum, quæ à Gallicè scribingentibus, & om-
nia exprimere studentibus vitari non po-
tuit ; quâ tamen tota oratio languidior
fit. I. Observabo utrumque sensisse qui-
dem

dem quid sit *subducere rationem ad vitam*, unde factum ut vocibus *réglé & règlement* nisi sint, quia Galli dicunt *régler un compte*; sed metaphora rationem neuter exprimere satis potuit, quia Gallicè scribentibus vix poterat servari. Hic qui certum vitæ iter ingrediuntur, quod constanter teneant, tacitè conferuntur * cum homine qui opus, quale esset ædificium, aggredi cupit, & prius sumtum *rationem subducit*, ut sciat num iis ferendis par sit. Quemadmodum enim ejusmodi hominem plerumque res ipsa monet majores sumtus faciendos esse, quàm existimaverat: ita etiam certum vitæ institutum amplexo sæpe multa improvisa accidunt, quæ id molestis, de quibus non cogitaverat, quibûsque adeo ferendis paratus non erat, obnoxium esse ostendunt.

43. II. Verba, *quæ tibi putaris prima*, ad sensum quod attinet, Interpres uterque non malè expressit; sed neuter animadvertisse videtur, quantum quidem ex ejus versione licet conjicere, verbum *putare* hic esse ab eadem translatione petitum, nempe, à numerando. Nimirum,
putare,

* Vide hinc petitam Parabolam Luca C. XIV, 28.

* *putare*, quemadmodum Græcum *λογίζεσθαι*, significat & *existimare*, & *numerare*. Itaque Gallicè vertendum fuerat, la porte à rejeter dans la pratique ce sur quoi il avoit d'abord fait son compte. Sic apud Plautum, in *Aulularia*, Act. III. S. 5. vers. 53. *putatur ratio sunt argentarii*, hoc est, initur. Vide etiam *Mostellaria* Act. I. S. 3. vers. 141. & *Notium Marcellum*. Hinc *computare*, *disputare*, & *supputare*, numerandi sensu.

44. Postea dicit Demea se reipsâ reperisse

Facilitate nihil esse homini melius, neque clementiâ.

Vertit *Sanctalbinus*, qu'il n'y a rien de plus utile à l'homme, que l'accommodement & la douceur. *Meliùs Fabri*: que d'avoir de la complaisance & de la douceur; nam nescio an umquam Gallicum fuerit *accommodement*, eo sensu. Attamen non est vox Gallica *complaisance*, hoc est, *obsequium*, sat commoda ad exprimendam *facilitatem* morum, quæ est potiùs Gallicè *une humeur commode & civile*. Sat exemplorum

* Vide G. J. Vossium in *Etymol.* in voce *putus*.

172 ARTIS CRITICÆ P. II. S. I. C. II.
suppeditabit Rob. Stephanus, in Thesau-
ro, si quis iis indigeat.

45. III. Paullò post Demea, de fra-
tre Micione: *omnes bene dicunt, amant,*
quod transtulit Sanctalbinus: tout le mon-
de le benit. Melius Fabra: chacun en dit
du bien, chacun l'aime; nam bene dicere,
apud Scriptores Ethnicos, non est quod
Gallicè dicimus *benir*, hoc est, fausta
adprecari, sed laudare, *dire du bien*. Quod
non opus est probemus. Scio in Eccle-
siastico stylo id significare quod Sanctal-
binus voluit, sed Terentius non est Scri-
ptor Ecclesiasticus. Præterea usus Gal-
lorum, Latinè non satis purè loquentium,
eum fefellit.

46. IV. In sequentibus duobus versi-
bus, bis peccatum, eadem de causa; quòd
Gallica verba, quæ ex Latinis orta sunt,
& vulgò iis respondere putantur, animo
se se illico ingesserint Latina legentibus.

Ego ille agrestis, sævus, tristis, parcus, tru-
culentus, tenax,
Duxi uxorem. Quam ibi miseriam vidi?

Vertit Sanctalbinus: *J'ai vécu comme un*
homme sauvage. Rectè. Fabra malè, bon
campagnard, quod Latinè dicas rustica-
num,

num, non *agrestem*, hoc est, ἀγροίον. At pergit infelicitè *Sanctalbinus*, crient & tempêtant toujours, quibus vertit vocem *sevus*, felicius *Fabra* rude, hoc est, χαλὰς, ut Latina vox in *Veteribus Glossis* vertitur. At uterque *tristis* malè vertunt *triste*, cum debuissent *chagrin*; nam *tristis* hîc in malam partem sumitur, estque homo inquinatus vitio, quod *tristitia* dicitur, hoc est, *humeur chagrine*, non *tristesse*; quod ex *Cicerone*, & *Tacito* facilè probare possemus, si necesse esset. *Truculentum* *Sanctalbinus* malè expressit voce *colere*, hoc est, iracundus; cum significet vultum asperum, *rebarbatif*, ut non malè *Fabra*. Ambo *miseriam* putarunt esse *misere*, cum significet laborem & molestiam, ut ex sequentibus liquet, ubi *Demea*:

— *miseriam* ego omnem capio, ille potitur gaudia.

Hoc est, ut rectè *Fabra*: toute la peine est pour moi, tout le plaisir est pour lui; nisi quòd *miseria* non laborem tantùm sonat, sed molestum laborem. *Sanctalbinus*, nec satis Gallicè, nec ad *Terentii* mentem: *Toute la misere est pour moi*.

47. Hinc

47. Hinc satis liquet nos facillimè falli, dum Veteres ita legimus, ut eos non ex usu ipso Linguae, quâ usi sunt, sed ex collatione nostrarum, usûque scribendi, & interpretandi hodierno intelligimus. Ille demum, ut diximus, plenam ac perfectam cognitionem Linguae adsequutus est, qui cum Libros eâ scriptos legit, non magis cogitat de verbis quibus eos interpretari nunc solemus, quam si nondum hæ nostræ Linguae essent natæ. Sic si dubia sit significatio vocis Gallicæ, exempli gratiâ, Gallus de ea interrogatus non quærit quâ Latinè exprimi possit; sed memoriam duntaxat suam, & Linguae hodiernum usum consulit. Atque hæc de dissimilitudine Linguarum satis, superque.

finis est.

¶ Hæc sunt, quæ de Linguae Veteris & hodiernæ dissimilitudine dicenda sunt.

¶ Deinde de Linguae Veteris & hodiernæ similitudine dicendum est. Quod si quis velit, ut sciat, quomodo Veteres Latine scriberent, & quomodo Latine loquerentur, non debet, ut diximus, ad collationem nostrarum, sed ad collationem Veterum Latine scribentium, & loquentium, ut sciat, quomodo Veteres Latine scriberent, & quomodo Latine loquerentur.

¶ Hæc sunt,

CAPUT III.

REGULA II.

*Voces variarum Linguarum, quæ planè idè-
dévayoi videntur, non prorsus sibi invi-
cem respondere.*

1. **V**OCEs sunt plurimæ, quæ quia
constanter solent adhiberi, ad alia-
rum quarundam potestatem exprimen-
dam, & reverà aliqua ex parte iis respon-
dent, putantur temerè esse prorsus idè-
vayoi, cum magnum sit discrimen inter
notiones, quæ iis significantur. Hoc au-
tem minùs animadvertitur, cum propter
usum constantem, tum quia in Lingua,
quâ utimur, nulla vox suppetit, quâ
solâ accuratè vim alterius exprimamus.

2. In hodiernis Linguis, ut insigni
exemplo rem demonstramus, pñcas
voces אלהים *Elohim*, Θεός, *Deus* unicâ
voce non possumus exprimere, licèt vul-
gò, apud Europæos, adhibeantur voces
God, aut *Godt*, *Dieu*, *Dio*, *Dios*. Vo-
ces enim hodiernæ significant, apud Geri-
tes, quæ iis nuntur, Naturam illam
ater-

æternam à qua omnia creata sunt ; quo fit ut unicum esse Deum dicamus , nec possimus eos ferre qui plures esse aiunt. Hinc quoque miramur Ethnicos tot vitia Diis suis tribuisse , & innumera de iis distitasse planè αἰούσους cum notione nostra illius Naturæ.

3. At Veteres suis vocabulis easdem notiones non subjecerant , quas nos nostris conjunximus. Græci & Romani Numen sine initio nullum noverant , neque de perfectissima ejus natura cogitabant ; & ne Hebræi quidem , voce *Elohim* , Deum , quatenus est ejusmodi natura , designabant ; licèt Θεογενεσίπας philosopharentur , ut exemplis ostendemus.

4. Philosophi quidem apud Ethnicos , præsertim Platonici , aliam Dei notionem fovebant , quàm vulgus , nec de summo Deo interdum multò aliter quàm Christiani loquebantur ; sed usus Lingux à Philosophis non pendeat. Poëtæ , qui antiquissimas Græcorum opiniones complectuntur , aiunt omnes suos Deos , quos αἰὲν ἔσοντας *semper futuros* vocant , cælo & terrâ esse prognatos ; cælum verò ac terram posteriora Chao faciunt , eorûmque initia narrant , ut videre est ex initio *Theogonia Hesiodæa* , *Metamorphoseos Ovidianæ* &

& Apollodori Lib. I. Apud Romanos, postquam Epicurea Philosophia Proceribus placuerat, interdum negabant Deos homines fuisse; sed tunc non loquebantur ex opinione vulgi & Religione Majorum, sed ex Philosophicis dogmatibus. Ita Epicureus *Velleius*, apud * *Ciceronem*, an *Amphiarus*, inquit, & *Trophonius Deus erit?* Nostri quidem publicani, cum essent agri in *Bœotia* Deorum immortalium excepti, lege *Censoria*, negabant immortales esse ullos, qui aliquando homines fuissent. Ipse *Cicero*, frequente † *Senatu*, acerrimè invecus est in honores divinos, quos *Antonius* detulerat *Julio Cæsari*: *An me censetis*, ait, *quod vos inviti sequuti estis*, decreturum fuisse, ut *parentalia cum supplicationibus miscerentur*, &c. ut decernerentur *supplicationes mortuo?* &c. Attamen *Romulus* homo fuerat, imò & reliqui omnes *Dii*, ut fatebantur ipsi *Initiorum Epopœæ*.

5. Græci Θεῶν, seu Θεὸν vocabant præstantiorem Naturam humanâ, in qua præstantiore Natura varios gradus esse putabant excellentiæ; neque enim Δαίμονας, seu Semideos æquabant Cœlestibus Numinibus,

Tom. I.

M

nibus,

* De Nat. Deor. Lib. III. c. 19.

† Philip. I.

nibus, ut notum est. Hinc *divinum* antiquissimi Poëtæ vocant quidquid est *eximium*, in suo genere. Ita *Eustathius* * observat πᾶν τεράσιον καὶ ὑπερφύεον θεῶν λέγεσθαι ὡς τοῖς ποιηταῖς, *quidquid mirabile est & eximium divinum dici, apud Poëtæ; quod passim, apud Homerum, observare est.* Non necesse est Romanis immorari, quia Religionem suam Græcis debebant. Hi, ut obiter dicam, non modò *divinos* vocant *eximios viros*, sed etiam *Deos*. Cicero Lib. II. de Oratore, c. 42. *Qui ordo tibi placet, inquit Catulus, & qua dispositio argumentorum, in qua tu mihi semper DEUS videri soles? Vide quàm sim in isto genere, inquit, Catule, DEUS, &c.*

6. Hinc obiter colligere est plurimos ex Veteribus Christianis, qui contrà Ethnicos scripsere, non satis prudenter egisse, cùm definitâ voce *Deus*, haud multò aliter quàm nos eam definimus, collegerrunt Ethnicorum Numina *Deos* non esse; nam ex usu Græcæ & Latinæ Linguae poterant dici *Dii*, licèt alio sensu quàm ea vox apud Christianos sumitur. Quidam præstantes viri potuerant post mortem, uti putabant Ethnici, inter Naturas humanâ præstantiores versari, & iis similes fieri;

* In *Iliad.* p. 655. l. 14.

fieri; quod non multum abest à Christianorum placitis, circa statum piorum animorum post mortem. Hinc *Sextus Empiricus*, contra Mathematicos, pag. 60. Grammaticis & Idiotis (inter quos *Laërtius*,) non immeritò prorsus indignatur, qui existimarunt Empedoclem κατ' ἀλαζονείαν, καὶ τὴν πρὸς τὰς ἄλλας ἀνθρώπους ὑπεροψίαν, præ jaētantia & reliquorum hominum contemptu, dixisse de se:

Χαίρετ'. ἐγὼ δ' ὑμῖν Θεὸς ἀμβροτόν, ἔκ
ἐπ' Ὀνηπὶς
Παλάμην &c.

Valete, ego vobis Deus immortalis, non amplius mortalis, versor; quasi negasset esse se ejusdem naturæ, ac ceteri homines sunt, quod vix in tantum Philosophum cadit; cum propter similitudinem, quæ ei erat cum Diis, præ ceteris, Deum se vocaret, ἐπεὶ μόνον κατ' ἑρὸν λόγον κακίας τηρήσας τὴν νῦν καὶ ἀνεπιθόλωτον, quodd solus mentem à vitio puram & imperturbatam conservasset. Pythagorici versus, qui aurei dicuntur, clauduntur simili loquutione: ubi, deposito corpore, in æthera liberam veneris;

Ἔσσεαι ἀθάνατος Θεὸς ἀμείροτος, ἐκ
ἐπὶ θνητός,

*Eris immortalis Deus, non amplius mor-
talis;*

Hoc est, ideò Creatori, ut interpretatur *Hierocles*, similis fies. *Epicætetus* *Enchiridii* Cap. XXI. eum, qui nihil adpetat, ait futurum ἄξιον τῶ Θεῶν συμπότην, *dignum Deorum convivium*; sed eum, qui externa omnia despiciat, ἑμόνον συμπέτλω τῶ Θεῶν, ἀλλὰ καὶ συνάρχοντα, *futurum imperii eorum participem*. Subdit: ἔτω γὰρ ποιῶν Διογένης καὶ Ἡρακλείτης καὶ οἱ ὅμοιοι ἀξίως θεῶν περὶ ἧσαν καὶ ἐλέγοντο: *Sic faciens Diogenes & Heraclitus, & similes meritò divini erant & dicebantur*. Legendum Θεοὶ δῖοι, nam supra eos, qui accumbunt Deorum conviviiis, non sunt θεῶν divini homines, sed Dii soli. Vide *Hieroclem*, ad duos primos aureos versus. Sic & *Arcefilas Polemonem* & *Cratetem* dicebat esse θεῶν πινὰς, ἢ λείψανα τῶ χρυσοῦ γένους, *Deos quosdam, aut aurei seculi reliquias*, ut auctor est *Laërtius*, Lib. IV. §. 12. Indidem intelligendus *Petrus* 2. Ep. I, 4. ubi virtutē nos dicit κοινωνὸς γένεσθαι θείας φύσεως, *divinae naturæ participes fieri*.

7. Apud

7. Apud Phœnicas, quorum propria fuit Lingua Hebræica, אלהים *Elohim* significasse videtur quidquid aliquo honore, quicumque sit, colitur. Apud Arabas, adhuc in usu Radix est, unde ea vox orta videtur, الله *alaha*, id est, *coluit, adoravit*. Israëlitæ, qui eadem Lingua usi sunt, vocabant ideò nomine *Elohim* primò quidem Deum illum summum & unicum, deinde Angelos, postremò Principes, quorum exempla in Lexicis inveniuntur. Utebantur etiam voce *Dei*, ad cuiusvis rei ὑπεροχὴν significandam, ut ostendimus ad Genes. XXIII, 6. Itaque licèt summum Numen אלהים vocetur, ab Hebræis, attamen ea vox vi suâ denotat Deum, prout est colendus θεός, non Naturam perfectissimam. Hinc fit ut eodem vocabulo alia designent, in quibus ejusmodi natura à nemine esse credita est.

8. Cùm Judæi Græcè loqui cœperunt, voce θεός eadem significatione usi sunt, & quamvis acerrimè unitatem Dei contra Ethnicos defenderent, non dubitabant dicere plures esse Deos. Ita Paulus 1. Cor. VIII, 5, 6. *Nullus est Deus alius, nisi unus; etenim etiam si sunt in cœlo & in terra qui dicuntur Dii* (ut reverâ sunt, θεοὶ πολλοί)

Dii multi, & Domini multi) nobis tamen unus est Deus, Pater ille ex quo omnia, & in quem sumus, &c. Supplevimus vocem reverâ, quæ sanè hoc in loco debet suppleri; nisi frigidam & inutilem *πυρολογία*, in re clara, hîc esse velimus. Quod cum non sit verisimile, sensus Pauli erit: non modò esse qui dicantur vulgò ab Ethnicis Dii, sed etiam qui ita à Judæis & Christianis appellari jure queant, & sint reverâ Θεοί, hoc est, σεβάσμιοι, *cultu digni*, quisque pro dignitate naturæ & muneris; at unicum esse summum, qui ut Creator & ceterorum omnium Dominus sit colendus.

9. Lux haud dubia affulgebit verbis Pauli, ex loco *Philonis* Judæi * è libro de *Somniis*, ubi de Genes. XXXI, 13. Εγώ εἰμι Θεὸς ὁ ὀφθεῖς σοι ἐν τόπῳ Θεῶν, secundum Septuaginta Intt. *ego sum Deus tibi conspectus in loco Dei*. Habetur melius in aliis versionibus, *in Bethel*, quod est nomen loci; sed *Philo*, qui Hebraicè nesciebat, ita de hisce verbis philosophatur: μὴ παρέλθῃς τὴν τὸ εἰρημνύον, ἀλλ' ἀκριβῶς ἐξέτασον εἰ δύο εἰσὶ Θεοί. λέγεται γὰρ ἐγώ εἰμι ὁ Θεὸς ὁ ὀφθεῖς σοι, ὅτι ἐν τόπῳ τῶ ἐμῶ, ἀλλ' ἐν τόπῳ Θεῶν, ὡς ἂν ἐτέρῃ· τί ἂν λέ-

* Ed. Græco-lat. Gen. p. 464.

λέγειν ; ὁ μὴ ἀληθεῖα Θεὸς εἶς ἐστίν , οἱ ᾗ
καταχρησάμενοι γενόμενοι πλειῆς. διὸ καὶ ὁ ἱερός
λόγος ἐν τῷ παρόντι ἢ μὴ ἀληθείᾳ λέγει
ἄρθρον μεμνήσκων εἰπὼν , ἐγὼ εἰμι Ὁ ΘΕΟΣ.
ἢ ᾗ καταχρησάμενος χωρὶς ἄρθρου , φάσιων , ὁ
ὀφθαλμὸς σου ἐν τῷ τόπῳ ἔστι τοῦ Θεοῦ ἀλλ'
αὐτὸ μόνον , Θεὸς. καλεῖ ἢ * Θεὸν ἢ πρεσβύ-
τατον αὐτῷ ὑπὸ λόγον , ἢ δεισιδαιμονῶν ὡς
ἢ θέσιν ἢ ὀνομάτων : *ne cursum prætermittas
quod dicitur , sed diligenter expende , num
duo sint Dii. Dicitur enim : Ego sum Deus
ille qui tibi conspectus sum , non in meo
loco , sed in loco Dei , quasi alterius. Quid
ergo dicendum est ? Qui verè est Deus (hoc
est , cui id nominis eximio sensu & κατ'
ἐξοχὴν convenit) unus est , qui verò abusi-
vè sunt Dii , plures sunt. Ideò hoc in loco ,
sacer sermo eum , qui verè est Deus , articu-
lo O designavit. Ego sum ille Deus ; eum
verò qui Deus est abusivè , sine articulo , di-
cens : conspectus tibi , non in loco Dei il-
lius , sed tantùm hoc , Dei. Vocat autem
Deum antiquissimam ejus Rationem , nullâ
superstitione affectus circa impositionem nomi-
ni. Hinc manifestò videmus Judæos
voce Θεὸς intellexisse etiam Angelos , quip-*

M 4

pe

* Vitiosè legitur , & contra sensum Philonis ἢ Θεὸν.
cum articulo , ut cum ex hisce verbis , tum ex sequen-
tibus apparet.

Patris, & fatentes Filium à se predicari Deum nomine tenus (Noëctum perstringit qui aiebat Patrem & Filium esse nomina unius essentiae) uel negantes diuinitatem Filii, & ponentes ejus proprietatem, & essentiam diuersam esse definitione à Patris proprietate & essentia; hoc est, aliter definiendam Filii existentiam & essentiam, quippe alterius speciei, subdit: Λεκτέον γὰρ αὐτοῖς ὅτι τότε μὴ αὐτόθεο ὁ Θεὸς ἐστίν, διόπερ ἢ ὁ σωτὴρ φησιν ἐν τῇ πρὸς τὸν Πατέρα δι' ἡμῶν, ἵνα γινώσκωσί σε τὸν μόνον ἀληθινὸν Θεόν. πᾶν ὃ τὸ πᾶν τὸ αὐτόθεο μεταχῇ τὸ ἐκείνου θεότητι θεοποιήμενον ἔχῃ ὁ Θεός, ἀλλὰ Θεὸς κυριώτερον ἂν λέγοιτο, ὅτι πάντως ὁ πρωτότοκος πάσης κτίσεως ἅτε πρῶτος τῶν πρὸς τὸν Θεὸν εἶναι, πάσης τῆς θεότητος εἰς αὐτὸν, ἐπὶ πμῶν τῶν τοῖς λοιποῖς παρ' αὐτὸν Θεοῖς ὧν ὁ Θεὸς Θεὸς ἐστίν, καὶ τὰ λεγόμενα Θεὸς Θεῶν κύριος ἐλάλησε καὶ ἐκάλεσε τὸν γῆν. Αἰσθηθέντας τὸν γένεσθαι Θεοῖς, ἀπὸ τῆς Θεῶν δυνάμεως εἰς τὸ θεοποιηθῆναι αὐτὰς ἀφ' ὧν δεικνύται.

Dicendum est enim illis tunc illum Deum, cum articulo, esse eum qui est per se Deus. Ideò & Servator dicit in prece ad Patrem: ut cognoscant te, qui solus es ille verus Deus. Quidquid verò est præter hunc, qui est per se Deus, participatione illius diuinitatis Deum factum, non illum Deum cum

ar.

articulo, sed Deum sine articulo magis propriè dicendum esse. Qua in re omnino Primogenitus omnis Creaturæ, honorabilior est reliquis Diis, quippe qui primus est in eo quod est apud Deum, & in se divinitatem traxit; honorabilior, inquam, reliquis Diis qui sunt apud illum, quorum Deus ille Deus est, secundum id quod dictum est: Dominus Deus Deorum loquutus est, & vocavit terram: cum illis dederit esse Deos, & hauserit copiosè ab illo Deo, quo eos Deos faceret. Scriptor Const. Apostolicarum Dei nomen tribuit Episcopo, Lib. II. c. 26. de quo ita loquitur: ἔτι ὁ ὑμῶν Ἐπίσκοπος Θεὸς μὲν Θεὸν, hic vobis terrestris Deus post Deum. Tum ei aptat Ps. LXXII, 6. Exod. XXII, 26. & dicit: ὁ ὃς Ἐπίσκοπος προκαθίσταται ὑμῶν, ὡς Θεὸς ἀξιῶν τιμηθῆναι: Episcopus enim præsit vobis, ut Dei dignitate cohonestatus. Gregorius Nazianzenus Sacerdotem, Orat. I. p. 31. dicit, Θεὸν ἐσόμενον ἢ θεοποιήσονται, Deum futurum & Deos facturum. Oratione XX. p. 349. ita Basilium Arianismum repudiantem inducit: εἰ δὲ κτίσμα π. προσκυνεῖν ἀνέχομαι. Θεὸς τε κτίσμα τυγχάνων, ἢ Θεὸς εἶναι κατελελυμένον: neque sustineo adorare creaturam, qui sum Dei creatura, & Deus esse iussus sum. Idem δέωνον vocat pii animi

mī inusitatum motum, Or. XI. p. 140. ubi dicit diem festum esse καὶ τὸν θεώσεως, ἥς οἱ μάρτυρες μετὰ δύναι, *tempus divinitatis consequenda, quam in rem martyres mediatorum munera funguntur.* Oratione verò XXIII. p. 410. ait sacra facientem Sacerdotem in sacra mensa μυσταγωγῆν τὴν θεότητα *esse mystagogum divinitatis.* Orationis verò II. initio, solitudinem vocat Θεοσιὸν, *Deum facientem.* Ex quibus omnibus, aliisque similibus liquet vocem Θεός non semper significasse, in Scriptis Veterum, ut in nostris hodiernis, unam illam Naturam à qua omnia creata sunt.

II. Hæc satis ostendunt voces hodiernas, quibus utimur ad vertendas voces Elohīm, Θεός & Deus, iis ad amissum non respondere. Hinc colligere est ex eo quòd vox Hebraïca, Græca, aut Latina, unâ voce aliis Linguæ verti soleat; existimandum semper non esse voci Linguæ exsoletæ eandem prorsus subjectam fuisse potestatem, ac ei quâ illa hodie vertitur. Legentibus plura quotidie exempla occurrent, si modò moniti attendant.

CAPUT IV.

REGULA III.

Multa videri in versionibus Emphatica, quæ in ipsis Fontibus nullam Emphasin habent.

1. **C**UM Linguæ discendæ operam dare incipimus, versione Linguâ notiori scripta indigemus; at si contingat nos numquam posse ejus auxilio carere, multa errorum nobis imminebunt pericula, inter quæ hoc longè maximum est; ne putemus verba fontium eandem ἐμφασιν habere, ac in versione videntur. Sæpiissimè enim contingit ut translationis vocabula nescio quam vim habere videantur auribus imperitis, quam non habent in ipso *Originali*, ut vocatur, *textu*, apud aures Linguæ adfuetas.

2. Hebræi, exempli causâ, passim conjungunt infinitivum verbo suo, quasi nomen. Ita dicunt *Moriendo morieris* מוֹת תָּמוּת *moth thamouth*, pro *morieris morte*. Idem aut simile fuit idioma Atticæ Dialecti, quæ conjungebat verbis nomina affinia, ut ἀγορεύς ἀγορεύειν concionem concionari,

Ho-

*Homeri Iliad. B. vers. 788. ad quem locum, Homerum Atticè loquutum esse observat * Eustathius, hisce verbis: τὸ δὲ ἀγορῆς ἀγορῶν Ἀττικὸν ἐστὶ, ὡς καὶ τὸ βασιλῆος βασιλῆϊ, καὶ λόγον λέγει καὶ ὅλως τὸ παρρησιάζεσθαι τοῖς ῥήμασι τὰ ἐξ αὐτῶν ὀνόματα. Hoc autem conciones concionabantur Atticum est, ut & consilium consulere, & dictum dicere, & universim addere verbis nomina ex iis derivata.*

3. Hæc adjectio ejusdem verbi, aut nominis affinis, nullam habet in Hebræica; aut in Attica Lingua Emphasin. De Attica res nota est, nec minùs certa erit de Hebræica, si quis † expendat loca Scripturæ, in quibus occurrit ea phrasis. Ità Gen. II, 16. *Ex omni arbore, ait Deus, hujus horti comedendo. comedes, hoc est, simpliciter comedes;* ut ex sequentibus liquet, ubi de eadem re sermo est. Versu sequente, *morte morieris* est quoque simpliciter *morieris*; ut apparet etiam ex collatione locorum, in quibus occurrit.

4. Attamen Interpretes, qui in Scriptura passim quærunt quæ in ea non sunt, nescio quam miram Emphasin in hac phrasi

* Ed. Rom. p. 348. l. 29.

† Suppeitabis plura Sal. *Glossus in Gra. n. Sac. Lib. III. c. 3. can. 37.*

phrasi repererunt ; unde factum ut multi aut Linguae Hebraicæ ignari , aut non satis accurati Critici , ambabus ulnis , amplexi fuerint *Augustini* interpretationem , qui ita * *comminationem* mortis interpretatur. *Quacumque die ederitis ex eo , morte moriemini , non tantum animæ mortis partem priorem , ubi anima privatur Deo ; nec tantum posteriorem , ubi corpus privatur animâ ; nec solum ipsam totam primam , ubi anima & à Deo & à corpore separata punitur ; sed quidquid mortis est , usque ad novissimam , quæ secunda dicitur , & quæ est nulla posterior , comminatio illa complexa est.* Nescio an eadem causa alios impulerit , ut hæc verba interpretarentur , *mortalis eris* , contra usum constantem Hebraicæ Linguae ; an verò , ut hanc comminationem opinionibus suis accommodarent.

5. Constans etiam est Hebræorum consuetudo , ut Eruditi observarunt , omnia ita Deo tribuere ; quasi Deus ipse omnia efficeret , ne exceptis quidem malis actionibus. Quæritur an illæ loquutiones habeant aliquam *ἐμφασις* , qualem videntur habere iis qui versiones tantum legunt , aut qui , ex consuetudine hodiernarum Linguarum , Hebræorum sermonem intel-

* *De Civ. Dei Lib. XIII. c. 13.*

telligunt, Alii negant, quorum in numero sumus; alii affirmant, iique à temporibus *Augustini* non pauci. Inde etiam colligunt multi Deum, quidquid fit boni, ipsum facere, & partem mali haud minimam.

6. Primùm contendimus ex ipsa phraseos ratione, nisi aliunde nobis de re constet, neminem posse colligere, veteres Hebræos voluisse Deum esse auctorem omnium malorum, æquè ac bonorum. Ratio nostræ negationis hæc est, quòd sint Scriptores in aliis Linguis, qui ita loquuntur, cùm tamen nihil simile crederent. *Homerus* * passim omnia Deo tribuit, non minùs mala quàm bona. Dicit, exempli causâ, Helenam impulsam fuisse à Deo, ut rem faceret intolerandam *Odyss.* Ψ, 232. τὴν δ' ἦτοί τις ἔειπαι θεὸς ἀπορὸν ἔργον αἰετὲς. Si hæc & similia loca *Homeri* essent urgenda, sequeretur hominibus non esse imputanda mala quæ iis eveniunt, & ne vitia quidem, sed Diis; quod tamen non credidit, ut intelligere est ex hisce verbis, quibus *Jovem* graviter querentem inducit, apud Deos, *Odyss.* Α, 32.

α

* *Vid. Homerum E' Cypri' formæ p. 52. & 387.*

Ω πόποι οἷον δὴ νῦν θεὸς βροτοὶ αἰτιόωνται!
 Ἐξ ἡμεῶν γὰρ φασὶ κακὰ ἐμμεναι οἱ δὲ καὶ
 αὐτοὶ
 Σφῆσιν ἀποσταλήσιν ὑπὲρ μέρος ἄλγος
 ἔχουσιν.

*Papa quantopere mortales Deos accu-
 sant!*

*Ex nobis enim aiunt esse mala, illi verò
 ipsi*

*Suis stultitiis, præter fatum, dolores ha-
 bent.*

7. Itaque neque apud Scriptores Sacros, ex nuda phrasium consideratione, erui potest sententia, quam illis solent quidam tribuere. Atque hoc manifestius erit, si, ut ceteras rationes omittam, alia quæ apud eosdem Scriptores occurrunt, expendamus. Etenim passim inducunt Deum, quasi invitum plectentem homines, & ægrè ferentem eorum delicta; quod esset longè absurdissimum, si ipse eos ineluctabiliter ad ea impulisset, aut impulisse crederetur. Ita Psalm. LXXXI, 13. postquam Deus beneficia sua in Israëlitas commemoravit; *utinam, inquit, populus meus obtemperasset mihi, & Israël in*
vitis

viis meis ambulasset! Hinc liquet verba præcedentia: *tradidi eos duritiei cordis eorum & ambulaverunt in consiliis suis*, non esse ita urgenda, quasi intelligeretur *permissio efficax*, ut loquuntur quidam Theologi.

8. Putant nonnulli magnam esse ἐνέγκειαν in hisce vocibus, apud Jeremiam XXXI, 33. *Ponam legem meam in medio eorum, & in corde eorum scribam eam*; quasi Deus vellet significare se necessario effecturum ut observaretur Lex sua. Verum tota verborum horumce ἐμφασις in eo sita est, ut hic sit eorum sensus; nempe, Deum effecturum ut Israëlita tenerent Legem suam (novam, nimirum, seu Evangelicam) memoriter, nec monitore indigerent; quod liquet ex versu sequenti, ubi antecedentia, mutatis verbis, more Hebræis consueti, in sequentibus repetuntur: *Ne docebit ultra vir proximum suum aut vir fratrem suum dicens: cognosce Dominum, omnes enim cognoscent me, &c.* Hinc virtutis cuiuspiam memores dicuntur ipsi eam animo suo inscripsisse; ut Proverb. III, 3. *Benedixit & fides ne te deserant; eas vincito gutturi tuo, inscribito tabula cordis tui*; hoc est, fac ut earum memor sæpe de iis loquaris.

Tom. I.

N

9. Ita

9. Ita Paulus Rom. II, 15. verba faciens de cognitione Dei & virtutis, quæ potest solâ ratione, sine revelatione, colligi, ait, ἔργον νόμου γεγραπὸν εἶναι ἐν ταῖς καρδίαις αὐτῶν, opus legis in illorum cordibus inscriptum esse, nempe, Ethnicorum. Quæ voces aliud nihil significant, nisi sine doctore hæc disci, & memoriæ faciliè mandari; nec quisquam, ut opinor, adeo erit emotæ mentis, ut velit Paulum dixisse ab Ethnicis observatam fuisse Legem. Consuli potest ad eum locum *H. Grotius*, qui exempla similibus loquutionum suppeditare poterit. *Æschylus*, in *Promethæo* victo, ita *Promethæum* alloquentem *Ionem* inducit p. 48. πολύδορον πλάνῳ φράσσω, ἣν ἐγγράφω σὺ μνήμοσι δέλτοις φρενῶν: *Vagamur errorem dicam, quem tu scribe in memoribus tabulis mentis*; hoc est, cujus tu memento. *Pindarus* *Olympion*. X. ab initio, cum vellet dicere: revocate mihi in memoriam *Agæfidæum* *Archestrati* filium, rem ita expressit:

Τὸν Ὀλυμπιονίκην ἀνάγνωτέ μοι
 Ἀρχεστράτου παῖδα, ποῖν φράσας
 Ἐμῶς γόμαται.

*Olympicum victorem legite mihi Archestrati
 filium,*

filium, qua in parte animi mei scriptus sit.
Ad quæ verba, Scholiastes profert hunc
Sophoclis versum, ex Triptolemo:

Σὺ δ' ἐν φρενὸς δέλτοισι τὰς ἐμὰς λόγους,

nimirum, scribere oportet. *Antisthenes*
familiari commentariorum jacturam de-
fienti: ἔδδ' γδ, ἔφη, ἐν τῇ ψυχῇ αὐτὰ, καὶ
μὴ ἐν τοῖς χάρταις γεγράφειν: *atqui oportet*
bas, inquit, ea in animo, non in chartis
scribere. Ita quoque interdum loqueban-
tur Latini. Apud *Terentium* * in *An-*
dria, cū dixisset *Myfis*: *Unum hoc scio,*
meritam esse ut memor esses sui, reponit *Pam-*
philus, quasi indignans sibi in memoriam
revocari quod altā mente repositum ge-
stabat:

Memor essem? ô Myfis, Myfis, etiam nunc
mibi

Scripsera illa dicta sunt in animo Chryfidis,
De Glycerio.

Seneca pater, in Præfatione Lib. I.
Cont. ubi de Porcio Latrone: In eo non
tantum naturalis memoria felicitas erat, sed
ars summa & ad adprehendenda, quæ te-
nere

N 2

* *Act. I. S. 6.*

vere debbat, & ad custodienda; adeò ut omnes declamationes suas, quascumque dixerat, teneret. Jam itaque supervacuos sibi fecerat Codices. Aiebat se SCRIBERE IN ANIMO. Tot Scriptoribus Ethnicis Judæum unum adjiciemus, de simili re loquentem, de qua Jeremiæ verba protulimus. Is est Josephus Lib. II. in Apionem p. 1072. Ed. Genev. ἡμῶν ὄντων εἴ τις ἐροίτο τὰς νόμους, ῥᾶον ἂν εἰποι πάντας, ἢ τὸν ὄνομα τὸ ἐαυτῶ. Τοιγαρὶν δὲ τὸ τῆς πρώτης ὁδοῦ αἰσθήσεως αὐτὰς ἐκμανθάνοντες ἐχομένη ἐν ταῖς ψυχαῖς ΕΓΚΕΧΑΡΑΓΜΕΝΟΤΕΣ: Si quem nostrum interrogaverit quisquam de legibus, facilius omnes dixerit, quam nomen suum; nam ex quo primum intelligimus, eas discantes habemus in animo scriptas. Ita idem Scriptor loquitur etiam Antiq. Judaicar. Lib. IV. c. 8. §. 12. Ed. Oxonii inchoatæ; ubi prolata lege, de Lege septimo quoque anno in sacra Urbe publicè recitanda, ita pergit: Καλὸν γὰρ ταῖς ψυχαῖς ΕΓΓΡΑΦΕΝΤΑΣ αὐτὰς καὶ τῇ μνήμῃ φυλαχθῆναι, ὥς μηδέποτε ἐξαλειφθῆναι δυναμύας: utile enim est animis inscriptas leges & memoria servari; ut nunquam deleantur. Paullò post: οἵτε νόμοι πολλὰ πρὸς ἁμαρτάνοντας ἔξοσι παρρησίαν. ὥς πειθερόντων αὐτοῖς ἂν πείσονται, καὶ ταῖς ψυχαῖς ἐγ-

γε-

ὑπερφάντων Διὰ τῆς ἀκοῆς αὐτῶν, ὥστε εἶναι Διὰ παντός ἐνθὺν παρ' αὐτοῖς τὴν περὶ αὐτῶν: *leges multam apud peccantes habebunt auctoritatem, quippe quæ prædicent illis quæ passuri sint, & quæ inscripserint eorum animis per aures quæ jubent; ita ut semper sit intus apud ipsos eorum voluntas.*

Atque hoc in memoriam mihi revocat dictum Turcarum de Tartaris, haud ineptum. * *Aiunt reliquas quidem nationes scriptam in libris habere sapientiam, Tartaros libros suos devorasse; idè in pectoribus eam habere reconditam, quo promant cùm opus sit, & veluti divina fundant oracula.*

10. Phrasis *aperire oculos* videtur vim quamdam habere plerisque, qui non sunt idiomatici Sacrorum Librorum adsueta. At nihil aliud est, nisi facere ut aliquis quidpiam cognoscat, aut observet. Ita Gen. XXI, 10. dicitur Deus *aperuisse oculos Hagaræ*, ut videret fontem, hoc est, fecisse ut animadverteret. *Aperit oculos Balaamo*, Num. XXII, 31. ut videat Angelum; hoc est, facit ut eum animadvertat. Similiter Gen. III, 5. *aperientur oculi vestri*; hoc est, plurimarum rerum periti eritis; & versu 7. *& aperti sunt oculi amborum*, idem est ac si dixisset Moses;

N 3

fes;

* Ex Busbequii Ep. 4.

ses : ambo animadverterunt se esse nū-
dos.

11. Eodem sensu occurrit, A&. XXVI,
18. *Aperire oculos eorum , ut convertantur
à tenebris ad lucem.* Sermo enim est de
Paulo prædicatione suâ Ethnicorum erro-
res tenebricosos expulsiuro , utque lucem
Evangelii adspicere possent effecturo. Nec
multum hinc abscedit sensus phræseos,
quæ occurrit Lucæ c. XXIV , 45. *Aperuit
eis mentem ad intelligendas Scripturas.* Evan-
gelista enim aliud nihil vult, nisi Chri-
stum interpretationibus suis fecisse ut A-
postoli intelligerent loca Scripturæ, quo-
rum sententiam antea non adsequebantur.
Idem Scriptor A&. XVI, 14. de Lydia
dicit, *Dominum aperuisse ejus cor, ut at-
tenderet iis , quæ dicebantur à Paulo :* hoc
est, divinâ providentiâ factum esse, qui-
buscumque tandem machinisusus sit Deus,
ad ejus animum expugnandum, ut Lydia
attentè aurem præberet Paulo. Ita *Plu-
tarchus*, in libello de audiendis Poëtis,
pag. 75. Ed. Grotianæ , dicit lectionem
Poëtarum : *προσανοίγειν ἢ προσκλίνειν τὴν
ἐν νεῖς ψυχὴν πρὸς ἐν φιλοσοφίᾳ λόγους :*
*aperire & inclinare juvenis animum sermoni-
bus Philosophicis.* Adi notas *Lud. Cappelli*
ad Luc. XXIV , 45.

12. Viri

12. Viri doctissimi singularem Empha-
sin quæsiwere, in verbis minarum Mosai-
carum, quæ exstant Levit. XXVI, 26.
Frangam vobis scipionem panis, quasi Deus
minaretur se vim nutriendi panis detractu-
rum, ut ad eum locum monuimus. At,
ut ostendimus, hoc vult dumtaxat Deus,
se effecturum ut penuria panis esset. Igi-
tur Emphasis frustra quæsitâ hîc est; nec
scio an ejusmodi error Erisichthonis fabu-
læ, apud Græcos, occasionem dederit.
Eam narrat *Callimachus* Hymno in Cere-
rem, atque ex eo *Ovidius* *Metam.* VIII.
Ille

Σχέτλιος, ὅσας πάσκειτο, πόσων ἔχεν ἴμε-
νη αὖθις.

Εἴκασι δαῖτα πένοντο, δωδέκα δ' οἶνον
ἄφυστον.

*Miser, quo plura gustavisset, eo plurimum te-
nebatur desideria. Viginti ministri epulum
apparabant, duodecim vinum hauriebant.
Vel, ut verbis Ovidianis rem exprima-
mus,*

— *Appositis queritur jejunia mensis,
Inque epulis epulas querit, quòdque ur-
bibus esse,*

*Quòdque satis populo poterat, non sufficit
uni,*

*Plùsque cupit, quo plura suam demittit in
atram,*

Fortasse hinc primùm ficta fabula, quòd Poëtæ legissent, aut audissent *Erisichtho-*
nem non potuisse satiari, aut quid simile;
quod ita interpretati sunt, quasi omnibus
rebus affluentis famem nihil sedare potuif-
set, cùm debuissent de frugum penuria
rem intelligere.

13. Hinc denuo colligimus aures ad-
suetas Linguis hodiernis, facilem erroris
occasionem imperitis præbere; dum quæ-
dam Emphatica videntur & sunt in Lin-
guis, aut hodie vigentibus, aut hodie-
no usu inter Doctos tritis, qualis est La-
tina; cùm Emphasin nullam habuerint
apud Hebræos, Græcos, aut Latinos.
Itaque cavendum est quàm maximè ne,
ex hodiernarum Linguarum ingenio, de
priscis judicemus; quòd ut facilius caveri
queat, nihil est ita de sensu ullius phra-
seos affirmandum, ut à sententia discedere
non simus parati; nisi Linguae, de qua
agetur, multam operam dederimus, &
Scriptorem cujus sensus quaeretur diligen-
ter legerimus.

CA.

CAPUT V.

REGULA IV.

Plurima esse vocabula ambigua in omnibus linguis, cum ipsarum Linguarum inopiâ, tum negligentia Scriptorum.

1. **O**PTANDUM esset Scriptores omnes cum Veteres, tum Recentiores, aut potius omnes homines ita constantes in sermone fuisse, ut vocibus semper easdem potestates subjecissent. Verum tantum abest ut constantes fuerint, ut contra nihil sit loquentium usu inconstantius; atque hoc adeo in omnibus Linguis invaluit, ut accurati alioqui Scriptores ab ambiguitatibus sibi cavere vix queant; unde fit ut intelligendi difficultas non parum augeatur, ubi res agitur naturâ suâ difficilior.

2. Observandum autem est vocabuli significationem mutari, non modò quando designat rem prorsus diversam, aut similem, sed non eandem; verum etiam ubi unam, eandemque notionem compositam, ad præcipuas ejus partes quod
atti-

attinet, significat, at mutatis relationibus; seu quando notionis compositæ partes quasdam designat, omiſſis aliis, aut etiam paullò plures complectitur. Vel minima additio, aut detractio mutat notionem, adeoque ſignificationem vocabuli. Ita cùm Judæi & Chriſtiani de *Scriptura* loquantur, convenit quidem iis de voce, non verò de ſignificatione. Judæus enim intelligit ſolos Veteris Teſtamenti libros Hebræicos; Chriſtianus verò addit libros Novi Teſtamenti, & interdum etiam Libros Græcos Veteri Teſtamento adjectos, qui vulgò Apocryphi dicuntur.

3. In re tam manifeſta, pauci quidem errant; ſed occurrunt paſſim voces ambiguz, quarum variaz ſignificationes non ita notæ ſunt. Ipſa illa vox *Scriptura* aliud interdum ſignificat apud Apoſtolos, quàm apud Theologos hodiernos. Intelligimus enim hodie eâ voce ſolos Libros Sacros, ſine additione ulla & per ſe intellectos; Apoſtoli autem aliquando, more Judaico loquentes, eâ voce Traditionem illis libris non comprehenſam intelligunt. Quare laudant, quaſi ex *Scriptura*, quædam, quæ in ea non occurrunt, ut Matth. II, 23. Eph. V, 14. In
Epistoła

Epistola Barnabæ, proferuntur etiam quædam veluti ex Vetere Testamento, quæ nusquam exstant; nimirum, ex Traditione Cap. VI. quasi ex Mose, hæc affert de Hirco *Σαμψαήλ*: * *Exspuite in illam omnes & pungite, & imponite lanam coccineam circa caput illius, & sic in aram ponatur, & cum ita factum fuerit, adducito qui ferat eum in eremum &c.*

4. Ambiguitates autem omnes oriuntur vel ex Linguarum inopia, quæ destituuntur vocibus necessariis, vel ex negligentia scribentium. Quando deest vox, ad rem quampiam exprimendam; vox iam usitata, aliâ significatione, detorqueatur in novam, per translationem. Interdum etiam uni voci variæ prorsus affinguntur significationes, licet non desint quibus ex res significantur. Dignus est Seneca, † qui hanc in rem audiatur. *Ingenus est copia, inquit, rerum sine nomine, quæ non propriis appellationibus notamus, sed alienis commodatisque. Pedem & nostrum dicimus, & lecti & veli & carminis; canem & venaticum & marinum & fideus. Quia non sufficimus, ut singulis singula adsignemus;*

* Vide ad eum locum Hug. Menardum aliisque Intt.

† De Benefic. Lib. II. c. 34.

figuemus; quoties opus est, mutuamur. Fortitudo est virtus pericula iusta contemnens; aut scientia periculorum repellendorum, excipiendorum, provocandorum. Dicimus tamen & gladiatorem fortem virum, & servum nequam, quem in contemptum mortis temeritas impulit. Parcimonia est scientia vitandi sumtus supervacuos, aut ars re familiari moderatè utendi; parcissimum tamen hominem vocamus pusilli animi & contracti, cum infinitum interfit inter modum & angustias. Hæc alia sunt naturâ, sed effecit inopia sermonis, ut & hunc & illum parcum vocemus; ut & ille fortis dicatur, cum ratione fortuita despiciens, & hic sine ratione in pericula excurrens. Sic beneficium est & actio benefica, & ipsum quod datur per illam actionem, ut pecunia &c. Horum exempla Lexica passim suppeditant, ut necesse non sit nos iis immorari. Quædam magni momenti monebimus potius, quæ ex Dictionariis cognosci non possunt.

5. Primum est, haud semper facile esse dignoscere loquutiones metaphoricæ à propriis; quæ difficultas occurrit, ubi sermo est aut de rebus per se non satis notis, aut de vocibus rariùs usurpatis, & quarum origo non est manifesta. In-

gens

gens orta est concertatio inter Theologos quærentes , utrum voces λύτρον redemptionis pretium , ἀπολύτρεῖν redimere & ἀπολύτρωσις redemptio debeant propriè intelligi , ubi de Christi redemptione sermo est? Alii contendunt hîc ἀπολύτρωσιν esse * redemptionem , seu liberationem alicujus ab incommodo , λύτρω intercedente. † Alii fatentur quidem λύτρον propriè significare pretium quod ad redimendum captivum datur , sed contendunt hîc minùs propriè sumi pro facto , quo liberati sumus à peccato , non pro pretio soluto. Utrique agnoscunt aliquando hæc voces impropiè sumi , ubi de simplici liberatione sermo est; at qui propriè hîc intelligi volunt hoc nituntur argumento , quòd sine necessitate non sit à proprietate verborum recedendum ; hac autem in re nihil sit , quod nos ad metaphoram confugere necessariò adigat. Alii negant huic regulæ hîc locum esse posse. „ Nam , inquit , ideò „ in re dubia , propria videtur sequenda „ significatio , potiùs quàm impropria ; „ quòd verisimilius sit propriè loquutum „ fuisse Auctorem , quàm impropriè. At „ si

* H. Grotius de Satisf. Ch. C. VIII.

† F. Socinus & J. Crellius , quorum hunc vide , in Resp. ad Grotium.

„si longè frequentior fit improprius vo-
 „cabuli usus, apud aliquem Auctorem,
 „quàm proprius, cessat illæ ratio & con-
 „trarium potius videtur esse statuendum;
 „atque ei, qui propriam significationem
 „omnino urget, ratio afferenda, cur
 „impropiam respuat, quæ adeò illi Au-
 „ctori sit familiaris. Præterea volunt rem
 ipsam necessariò postulare sensum meta-
 phoricum.

6. Ut *καὶ πρὸς ἀνελέειαν* solveretur ejus-
 modi difficultas, primò videndum esset
 quis sit ejus vocis usus, apud Scriptores
 Sacros; secundò, conandum esset rescire
 ex locis, ubi aliis verbis utuntur, quæ
 fuerit eorum hac de re sententia. Nam
 ad rem ipsam quod attinet, per se planè
 est ignota; neque possumus, in hoc ne-
 gotio, Dei voluntatem aliunde quàm ex
 revelatione cognoscere. Revelationem
 autem oportet, ut sit clara, conceptam
 esse vocibus proprio sensu sumtis, ita ut
 hoc constet; alioqui translationum signi-
 ficatum non satis adsequimur, aut dum
 dubitamus propriane sint an improprie,
 necesse est sensus verus nobis sit dubius.

7. Secundò, si concedamus voces, aut
 phrasas esse metaphoricæ, superest du-
 bium, quod solutu facile non est. Nem-
 pe,

pe, per translationem vox usurpatur, aut quòd res de qua usurpatur sit simillima rei ex qua desumpta est metaphora, aut quòd aliqua tantum ex parte eam referat. Rarò metaphora nititur plenâ similitudine; satis est modò intersit levis affinitas inter rem cui vox propriè convenit, & rem cui metaphoricè tribuitur. Itaque rarò tralaticia voces, totâ nativâ significationis amplitudine, urgendæ sunt; quod facile est intellectu. At difficilior multò est scire, quousque vox aut phrasis metaphorica urgeri possit; ubi is qui eâ usus est præsens non est, ut interrogari queat, nec aliunde de ejus mente nobis constat.

8. Queritur quid tunc temporis faciendum, ut veram atque integram vocis significationem possimus scire? Si utraque res, quæ eâ voce exprimitur, sit notissima; ut dubium non sit quin loquuto probè nota fuerit, possumus existimare hominem eâ voce usum, propter similitudinem quam in his rebus ipsi videmus; nisi orationis series ostendat aliquid singulare in mente habuisse. Si alterutra res sit ignota, vel obscura aut loquenti, aut nobis; vix scire possumus quomodo sit metaphorica significationis

am-

am: litudo; seu quot notiones complectatur, & quatenus urgeri possit.

9. Exemplo res ut clarior fiat, Scriptores Sacri leges, quas Deus hominibus tulit, vocant ברית *brith*, אֲמִתּוּת *Amithuth* *fœdus*, aut *testamentum*, per translationem; neque enim propriè Leges divinæ sunt fœdus, aut testamentum. Sunt autem, ut rectè *Livius*, Lib. XXXIV. c. 57. tria genera fœderum. Unum cum bello victis dicuntur leges, ubi enim omnia ei qui armis plus potest dedita sunt, quæ ex his habere victos, quibus mulctari eos velit, ipsius jus atque arbitrium est. Alterum cum pares bello, æquo fœdere, in pacem atque amicitiam veniunt. Tertium cum qui hostes numquam fuerunt, ad amicitiam sociali fœdere, inter se jungendam coeunt. Hi neque dicunt, neque accipiunt leges; id enim victoris & victi est. Fœdus Dei cum hominibus simile est primo generi, nam Deus leges fert; sed alio prorsus jure, nempe, creationis & providentiæ quâ homines tutatur. Legislatoris populi utilitatem querentis partes agit, potius quàm fœdus facientis; sed nec amittit jura Domini, ex quibus volentibus aut invitis imperare potest, poenâsque à contumacibus aut

aut delinquentibus exigere. Itaque nemo ex voce ברית *fredus*, quam & testamentum vertunt, colligat perfectam esse similitudinem inter Leges Dei & testamenta, aut fœdera, quod illæ horum nomine insigniantur; aut si anxie quærat, in Legibus divinis, quod observavit esse in fœderibus ac testamentis; oportebit ut probet hanc metaphoricam appellationem, ex consilio Sacrorum Scriptorum, niti perfectâ similitudine. Quod cum fieri nequeat, hoc unum affirmare poterit esse aliquam inter ea similitudinem, unde nata est similis appellatio. *Non enim res tota toti rei necesse est similis sit, sed ad ipsum ad quod conferetur similitudinem habeat oportet*, quæ verba sunt Scriptoris ad Herennium, Lib. IV. c. 46.

10. Supererit tunc quærendum, quanam in re illa similitudo sita sit? Cum Scriptores Sacri nossent quidquid continebatur in fœderibus, & voluntatem etiam Dei, quatenus revelata fuit; ut sciamus quanam essent, & judicarentur ab iis similia inter Leges Dei, testamentaque ac fœdera; illa sunt introspicienda, & videndum quidem primùm quâ ratione Deus agat nobiscum, remotis, ut ita dicam, omnibus metaphoricis notionibus.

Tom. I.

O

bus.

bus. Secundò, querendum quid agant homines, ubi fœdera contrahunt, aut faciunt testamenta. Tandem ex collatione, cognoscemus quæ sint in iis similia.

11. Hoc peracto, queretur utrum is qui primus fœderis voce usus est, Moses putà, ea usus sit ad significandum esse similitudinem, quanta à nobis cernitur, inter leges Dei & fœdera; an verò in ea appellatione rationem tantum habuerit partis similitudinis, de ceteris quas deprehendimus, non cogitaverit? Partes similitudinis hæ sunt: 1. In fœdere sunt partes duæ contrahentes: ita & in Divinis Oeconomis; 2. In fœdere interdum est Mediàtor, sicuti in Divinis Pactis: 3. Sunt utrobique conditiones & promissa, ac minæ: 4. Quandoque in fœderibus fuere victimæ, nec Deus aliter cum Judæis & Christianis egit. Alia fortè adjici possent, sed dubia, cum Historia Moisaica horum tantum disertè meminerit. Ex plurimis locis, verissimilimum est Mossem ideò Leges Divinas fœdus appellasse, quòd hæc habuerint cum fœdere communia.

12. At perspicaciores Theologi hîc non subsistunt. Aiunt enim in fœderibus tabulas,

bulas, in quibus scribuntur Leges, sigillis firmari contrahentium; unde fit ut in Mosaiico fœdere, quia Circumcisio *signum fœderis* vocatur aliquoties, dicant Deum hoc signo veluti fidem datam Judæis confirmare, & se se arctius obstringere ad præstanda promissa; Judæosque vice versâ Deo obsequium, eâ ratione, solemniùs polliceri. At primùm, hoc interest discrimen, quod in fœderibus duo sigilla adhibeantur; ab utraque, nempe, parte suum; quod hîc non fit, etenim unicum est *signum fœderis*, & quidem à Deo solo institutum. Secundò, sigilla imprimuntur in tabulis fœderis, non in Fœderatorum corpore. Denique ea pars similitudinis inter divinæ Oeconomix *signum* circumcisionem, & sigilla fœderum humanorum, nullibi apud Mosē urgetur, nec etiam ullâ uspiam allusione innuitur. Itaque quando circumcisionem Deus vocat *signum fœderis sui*, Gen. XVII, 11. hoc unum vult, hoc signo Israëlitas ab omnibus gentibus distinctum iri, atque inde Dei fœderatos agnoscendos. Igitur hæc vox meliùs ex primeretur Latina voce *tessera*, quàm vocabulo *sigillum*; tessera enim signum fuit quo socii socios, amici amicos dignoscebant. Lacedæmo-

nii, apud *Justinum*, Lib. III. *de sepultura solliciti*, priusquam prælum contra Messenios inirent, *tesseræ*, *insculptis suis* & *patrum nominibus*, *dextro brachio deligabant*; ut si omnes *adversum prælum consumisset*, & *temporis spatio confusa corporum lineamenta essent*, ex *indicio titularum tradidit sepulturae possent*. Sed neque hæc *metaphorica vocis* *σημα* *oth*, *signum*, explicatio nimium urgeri potest.

13. Hinc cognoscimus quæ tantâ subtilitate disputarunt multi de natura *Sacramentorum*, hoc est, rituum quorundam à Deo institutorum, statuentes eos ritus per omnia sigillis *foederum* respondere, ea in auras abire omnia; nisi vocem *signum* necessariò, in eum sensum, intelligendam esse probent; quod nemo hætenus fecit, neque ullus in posterum, ut opinor, præstabit.

14. Vox *διαθήκη*, uno in loco *Novi Testamenti*, nempe, *Hebr. IX*, 15, 16. sumitur pro *Testamento*; nam licet puriori quidem *Hellenismo* hoc significet, *Alexandrini Græcè loquentes*, (ex quorum sermone *Judææ incolæ*, qui eandem *Linguam didicerant*, multa traxere) eâ utebantur, ubi alii *Græci* vocem *συνθήκη*; id est, *foedus* adhibebant. *Scriptor autem*

tem Epistolæ ad Hebræos, qui puriore aliquantum utitur stylo, alludit ad significationem *Testamenti*. Certè ut in Testamento, morte sequente, donatio rata fit: ita, moriente pro nobis Christo, cœlo donati sumus. Hæ duæ solæ similitudinis partes inter rem, cui propriè convenit appellatio *Ἀγθῆνης*, testamenti, & eam cui metaphoricè aptatur, eo in loco, attinguntur. Nec si præterea possint inveniri quædam similia, inter Testamentum & Oeconomiam Evangelicam; ideò possunt, quasi Apostolicâ auctoritate nixa, urgeri. Attamen hoc Theologi non satis cauti, & sibi nimium indulgentes factitarunt; ac confectariis inde deductis, novas Institutionum Theologicarum methodos inædificarunt.

15. Duabus antecedentibus observationibus tertia addenda est; nempe, vocem unam, prout cum aliis variè constituitur, ac jungitur, varias induere significationes. Quod nisi diligenter observetur, ex eo quòd uno loco aliquid significet, & in certis circumstantiis, sæpè perperam colligemus, idem eâ ubique significari, aut in locis ubi aliis vocibus conjungitur, & aliâ occasione adhibetur. Unum proferemus hîc exemplum;

214 ARTIS CRITICÆ P. I. S. I. C. V.

petitum ex voce Hebraïca רוּחַ *rouach*, Græca πνεῦμα & Latina *spiritus*, quæ idem propriè sonant & sunt, cùm apud Sacros Scriptores, tum apud Ethnicos πολέσμοι, pro occasionibus & vocibus quibus conjunguntur.

16. I. Hebraïca vox pro vento passim sumitur, ubi conjungitur verbo *flare*, cùm sermo est de tempestatibus, de navigatione &c. Vid. Jerem. XLIX, 36. & Ezech. XLII, 20. &c. Idem significat πνεῦμα in verbis Christi, Joann. III, 8. *Spiritus ubi vult spirat, & vocem ejus audis &c.* Ita Columella, Lib. III, c. 19. *Præstat eligere sationi silentis, vel certè placidi spiritûs diem.* Præterea πνεῦμα pro secundo vento sumitur, adeoque pro fortuna. Apud Euripidem, in Hercule furente;

Βίαν ᾗ δ' ἐγείσῃς μηδ' ἐν, ὃ πείσῃ λίαν,
Ὅταν θεῶ σοι πνεῦμα μεταβαλὼν τύχῃ.

Nil vi feceris, aut nimium patieris, cùm Dei tibi spiritus mutatus fuerit. Aura quoque, quæ vox est συνάνημα, apud Latinos sanguinem passim sonat, ut omnes norunt. Hinc paullum deflectâ significatione, vaporem quemvis significat, & ode-

odorem, apud Lucretium, Lib. III.

——— *Bacchi cùm flos evanuit, aut cùm
Spiritus unguenti suavis diffugit in auras.*

II. Apud Latinos, significat *Ærem*, ut auctor est *Plinius*, Lib. II. c. 5. *Proximum, spiritus, quem Græci nostrique, eodem vocabulo aëra appellant.* Ita manifesto sumitur, apud *Virgilium*, *anima* Ecl. VI, 31.

*Námque canebat uti magnum per inane
coacta*

*Semina terrarúmque, animaque, maris-
que fuissent,*

Et liquidi simul ignis.

Hebræi quidem, si Lexicographis credimus, nullam vocem habebant, quâ *aërem* exprimerent, exceptâ voce *cælum*; quæ præcipuè tamen eam *aëris* partem, quæ paullo superior est, significat; sed fortasse אֵר *aërem* interdum signabat, eúmque sensum sunt qui suspicentur inesse vocibus obscuris, quæ occurrunt, Gen. I, 2. *Spiritus Dei ferebatur super aquas;* adeò ut hoc velit *Moses*, terram aquis fuisse tectam, aquas *aëre* involutas; quæ fuit etiam *Phœnicum Theologia*, si mo-

dò eam rectè exposuit *Philo Byblius*, seu ex *Sanchoniathone*, seu ex alio. *Eusebius* enim *Præp. Evangel. Lib. I. c. 10.* ita de ejus sententia loquitur: τὴν ὅλαν ἀρχὴν ὑποτίθεται αἶρα ζοφώδης, ἢ πνοὴν αἶρος ζοφώδους, καὶ χάρις θολερὸν, ἐρεβώδες: *principium omnium ponit aërem tenebrosissimum & ventosissimum, seu spiritum aëris tenebrosissimi, chaosque turbidum & caligine circumfusus.*

III. Passim apud tres, quas memoravimus, Gentes, voces allatæ *halitum* significant; neque in re notissima opus erit exemplis. Circumstantiæ locorum dumtaxat attendendæ sunt, & phrasæ in quibus occurrunt, ut *ducere, trahere, suspendere, elidere spiritum &c.* Apud *Hebræos*, præterea *spiritus oris* non *halitum* modò, sed & loquelam significat, ut *Psal. XXX, 5. Verbo Domini cæli facti sunt, & spiritu oris ejus omnis exercitus eorum.* Vid. *Esaï. XI, 4. 2 Thessal. II, 8.*

IV. Quia autem, dum spiritum ducimus, adest corpori Mens nostra; seu quòd Veteres putarent Mentem haud ab similem esse flatui; vocibus iisdem, quibus flatum, seu *halitum* significabant, designarunt Mentem, & præsertim tribus ali-

aliquoties allatis. Exempla ubique occurrunt. Vide Act. XIX, 21.

V. Propter eandem rationem, subinde spiritus *vitam* significat, seu eam dispositionem quâ corpus movetur, ac nutritur. Ita Paulus, Act. XX, 10. dicit ἡ ψυχὴ αὐτοῦ ἐν αὐτῷ ἔστιν, hoc est, *vita ejus in eo est*. Virgilius Eclog. IV.

O mihi tam longè maneat pars ultima
vita,

Spiritus & quantum sat erit tua dicere
facta!

Hoc sensu sæpius apud Justinum occurrit. Illustrat locum Actorum hic Livii, Lib. XLII. c. 16. de Eumene lapidibus prostrato: Ad corpus Regis primò amici, deinde satellites ac servi concurrerunt, tollentes sopitum vulnere, ac nihil sentientem. Vivere tamen, ex calore & spiritu remanente in præcordiis, senserunt. Nempe cordis palpitatione non cessaverat.

VI. Philosophi vocibus πνεῦμα & spiritus significarunt eam vim, quæcumque sit, quâ plantæ vivere; id est, ali & vivere putantur; seu tenuissimam auram eam crederent, seu aliud quidpiam. Ita Scriptor libri de Mundo πνεῦμα vocat τὴν
ἐν

ἐν φωτὶς καὶ ζωὴς καὶ ἀλλὰ πάντων δόξαται
 ἐμψυχόν τε καὶ γόνιμον ἔσται, *substantiam*
animatam, & genitalem, quæ est in plantis
& animalibus, & per omnia sparsa. Vide
& Theophilum Antiochenum, Lib. II. p. 97.
 Ed. Oxoniensis, * ubi πνεῦμα vocat bru-
 torum animas, mentem humanam, &
 materiam lucis, quæ ante Solem condita
 fuerat. Eodem sensu, sumi videtur מַר
 rouach, Ps. CIV, 25. ubi Pfalter de plan-
 tis, non minùs quàm de animalibus, lo-
 quutus, subjicit: *Aufers spiritum eorum,*
deficiunt, & in pulverem suum revertuntur;
mittis spiritum tuum, creantur, & innovas
faciem terræ.

VII. Lexica quævis Hebræica docebunt
 מַר pro affectibus animi passim sumi, ut
spiritus Zelotypia, pro zelotypia, & alius
spiritus, Num. XIV, 24. pro alia affectio-
 ne, quâ ratione πνεῦμα sæpius sumitur
 in Novo Testamento, ut *spiritus servitu-*
tis, *spiritus adoptionis*, &c. Latini *spiri-*
tum ἐνικῶς & *spiritus ἀληθινῶς* adhibent,
 ad significandam animi elationem, quo-
 rum exempla suppeditabit *Rob. Stephanus.*
 Apud *Horatium*, *spiritus avidus*, Carm. II.
 Od. 2. est idem ac *aviditas divitiarum*;
spiritus hostiles in *Tacito Hist. Lib. IV. c. 57.*
 est

* *Minori formâ, seu in 12.*

est animi affectio hostilis. Affinis huic significationi est ea, quâ indolem significat, ut Luc. I, 17. *Spiritus Elia*, hoc est, indoles quæ in eo fuit; & 1. Joan. IV, 3. *Spiritus Antichristi*. Ita & cùm Christus Apostolis exprobrat quòd nescirent *cujus spiritus essent*, eos reprehendit quòd ignorarent quanam esse deberet affectio animi eorum, qui Evangelio inservituri erant. Sola etiam vox *ארה*, apud Hebræos, sine adjectivo, & substantivo, *iram* sonat, ut Jud. VIII, 3. de Ephraimitis, quos molli alloquio iratos placaverat Gedeon: *remisit se spiritus eorum ab eo*; hoc est, eorum lenita est ira. Ei juncta vox *רהב* *rahah*, *malus* discordiæ significationem infert, Jud. IX, 23.

VIII. In Novo Testamento, peculiariter sumitur non pro Mente tantum, sed pro Mente opposita affectibus, ex corporeis rebus orientibus. Paulus præsertim voce illâ hoc sensu utitur, ut cum opponit, Rom. VII. & VIII. *carnem spiritui*, & dicit *vivendum esse secundum spiritum*, hoc est, secundum lumina Mentis affectibus soluta.

IX. Hebræi spiritum vocant rem quamvis, aut incorpoream, aut saltem crassiori corpore non impeditam, Es. XXXI, 3.

Ægy-

Ægyptii homines, non Deus; & equi eorum caro; non verò Spiritus וְלֹא הָיָה רוּחַ.

X. Angelos seu bonos, seu malos, vocant iidem *Spiritus*; fortè quòd crederent eos corpore indutos tenui auræ simili; neque enim putandum eos Angelos intellexisse, sine ulla corporis mistura, ut Philosophi hodierni. Putabant, ut passim liquet, cerni eos posse, sed corpora eorum tenuiora censebant, ut liquet ex dicto Christi: *Spiritus non habet carnem, neque ossa*, Luc. Luc. XXIV, 37, & 39. quo ostendit se esse hominem, non Angelum.

XI. Deum quoque ipsum *Spiritum* vocabant, *Deus est Spiritus*, Joan. IV, 24. In Veteri Testamento passim *Spiritus Dei* pro Deo ipso sumitur, si credimus Lexicographis & Interpretibus. Sed licet id quod *Spiritus Dei* vocatur sit ipse Deus; attamen qui eâ phrasi usi sunt videntur cogitasse de aliquo attributò divino, potius quàm de Deo ipso, qui *ratione*, ut loquuntur Scholastici, à suis attributis distingui potest. Hoc liquidum erit expendenti loca, in quibus ea phrasis occurrit; etenim nullus est, qui commodius non possit explicari de potentia divina, aut vi quadam oculis non conspicua.

XII. Theo-

XII. Theologi Christiani veteres & recentiores plurima horum locorum *Spiritus Sancto* aptant; hoc est, tertiæ Sanctæ Triadis Personæ. Quo sensu, passim in Græcorum & Latinorum Patrum, hodiernorumque Theologorum occurrit Scriptis.

XIII. Sed nonnulli ex antiquioribus Christianis non hanc modò, quam tertiam dicimus, Personam *Spiritum Sanctum* vocarunt, sed etiam secundam, ut apparet ex hisce *Theophili* * *Antiocheni ad Autolyicum* verbis, ubi *ὁ Θεὸς ὁ Λόγος* loquutus addit: *ἐπεὶ ἐν αὐτῷ πνεῦμα ἦεν, καὶ σοφία, καὶ οὐσία καὶ δυνάμις ὑψίστη κατὰρχαία τὰς αἰωνιότητας*. Hic ergo cum esset *Spiritus Dei*, & initium, & sapientia, & potentia altissimi descendit in Prophetas.

XIV. At præterea *Spiritus Sanctus* vocatur potestas miracula edendi, quorum multa in N. Testamento mentio; hoc est, divinæ potentiae effectus. Sumitur & pro *spiritu sanctitatis*, seu pro ea animi affectione quâ sancti sumus, & sanctæ officii à Christo præscriptis fungimur. Concordantiæ & Lexica consulantur.

XV. Apud *Hermam*, Apostolicorum temporum Scriptorem, *Spiritus Sanctus*

* Lib. II. p. 81. Ed. Oxon. in 12.

legitur pro mente humana, ut Simil. V. c. 7. *Corpus hoc tuum custodi mundum atque purum, ut Spiritus ille, qui inhabitabit in eo, testimonium referat illi, &c. Si in futurum non maculaveris corpus tuum, & Spiritum, consortes sunt enim ambo, & alterutrum sine altero non inquinatur.* In eadem similitudine, §. 5. mentem Christi vocat bis *Spiritum Sanctum*, & de quovis homine ita loquitur: *Accipiet mercedem omne corpus purum, ac sine macula repertum, in quo habitandi gratiâ constitutus fuerit Spiritus Sanctus, hoc est, mens sancta.*

XVI. Hæ sunt potissimæ notiones vocis *Spiritus*, prout cum variis jungitur vocibus, aut diversis occasionibus usurpatur. Ut verba perspicua rebus non notis lucem fœnerantur: ita & res notæ vocibus ignotæ, aut ambiguis significationis. Quod si res ipsa sit obscura, aut planè ignota, & vocabula quibus exprimitur ambigua; tum verò frustra simus, si nos eorum ope rem clarè intellectuuros speremus. Præterea scire nos oportet quàm latè patuerit cognitio ejus, qui loquitur; alioqui periculum est maximum, ne ex nostræ notionis amplitudine de ejus cognitione judicantes in errorem delabamur. Si autem hoc etiam ignotum sit,

fit, & accedat ad ambiguitatem vocum, & obscuritatem ipsius rei; tunc planè est ἀδυσίασιν intelligere quid voluerit Scriptor, quem legimus. Atque hoc sæpe in rebus, quæ sensus non afficiunt, evenit. Hinc conficiendus hic Canon: *quando Scriptor, de re obscura verba faciens, utitur vocibus ambiguis, nec aliunde nobis constet quousque ejus cognitio, in hoc negotio, porrecta fuerit, confugiendum esse ad ἐπὶ χλῶ, tamquam ad anchoram sacram.*

CAPUT VI.

REGULA V.

Significationes vocum earundem nunc ampliores esse, nunc arctiores.

1. **U**T notiones compositæ plures, aut pauciores habere possunt partes: ita etiam vocibus, quibus exprimuntur, amplior aut arctior est significatio. Id contingit cum in sermonibus omnium Gentium, tum in unius ejusdemque Scriptoris libris, atque in colloquiis quotidianis. Hinc nascitur maxima intelligendi difficultas, quæ aliter superari nequit,

quit, quàm cognitione opinionum eorum qui loquuntur, undecumque tandem hauriatur; atque acri attentione, quâ consequentia cum antecedentibus, rebusque ipsis & dogmatibus loquentium diligenter comparentur. Nam cum loquela homini data sit, ad animi sensa exprimenda, Linguarum aut hominum vitio passim fit ut ex animi sensis, aliunde notis, verba sint intelligenda; quod exemplis clarius fiet.

2. Variæ Gentes & diversarum Sectarum homines utuntur voce *Justitia* aut aliis, quæ idem significare censentur, in aliis Linguis; sed omnes æquè amplam voci non subjecerunt potestatem: Cicero *Justitiam* * ita describit: *Justitiæ primum munus est ut ne cui quis noceat, nisi laceffit injuriâ; deinde ut communibus utatur pro communibus, privatis ut suis.* Alii brevius: *justitia est, quâ unicuique suum redditur.* Ut cognoscamus penitiùs quousque pateret notio virtutis, quam Romani *Justitiam* vocabant, observandum eam primum spectasse eos, qui non *laceffiverant injuriâ*, seu publicè, seu privatim. Itaque si quis laceffivisset, poterat vir justus injuriam sibi illatam privatim, privatis

* Officior. Lib. I. c. 27.

vatis opibus ulcisci. Si quis pariter populus Rempublicam læsisset, omnibus qui Reipublicæ membra fuerunt, post indictum per Fœciale bellum, non modò licitum sed etiam præceptum fuit hostiles agros invadere, prædas agere hominum & pecudum, omnia igne & ferro vastare, non pro ratione injuriæ; quæ numquam tum levis fuit, quin Populi Romani majestas læsa videretur, adeoque armis etiam in vastissimarum provinciarum innocuos incolas vindicanda. Si qui socios Populi Romani, armis ab hisce impetiti, quamquam iniquè, bello persequerentur; æquum censebat Populus Romanus sociorum hostes injuriam acceptam sibi condonare, nisi vellent in se Romana arma convertere; quamvis ab nullo populo simile quidpiam sibi impossi non patèretur.

3. Secundò, quod dicitur *suum* unicuique reddendum, non caret obscuritate; neque enim definierunt accuratè, quid unicuique *suum* dici possit. Itaque nec privati, nec populi probè norant quod ab se unicuique redditum oportuit. *Sua* videtur unicuique esse vitæ tranquillitas, & pacata facultatum fructio; falsum dum aliena jura, quæcumque tan-

dem illa sint, non invadit. Hæc non dif-
fiteantur Romani, sed si adjicias eum,
cui *suam* tranquillitatem deberi fateban-
tur, dum ab eo laceffiti non erant, inju-
riam illis intulisse; jam verò negabunt se
ullâ justitiâ teneri, ne eam tranquillita-
tem turbent.

4. Tertiò, ultioni modum statuendum
à viro justo aiebant, seu illa ultio fieret
ex Legibus, seu iis viis, quas impunè li-
cuit ingredi. Verùm ita loquuntur, ubi
sermo est de civibus Romanis, aut sociis;
sed ad hostes quod attinet, nihil non li-
citur fuit, & summa sævitia virtutum
etiam nominibus velabatur; * *auferre,*
trucidare, rapere falsis nominibus imperium;
atque ubi solitudinem fecerant, pacem appel-
labant. Neque hæc sunt dumtaxat Roma-
ni nominis hostium querelæ, habemus
reum confitentem *Sallustium*, cujus hæc
sunt verba initio *belli Catilinarii*, de pris-
corum Romanorum moribus, quorum
laudes persequitur: *Jurgia, discordias, si-*
multates cum HOSTIBUS exercebant: ci-
ves cum CIVIBUS de virtute certabant.
Cum hostibus nihil condonarent, in pace
(domi) *beneficiis magis quàm metu, impe-*
rium agitabant; & acceptâ injuriâ, ignosce-

re

* Tacitus in *Vita Agricola*. c. XXX.

De significationis Amplitudine. 227
re quàm persequi malebant. Huc facit ani-
madversio Lactantii è Lib. V. C. 10. Apud
Maronem, inquit, rex ille,

— quo justior alter
Nec pietate fuit, nec bello major, &
armis;

Qua nobis justitiæ documenta protulit?

Vinxerat & post terga manus, quos mit-
teret umbris
Inferias, caeso sparsurus sanguine flam-
mas.

*Quid potest esse hac pietate dementius, quàm
mortuis humanas victimas immolare, &
ignem cruore hominum, tamquam oleo pasce-
re? Sed fortasse hoc non ipse vitium fuerit,
sed Poëta, qui illum insignem pietate virum,
inigni scelere, fœdaverit. Vide & sequen-
tia, ex quibus liquet Justitiæ & Pietatis
notiones, apud Ethnicos, non latè pa-
tere. Hinc merito * Carneades omni-
bus populis qui florent imperio, & Ro-
manis ipsis, qui totius orbis potirentur,
si iusti esse vellent, hoc est, si aliena re-
stituerent, ad casus fuisse redeundum, &*

P 2

ini

* Lactantius Inst. Div. Lib. V. c. 16.

in necessitate ac miseriis jacendum dictitabat. Si Romani interroganti respondere candidè de *justitia* voluissent, facti profectò essent, quod faciunt Athenienses apud *Thucydidem* Lib. V. ὅτι δίκαια μὲν ἐν τῷ ἀνθρώπῳ λόγῳ ἔστι τῶν ἀνάγκης κρίνει, διωατὰ δ' οἱ πρέχοντες πείσασσι, ἢ οἱ ἀδυνεῖς ξυγχωρεῖσι, *justa quidem ex hominum æstimatione, ab aequali utrimque necessitate dijudicari; superiores potentia sua uti, infirmiores verò concedere.* Ejusmodi etiam *justitia* fuit Alexandri Macedonis, qui *Musciano* bellum illaturus erat, quòd alios Indos subigenti sibi obviam non processerat, se & ditionem suam dediturus, neque per legatos amicitiam rogatur, neque dona miserat, neque quidquam ab Alexandro petierat; eique non ignovit, priusquam cum ingentibus muneribus veniret, se & gentem dedens, ὁμολογῶν ἀδικεῖν, *fassus se injuriâ affecisse Alexandrum, cui nihil debebat: ὅπερ μέγιστον πλεονέκτημα ἦν, ἐς τὸ πλεῖον ὅν τις θέοιτο, quod maximum erat; apud Alexandrum, ad ea quæ quis petisset impetranda, hoc est, ut fateretur jure id deberi, qui nullis legibus tenebatur.* Hæc *Arrianus* Lib. V. p. 134. Ed. *H. Stephani*.

5. Igitur, quotiescumque apud Romanos

nos Scriptores legimus quempiam *justitiæ* amantem fuisse, aut simile quid; semper intelligendum erga cives, & quidem non laceffentes. Nam justissimi Romanorum iniqui semper laceffentibus, iniquissimi Reipublicæ hostibus fuere; quod omnibus, qui eorum Historiam legerunt, notissimum est. Exemplo indubitato, hoc licet cernere in gladiatorum ludis, ad quos captivos damnabant. Quid enim injustius, quàm cæde hominum innocentium gaudere? Quid crudelius, quàm cum voluptate promiscuas cædes spectare? At hoc Romanorum sanctissimi factitabant. Id spectaculi genus erat, quod omni frequentia atque omni genere hominum celebrabatur, & quo multitudo maxime delectabatur, ut docet Cicero in Orat. pro P. Sextio, num. 124. Verùm tamen hoc spectaculo nimium gaudere interdum visi sunt viri Principes. Ita Druso Tiberii Imp. F. vitio versum, quòd cæde gladiatorum delectari videretur: *Edendis Gladiatoribus*, ait * Tacitus, quos Germanici fratris ac suo nomine obtulerat, Drusus præsedit, quamquam vili sanguine nimium gaudens; quod vulgus formidolosum & pater arguisse dicebatur. Consuli potest Suetonius

P. 3. in

* An. I. c. 76.

230 ARTIS CRITICÆ P. II. S. I. C. VI.
in Claudio & Nerone. Arbitratur, in Poëmante de Bel. Civili, inter ævi sui corruptelas, hanc recenset:

———— premit advena classes
Tigris, & aurata gradiens vectatur in
aula,
Ut bibat humanum, populo plaudente,
cruorem.

Vide & Senecam Ep. VII. Lib. I. Pulcrè ille Ep. XCV. seu Lib. XV. Homo, sacra res, homini jam per lusum & jocum occiditur, & quem erudiri ad inferendam, accipiendâque vulnera nefas erat, is jam nudus, inermisque producitur, satisque spectaculi in homine mors est.

6. Eadem cautione utendum est, erga alias omnes Gentes, in quibus consuetudines aut leges vigent justitiæ contrariæ. Quotiescumque laudatur inter eas natus, quasi justitiæ addictus, excipienda sunt semper ea, quæ consuetudine Gentis abreptus contraria justitiæ facit. Ita, apud Parthos, abjecti animi esse putabatur Vonones Romæ educatus, quòd humanior illis esset. Prompti aditus, obvia comitas, ignotæ Parthis virtutes, nova vitia; & quia ipsorum moribus aliena, perim-

perinde odium pravis & honestis. Verba sunt Taciti An. II, 2. Egregiè Sallustius, in Conjur. Catil. Catonem contra Cæsarem dicentem inducit : *Jam pridem equidem nos vera rerum vocabula amisimus, quia bona aliena largiri liberalitas; malarum rerum audacia fortitudo vocatur. Pari vocum abusu humanitas dicta est, quam adulationem vocari oportuit. Illa verò vitiosissima*, ait Quintilianus Inst. Lib. II. c. 2. *quæ jam humanitas vocatur, invicem qualiacumque laudandi, cùm est indecora & theatralis — tum studiorum perniciosissima hostis.*

7. Contrà, apud Novi Testamenti Scriptores, justitia multò latius patet, etenim extenditur ad omnes omnino homines, cives, peregrinos, amicos, inimicos, quibus quod *suum* est tribuere jubemur; *suum* autem est, quidquid nobis ipsi tribui vellemus, si eorum loco essemus. Ideò quotiescumque de *justitia* sermo est, intelligenda est virtus multò Romanâ justitiâ amplior & nobilior. Vide *Henr. Hammondum*, ad Matth. I, 19. Græci, nequiores alioquin in aliis quàm Romani, primùm conspecta ejusmodi spectacula horruerunt. *Livius* Lib. XLI. c. 20. *Gladiatorium munus Romanæ con-*

*suetudinis primò majore cum terrore hominum
insuetorum ad tale spectaculum, quàm volu-
ptate dedit; deinde sapiùs dando, & modò
vulneribus tenus, modò sine missione etiam,
familiare oculis, gratùmque id spectaculum fe-
cit.* Ἀθηναίων σκεπτομένων καὶ ζῆλον πρὸς
Κορινθίους κατασχέσας θῆεν μονομάχων,
προσελθὼν Δημόναξ εἰς αὐτὰς, μὴ πρὸτε-
ρον, ἔφη, ταῦτα, ὦ Ἀθηναῖοι, ψηφίσεσθε, ἀν-
τὶ μὴ ἔλἐξ τὸ βωμὸν κατέλθετε: cùm Athenien-
ses consultarent, Corinthios imitati, de spe-
taculo gladiatorum constituendo, accedens
ad eos Demonax: non priùs, inquit, Athe-
nienses, hac decernetis, quàm misericordiæ
gram sustuleritis. Verba sunt Luciani, in
Demonactis vita. Judæi verò ne reos
quidem poterant pati objici feris, cùm
ejusmodi spectacula edere instituisset He-
rodes, quod nos docet Josephus A. J. Lib.
XV. c. 11. ἀσεβὲς ὅκ προδήλως κατεφαίνετο
θελόις ἀνθρώπους ὑπορρίπτειν, ὅτι τερψὶ τῶν
ἀνθρώπων θῆας: manifestò enim impium vi-
debatur objicere feris homines, ut ejusmodi
spectaculo homines delectentur.

8. In iisdem libris, ἀγάπη ἀμοκ, aut
caritas, non minùs latè patet quàm justi-
tia, nec multùm ab ea differt. Etenim
extenditur ad omnes homines, cujuscum-
que sint Gentis, ac Opinioni; quos pro-

xinos

proximos nobis esse Christus docuit, adeoque caritatis nostræ participes esse oportere ostendit. Caritas autem non spectat modò ea quæ ad hanc vitam mortalem, aut ad corpus; sed ea etiam quæ ad animum, & alteram vitam pertinent.

9. Attamen, apud quasdam Christianorum familias, à multis sæculis, usu receptum est omnia humanitatis jura iis negare, qui audent consecratis sententiis fidem derogare; eosque exquisitis suppliciis & morte, cetera innocentissimos, plectere. Creditur illa immanitas nequaquam caritati repugnare; unde colligamus oportet eas familias voci caritatis tam amplam non subjecisse potestatem, ac olim Apostolos.

10. Igitur cum id genus Christiani *Santos*, quos vocant, nuperos laudant, ob summam caritatem, quâ flagrabant; intelligenda est non caritas Apostolica, quæ in Judæos ipsos incredulos & Samaritanos ferebatur; sed caritas quæ ad *Hæreticos*, ut vocari solent, nequaquam porrigitur. Ita caritate, at non Apostolicâ, flagrabat *Dominicus* ille novæ Monachorum familiæ Princeps, initio sæculi decimi tertii; qui ob caritatem laudatur, & teste * ejus-

* *Antonin. in Chron. P. 3 tit. 23. c. 14. §. 2.*

234 ARTIS CRITICÆ P. II. S. I. C. VI.
ejusdem familiæ Scriptore, *prædicans contra Albienses in adiutorium sumfit quasdam devotas personas, zelantes pro fide, quæ corporaliter illos Hereticos gladio materiali expugnarent, quos ipse gladio verbi Dei amputare non posset.* Hinc satis liquet caritatem, si quæ fuit in Dominico, multum ab Apostolica discrepasse.

11. Hinc colligere est diligenter esse cavendum, ne, quia intelleximus quæ sit definitio virtutis aut affectionis animi, certo nomine appellatæ, apud celebrem quempiam Scriptorem, ideò putemus, quotiescumque id nomen occurrerit; seu apud Scriptores alii Religioni addictos, seu etiam apud alios, qui eodem nomine censentur; ideò nos scire, quâ ratione, ubique sit intelligendum. Quod nisi caverimus, in gravissimas hallucinationes passim delabemur, & diversissimas notiones, ob communionem nominis, miscbimus. Possemus ostendere non rarò, in Ecclesiastica præsertim Historia, ita peccatum, & quotidie peccari.

12. Exempla allata ex Gentibus integris, aut certè ingenti hominum numero petita sunt: sed sæpe evenit, ut Scriptor singularis vocem quampiam arctiori multò aut latiori sensu intelligat, quàm alii.

alii. Ita, apud Apostolum Jacobum, *fides* significat adsensum dogmatibus Religionis præbitum, etiam sine probis moribus; at, aliis in locis N. Testamenti, *πίσις* sonat universum præceptis divinis debitum obsequium, tam in moribus, quàm in animi persuasione situm; alibi etiam alia, ut docebunt *H. Grotius* in Procemio Ep. ad Romanos & *H. Hammondus* in Matth. VIII, 10. ad quem etiam vide additamenta nostra.

13. Imò in uno eodémque Scriptore, interdum elegantix est vocem eandem contiguo loco, sensu alio, arctiore aut latiore, ponere. Species est ea in re ἀντανάκλασις. Est ἀντανάκλασις, ait summus * eloquentix Magister, ejusdem verbi contraria significatio. Cùm Proculeius quereretur de filio, quòd is mortem suam exspectaret; & ille dixisset se verò non exspectare; imò, inquit, rogo exspectes. Verùm ubi manifesta est ἀντανάκλασις, res in proclivi est; at sunt loca, in quibus obscurior multò est; aut in quibus non Rhetoricâ figurâ mutatur vocis significatio, & datâ operâ, sed consuetudine quadam minùs accuratè loquendi. Ita Rom. IV, 9. *πίσις* est magnifica persuasio, de potentia & constantia divina, ab Abrahamo

* *Quintil. Inst. Lib. IV. c. 4.*

con-

236 ARTIS CRITICÆ P. II. S. I. C. VI.
 concepta; vers. verò 13. *πίστις* est *Evangelium*, aut obsequium Evangelio debitum, cujus ope credentes, seu filii Abrahami in omnibus Gentibus fuere; adeò ut dicere queamus, ob fidem, posteritatem spiritualem Abrahami orbem terrarum possidere. Idem illâ voce significatur Cap. V, vers. 1. & alibi, in eadem Epistola. Præterea Cap. IV, 5. vox *πίστις* completur oppositionem quamdam operibus legalibus, quasi *πιστεύειν* & *ἐργάζεσθαι* sint opposita. Vult eo in loco Paulus, homines salutem non consequi Mosaicæ legis observatione, sed fide Evangelicâ; quæ docet præterita omnia in Legem peccata, imò & rituum neglectum, in posterum non effectura ut quisquam damnetur, si modo Evangelio credens eidem obsequatur.

14. Hinc videmus, in unius orationis contextu, vocem unam sæpe habere plures aut pauciores subjectas notiones. Manifestum enim est *πίστιν* Abrahami nihil esse, præter magnificam existimationem de Dei potentia, bonitate, & veracitate. Nec minùs perspicuum est, Paulum, ubi de Christianis loquitur, intelligere aut Evangelium, aut fidem quam Evangelio habemus; ex cujus vocis notione excludit tantum obedientiam legalem, non Evangelicam.

Igi-

15. Igitur non licet semper huiusmodi ratiocinatione uti: *Vox quæpiam significat aliquid primâ, mediâ, aut definiente oratione; ergo eadem est ejus in omnibus orationis locis, in quibus occurrit, significatio.* Scriptores enim passim aut incauti, aut datâ operâ, voci cuiuspiam, in eadem oratione, plures vel pauciores notiones subji- ciunt, non monitis Lectoribus; aut, quod eodem redit, vocum significatio- nem urgent non semper totam, sed tan- tum quatenus hæc aut illa complectitur, licet quàm latè pateret vocum significatus, in usu vulgari, non ignorarent. Atque hoc fieri certum est ab omnibus pænè Scriptoribus, si Geometras excipias, quibus non licet ab allata vocis definitione latum unguem discedere. Unum ex *He- fodo* exemplum subjiciam, qui intra octo versus uni voci δίκη quatuor diversas po- testates subjicit. Sic ergo loquitur a. v. 246. Operum & Dierum:

Ω βασιλεῖς, ὑμεῖς ᾗ καταφράζεσθε καὶ αὐτοὶ

Τήνδε δίκην· ἐγὼς γὰρ ἐν ἀνθρώποισιν εἶόν-
τες

Ἀθάνατοι λούσασιν ὅσοι σκολιῇσι δίκησι
Ἀλλήλους τράβησι, θεῶν ὅπιν ἐκ ἀλέγοντες.
Τελεῖ

Τεὶς γὰρ μύελοι εἰσὶν ὅππῃ χθονὶ πελυσσοτέρῃ
 Ἀθάναται, Ζηνὸς φύλακες θνητῶν ἀνθρώ-
 πων.

Οἱ ῥα φυλάσσουσιν τε δικὰς καὶ χέτλια
 ἔργα,

Ἡέρεθ' ἐσθλὰ μύθοι, πάντα φοιτῶντες ἐπ'
 αἶαν.

Ἡ δ' ἐπεὶ παρθένη ἔστι Δίκη Διὸς ἐγχεραῖα.

*O Reges, vos considerate etiam ipsi justitiam
 hanc; prope enim inter homines versantes Di
 vident quotquot pravis judiciis sese mutuo at-
 terunt, Deorum animadversionem non curan-
 tes. Triginta enim millia sunt, in terra
 multos pascente; immortales Jovis custodes
 mortalium hominum, qui sanè & judicia
 observant & mala opera, nebulâ induti pas-
 sim ambulantes per terram. Virgo autem est
 Justitia Jove prognata. Primo loco per-
 nas sonat, ut liquet ex antecedentibus,
 secundò injustum judicium, tertio justum
 judicium, quartò Deam Justitiâ præsidem.*

CAPUT VII.

REGULA VI.

*Propriam vocum significationem cum tralaticia
non esse confundendam.*

I. **P**ROPRIAM vocamus potestatem
eam, quæ, ante omnes alias, est
voci subjecta. *Tralaticia* verò est quævis
alia, licèt ad rem ipsam quod attinet idem
sonet ac propria. Vocis *mortalis* propria
significatio est, quâ morti obnoxium;
sed minùs propria, quâ *hominem* designat,
quia homines morti obnoxii sunt. Sæpe
tamen significat simpliciter hominem, non
magis prout morti obnoxium, quàm
prout ratione utentem, aut ornatum qua-
vis aliâ dotum, quibus præditus est.

2. Exempli causâ, *Tacitus* de Nerone;
*Annal. XV, 23. Memmio, inquit, & Ver-
ginio Ruso Coss. natam sibi ex Poppæa filiam
ultra mortale gaudium accepit, appellavit-
que Augustam.* Licèt mortale gaudium sit
affectus hominis; attamen ita non voca-
tur *mortale gaudium*, quòd hominis fue-
rit, sed quia fuit in Natura morti subjecta.

Vo-

Voluit innuere *Tacitus* Neronem lætitiā majorem testatum, quā quæ decuit morti obnoxium; quinon debet nimum lætari, ob natos liberos morti itidem obnoxios, quique adeo parentum non sunt proprii, sed iis forte in breve tempus mutui dati. Itaque incommodè Paraphraſtes Gallus nuperus interpretatus eſt hæc verba: *ultra humanam lætitiā*. Hoc ſatis liquidum eſt ex ſequentibus, ubi *Tacitus* de honoribus in infantem collatis: *quæ fluxa fuere, quartum intra menſem deſunctā infante*.

3. Eadem vox interdum humanum genus, non prout eſt morti obnoxium, ſed ſimpliciter denotat. * *Claudius Quadrigarius* Annal. XIII. dixit concione dimiſſā, *Metellum in Capitoliū veniſſe cum mortalibus multis*, quæ loquutio apud *Salluſtium* etiam occurrit. Scio quidem ἐμφαν quādam in illa voce, eo in loco, quæſitam; ſed ea non ita urgetur, quaſi de morte cogitarit *Quadrigarius*.

4. Sæpe in confundendis ſignificationibus propriis & tralatitiis peccatum; cujus erroris ex celebri Pauli loco proferemus exemplum. *Galatas*, Cap. IV, 8. ita alloquitur: *οὐκ εἰδότες Θεὸν ἐδουλόσαντε*

* *A. Cell. Lib. XIII. 28.*

τοῖς μὴ φύσιν ἔσι θεοῖς, *ignorantes Deum servivistis iis, qui naturâ non sunt Dii.* Hugo Grotius, post aliquot veteres Interpretes, explicat: *qui re ipsâ Dii non erant, quales certè fuere ii, de quibus Paulus loquitur.* Verùm licèt ab ipsa re non aberret, à vi propria loquutionis multùm recedit. Quod ut animadvertatur, negante particulâ demtâ, quærendum est quæ sit potestas vocibus φύσιν θεός. Hacce Phrasi nihil significari posset aliud, nisi is qui κατ' ἀντίθεσιν ad Ethnicorum Numina, dici à Judæis & Christianis quivit naturâ suâ Deus; non hominum institutione, vel opinione. Igitur ἡ φύσιν θεός est Numen quod hominum tantùm voluntate colitur, suâ autem naturâ divinum nihil habet. φύσις, nempe, hîc opponitur θείον, adeò ut ἡ φύσιν θεός idem sit ac θείον θεός. Dicebat Chrysippus in Libro περὶ καλῆς φύσιν τὸ δίκαιον εἶναι, καὶ μὴ θείον, *naturâ esse justum, non institutione, ut auctor est in ejus vita Laërtius.*

5. Ne videamur divinare, exempla hujusce phraseos proferemus, quæ rem extra dubitationis aleam collocabunt. Plato Lib. X. de Legibus, de nonnullis quos confutat: θεός, inquit, εἶναι πρῶτον φασὶν ἔστι τέχνη, ἡ φύσιν, ὡς δὲ πρὸς νόμοις: *Tom. I.*

Q

Deos

Deos esse primùm dicunt hi non naturâ, sed arte & legibus. Paullò post: καὶ δὴ καὶ τὰ καλὰ φύσι μὴ ἄλλα εἶναι, νόμῳ ᾧ ἔπειτα. τὰ δὲ δίκαια ἔδ' εἶναι τὸ παρὰ πᾶν φύσι, ἀλλ' ἀμφοισχητῶντας ἀξιοτελεῖν ἀλλήλοις, καὶ μεταπιδεμῆς αἰεὶ ταῦτα ἃ δ' ἂν μεταβῶνται καὶ ὅταν τότε κύρια ἔκαστοι εἶναι γυγνόμενα τέχνη καὶ τοῖς νόμοις, ἀλλ' ἔδ' ἢ πνι φύσι: *Et honesta alia quidem naturâ esse, alia verò lege; sed iusta nullo modo lege esse, verum homines de iis inter se semper disceptare, eâque mutare; & quæ mutarint, tum demum rata fieri arte & legibus, sed non naturâ.* *Ælianus* Var. Hist. Lib. II. c. 19. irridet Alexandrum, quòd vellet, decreto Urbium Græciæ, Deus haberi: γελοῖως γε, ἔδ' ἀπερὲν ἐκ τῆς φύσεως ὅσα ἔχει, ταῦτα ἐκ τῶν ἀνθρώπων αἰτῶν ἐκείνῳ ἐκέρδαιεν: *ridiculè, neque enim quæ à natura non habebat, ea ab hominibus petita adipiscitur.* Ethnici, qui suos Deos contendebant naturâ ejusmodi esse, non hominum voluntate in cœlum sublato, dicebant eos esse καὶ φύσιν, secundum naturam; Christianorum verò Deum, nempe, Christum, esse καὶ φύσιν præter naturam. *Emilianus* *Ægypti præfectus* ita *Dionysium Alexandrinum*, aliosque Christianos, apud *Eusebium* Lib. VII. c. 11. alloquitur.

quitur. Δεδώκασιν ἐξουσίαν ὑμῶν σωτηρίας,
 εἰ ἐβλάσθη ὑπὸ τῷ ΚΑΤΑ ΦΥΣΙΝ (Θεῶν
 δηλονότι) τρέπεσθαι, καὶ Θεὸς τῶν σώζοντα
 αὐτῶν ἢ βασιλείαν προσκυνεῖν, Ὑπαλάβεσθαι
 ἢ ἢ ΠΑΡΑ ΦΥΣΙΝ: Domini potestate
 vobis fecerunt saluti vestre consulendi; si mo-
 dō velitis converteri ad (Numen) quod est
 SECUNDUM NATURAM, & Deos qui
 ipsorum imperium tuentur adorare, eorum
 verò qui sunt PRÆTER NATURAM
 oblivisci. Cū respondisset Dionysius se
 solum Deum omnium rerum opificem
 culturum, reponit Æmilianus: τίς γὰρ
 ὑμᾶς κωλύει καὶ τούτων, εἴπερ ἐστὶ Θεός, καὶ ἢ
 ΚΑΤΑ ΦΥΣΙΝ Θεῶν προσκυνεῖν; Quis verò
 vos prohibet & hunc, si Deus est, cum iis
 qui NATURA sunt Dii, adorare? Eodem
 modo loquitur * Hierocles, in LXXI Ver-
 suum Pythagoricorum, in hæc verba:
 ἴσασθαι αἰετῶναι τὸν Θεόν: ὁμοιωμένον, ait, τοῖς
 ἐν ἀρχῇ ἢ ἐπὶ τῶν λειχθεῖσιν αἰθανάτοις Θεοῖς. ΟΤ
 ΦΥΣΕΙ αἰετῶναι τὸν Θεόν: Fies Deus immor-
 talis, id est, similis factus iis, qui initio
 versuum dicti sunt immortales Dii, non na-
 turā Deus immortalis. Dein, paginā se-
 quente, docens quā illa ἀποθέωσις fiat, ait
 Poëtam dixisse postmodum ἀμείροτον, ὅτι
 ἐπὶ θνητὸς, immortalis, neque amplius mortis

Q. 2.

ob-

* Ed. Lond. p. 313.

obnoxius, ἵνα καὶ ἀφάρεσιν ἔθνη τῆς ἡγεο-
πιῆας ὑμῶν νοῶν, ἀπὸ μὴ φύσεως, μηδὲ κατ'
ἐσῆαν ἡμῖν ἐνυπάρχουσα, ἀλλ' ἐκ προνοίας καὶ
κατ' ἰδέοσιν ἐπιγνομένη: ut, ejus quod
morti obnoxium est ademtione, nos Deos fie-
ri intelligamus, quippe cum ea Divinitas no-
bis neque naturā, neque essentiā infit, sed
progressu et profectu adventicia.

6. Non substitit error, in præpostera
interpretatione vocularum εἰ φύσις, sed
posito iis interdum significari *reverā*, eam
interpretationem aliō perperam transtu-
lit. Paulus de Judaïca Gente loquens
Ephes. II, 3. ἡμεῖς, inquit, τέκνα ΦΥΣΕΙ
ὀργῆς, *eramus naturā filii iræ*, ut et reli-
qui, nempe, populi. Ad hunc locum
vir summus, modò laudatus, affert Gal.
IV, 8. ut probet Paulum hoc velle, Ju-
dæos fuisse *reverā iræ filios*. Sanè qui sunt
φύσις τέκνα ὀργῆς *reverā* sunt iræ digni, nec
ad rem ipsam quod spectat, à sensu aber-
rarunt ii ex Veteribus, qui, ante *Gro-
tium*, ita verba Pauli intellexerunt. At
non est ea propria vocis significatio.

7. Ubi sermo est de Gentibus aut So-
cietatibus integris, ut in loco Pauli al-
lato, φύσις significat indolem Gentis.
Iosephus de Phariseorum secta, A. J. L.
XIII. c. 18. φύσει πρὸς τὰς καλὰσεις ἐπιει-

κῶς

κῶς ἔχουσιν οἱ Φαρισαῖοι *Pharisei naturā clementes sunt in pœnis. Isocrates vocat in Pannegyrico Perlas: ἀνθρώπους μάλιστα τὰς φύσεις διεφθαρμένους, homines indolis corruptissimæ. Scriptor Libri de Eloquentione, qui Demetrio Phalereo tribui solet: φύσιν, inquit, ἐβραχυλόγησαν οἱ Λάκωνες, naturā paucis loquebantur Lacones. Herodianus Lib. I. c. 6. §. 25. φύσει τὸ βάρβαρον φιλοχρημάτων: naturā barbari sunt divitiarum amantes. Lib. II. c. 6. §. 13. φύσει ἡ κῆρον τὸ Σύρων ἔθνος: naturā levis est Syrorum gens; & paullò post: φιλέουσι ἡ φύσει Σύροι, naturā festorum amantes. Anonymus, apud Diogenianum in Βαρυδαίμων: Κρήν ὑπάρχων καὶ φύσει ποικίλος, cum esset Cretensis & naturā varius. Sic Cicero Lib. I. in Verrem, num. 81. ait Lampſacenos homines fuisse & NATURA & consuetudine, & disciplinā lenissimos. Pro L. Flacco, sic de Lacedæmoniis loquitur, num. 63. Adſunt Lacedæmonii, cujus civitatis spectata ac nobilitatā virtus, non solum NATURA corroborata, verum etiam disciplinā putatur. Sallustius initio belli Catilinarii, de prisca Romanis: Jus, bonumque apud eos non legibus, magis quàm NATURA valebat. Hirtius in Comment. de bello Alexandrino C. VII. Signiſi defendendi essent Alexandrini,*

*drini, quod neque fallaces essent, neque temerarii, multa oratio frustra absumeretur. Cùm verò uno tempore & natio eorum & NATURA cognoscatur; aptissimum hoc genus esse ad prodicionem nemo dubitare potest. Itaque Paulus hoc dumtaxat vult, Judaicæ Gentis naturam, seu indolem fuisse nequissimam & irâ divinâ dignam; quod verissimum esse ostendit tota Historia Judaïca. Allata exempla satis demonstrant non in singulis modò, sed etiam in Gentibus integris, spectari φύσιν, seu indolem. Hoc experientia etiam docet, quod verbis Livii exprimemus, non ut ejus auctoritate, in re omnibus nota, utamur; verùm ut Lectoris attentionem, eleganti sermone, nobis conciliemus. * Tam civitatum, quàm singulorum hominum, inquirunt apud eum Rhodii, mores (φύσις) sunt. Gentes quoque aliæ iracundæ, aliæ audaces, quædam timidæ; in vinum, in Venerem proniores aliæ sunt. Atheniensium populum fama est celerem, & supra vires audacem esse ad conandum; Lacedæmoniorum cunctatorem, & vix in ea, quibus fidet, ingredientem. Non negaverim & totam Asiæ regionem inaniora PARERE ingenia, & nostrorum tumidiorem sermonem esse, quòd excelle-*

ra

* L. XLV. c. 23.

re inter finitimas civitates videamur. Ita Judæis insita veluti erat à natura σκληροκαρδία, quam illis passim exprobrant Prophetae.

8. Ex dictis apparet vocabula quædam esse quidem ισχύοντα, ad præcipuas partes notionis eis subjectæ, quod attinet, quamvis in aliis partibus differant. Cavendum autem est ne, prætermisso discrimine, voces ejusmodi confundamus; quasi satis sit habendum, si in præcipua significatione iis conveniat. Etenim miseremus notiones aliqua in re similes, sed diversas in aliis; unde parum accurata rerum nasceretur cognitio.

9. Tacitus, * in Germania sua, de honore, quem Germani mulieribus exhibebant verba faciens: *inesse quin etiam, inquit, sanctum quid & providum putant, nec aut consilia earum aspernantur, aut responsa negligunt.* Quæri potest quid voce *sanctus* hoc in loco significetur, & nuper quidem Paraphrastes interpretatur *divinum*, quæ vox hoc in loco synonyma est cum voce *sanctus*, magna ex parte. Attamen quia prorsus idem non significat, sensum non adsequetur quicumque in Paraphrasi acquiescet, nec ulterius

Q 4

quid-

* Cap. VIII.

quidquam investigabit. *Sanctus* hîc significat *venerandum*, & quod *religioso quodam* horrore *prosequi par est*; nec aliud vult *Tacitus*, nisi Germanos credidisse in mulieribus esse nescio quid veneratione religiosa dignum, & quod futura prælagiret. Ita * eodem libro, ubi narrat Romanos Septentrionalem Oceanum navigare non auctos, ut quærent, num aliqua Herculis vestigia iis in locis superessent: *Sanctus*, ait, *ac reverentius visum de actis Deorum credere, quàm scire*; hoc est, visum esse majoris venerationis ac reverentiæ, si crederetur potius quod narrabatur de Diis, quàm curiosius investigaretur navigatione, ut veritas inspectione comperta esset. Paullò post † loquitur de nescio qua quorundam Germaniæ populorum Dea, quam vulgò ferebant in lacu quopiam lavari coram servis, qui postea submergebantur, subditque: *Arcanus hinc terror, sanctaque ignorantia, quid sit illud quod tantum perituri vident. Ignorantia sancta* est quæ ex religiosa veneratione proficiscitur. Hinc factum etiam ut *sanctus* venerationis oris maiestate significaret, ut in hisce versibus *Ovidii*, *Fastorum* Lib. VI. de Carmenta responsum editura:

Vix

* Cap. XXXIV.

† Cap. XL.

*Vix illam subito posses cognoscere ; tantò
Sanctior, & tantò quàm modò major erat.*

10. In Translationibus omnibus , periculum maximum est, ne proprias significationes cum tralaticiis , & synonymis misceamus ; quia, ut alibi diximus, Linguis ita inter se non convenit , ut habeant voces planè *ισοδυναμους*. Hinc vel optimi Interpretes satis habent, si modò voces quàm maximè significatione iis quas vertunt affines adhibeant ; alioqui si vim vocum, quas interpretantur, accuratè semper exprimere vellent , passim utendum esset circumloquutionibus ad voces singulas transferendas ; quod esset molestissimum, & orationis seriem interturbaret. Verùm moniti Lectores caveant sibi oportet , ne nimium Interpretibus credant. Debent quidem translationes haberi adminicula, ad intelligendos Veteres ; sed non oracula , ex quibus de eorum sententia certò constet.

CA-

CAPUT VIII.

REGULA VII.

*Plurimis vocibus esse obscuras notiones
subjectas.*

1. **I**NTELLIGENDI sermonis difficultas non ex alia re major nascitur, quàm ex vocibus quibus est obscura potestas subjecta. Hinc passim contingit, ut videamur nobis perspicuè intelligere, quod non adsequimur; aut frustra laboremus, in quærendo quæ notio clara voce designetur, cùm nulla clara notio ei sit subjecta. Horum quidem exempla afferemus in II. Sectione * hujus Partis Secundæ; verùm quædam etiam hîc observari queunt, quoniam res ad omnis præ generis notiones pertinet.

2. Omnia, quæ nota nobis esse dicimus, non sunt tamen æquè nota; quædam enim penitiùs, alia tantùm ἔμπροσθεν nota habemus. Hinc fit ut, cùm de minùs notis loqui necesse nobis est, cogamur

* Cap. VII.

gamur obscuris notionibus vocabula imponere. In sermone enim idem evenit, ac in Algebra, ubi quantitati aut planè ignoratæ, aut non distinctè notæ, certum nomen imponitur, ut A, B, &c. interea dum ex regulis Artis ad ejus cognitionem contenditur. Ita quoque, in quotidiano sermone, de innumeris loquimur, quæ obscurissima sunt; quamvis Vulgus interdum notissima esse sibi persuadeat; qua in re differt ab Algebrae cultoribus, qui nomina quidem imponunt quantitativis ignotis, sed quas ignotas sibi esse norunt.

3. Exempli causâ, nemo est qui non quotidie proferat voces, *Vita*, *Animal*, aliâsque ex iis ortas, aut similes; at quotusquisque est, qui dicere queat quid animo sibi obversetur, cum ea vocabula proferat? Negant omnes lapides *vivere*, ajunt esse *inanimatos*; contra plantas *vita* frui, & belluas *animâ* esse præditas; at si queramus à plerisque, qui hæc in ore habent, quid sibi velint, interpretari vix ac ne vix quidem possint. Attamen si ejuscemodi vocibus uti vetarentur, vitam sæpe in silentio degere cogerentur.

4. Cum adulti innumeris vocabulis hujus generis, in sermone & usu quotidiano,

252 ARTIS CRITICÆ P. II. S. I. C. VIII.
no, mentem suam exprimant ; infantes,
qui primùm loqui addiscunt, aut pueri,
qui paulò provectiores sunt, hancceetiam
consuetudinem à teneris unguiculis in-
cauti contrahunt. Notiones quas ex oc-
casione sensuum, vel ratiocinatione, seu
attentione animi sibi comparant, voci-
tant certis vocabulis, quantumvis obscu-
ras. Atque hoc quidem vituperandum
non esset, si modò scirent ea notionum
obscurarum esse nomina ; sed quia ita
sunt iis vocibus adsueti, ut statim ac pro-
feruntur, adsint animo notiones quarum
nomina sunt ; & vice-versâ, ubi notiones
animo obversantur, in promptu habeant
vocabula quibus eas vocent ; ideò, in-
quam, existimant se intelligere optimè
quæ dicant, seu claras eorum animo suo
obversari notiones.

5. Hinc nobis, ubi legimus Veterum
Scripta, duplex oritur labor, isque non
adsuetis molestissimus. Primò, distin-
guenda sunt vocabula, quibus subjece-
runt potestates claras, ab iis quæ obscu-
ras tantum subjectas habuerunt. Secun-
dò, ea sermonis eorum comparanda est
consuetudo, ut obscuræ illæ notiones non
clariiores, non obscuriores quàm iis ob-
versabantur, animo nostro præstò ad-
sint ;

sint; audito vocabulorum illorum sonitu, aut conspectis characteribus, quibus exprimitur is sonitus.

6. Tum demum eos à nobis intelligi existimare debemus, cum, verbis eorum lectis, eadem nobis obversantur notiones, seu claræ, seu obscuræ sint; quæ illorum animo aderant, eo tempore quocumque quæ legimus scribebant. Cavendum est vel maximè, ne eum putemus esse oportere verborum, quibus usi sunt, sensum, seu id eorum dogma, quod nos maximè rationi consentaneum putamus; sic enim sæpissimè quod sentire debuerant, si quod dicebant rectè pensitassent, confunderemus cum eo quod reapse senserunt. Debebant, quantum fieri poterat, claras potestates vocibus tribuere; sed passim hoc neglexerunt. Itaque frustra conaremur id intelligere quod voluerunt perspicuè, cum nihil perspicui eorum menti se se objecerit.

9. In Theologia veterum Ethnicorum multa fuere, quæ verbis exprimebantur ejusmodi, quibus verisimile est eos nullum perspicuum attribuisse significatum. A Tullo Hostilio dicuntur fana consecrata esse PAVORI & PALLORI, ob eam pugnam, quâ Fidenates & Veientes vicit.

254 ARTIS CRITICÆ P. II. S. I. C. VIII.
vicit. Cùm in media pugna desertum
se audiret ab exercitu Albanorum, * *in*
re trepida duodecim vovit Salios, fanâque
Pavori ac Pallori. Quæri potest an reve-
râ Tullus existimaret *Pavorem* ac *Pallo-*
rem esse Deos? an verò, illa delubra ef-
fent tantùm monumenta, non tam Nu-
minibus consecrata, quàm memoriæ po-
steritatis? Non videtur posterius, quo
posset defendi stultum trepidi Regis faci-
nus, hîc locum habere, quia vota in re-
bus trepidis concepta eo fine nuncupa-
bantur Diis, ut adjutores essent; quod
ut celerius facerent, aliquid eis promit-
tebatur. An ergo Tullus credit, & clarè
intellexit duo Numina esse, quæ ita vo-
carentur, & metum hominibus injice-
rent? At hoc nullo alio ex loco Historiæ
Romanæ, à Romanis creditum apparet,
& nimis absurdum est; neque, ut opi-
nor, adnuisset Tullus, si quis ab eo pe-
tiisset, an crederet Pavorem & Pallorem
esse Deos, seu Naturas quasdam humanâ
præstantiores? Quid ergo tum animo
versabat, cùm votum adeò absonum con-
ciperet? Nempe, nescio quid obscuri de
Deo, quicumque esset, qui metum suo-
rum pelleret, propitiando.

8. *Iidem*

* *T. Livius Lib. I. c. 27.*

8. Idem Romani habebant, in mœnibus suis, fana *Mentis, Virtutis, Honoris, Pietatis, Fidei, Spei, Pudicitiae, Concordiae, Pacis, Quietis, Salutis, Felicitatis & Libertatis*. Mihi non fit verisimile totidem Deos, claro animi adsensu, à Romanis esse creditos. Videntur potissimum voluisse commendare eas virtutes, vel res sanè quàm optandas; licèt fortasse nescio quid obscuri, de Diis mentibus hominum illas virtutes ingenerantibus, aut beneficiis illis homines donantibus, animo versarent. Haud absimili modo mentem Romanorum *M. Tullius*, * in Libris de Natura Deorum, interpretatur: *Quid, quid magnam utilitatem generi afferret humano, id non sine divina bonitate erga homines fieri arbitrabantur. Itaque tum illud quod erat à Deo natum, nomine ipsius Dei nuncupabant; ut cùm fruges Cererem appellamus, vinum autem Liberum &c. tum autem res ipsa, in qua vis inest major aliqua, sic appellatur ut ea ipsa vis nominetur Deus, ut Fides, ut Mens, quas in Capitolio dedicatas videmus proximè à M. Æmilio Scauro. Antè autem ab Atilio Calatino erat Fides consecrata. Vides Virtutis Templum, vides Honoris à M. Marcello renovatum; quod multis*

* Lib. II. c. 23.

356 ARTIS CRITICÆ P. II. S. I. C. VIII.
multis ante annis erat, bello Ligustico, à Q. Maximo dedicatum. Quid Opis, Quid Salutis, quid Concordiæ, Libertatis, Victoriæ? quarum omnium rerum quia vis erat tanta, ut sine Deo regi non posset, ipsa res Deorum nomen obtinuit.

9. Credibile est priscos Romanos, nescio quid simile obscure cogitasse; & ipse Cicero fortè non parum impeditus fuisset, si ab eo quis quæsiisset quid intelligeret voce *Vis*, quam ait Deum nominatam? Nec rectè etiam faceret, ut opinor, quemque notiones claras subesse crederet sequentibus verbis: *Quo ex genere Cupidinis, & Voluptatis, & Lubentiniæ Veneris vocabula consecrata sunt, vitiosarum rerum, neque naturalium; sed tamen ea ipsa vitia naturam vehementius saepe pulsant.*

10. In Philosophia quoque ipsa innumera sunt vocabula; quibus obscurissimam adjunctam esse notionem nemo dubitare poterit, qui vel aliquantisper expenderit. Si quis legat *Aristotelis* præsertim scripta *Physica*, facillè animadvertet virum illum, quidquid ejus discipuli aut admiratores jactarint, non tam abscondisse datâ operâ obscuris verbis quod clarè intelligeret, quàm obscuras cogitationes obscure expressisse.

pressisse. Ita initio Lib. I. φυσικῆς ἀκροάσεως, ait ita nos progredi solitos, in investigatione naturæ rerum, ut ab iis quæ sunt nobis manifestiora & clariora viam affectemus ad ea quæ sunt naturâ clariora & manifestiora. Primò voces πεφῆς & γνώεμεθ' sunt *relative*, nec umquam proferruntur nisi ad aliquem, cui res est manifesta, respiciatur. Itaque nihil est quod possit propriè dici γνώεμεθ' ἀπαλῶς, ut loquitur eodem in loco *Stagirita*. Deinde, si demus *absolutas* eas esse voces, hæc significabunt, quæ *simpliciora* naturâ suâ sunt; atque eas voces, contra usum receptum, intellexisse videbitur *Aristoteles*; quo posito, hoc voluerit, nos solitos à compositis ad simplicia progredi; unde colligit sibi etiam in *Physicis* ita progrediendum, adeoque à *principiis* incipiendum. Si quis ab eo quæsisset, an *principia* rerum naturalium sint ἡμῶν γνωεμώτερα, quàm ipsæ res naturales? negasset sine dubio. Nam cùm omnes, qui sensibus & ratione utuntur, aliquatenus norint corpora quæ nos undequaque ambiunt; paucissimi sunt, qui de principiis quibus constant cogitent. Quare ergo ita *Physicam* suam exorsus est, ut videatur contrarium ei quod sentiebat dicere?

Nempe, quia non satis intelligebat quid diceret, & obscuras quasdam cogitationes obscuris verbis exprimebat.

11. Atque hoc quidem exemplum non selegimus, quasi eximium, sed quod liberum aperientibus primum occurrerit. Ex mala autem Magistri consuetudine, in obscuris adquiescendi notionibus, & utendi stylo obscuro, omnes Discipulos ejus obscuritas cogitationum ac styli, quasi contagio quædam, pervasit. Cum in Hispaniam ab Arabibus allata esset ejus Philosophia, circa annum Christi MCCVIII. indeque in Italiam ac Galliam venisset; ex ea nata est Philosophia Scholastica, quæ peperit similem sibi Theologiam; in quibus vix dixeris, refine, an verba sint obscuriora.

12. Verum non postremis dumtaxat sæculis, Philosophia minus accurata innumeras voces obscuras in Theologiam Christianam invexit, ut cum sequente Capite, tum alibi ostendemus. Præter Philosophiæ obscuritatem, multum obfuit perspicuitati, secundo, tertio & quarto Ecclesiæ Christianæ sæculis, & deinde eloquentia, quam cæco amore plerique prosequiebantur. Dum enim pluris faciunt figuratam & tumidam orationem,

nem, quàm simplicem ac solâ perspicuæ veritatis vi nitentem sermonem; innumeris vocabulis, sine sensu, proferendis se se adsuëfecerunt. Exémplici causâ, à tempore *Augustini*, vix ulla vox frequentior fuit voce GRATIA; vbi sermo est de hominis ad saniozem mentem reditu, & vi cui is reditus debetur. Eâ tamen voce quid significetur, cùm ab iis quæritur, qui ea utuntur, nihil responsi perspicui ferre licet. Quamobrem in Gallia * *Je- suïta* festivi ingenii, non inficetè dixit, „ *Gratiam* illam divinam, quæ tantum „ strepitum excitavit in Scholis, & tam „ mirabiles effectus in hominum animis „ edit; *Gratiam* illam aded efficacem, „ & suavem simul; quæ de duritie cordis, „ illasâ Arbitrii Libertate, triumphat, „ nihil esse tandem, præter NESCIO „ QUID. Nec certè ea vox usquam in Scriptura eo sensu legitur, quamvis ceteroqui sit πολύσημο. Ubi de Deo sermo est, χάρις, gratia, ejus misericordiam, aut beneficium quodpiam significat, nusquam arcanum & ineluctabilem afflatum; quo sensu eam intellexit *Augustinus*, popularis sanè orator, sed Criticæ imperitus.

R 2

13. Ita-

* *Bouhours* in Dialogo du je ne sai quoi.

13. Itaque cùm ejusmodi Scriptores legimus, & adsueta perspicuis notionibus atque claro sermoni, nitimur definire voces quibus usi sunt; passim frustra laboramus, quia nullam claram potestatem plurimis vocabulis subjecerant. Nulla definitio vocis Gratia, quæ quadret in notionem Augustini, dari potest, præter hanc: *Est nescio quid, quo Deus, ex Augustini sententia, animos nostros ad pietatem ineluctabili modo flectit, idque ab omnibus cùm nostris ratiocinationibus, tum iis quæ extrinsecus nobis objiciuntur distinctum.* Si nitaris clariorem notionem adnectere voci Gratia, ea tua erit notio, non Augustiniana.

14. Optandum esset eos, qui Lexicis conficiendis operam dant, certâ notâ distinguere vocabula obscura à claris: uti distinguunt barbara aut antiquata, ab usu meliorum sæculorum receptis. Illâ enim notâ monerentur tirones, imò & sæpe provectiores, ne frustra laborarent in quaerenda clara significatione vocis, quam numquam obtinuit; néve suam ipsorum notionem cum Veterum notione confunderent.

C A-

CAPUT IX.

REGULA VIII.

*Voces esse, quibus nulla subiecta est
potestas.*

I. **S**I contingeret Polonum & Gallum, vernacularum tantum Linguarum peritos, sine interprete colloqui, alterum Gallicè, alterum Polonicè; atque, finito sermone, utrumque affirmare sibi eo colloquio satisfactum; non possent effugere, quin uterque insanus haberetur. At auidem dicere Philosophos & Theologos Scholasticos, summa cum laude, & eximie eruditionis fama, idem non semel, aut iterum, sed *μυεράν*is factitasse. Utuntur enim passim vocibus, quibus non tantum obscuram notionem subijciunt, quod in antecedenti Capite ostendimus, sed etiam planè nullam; & tum quidem potissimum se se mirificè loquutos esse sperant, atque ab aliis censentur, cum ad ravim usque, instar campanarum, sonitum sine mente maximum ediderunt. Cujus rei plurimæ sunt causæ, sed quarum

262 ARTIS CRITICÆ P.II.S.I.C.IX.
rum duas potissimas dumtaxat attingemus.

2. Omnes, ut diximus, ab infantia adsuescunt voces proferre; ad significanda multa, quæ obscurissimè norunt. Adde & pueros tunc putare se rem intelligere, quando nomen, quo designari solet, memoriæ mandarunt. Si puer quidpiam videns, quod appellatum coram se non meminerit, quærat quid sit, docetur rei nomen; quo audito, rem credit sibi notam esse, cum nomen tantum teneat. Exempli causâ, offeratur vas vitreum puero, quæratque quid sit? Reponitur *vas vitreum*. Memoriæ mandat hæc voces, neque quidquam ulterius exquirat; si verò ab eo postea quæras an sciat quid sit, illico reget esse *vas vitreum*, & sibi rem notam esse existimabit, licet vitri natura ei sit penitus ignota.

3. Hinc factum ut multa, quæ nec oculis nec aliis sensibus usurpamus, nominibus afficiamus, licet nusquam sint; utque propter nomina nota, cognosci à nobis putemus. Cum quidpiam contingit, cujus causa prorsus ignota est, dicimus factum id esse CASU seu FORTUNA, & rem nos acutè tetigisse arbitramur; cum tamen iis vocibus nullam subjecerimus notio-

notionem. Eleganter * *Democritus*: ἀν-
 θρωποι, inquit, Τύχης εἰδωλον ἐπαλάσσωσι,
 πρὸς φασιν ἰδίῃς ἀγνοίῃς; *homines finxerunt*
idolum Fortune, propria ignorantia vela-
 mentum. Cicero in *Topicis* c. 17. de causis:
Latent, inquit, *quæ subiecta sunt Fortune*,
cum enim nihil sine causa fiat, hoc ipsum est
Fortune eventus, obscurâ quod † *latenter ef-*
ficitur. Hisce tamen non Poëtarum mo-
 dō, sed Oratorum & Historicorum sca-
 tent Scripta; quæ proinde periodis, sen-
 su carentibus, referta esse agnoscamus
 necesse est. Voce Τύχη per sæpe usus est
 gravissimus Scriptor *Polybius*, ab ipso ini-
 tio Historiæ; qui si rogatus fuisset quid
 esset, paucis prolatis, coactus fuisset fa-
 teri multò potiori jure de hoc nomine di-
 ci posse quod habet de nominibus loco-
 rum, quorum ignotus est situs, Lib. III.
 c. 36. Ἐπὶ τῷ ἀγνωσµῶν εἰς τέλος ὁμοίαν
 ἔχει τὴν δύναμιν ἢ τὸ ὀνομάτων ἐξήγησις παῖς
 αἰδιανοήτρως καὶ κρησµατικῶς λέξεσι: in iis
 quæ planè ignorantur, similem potestatem ha-
 bet nominum recensio, ac voces nihil signifi-
 cantes, & soni percussione instrumentorum
 editi.

4. Ipsi Philosophi iisdem vocibus pas-

R. 4

sim

* Apud Euseb. *Præp. Evang.* Lib. XIV. c. 27.

† Ita lego, non quæ.

περὸν ὅτι ἐστὶ πῆ ἢ τύχη ἢ τὸ αὐτόματον : sed quoniam sunt quedam , quæ fiunt etiam præter ista , & omnes hæc dicunt esse à Fortuna , manifestum esse Fortunam & Casum esse aliquid. Naturæ Genius, ut vocitatur à Scholasticis, non animadvertit vulgari hac phrasi nihil significari , sed inde argumentum duxit ad probandum esse nescio quas Naturas , quæ esse nequeunt ; nam ipse non adsentitur iis, qui dicebant Fortunam non modò esse ἀδελον ἀνθρώπων ἡγεσία sed θεῶν π καὶ δαιμονιώτερον , divinum quidpiam , & humanâ naturâ superius. Atqui licet nescirent quid dicerent , tamen poterant videri Numen quodpiam nomine Fortunæ intelligere ; quod Aristoteles improbat.

§. In Philosophorum accuratiùs loquentium Scriptis, τύχη fortuna & εἰμαρμένη fatum distinguuntur ; hoc enim certa causarum series , quæ ineluctabilis est : illa inconstans & mutabilis dicitur. At tamen à multis priscis Scriptoribus confunduntur. Plurima Lucanus hujusce rei exempla , plurima alii passim Scriptores suppeditabunt. Duo tantum , quæ instar omnium erunt , proferemus. Lucanus ergo sic Thessalam veneficam loquentem inducit Lib. V. vers. 611. ubi à se Fata violari posse negat :

At

*At simul à prima descendit origine mundi
Causarum series, atque omnia FATA la-
borant,*

*Si quidquam mutare velis, ———
—— tunc Tbeſſala turba fatemur,
Plus FORTUNA potest.*

Curtius Lib. X. c. 5. § 35. Cùm pluri-
mum virtuti debuerit (Alexander) plus de-
buit FORTUNÆ; quam solus omnium
mortalium in potestate habuit. Quoties il-
lum à morte revocavit? quoties temerè in
pericula vectum perpetuè felicitate protexit?
Vita quoque finem eundem illi, quem gloria,
statuit. Expectare eum FATA, dum,
Oriente perdomito, aditòque Oceano, quid-
quid mortalitas capiebat impleteret. Quàm
hæ voces obscuræ sint, imò quàm nihil
significent ut nobis constet, claram aut
etiam aliquam notionem sub iis latentem
oportet quæramus. De Fato elegans est
judicium *Maximi Tyrii* Orat. III. Καὶν πε-
πρωμένην φῶ, ὄνομα λέγω πλανώμενον ἀν-
θρώπων δόξαις. τίς γὰρ ἡ πεπρωμένη; πῶς
φύσεως; τίς οὖν φύσεως; εἰ μὴ τις Θεὸς ἐστὶ
τοῖς ἔσχατον ἀνθρώποις ἔχουσιν· ὃ δὲν τὸ δεινὸν σὺν ἔρ-
γον. ὃ δὲ καθ' εἰμαρμένην ἀνθρώπων συμφο-
ραὶ (ὃ γὰρ θέμις ἀνάπτεσθαι Θεῶν αἰτίαν κακῆ)
εἰ δὲ

εἰ δὲ τις ἐστὶ βροτῶν τοι ὅτι χθονὶ ναυαγῶνσι
 ψάλλεται μὴ ὁ Ἑλπίνωρ, λέγων, ἄσέ με
 Δαίμον· αἶσα κακὴ· ψάλλεται ᾧ ὁ Ἀγα-
 μέμνων λέγων, ἐγὼ δ' οὐαὶ αἰπὸς εἰμι, αἰπὸς
 Ζεὺς ἢ Μοῖρα, ἢ ἡεροφοῖτις Ἑλινύς. εἶπε
 ᾧ παντὶ τὰ ὀνόματα εἶναι μοχθηρίας ἀνθρω-
 πίνης ὅς φημοι ὀποσροφαί, ἀναθέντων αὐτῆς.
 ἢ αἰτίαν τῷ Δαιμονίῳ καὶ ταῖς Μοραῖς καὶ
 ταῖς Ἑλινύσιν: *Quid enim est fatum? cujus*
naturæ? cujus essentia? Si quidem ex Diis fis,
qui cælum latum habitant, opus tuum nihil
habet mali; neque secundum fatum humana
calamitates contingunt, non licet enim Deo
causam mali tribuere. Si vero fis aliquis mor-
talium, qui in terra habitant, mentitur El-
penor cum dicit: læsit me Dæmonis malum
fatum. Mentitur & Agamemnon dicens:
non ego sum causa, sed Jupiter & Par-
ca, & Errinyς quæ per aërem fertur. Vi-
dentur verò hæc nomina esse nequitie huma-
næ aversiones, quibus ejus causa tribuitur
Numini & Parcis & Erinnybus.

7. Apud Aristotelem, vocibus ΤΑΗ
 materia, ΦΥΣΙΣ natura, ΟΥΣΙΑ sub-
 stantia, sæpe nulla videtur potestas affixa;
 quod haud difficile ostensu esset, nisi in-
 stituti nostri ratio obstaret. Ejus secta-
 tores habent etiam multas ejusmodi vo-
 ces, quales sunt *Attractio, Antipathia,*
Sym-

Sympathia, *Antiperistasis*, aliarque similes, quæ *Qualitatum occultarum* nomine continentur. Nam quando quidpiam oriri ajunt à *qualitate occulta*, exempli causâ, quæ *Sympathia* vocatur; idem est ac si dicerent, manare id à causa, cujus nullam notionem habent.

8. Quod non ignoscitur Philosophis, id multò minùs in Religione condonandum. At Romani non dubitarunt* templa *Fortuna*, & quidem *mala* consecrare; quamvis interrogati non ausi fuissent serìò dicere se Numen cæcùm, & varium, quòdque omnia sùsq̃ue, déque habere colere, aut esse Naturam ejusmodi divinam. Quid ergo voce *Fortuna* intelligebant? Nimirum, nihil; & perinde fecissent, si *NIHILO* fana & aras consecrassent. Quod & Græcorum nonnulli viderunt, teste vel *Philemone*, cujus hi Senarii ex incerta Comœdia supersunt :

Οὐκ ἔστιν ἡμῖν ἑδμήτριά Τύχη θεός,
Οὐκ ἔστιν, ἀλλὰ παντόματον, ὃ γένεῃ
ὧς ἔτυχ' ἐκείνῳ παραγορεύς) Τύχη.

Pro-

* Vid. Cicor. de Nat. Deor. Lib. III. c. 24. & 25.
& Plinium Hist. Nat. Lib. I. c. 7.

*Profectò hominibus nulla Fortuna est Dea,
Nulla, inquam, verùm quidquid temerè
provenit
Fortunæ à nobis accipit vocabulum.*

*Pulcrè etiam hanc in rem Plinius Hist. Nat.
Lib. II. c. 7. Invenit inter has utrasque
sententias (superstitionem & impietatem)
medium sibi ipsa mortalitas Numen, quò
minùs etiam plana de Deo conjectatio esset.
Toto quippe mundo, & locis omnibus, om-
nibùsque horis, omnium vocibus Fortuna so-
la invocatur. Una nominatur, una accusa-
tur, una agitur rea, una cogitatur, sola
laudatur, sola arguitur, & cum convitiis
colitur; volubilis, à plerisque verò & cæca
existimata, vaga, inconstans, incerta, va-
ria, indignorùmque fautrix. Huic omnia
expensa, huic omnia feruntur accepta; &
in tota ratione mortalium, sola utràmque
paginam facit. Adeoque obnoxii sumus sorti,
ut Sors ipsa pro Deo sit, quâ Deus probatur
incertus. Hinc non multùm, ut opinor,
abfuere, * qui auctore Æliano, in Lib.
de Providentia, aras erexerant Anno,
Mensì, Senectuti, Arti, Paupertati, imò
&*

* Citatur ab Eustathio
vers. 45.

Dionysii Periegeta

& Morti , εἰς γέρας τῇ κοινῇ ἀναπαύλῃ ,
 εἶπεν τῷ παιδοπαίῳ ὄρμῳ , *in honorem com-*
munis quietis , aut extremi portūs.

9. Omne quod *honestum & laudabile* esse dicebant reliqui Philosophi , id Epicurei *castum quiddam , & inani vocis sono decoratum esse contendebant* , ut plus semel docet * Cicero ; nec multum à vero abfuisse videntur. Quid enim est τὸ καλόν , si res ipsas spectemus , in Ethnicorum plerorumque Scriptis ? Nihil prorsus. Erat tantum opinio quædam , in hominibus ; quâ *honestum* quidpiam esse existimabant , cujus rationem reddere non poterant. At à Christianis faciliè *honestum* definietur , quod est *humana societati utile , adeoque Deo ejus conditori acceptum*. Epicuro , vice versâ , exprobrabant alii Philosophi inanes voces , cum dicebat Deos (quos nomine ponebat , cum re sustulisset) habere *quasi corpus & quasi sanguinem*. Sic apud Ciceronem de Nat. Deorum Lib. I. n. 74. Cotta Velleio : *Corpus , inquit , quid sit , sanguis quid sit , intelligo ; quasi corpus & quasi sanguis quid sit , nullo prorsus modo intelligo — & ne tu quidem intelligis.*

10. Ne Theologia Ethnica sola hisce vitiis laboraret , operam dedere quidam

ex

* *Tusc. Quest. Lib. V. n. 73. & 119.*

ex Christianis, qui tamen multos invenere sectatores. Eorum quæ dicunt nullam notionem habent, qui verba faciunt de corpore humano, aliquot pedes longo, quod tamen intra punctum continetur; de corpore unico quod multiplex simul est, & in variis locis unum; de corpore quod penetrat alia, ita ut eadem sit aliorum & ejus extensio, & simul diversa; de figura, pondere, colore, quæ nulli rei insunt, &c. De hisce in Scholis Hispaniæ, Italiæ, Galliæ, Germaniæ ita quotidie disputatur, quasi de re aliqua sermo esset; cùm revera de nihilo loquantur, & hoc unum observent, ut illa verba, quibus nihil significatur, certo quodam situ collocent, quasi aliquid significarent.

11. Haud aliter judicandum videtur de eorum sermone, qui narrant humanam naturam Divinitatis participem factam fuisse, & Divinitatem Humanitatis; illa enim mutua communicatio qualitatum æquè intelligitur, ac intelligeretur qui diceret esse circulum, qui ita cum triangulo conjunctus sit, ut circulus quidem habeat attributa trianguli, triangulum verò circuli.

12. Si quis quærat quid fieri queat ut qui

qui ita loquuntur non animadvertant se sonos sine mente emittere, sed putent se eximie loquutos, postquam multa talia effutierunt? Dux potissimum videntur esse causæ, quarum alteram suprâ attigimus. A teneris unguiculis, adsueta sunt ejusmodi vocabulis audiendis, & proferendis. Præterea ideò falluntur, quòd voces quibus utuntur separatim intelligant; quo fit ut etiam conjunctas intelligere sibi videantur, cùm tamen conjunctæ repugnantia significant.

13. Itaque hoc est indubitatum, quicumque id proferunt quod repugnat, eos, licèt voces quas usurpant sejunctas intelligant, nullam tamen notionem, quæ toti orationis complexioni respondeat, animo obversantem habere. Atque hoc multò sæpiùs evenit, quàm vulgò existimatur; ut satis animadvertent peritiores, qui à nobis moniti aliorum sermones attendent.

14. Manifestum est loquelâ eos abuti, qui verba proferunt sine sensu; nec quifquam sibi sermonem ejusmodi exprobari, sine pudore, audiat. Sed quia pluri in eo peccato deprehenderentur sæpissimè, si verborum quibus utuntur ab iis significatio quæreretur; hoc ne fieret, inventa

inventa sunt alia vocabula, seu loquutiones, quibus ejusmodi inquisitio veluti propulsaretur. Philosophi Scholastici, ut jam monuimus, ubi quæritur à se, quid sit *Attractio*, aut *Sympathia*, reponunt esse *qualitates occultas*; quibus verbis qui interrogat arcetur, ne curiosius in illa inquirat. Responsio tamen hæc eodem reddit, ac si Philosophus reposuisset: *Equidem usus sum vocibus Attractionis, & Sympathia, sed iis nullam notionem adjungo; ideoque frustra à me quæritur quid significent.*

15. Theologi, qui non minùs loqui amant quàm Philosophi, de iis quæ non intelligunt, sæpe æquè verentur simplici hujusmodi oratione uti. Itaque si quis quærat interpretationem multorum vocabulorum, quibus utuntur, non eodem sensu quo alii, regerunt sermonem esse *de re incomprehensibili*, ideoque à Ratione humana non debere de ea, ut de ceteris rebus, judicium ferri. Qua sanè in re non falluntur, sed paullò simplicius si loquerentur, ita auditores suos compellerent: *Hactenus de re nobis ignota loquuti sumus, vocēsque ideo adhibuimus quibus nullam subjecimus potestatem; itaque eas interpretari non possumus.*

16. At neque Philosophi, neque Theologi rem, ut est, profitentur; seu quia ipsi errorem suum non intelligunt, seu quia vulgus, quod simplicius multò agit, indignaretur tam prolixas passim orationes ab iis haberi de rebus, quas non magis perspectas habent, quàm reliqui homines; & tanto apparatu verborum, quasi sipario, tegi merum NIHIL. Hoc si vulgò notum esset, brevi magna Philosophiæ & Theologiæ Scholasticæ pars æterno damnaretur silentio, & argumentum innumerarum disputationum exaresceret; quod loquendi avidis & in illis tricis in-nutritis molestissimum accideret. Hanc in rem, memoratu digna sunt verba *Augustini*, * quibus persuadere quidem Lectoribus vellet rem ἀκαταληπτόν intelligi, sed verba deesse Theologis, quibus quod intelligunt exprimant; fatetur tamen interea verbis eorum nihil dici: *Non videmus dicere unam Essentiam, tres substantias; sed inquit, unam Essentiam vel substantiam, tres autem Personas, quemadmodum multi Latini ista tractantes & digni auctoritate dixerunt; cum alium modum aptiorem non invenirent, quo enunciarent verbis QUOD SINE VERBIS intelligebant. Reverà enim*

* De Trinitate Lib. V. c. 9.

cum Pater non sit Filius, & Filius non sit Pater, & Spiritus Sanctus ille, qui etiam donum Dei vocatur, cum nec Pater sit, nec Filius, tres utique sunt. Ideoque pluraliter dictum est: Ego & Pater unum sumus. Tamen cum quaeritur quid tres? Magna prorsus inopia humanum laborat eloquium. Dictum est tamen tres Personae, non ut ALIQUID diceretur, sed NE TACERETUR.

17. Oportet Lexicographos, qui solent eas voces vocibus aliis sine sensu vertere, simili cautione uti, ac erga obscuras; nimirum, observare has quidem voces sensu carere, sed adhiberi certis occasionibus, quae etiam notandae essent. *Transsubstantiatio*, exempli causa, vox est quae nihil significatur, sed quae adhibetur à Pontificiis, ubi loquuntur de sententia sua circa praesentiam corporis Christi, in Eucharistia. Similia dixeris de vocibus *Consubstantiatio*, *Communicatio Idiomatum*, aliisque id genus, & plurimis loquutionibus, in quibus occurrunt.

CAPUT X.

REGULA IX.

*Loquutiones esse plurimas in omnibus Linguis
anomalas, & parum accuratas, quæ ni-
miùm urgenda non sunt.*

I. **O**PTANDUM quidem esset Linguas omnes constantibus quibusdam Regulis adeò adstrictas esse, ut ab iis discedere numquam liceret; atque eas Regulas Rationi, & rerum naturæ semper consentaneas esse, ita ut perpetuò ea orationis structura servaretur, quæ quàm aptissima ad rem perspicuè exprimendam esset. At cùm Linguæ usu & paullatim fuerint inventæ, & à plurimis usurpatæ, qui de Loquellæ fine numquam satis cogitant; hinc natæ sunt innumeræ Anomalix, quibus orationis perspicuitas imminuta est. Usus qui pendet, non à doctissimis & præ ceteris judicio præditis, sed à multitudine potissimùm, multa consecravit; quæ non ad suetis negotium fa-cessunt, & impediunt etiam ne ii, qui Linguis utuntur, animadvertant se obscure loqui.

2. *Am.*

2. *Anomalias*, ut ne obscuritate ipsi peccemus dum eam vituperamus, hic vocabimus non tantum formulas, quæ generalibus Grammatices Regulis repugnant, sed quæ obstant quominus res, de qua sermo est, clarè intelligatur; quia qui loquitur obliquiori & impropria utitur oratione, & quæ ex Regulis ægrè resolvi potest. Exempli causâ, Livius Lib. II. c. 42. *Moti, inquit, irâ numinis causam nullam aliam vates canebant publicè, privatimque, nunc extis, nunc per aves CONSULTI, quàm haud ritè sacra fieri.* Vates non consuluntur extis & avibus, sed ipsi per exta & aves consulunt Deos, his enim adspectis quæ sit Deorum mens conjiciunt. Atque hoc ipsum voluit Livius, quod explicatiùs extulit Curtius Lib. VII. c. 8. *Qui post Darium victum ariolos & vates CONSULERE defierat, rursus ad superstitionem, humanarum gentium ludibria, revolutum Aristandrum, cui credulitatem suam addixerat, explorare eventum rerum sacrificiis jubet.* Similis est loquutio *vincere bellum*, πόλεμον νικᾶν, quæ cum alibi sæpe, tum Polyeni Lib. I. C. XX. §. I. occurrit, neque enim vincitur bellum, sed homines qui bellant. Νικᾶν ἀγωνία dicunt iudem Græci, ἀντὶ ὧν νικᾶν τὰς ἀντιπαλάσσουσας

278 ARTIS CRITICÆ P. II. S. I. C. X.
 παγωνισάς. Vide *Epietum* in *Enchir.*
 c. XXV. & alios passim.

3. Multa talia apud omnes Scriptores
 occurrunt, quæ eloquentiæ famam non
 minuebant apud Gentes, quæ ejusmodi
 loquutionibus adsueta erant; sed quæ no-
 bis sæpe molesta sunt, & impediunt quo-
 minùs sensum Veterum adsequamur, aut
 nimiam attentionem postulant. Fateor,
 ubi res aliunde nota est & clara, loquu-
 tiones anomalas parum negotii facessere,
 ut in exemplis allatis; sed ubi res obscu-
 rior est, ejusmodi sermonis anomalix ob-
 scuritatem non parum augent. Quis in-
 telligere posset φάγειν δίκην, *fugere litem*,
 ut φάγειν δίκην ἀνδροφονίας *fugere litem ca-*
dis, & brevius φάγειν ἀνδροφονίας, *fuge-*
re cadis, significare simpliciter *accusari*,
 & *accusari cadis*; nisi ex innumeris exem-
 plis, quæ affatim quivis præbent Lexico-
 graphi, res constaret? Sunt tamen & vi-
 ri docti, qui in hac phrasi convertenda
 cespitarunt. Sic legem de provocatione
 ad Populum à Valerio Publicola latam,
 ἡ δὴμον δὸν ἡ πόλις τῷ φάγοντι δίκην
 ἀπαλλάσσει, vetit R. *Constantinus*, *crimen*
deprecantibus *provisionem esse à consulibus*
ad populum; cum debuisset vertere *reis*,
 seu *accusatis*. Est locus apud *Plutar-*
chum,

chum, in vita Valerii p. 103. Ed. Wecheliani.

4. Postquam Linguae excoli coeperunt; institutae quidem Analogicae Regulae sunt; ad quas pleraque exigi oportuit; sed eae Regulae numquam omnes usus anomalias delere potuerunt; nam in quibusdam consuetudo tam altas radices egerat, ut evelli non potuerit. Egregie hanc in rem * Quintilianus: *Non cum primum fingerentur homines, Analogia demissa caelo formam loquendi dedit, sed inventa est, postquam loquebantur; & notatum in sermone quid quomodo caderet. Itaque non ratione nititur, sed exemplo; nec lex est loquendi sed observatio, ut ipsam Analogiam nulla res alia fecerit, quam consuetudo.*

5. Si ἀναλογίας urgeremus, quasi loquutiones ex Analogicis Regulis intelligendas, difficultates maximae nascerentur, & lites inter Eruditos non parvae; quod experientiae satis superque demonstravit, ut exemplis manifestius erit. Genes. II. 2. in Hebraëis legimus: *Et absolvit (וַיַּשְׁלֶם vajechal) Deus die septimo opus suum quod fecit; & quievit die septimo ab omni opere quod fecit, &c.* Cum hoc in commate, ut & sequente, disertè affir-

S 4 metur

* Inst. Lib. I. c. 6.

metur Deus septimo die quievissē, idēque velle ut feriæ eo die observentur; Interpretes non parum impediti fuere; in interpretandis hisce vocibus, *absolvit septimo die*, quæ videntur significare Deum septimo die aliquid operis fecisse. Inde factum videtur, ut Samaritici Codicis exscriptores pro *שבת* *schebihbi* septimo, reposuerint *שש* *schischi* sexto; quod sequuti sunt *ל* LXX, qui habent *שש*, nisi ipsi Samaritis faciem prætulerint. Recentiores verò Interpretes nonnulli existimaverunt rem confectam fore, si verbum *שש* *vajechal* verteretur, & *absolverat*. Verum licet hæc posterior versio nihil habeat Hebræicæ Grammaticæ contrarium, attamen eò confugere opus non est, quia etiam si vertes: *Et absolvit*, idem tamen erit sensus. Multò etiam minùs necesse est quidquam immutare; quod à LXX. Intt. & Samaritis factum censemus, non ab Hebræici nostri codicis exscriptoribus; quia his nulla fuit causa mutandi *sextum* in *septimum diem*, quandoquidem ad perspicuitatem hoc nihil facit; alii verò mutare potuerunt, ut occurrerent difficultati, quæ inde nasci videbatur. Reverà si proprietatem sermonis spectemus, accuratius loquuntur qui *sexto die* à Deo

ab

absoluta sua opera dicunt. Sed in designatione temporis, non ita semper observatur *κυριολογία*, quin sæpe rem referamus ad tempus, quod proximè id quo res facta sequutum est. Ita Exod. XII, 15. jubentur Israëlitzæ amovere, primo Azymorum die, fermentum domibus suis: *primo die cessare facietis fermentum, ex adibus vestris.* Attamen hoc oportuit factum, sub finem * decimi tertii diei, antevesperam, quâ inchoabatur decimus quartus, qui fuit primus Azymorum, ut apparet ex vers. 18. & Judæorum usu, Similis est observatio *A. Gellii* Lib. VII. c. 2. ubi ait phrasibus *quoad vivet, quoad morietur, quoad Senatus habebitur, quoad dimittetur*, unum idemque tempus significari: *tempora enim duo, inquit, cum inter se opposita sunt atque coherentia, ut alterius finis cum alterius initio misceatur, non refert utrum per extremitatem prioris, aut per initium sequentis, locus ipse confinis demonstratur.* Hinc *ante & post* interdum, in designando tempore, idem significat. *Lactantius* Instit. Divin. Lib. IV. c. 10. Christum ait *ante diem decimum Calendarum Aprilium cruci affixum.* Libro verò de Mort.

* Vid. & *Joan. Lightfootum de Ministerio Templi* c. XII. §. 1.

Mort. Persecut. c. 2. *cruciatus est*, inquit; *post diem decimum Calendarum Aprilium*. Attamen, ut ad Geneseos locum redeamus, maluimus, omnibus diligenter expensis, *vertere intra septimum diem*. Vide quæ ad eum locum scripsimus.

6. Matthæus C. XXI, 7. ubi adventum Christi asinâ vecti Jeresolimam describit, ita loquitur de Apostolis eum in asinæ pullum subjicientibus: *Adduxerunt asinam & pullum & imposuerunt iis (ἐπέθηκαν αὐτῶν) vestimenta sua, & insidere fecerunt eum super iis, ἐπὶ αὐτῶν*. Cum non verisimile sit Jesum utrique insedisse, & Evangelistæ alii ὁναεῖα tantum vectum esse doceant, Interpretes hîc in varia abierunt. *Cantabrigienfis Paraphrasis Græco-Latina* habet singulari numero: ἐπέθηκαν ἐπ' αὐτὸν (in pullo) τὰ ἱμάτια καὶ ἐπεκάθισαν ἐπὶ αὐτοῦ. Syrus ita etiam legit; at Vulgatus, in fine commatis, omittit αὐτῶν, vertitque *desuper*, sed in medio versu habet *imposuerunt super eos*; unde intelligimus in fine omissum αὐτῶν, propter difficultatem memoratam. Alii posterius αὐτῶν referunt ad ἱμάτια, sed obstat huic interpretationi prius αὐτῶν, quod ad asinam & pullum necessario referendum.

7. Verùm hæc sunt ἀποδοχῆς & πα-

ῥερμηνεῖαι, cū hīc sit mera ἀκυρολογία,
 quā Matthæus nihil aliud voluit dicere,
 quā quod alii. Similem prorsus habe-
 mus apud *Homerum* *Iliad* K. 513. & 529.
 ubi de Diomede in unum ex equis Rhesi
 se subjiciente: Καρπαλίμως δ' ἵππων ἐπε-
 βήσατο, statim verò equos conscendit, &
 rursus:

Τυδείδης ὃ χαμάζε θορῶν ἔναργε βροτό-
 εντα

Εν χείρεσσι Οδυσῆϊ τίθη. ἐπεβήσατο δ'
 ἵππων.

*Tydidēs cū in terram defiliisset, sangui-
 nea spolia in manibus Ulyssis posuit, conscen-
 ditque eos; cū unum tantū conscende-
 rit; Ulyssē alteri infidente.*

8. Ex Grammaticis Regulis, pronomi-
 na demonstrativa plerumque ad id nomen
 debent referri, quod proximè antecedit;
 at nullus Scriptor adeò ejusmodi Regula-
 rum observans est, ut numquam eas vio-
 let. *Homerus*, *Iliad* T. postquā retulit
 lamenta Briseidis, & aliarum Captivarum,
 quæ flebant

Πατρόκλης πρὸφασιν, σφῶν δ' αὐτῶν κήδε'
 ἐκάστη,

sub

284 ARTIS CRITICÆ P. II. S. I. C. X.
*sub pretextu deflendi Patrocli, suas ipsarum
 miseriæ; illico subjicit vers. 303.*

Αὐτὸν δὲ ἀμφὶ γέροντες Ἀχαιῶν ἠγέρε-
 θοντα,
 Διοσκόμοισι δειπνήσαι, ὃ δὲ ἠρνέετο στενα-
 χίζων.

*Senes Achivorum circa eum congregati
 erant, orantes jentaret, sed is suspirans ne-
 gabat. At αὐτὸν non refertur ad Patroclum,
 de quo in antecedente versu, sed ad A-
 chillem, cujus superius mentio facta fue-
 rat. Idem observatum est à viris doctis,
 in aliquot N. T. locis, ut Act. x, 6. 1 Joan.
 V, 20. in voce ἔτϙ, licèt de posteriori
 loco sit orta controversia, quia volunt
 plerique inde probari Jesum Christum vo-
 cari τὸ ἀληθινὸν Θεὸν; negantibus, cum H.
 Grotio, Unitariis, ἔτϙ referri ad proxi-
 mè antecedentia verba. Ita usu venit,
 ut ea loca, quorum verbis nihil probatur
 quod in controversia sit, melius intelli-
 gantur, quàm ea quibus dissidentes Chri-
 stiani utuntur in rebus controversis.*

9. Attici phrasin habuerunt, in eorum
 Scriptoribus frequentissimam, quæ tamen
 Analogiæ generali Linguæ Græcæ videtur
 repugnare. Nempe, pro δίκαιόν ἐστί τετα
 περὶ

περίηεν, quo etiam utuntur ut reliqui Græci, dicunt δίκαιοι ἐσμὲν τέτοιον περίηεν, *justi sumus hoc facere*. Ita Criton, initio ejus Dialogi qui ejus nomine in scriptus est, dicit: δίκαιοι ἐσμὲν σώσοντές σε κινδυνώειν τῶτον τὸ κινδυνόν, *justi sumus te servato, periclitari hoc periculum*, pro δίκαιόν ἐστιν ἡμᾶς, &c. Qui Platonem leget multa similia temperiet, & plura etiam apud Aristophanem; qui sermone quotidiano utentes inducens, non ita Regulas observat, quæ in colloquiis ejusmodi sæpe negliguntur.

10. Interdum miscentur duæ phrasæ, adeo ut initio ab unâ factò, alterius pars subiiciatur. *Homerus* * *Iliad.* B. ita Nestorem loquentem inducit:

Φημι γὰρ ἔν κατανύσσει ὑπερμύθεα Κρονίωνα,

Ἡματι τῷ ὅτε νηυσὶν ἐπ' αἰκυπόροισιν ἔβαινον,

Ἀργεῖοι Τρώεσσι φόνον καὶ κῆρυξ φέροντες,

Ἀσέβητων ἡπιδέξι', ἐναίσια σήματα φαίνων.

Dico enim verò annuisse præpotentem Saturnium, eò die quo naves celeres conscenderunt

* *Vers.* 350.

rent Argivi, eadem & mortem Trojanis inferentes, fulgurans dexterâ, fausta signa ostendens. Postremum versum concepit, quasi in primo dixisset: κατένευσε ἑωρεμήης Κρονίων, cum quo conveniret ἀσεράπτων; aut ita incepit, quasi dicturus esset ἀσεράπτοντα. *Eustathius* quidem vult hunc locum esse σλοικωφανῆ, non verò σλόικων, censetque punctum post φέροντες collocandum esse & in quarto versu subintelligendum ῆν; verum alia ab * *Eru-*ditis allata sunt ejusmodi exempla, ex quibus liquet *Eustathium* frustra vereri ne *Homero* Solæcismus tribuatur. Nec dubito tamen, si per versuum leges licuisset, Librariorum aut Criticorum intempestivam diligentiam effecturam fuisse ut *Homerus*, alique Poëtæ, apud quos talia occurrunt, convenientius Regulis loquerentur. Multò rectius est, quod ad eundem locum observat doctissimus Grammaticus; Poëtam, nempe, ἡ καὶ ἀρχαῖζοντα, ἡ καὶ μιμνήμενον ῥήτορα ἐναγώνιον νοήμασιν ἑαυτὸν ἀπαχολῶντα, καὶ δὲ καταλήλας τὸ συντάξεως μὴ διόλου φροντίζοντα, aut antiquo more loquutum, aut imitatum Rhetorem decertantem, qui cogitationibus occupatus

* *Daniel. Heinsii Proleg. in Exercitationes Sacrae* p. 31. & seqq.

curatus non prorsus curat seriem constructio-
nis.

II. Neque hæc inter Poeticas licentias
numeres, cum elegantes Prose Scripto-
res haud rarò ejusmodi verborum structu-
ris utantur. *Polyænus* Lib. I. c. 15. Θεό-
πομπη ——— τὸ, τε αὖτ' ἔρημον εἶλε, *Theo-*
prompus urbem vacuam CEBIT; καὶ κατό-
πιν ἐμβάλλουσιν τοῖς Μησσηνίοις, ὁ δὲ τεργὸ
INVADUNT *Messenios*. Aut erat di-
cendum οἱ πρὸ Θεόπομπον εἶλον καὶ ἐμβάλλ-
ουσι, vel ἐμβάλλει post εἶλε. Idem Scriptor
Cap. XVIII. οἱ πολέμιοι τὸ λόγιον εἰδότες,
κρινόντων αὐτοῖς ἦν παρὰ γέγραμμαι ἐν ταῖς μάχαις,
ἀπέχεσθαι Κόδρα. *Hostes scientes hoc oracu-*
lum, publicum erat eis editum. Pro stru-
ctura Grammatica, dicendum erat τοῖς
πολεμίοις εἰδόντων, aut post id initium Pe-
riodi, quo usus *Polyænus*, κρινόντων εἶχον πα-
ρὰ γέγραμμαι, aut κρινόντων παρεγγράμματοι. Si
milia ex eodem Scriptore loca ad hæc ver-
ba affert *J. Casaubonus*, qui verat credere
hic esse mendum & meritò vult esse ἁπλῶς
quoddam; licet nequaquam κανονικὸν
sit, ut ait vir summus, vel *Homero* teste.
Idem præterea verè addit in *Æliani* Scri-
ptis, oppidò quàm elegantibus; haud
rarò talia observari. Dein duo loca *Ælian-*
i profert, quorum alter exstat *Var. Hist.*
Lib.

288 ARTIS CRITICÆ P. II. S. I. C. X.
Lib. II. c. 13. alter Hist. Animal. Lib. VII.
c. 26.

12. Simile quidpiam occurrit apud *Virgilium* Eclog. IV, 62. ubi sic Pollionis filium compellat Poëta:

Incipe, parve puer, risu cognoscere matrem, &c.

Incipe, parve puer; QUI non risere parentes,

Nec Deus HUNC mensâ, Dea nec dignata cubili est.

Oporteret aut CUI dictum, aut HOS. Nisi constaret à tempore *Quintiliani* * ita scriptum fuisse, in Codicibus Virgilii, & Veteres Grammaticos circa loci sensum hæsitasse; vix etiam hic locus videtur manus Criticas evasurus fuisse. Ejus, ut & hoc obiter notemus, hic est sensus:
» arride puer parentibus, quoniam inter
» Heroas olim futurus es; qui enim non
» arriserit parentibus, is neque conjugem
» Deam habebit, neque Dei ullius men-
» sâ adhibebitur, quorum alterutrum pri-
» scis Heroibus contigit. Putabant enim
Veteres risum præ maturum in infantibus
prælagire aliquid magni. *Lucianus* in Dia-
logo.

Inst. Orat. Lib. IX. c. 3.

logo Vulcani & Apollinis, ita Vulcanum de Mercurio recens nato loquentem inducit: *ἑώραξας, ὦ Ἀπολλων, τὸ τῆς Μαΐας βρέφος τὸ ἄρτι πεχθέν, ὡς καλὸν τέ ἐστι, καὶ παροργελαῖ πᾶσι, καὶ δηλοῖ τι ἤδη ὡς μέγα ἀγαθὸν ἀποβησόμενον; vidistine, ὁ Apollo, filiolum Maia nuper natum, ut formosus est omnibusque arridet, & jam quiddam prae se fert, quasi in magnum aliquod bonum sit evasurus.* Plinius Lib. VII. c. 16. inter praestigia in infantibus observata, hoc refert; *Risisse, eodem die quo genitus esset, unum, inquit, hominem accepimus Zoroastrem.* Similia quoque narrabantur de Cyro infante, qui à pastore regio ad uxorem delatus veluti ad notam allussit, ut loquitur Justinus Lib. I. c. 4. cujus hæc sequuntur verba: *tantisque in illo vigor, & dulcis quidam blandienti risus apparuit, ut Pastorem uxor ultrò rogaret permetteret sibi, sive fortuna ipsius, sive spei suae puerum nutrire.* Nempe, risus Cyri magnum quidpiam portendere mulieri videbatur: Mensâ suâ Ixionem dignatus est Jupiter; quamobrem *συμπέτης εἶναι θεῶν* idem est *Epicteto* c. XXI. Enchiridii, atque ad Heroum dignitatem evehi. Hinc Pythagoræi qui virorum præclarorum fato functionum animos in Heroum numerum referri

Tom. I. T puta-

290 ARTIS CRITICÆ P. II. S. I. C. X.
 putabant, teste *Laërtio* Lib. VIII. §. 31.
 suæ sectæ homines, quos ceteris omnibus
 haud parum antistare censebant, convi-
 yas esse post mortem aiebant *Plutonis* &
Proserpinæ; quod falsè ridet *Aristophon*,
 in *Pythagorista*, *Grotianorum* Fragment.
 p. 843. ubi quempiam ex Inferis reducem
 inducit:

Ἐφη κατὰβὰς εἰς δίαίταν ᾧ κάτω,
 Ἰδεῖν ἐκάστης, διαφέρειν ᾧ πάμπαν
 Τὰς Πυθαγορεῖας ᾧ νεκρῶν, μόνοισι γὰρ
 Τύποισι ᾧ Πλάτωνα συσσιτεῖν ἔφη.

*Dicebat, cum descendisset in mansionem
 inferorum, vidisse se singulos, multum verò
 differre Pythagoreos à mortuis, solos enim il-
 los dicebat Plutonis esse convivas. Vide not.
 ad Scholiasten Luciani T. I. p. 31. Venus
 verò cubili dignata est Anchisen, Adonin,
 aliòsque Heroas.*

13. *Lucæ C. XXI, 6.* ejusmodi lo-
 quutio occurrit: ταῦτα αὖ θεωρεῖτε, ἐλθού-
 σινται ἡμέραι ἐν αἷς οὐκ ἀφεθήσεται λίθος
 ὅπου λίθος, &c. *Hæc quæ videtis, veniens
 dies, quibus non relinquetur lapis lapidi im-
 positus, &c.* Ubi nominativus ταῦτα nul-
 lum habet verbum, quod sequatur. Ad
 quem locum consuli poterit *H. Grotius*.
 Sed

Sed plura ejusmodi phrasium exempla sup-
peditabit *Sal. Glassius* in *Phil. Sacra Lib.*
III. Tract. I. Can. 28. licet in eo erret, quod
putet initium phraseos absolutè poni, &
vim integri membri obtinere; ut *Act. VII,*
40. Moses hic, qui eduxit nos de terra Æ-
gypti, nescimus quid factum sit ei.

4. In numerum loquutionum mistarum
referri possunt hæ *Plautinæ*, *facere patrem*
ne introëat, pro *facere ut pater ne introëat*,
*Mostellar. Act. II. S. I. vers. 42. & * abs-*
que eo fuisset, hoc fecissem, aut n̄ ē, nisi is
fuisset, hoc fecissem, aut, absque eo hoc fe-
cissem. Vide & *Anulular Act. IV. S. I. v. 1.*
& *Interpretes.* Eodem loco habenda est
hæc oratio *Hirtii de Bello Africano C.*
XXV. Dum hac ita fierent, Rex Juba, co-
gnitis Caesaris difficultatibus, copiarumque
paucitate, non est visum dari spatium conva-
lescendi, augendarumque ejus opum. Ita de-
finit quasi dixisset *Regi Juba*; aut ita in-
cepit, quasi dicturus fuisset *non censuit,*
aut quid simile, loco horum *non est vi-*
sum.

15. Fortè & quædam fuerunt in Linguis
Græca & Latina aliisque, constantis qui-
dem usus, sed nullarum Regularum limi-
tibus

T 2

* Vide *Intt. Plauti ad Menæchmos Act. V. S.*
7. vers. 3.

292 ARTIS CRITICÆ P. II. S. I. C. X.
 tibus adstricta; quale est quod in Gallica
 Lingua cernere est, in qua nulla Regula
 proferri potest, quæ doceat quæ sint ad-
 jectiva substantivis præponenda, quæ post-
 ponenda. Sed illa ut plurimum nobis
 latent, ut si Lingua Gallica periisset ex
 usu quotidiano, ne cogitaremus quidem
 de illa re, quam nos docuit usus,

*Quem penes arbitrium est, & lex & nor-
 ma loquendi.*

Simile quidpiam in Græca Lingua fuit, si
 veteribus credimus Grammaticis. *Pho-
 tiana* excerpta ex *Helladio* Bezzantino:
 Καλὸς καὶ ἀγαθὸς οἱ Ἀῖτιοι λέγοντες, ἀγαθὸς
 ἢ καλὸς ἢ λέγουσι. καὶ τοὶ λέγοντες ἀγαθὴ τύ-
 χη, λέγουσι καὶ τύχη ἀγαθὴ: *Attici* dicunt
 καλὸς ἢ ἀγαθός, sed non ἀγαθὸς καὶ καλός,
 quoniam ἀγαθὴ τύχη dicunt, & τύχη
 ἀγαθὴ.

16. Si quis attentè *Herodotum* legat,
 multa in ejus constructione anomala oc-
 current. Exempli gratiâ, frequenter apud
 eum legas, ἐμοὶ δοκέειν, & ὥς ἐμοὶ δοκέειν
 mihi videri, ut mihi videri, ἀντὶ τῆς, ὥς ἐμοὶ
 δοκεῖ, ut vulgò etiam loquuntur Græci.
 Nec dubito quin si semel aut iterum dum-
 taxat eo usus esset *Herodotus*, nec alibi
 exsta

exstaret, id emendaturi fuissent Librarii aut Critici; verum nimis frequens erat, quàm ut casu factum videretur, ut sic in antiquis exemplaribus scriberetur, & alia erant innumera exempla ceterorum Græcorum Scriptorum.

17. Alia est phrasis, apud Græcos usitatissima, cujus exemplum est apud eundem Scriptorem Lib. IV. c. 163. ubi Infinitivus est loco Imperativi: σὺ μὲν πῖ ἡσυχᾷ εἶναι καπελθὼν εἰς τὸ σεωῦντα, ad verbum, *tu quidem quietus esse redux in patriam*. Sic apud *Homerum* Iliad. I. vers. 255.

— σὺ ὃ μεγαλήτορε θυμὸν
ἵσταειν ἐν σήθεσσι.

Tu magnanimum animum habere in pectore.

Vide & vers. 281. Non potest subaudiri αἰεὶ, oportet, quod alioqui subaudiri in ea phrasi solet, quia antecessit σὺ *tu*. Ne dixeris etiam subaudiendum μέμνησο *memento*; nam apud *Hesiodum* in hoc versu, ubi hæc ipsa est loquutio, verbum hoc intelligi nequit; Oper. & Dier. γ. 616.

——— ὅτε μεμνήμενος εἶναι
 ὁ γαίης.

Memor esse arationis tempestiva, nemo enim dixerit momento memor esse. Vide γ. 623. & 641.

18. Poëtæ non rarò habent ejusmodi loquutiones. Sic *Euripides* in *Hecuba*, vers. 333.

Αἶ αἶ τὸ δῖλλον ὡς κακὸν πεφυκέναι,
 Τολμᾷ δ' αὖ μὴ χεῖρ, τῇ βίᾳ νικώμενον.

Ah, ah, quàm malum est esse servum! sustinet quod non oportet per vim victum. Ad quem locum, ita Scholiastes:

Ὅμοιον τῷ πρὸ Σοφοκλῆ,

Κρεῖσσον γὰρ ἦν αὖ μῆκέτ' εἶναι, ἢ ζῶν τυφλός.

Ὡς περ γὰρ ἐκεί οὐφείλων θείναι τὸ κρεῖττον ὅππῃ
 εἴ ρήματ' , ἢ ἢ κρεῖττον μὴ εἶναι σὲ ἢ ζῶν
 τυφλόν, ὃ γὰρ τίησιν πρὸς ὀνόματ'. ἔτι
 καὶ ταῦτα, οὐφείλων τάξαι τὸ πάνυ κακὸν ὅππῃ
 εἴ πεφυκέναι, ὃ γὰρ τίησιν ὅππῃ ὀνόματ':
*Simile illi Sophocleo: Melius eras non ampli-
 us existens, quàm vivens cæcus; Quem-*
admo-

admodum enim ubi debebat jungere melius cum verbo, ut esset: melius erat non esse te, quam vivere cæcum; conjunxit cum nomine: ita & hîc, cum deberet construere malum cum esse, construxit cum nomine. Talia multa ex Tragicis colligi possent.

19. In exclamatione hac quis Analogiam invenerit?

ὦ μοι ἐγὼ κακῶν!

Hei mihi ego malorum.

Si detrahatur ἐγὼ, constat constructio; at ita frequenter occurrit apud Poëtas Græcos, & præsertim apud *Euripidem*, cujus hic est versiculus ex *Hippolyto*, 591.

20. Hæc satis superque sunt, ad ostendendam loquutionum ἀνωμαλίαν, quæ non parum negotii faceffit iis, qui non sunt summopere exercitati in lectione Veterum; si quid præsertim occurrat, quod suâ naturâ obscurum sit. Nec dubito quin multa sint in Veteribus Codicibus, à Librariis ideò dumtaxat emendata, quòd non satis intelligerentur, quæ de re alibi videbimus.

CAPUT XI.

REGULA X.

*Ἀκυρολογία non debere cum tropicis vocibus,
aut figurata oratione confundi; neque ex
ea Regulas confici posse.*

I. **P**RÆTER ea, quæ Capite superiore notavimus, καὶ τῆς ἀκυρολογίας, alia sunt majoris momenti; quibus singulare Caput à nobis tribui oportere duximus. Primum est, viros eruditos sæpe improprium stylum, quasi tropicum, aut figuratum habere; ex quo errore fit ut quod per incuriam effusum est, id de industria dictum existiment, adeoque urgeant quod urgeri non debet. Ne in eundem scopulum impingamus, necesse est à nobis tropum, figuram, & ἀκυρολογία, accuratè definiri.

2. Tropus definitur à Quintiliano: * *Verbi vel sermonis à propria significatione in aliam, cum virtute, mutatio.* Vocula cum virtute idem significat ὁμοίως; unde colligere est eam vocem tropicam esse habentem.

* Lib. VIII. c. 6. Instit. Orator.

bendam, quam selegit Scriptor, quòd haberet vim majorem, quàm propria. Qui voluptatibus corporeis sunt dediti vocantur tropicè *Porci*, quâ voce id vitium plenius describitur, quàm si eo infecti *voluptatum corporearum nimium amantes* dicerentur. Hinc etiam, *Epicuri de grege porcus*, est ἐμφαικώτερον, quàm si dicamus *Epicuri, in voluptate corporea felicitatem collocantis, discipulum*.

3. Ἀκυρολογία, quæ & Κατὰ χεῖρος vocatur, * dicitur esse à Rhetoribus, quoties duriùs vocis alicujus significationem deflectimus ad aliam longè à propria recedentem. Ut autem durior fit deflectio, debet esse solito usui contraria; alioqui si usus vocem detorfit in alienam significationem à primigenia, id non ampliùs durè fit, cum vel durissima emollire possit constans & perpetuus usus. Itaque non satis accurati sunt Rhetores, qui exempla κατὰ χεῖρας ex usitatissimis translationibus afferunt. Hisce rationibus permoti ἀκυρολογίαν definimus, prout est tropis licitis & usitatis opposita, mutationem vocis, aut sermonis, à propria significatione in aliam, sine virtute. Ex qua definitione, negamus ἀκωρον esse tropum; quandoquidem tro-

* Vid. Vossii Inst. Orator. Lib. IV. cap. 12. § 2.

tropus nullus est contra usum, aut sine ἰμφάσι; huiusmodi verò abusus vocum hoc uno proprium sermonem superat, quod sit obscurior; cum enim ex solo usu de significatione vocum iudicemus, necesse est potestates quæ ex usu colligi nequeunt, esse obscuras. Exempli causâ, si quis velit dicere sibi esse *suam domesticum* mactatum & sale conditum, & pro eo affirmet se habere *aprum* salsum; obscura & impropria erit oratio, at non tropica.

4. *Schema*, seu *figura* Rhetoribus est: *Orationis forma, quâ ea alio quopiam modo, quàm propria significationis in alienam commutatione, à simplici ac communi usu immutatur in elegantiores.* Figurata est oratio hæc *Theophrasti*: ἔ φιλεῖν τε δεῖ κρῖναι, αἰδᾷ κρινόν τε φιλεῖν, non est tum demum iudicandum, cum amaveris; sed postquam iudicaveris, amandum.

5. Est etiam Ἀκυρον quoddam figuræ oppositum, quo ita commutatur oratio, ut simplice sit minùs elegans & obscurior, simplex hæc esset oratio: δεῖ πρῶτον κρῖναι, καὶ ἔπειτα φιλεῖν, ἔ κρῖναι τῇ φιλίᾳ ἔπειτα. Oportet priùs iudicare, dein amare; non iudicium ferre, post amicitiam contractam. Ἀκυρον verò hæc esset: δεῖ ἔ φιλεῖν τε κρῖναι, αἰδᾷ φιλεῖν κρινόν τε. Hoc enim situ voca-

vocabulorum, à simplici abhorrente, fit eorum sententia tantum obscurior, non elegantior.

6. Si quem autem contingeret adeò esse verborum suorum indiligentem; ut simul voces usurparet καταχρηστικῶς, seu contra usum, & orationis ordinem perturbaret, is censeri deberet αικυρολογίας summum apicem consequutus. In hoc vitium, ex nimio grandiloquentiæ studio, delapsi sunt non rarò Poëtæ Dithyrambici, quos tamen summo opere admirata est Græcia. Exemplum esse potest initium primæ Odæ Pindaricæ, in Olympionicas:

Ἄριστον μὲν ὕδωρ, ὃ δὲ
 χρύσεον αἰθόμηνον πῦρ
 ἀπὲρ Δία πρέπει νύ-
 κτι, μέγαν ὁρῶν ἔξοχα πλάτυ.

5. Εἰ δὲ αἰθέλα γαρύεν
 ἔλδεαι φίλον ἦτορ,
 μηκέθ' αἰλίσκοπέ
 ἄλλο θαλπνότερον
 ἐν αἰμέρα φαινὸν ἄστρον

10. ἐρήμας δὲ αἰθήρ.
 μηδ' Ὀλυμπίας ἀγῶνα
 φέρτερον αὐδάσμεν, ἢ τὰ ἔξῃς.

Optima

*Optima quidem est aqua,
 Aurum verò, ardentis ignis.
 Instar, excellit noctu,
 Eximiè inter superbificas divitias.
 Si verò certamina narrare
 Gestis, ô carum cor,
 Ne ampliùs sole contempleris.
 Aliud foventius, aut calidius
 Interdiu lucidum astrum,
 Desertum per aetherem.
 Neque Olympiæ certamine
 Præstantius dicemus, &c.*

7. Primùm, verbum ἀσπρέπει, deigne noctu fulgente, non potest dici, nisi per abusionem; nam ea vox significat tantùm excellere; sed Pindarus ea hîc ususest, quòd conveniat divitiis & auro, ac possit propriè dici χρυσὸς ἑξοχα πλεῖτε ἀσπρέπειν, aurum eximiè inter divitias excellere. Ἄστρον quidem est etiam ἀντὶ τοῦ αἵετος per abusionem dictum; sed quia frequenter hoc fit, novum videri nequit. At vox πλεονότερον est alieno loco, nam quæ stellæ die apparent præter Solem, Luna & Lucifer, nullo modo θερμασι fovent aut calefaciunt; quod sine dubio Pindaro ignotum non fuit.

8. Præ-

8. Præterea ordo vocabulorum est adeò conturbatus, & oratio adeò hiulca, ut sine paraphrasi à tironibus intelligi nequeat Poëta. Scio eos qui omnia mirantur, quæ admirata est Antiquitas, reposituros stylum hunc esse Dithyrambicum, qui talia ferat; quod ego quidem ultrò confiteor; sed contendo esse hæc ἀκυρολογίας, quamvis hisce Poëtis licitas, quas quo jure permiserint aut admirati sint Græci nunc non inquirō. Nolim etiam hæc ita intelligi, quasi negarem subinde egregios sensus sub illis verbis latere, aut veræ laudi *Pindari* quidquam detractum vellem.

9. Secundum, quod hoc in Capite observatu dignum existimavi; est ex ejusmodi stylo, certas Regulas conflare non posse; quibus significatio vocabulorum perspicuè definiatur, aut orationis ordo certus statuatur. Hujus rei ratio est, quia nemo in ἀκυροεῖ incidit arte, sed negligentia, quæ varia est, nec quidquam constans habet; aut furore quodam poetico, qui negligentia similis est; ac proinde hæc non possunt firma certarum Regularum fundamenta præbere. Ex eo quod *Pindarus* hic voce ἀλγερῆτιν utatur, de igne verba faciens, malè collegeris

geris eâ significari *fulgere*, quod nulla alia significatio igni nocte accenso, de quo loquitur Poëta, accommodari queat; nam non ita pensitabat voces *Pindarus*. Perperam etiam collegeris Lunam & Luciferum esse stellas quæ ἡάλπειν dici queant, quòd idem dixerit nullum esse astrum ἡαλπνότερον Sole, inter ea quæ interdium cernuntur; neque enim Poëta cogitavit esse quidem tres stellas ἡαλπνύς, sed nullam earum Sole ἡαλπνότεραν. Spiritu poetico plenus vaticinatus est, non ad placidæ ratiocinationis normam, sed pro æstu furoris quo rapiebatur. *Præcipitabat*, ut verbis utar *Petronii*, *liberum spiritum*; ut potius fœrentis animi vaticinatio appareret, quàm religiosa orationis sub testibus fides; quod fieri ille volebat à Scriptore Belli Civilis.

10. Hisce positis, si quem norimus Scriptorem, qui in singulis verbis sæpe fit ἀκυρολόγησ, & in structura orationis Regularum negligens; eum oportebit fateri difficilem esse intellectu, nec ad certos quosdam Grammaticos, aut Criticos Canones nimium exigendum. Qui studiosè Nøvi Testamenti libros legerunt, & præsertim Pauli Scripta, facile animadverterunt, ea scatere ἀκυρολογίαις, si
umquam

umquam hac de re seriò cogitarunt. Neque enim moror eos, qui non tam dicunt quod norunt; quàm quod, ex præconceptis eorum judiciis, esse deberet, ideòque omnia ad suas detorquent opiniones. Eò confidentiùs hac de re loquer, quòd possim doctissimos quosque Patrum Græcorum, de Idiotico Apostolorum stylo loquentes, si velim, in medium adducere. Unum hîc, omnium vice, audiamus *Eusebium*, Hist. Eccles. Lib. III. c. 24. ubi ita de Apostolis: ὁ βίον ἁκρῶς κεκαθαρμένοι, καὶ ὀρετῇ πάσης τὰς ψυχὰς κεκοσμημένοι, ἃ δὲ γλῶτταν ἸΔΙΩΤΕΤΟΝΤΕΣ, τῇ γε μὲν πρὸς τὸ σωτῆρ^Θ αὐτοῖς λεδωρημένη θεία καὶ ὡθεοδοξοποιῶ Δυνάμει παρσύντες, τὸ μὲν ἐν καινοίᾳ καὶ τέχνῃ λόγων τὸ δὲ Διδασκάλε μαθήματα πρεσβύειν ἔτε ἤδεσαν, ἔτε ἐνεχίρουν: interprete *H. Valesio*: cùm essent vitâ quidem ac moribus castigatissimi, & omnibus virtutibus ornati, sermone autem ipso rudes essent atque inculti; freti divina & mirificâ virtute ipsis à Servatore concessa, artificioso verborum ornatu magistri sui præcepta exponere neque noverant, neque item conabantur.

II. Hinc colligere est, non ex Rhetoribus esse explananda ejusmodi Scripta; si quæ

si quæ enim occurrunt fortè figuræ, aut si qui sunt tropi, ex calamo Scriptorum Sacrorum, de verborum delectu nequaquam cogitantium, sponte suâ fluxerunt. Toties in Artem Rhetoricam peccant, ut satis appareat, non ex ficta quadam modestia, ut nonnulli volunt, eos se *ιδίωτας λόγων* dixisse, sed ex rei conscientia. Quia & facile esset ostendere hoc contigisse, singulari providentiâ divinâ, ne viderentur inventores esse doctrinæ quam nunciabant. Cavendum etiam est ne quia alicubi, ut sensus constet, voci cuiquam tribuenda est significatio quædam, putemus inde Canonem confici posse, eâ voce apud Paulum, *exempli causâ*, hoc solere significari. Sic 1. Cor. XII, 12. hæc verba *ἡμεῖς καὶ ὁ Χριστός*, ut constet comparationis ratio, debent ita *ἐκ παραδειγματικῶς* explicari: *ita quoque se habet Ecclesia Christiana*. Attamen inde non poterit colligi, in stylo Pauli, solere quandoque *Χριστός* significare *Ecclesiam*; nec Paulus rogatus an ea vox id significaret, dixisset se eam potestatem illi voci subicere solitum esse. Est, nempe, *ἀκυρόν*, quod eo loco vitare noluit, uti nec innumera alia; non vero vox certo animi iudicio delecta.

12. Huiusmodi sermonem ut rectè ubique

que adsequamur, oportet nobis aliunde res, de quibus loquuntur Scriptores, esse notas, nosque scire quantum Scriptorum illorum cognitio patuerit; præter quam quòd nobis notam esse necesse est consuetudinem ejusmodi sermonis. Hæc autem subsidia cum nobis magna ex parte desint, non est sperandum singula quæque apud eos clarè posse intelligi. Generalis dumtaxat, & obscurior notio ut plurimum suppetit; in qua adquiescamus oportet, quando ulterius progredi non licet. Cum verò singulæ voces, aut loquutiones non sint delectæ datâ operâ, nec aliis certa de causa prælatæ; non sunt nimium urgendæ, neque subtilioribus confectariis vexandæ. Quod si fieret, inanes multæ ex Scholastica Theologia eliminarentur opinionēs, atque exitiilibus controversiis finis imponeretur.

CAPUT XII.

REGULA XI.

*Multa esse propter constructionem
ambigua.*

1. **N**ON uno loco, egimus de ambiguitatibus ex varia & incerta significatione vocum nascentibus; sed alia supersunt non minoris momenti, ex structura orationis manantes. Si votis emendari præterita possent, optarem constantiores homines fuisse, & uni constructioni, aut unum, aut quàm paucissimos saltem sensus attribuisse. Sed quoniam hic vota non modò in præterita, sed ne in futura quidem, vim ullam habent; nihil superest, nisi ut moneamus de ea ambiguitate Antiquitatis Studiosos. Ceterum sicuti in sermone hominis Regulas non attendentis, mistæ loquutiones occurrunt, quales Capite X. vidimus: ita & ex simili incuria, nata est structura ambiguitas.

2. Possemus ex variis Linguis multa exempla congerere, & præsertim ex Latina.

tina, ambiguae constructionis. Sed unicum proferemus, quod ad plerasque Linguas pertinet, & latissime patet. Id petitum est ex conjunctione duorum Substantivorum, quorum alterum est in Genitivo, quâ constructione plerasque Relationes significamus; quarum aliquot partim aliis observatas, partim intactas recensebimus.

3. Genitivo ergo exprimitur *Relatio Totius ad Partem*; ut in hisce loquutionibus, *Caput Ecclesiæ, Fundamenta aut Columniæ Ecclesiæ*. In prima loquutione, Ecclesia quasi corpus humanum consideratur, cujus membrum est caput, licet præcipuum. In duabus reliquis, Ecclesia, ædificio confertur, cujus partes sunt Columnæ & Fundamenta.

4. *Partis ad Totum*, ut *Corpus Christi*, cum de Ecclesia dicitur, nam Christus est pars, nempe, caput; quod cum reliquis membris conficit totum illud Corpus, quod Ecclesia vocatur. Observandum tamen in ea phrasi interdum *Corpus* non pro integra Ecclesia, sed pro ejus, ut ita dicam, trunco, prout distinguitur à Christo capite, ἀντὶ τοῦ κεφαλῆς sumi; quo loco Genitivus designat *Relationem partis ad partem*. Ita sumitur ad Coloss. I, 24.

ὡς ἔρ ὁ σῶματ' αὐτοῦ *pro corpore ejus*, ubi corpus vocantur Christiani, excluso Christo.

5. *Partis ad Partem*, ut *membrum Christi*, nam Christus est pars corporis, cujus sunt membra Christiani. Ita Paulus prioris ad Corinth. VI, 15. *An nescitis*, inquit, *corpora vestra esse membra Christi?* Novi equidem eruditos viros hîc voce *Christi* intelligere Ecclesiam, sed ea interpretatio durior est.

6. *Subjecti ad accidens*, vel *attributum*; ut 1 Cor. I, 21. *μαρπία ὁ κηρύγματ'*, *stultitia prædicationis*, est stulta prædication, seu quæ hominibus stulta videtur. Gal. IV, 4. *πλήρωμα ὁ χρόνος*, *complementum temporis*, est tempus impletum. Ephes. IV, 29. *οἰκοδομὴ χρείας*, *ædificatio usus*, est *usus ædificans*.

7. *Vice versâ*, *Accidentis ad subjectum*. Proverb. XXIX, 8. *virî derisionis*, sunt homines derisores. Esai. LII, 1. *urbs sanctitatis* est urbs sancta. Judæ commate 18. *ἡμιθυμίας τ' ἀσεβειῶν* sunt *cupiditates impia*. Latini sic passim dicunt *virum bona indolis*, &c.

8. *Causa efficientis ad effectum*, ut *Æneis Virgili*, *Orationes Ciceronis*, &c. Esd. I, 7. *Facultas Cyri Regis Persarum*, est *facul-*

cultas à Cyro, Persarum Rege, concessa. Esai. LIV, 13. לְמוֹדֵי אֱלֹהִים *limmoude elohim*, διδακτοὶ ἔσονται θεοῦ, quæ loquutio etiam occurrit Joan. VI, 45. dicuntur edoceri à Deo. Matth. XXV, 34. ἀλογομῆδοι ἔσονται πατρός sunt *benedicti à patre*.

9. *Effectus ad Causam*, ut Creator mundi. Luc. I, 69. Κέρας σωτηρίας est cornu, seu potentia salutem afferens. Rom. V, 18. δικαιοσύνη ζωῆς est justitia quæ vitam parit. In eadem Epistola, Cap. XV, 5. *Deus consolationis & patientiæ*, dicitur Deus qui utramque creat. *Anacharsis* oleum μανίας φάρμακον vocabat, quod eo uncti Athletæ insanorum instar in amicos pugnarent, auctore *Diogene Laërtio* Lib. I. §. 104. Nisi nota esset occasio, quâ eâ voce usus est Scytharum sapientissimus, nemo non crederet *insaniæ remedium* verendum, non *pharmacum*, quo ad *insaniam* adigerentur. Sic, apud *Lucianum* ἐν μακροβίοις, dicitur panis hordeaceus haberi ὀξύδερκίης φάρμακον, apud *Chaldaeos*, *medicamentum* quo perspicaciores fiunt, non quo dematur perspicacia. At contrario sensu *Sotioni*, apud *Stobæum* Serm. CXIII. ὀξυμυθία, *alloquium*, dicitur φάρμακον ἀνίας μέγιστον, *maximum tristitiæ remedium*.

10. *Causa finalis ad effectum* ; ut oves *maclationis*, *πρόβατα σφαγῆς*, Plal. XLIV, 23. Rom. VIII, 36 sunt oves ad maclandum destinatae. Ita & Matth. II, 8. ἀσποὺ αἰνῆς, ubi sermo est de Christo Judæorum Rege, est stella eo fine in cœlo accensa, ut significaret eum esse natum. *Virgilius* similiter dixit, Ecl. IX, 47.

Ecce Dionai processit Caesaris astrum;

hoc est, stella in eum finem lucens, ut honori Cæsaris consuleretur.

11. *Objecti ad rem quæ in id fertur* ; ut Matth. X, 1. ἐξουσία τῆ πνεύματων *potestas spirituum*, id est, in spiritus agendi. Luc. VI, 12. occurrunt hæc verba: Ὁ *pernoctavit Jesus ἐν τῇ προσευχῇ τῷ Θεῷ*, in oratione Dei ; hoc est, in precibus ad Deum fusis. Act. IV, 9. *ἡ εὐεργεσία ἀνθρώπου ἀδερῆς* est beneficium in hominem infirmum collatum. Marci XI, 22. *Fides Dei* est fides in Deum, Act. III, 16. *Fides nominis Jesu* est fides in Jesum. Rom. III, 22. *Fides Jesu Christi* eadem dicitur animi affectio, ut & *Fides filii Dei* Gal. II, 20. Apud *Josephum* Lib. Ant. Jud. XVI. c. 12. *Ἀπολαὶ νεανίσκου*, sunt calumnia contra adolescentem, quod *Gelenium* fugit. Postest

test huic Genitivi significationi addi ea, quâ designatur relatio objecti ad actiones mentis, ut *meditatio mortis*, *cogitatio belli*, &c. Plura ejusmodi exempla existant apud *J. F. Gronovium* ad *Livii* Lib. XXIV. c. 26. Sic *virtus ulmorum*, apud *Plautum*, *Afinariæ* Act. III. S. 2. est pro constantia in tolerandis ulmeis virgis

12. *Rei, quæ objectum spectat, ad objectum*; ut *Rom. XV, 13. Θεὸς ἐλπίδος*, *Deus spei* dicitur, in quo spes collocata est. Ad superiorem & ad hanc significationem Genitivi pertinet animadversio *A. Gellii* Lib. IX. c. 12. *Metus æquè & injuria, atque alia quadam idgenus, utroque versum dici possunt. Nam metus hostium rectè dicitur & cùm timent hostes, & cùm timentur. Itaque Sallustius, Historiâ primâ, metum Pompeji dixit, non quòd Pompejus metueret, quod est usitatus, sed quòd metueretur. Verba hæc Sallustii sunt: Id bellum excitabat metus Pompeji victoris Hiemsalem in regnum restituentis; Item alio in loco: postquàm remoto metu Punico, similitudines exercere vacuum fuit. Injurias itidem dicimus tam illorum qui patiuntur, quàm qui faciunt, quarum dictionum exempla sunt facilia inventu. Illud etiam dictum à Virgilio eandem habet formam communi-*

cata ultrò & citrò significationis :

Et vulnere, *inquit*, tardus Ulyxi Cùm diceret vulnus non quod accepisset Ulyxes, sed quod dedisset.

13. *Materia ad rem quæ eâ constat ; ut vas auri. Ita sumuntur tunica pellis Gen. III, 21. Arca lignorum Gopher Gen. VI, 14. & similia passim.*

14. *Possessoris ad rem possessam ; ut pecus Melibœi, & innumera alia. 2. Sam. XII, 8. Dedi tibi domum Domini tui, & uxores Domini tui, hoc est, quas possederat Dominus tuus. Huc etiam referri potest ambiguitas, quæ occurrit in titulo Ethicorum Nicomacheorum Aristotelis ; cùm enim Ἡ Σινὰ Νικομαχεῖα significare possint Ethica à Nicomacho scripta, æquè ac ad Nicomachum, plurimi ea Nicomacho Aristotelis filio tribuerunt, inter quos Cicero Lib. V. de Finibus, c. 5. Teneamus Aristotelem & ejus filium Nicomachum, cujus accurate scripti de moribus libri dicuntur illi quidem esse Aristotelis, sed non video cur non potuerit patri similis esse filius. Fuit & aliud opus Aristotelis inscriptum Τέχνη Θεωρητικῆ, quod similem peperit errorem, Quintilianus Lib. II. Cap. 15. Non dissentit Theodectes, siue ipsius id opus sit, quod de Rhetorica nomine ejus inscribitur ; siue, ut*

cre-

creditum est, Aristotelis. Valerius Max. Lib. VIII. c. 14, 3. Aristoteles Theodecti discipulo Oratoriæ artis libros, quos ederet, donauerat; molestèque postea ferens titulum eorum sic alii celsisse; proprio volumine, quibusdam rebus insistens planius sibi de his in Theodectis libris dictum esse adjecit.

15. Contenti ad continens; ut ἀλάβαστρον μύρου, vas unguenti, Matth. XXVI, 7. aula auri, apud Plautum Aulul. Act. IV. S. 10.

16. Individui ad speciem; ut fluvius Rhodani, oppidum Lugduni; ad quam phrasin etiam referendum monstrum hominis, hoc est, homo inter monstra recensendus.

17. Jussoris ad rem jussam; ut opera Dei, Joan. VI, 28. licet Grotius interpretetur opera grata Deo. Ita Rom. I, 17. δικαιοσύνη Θεῷ est justitia à Deo præcepta, non verò quæ à Deo efficitur, & ut Dei opus Deo placet, uti habet idem vir summus. Paulus ait vers. 16. se non erubescere Evangelium, cum sit virtus Dei in salutem omni credenti, Judæo primum, dein Græco, & postea subdit: Justitia enim Dei in eo revelatur; hoc est, justa præcepta Dei, justæ leges à Deo latæ: ex fide, in fidem; id est, quâ cognitâ, Judæi ex fide

fide quam habebant Prophetis , atque Ethnici majoribus suis , transferuntur ad fidem habendam Christo. Ita etiam sumitur Rom. III, 22, 23. & Jacob. I, 20. Atque inde , per translationem , obsequium justæ Legi divinæ præstitum significat, 2. Cor. V, 21. & 2. Pet. I, 1. Si quis miretur ita nos hæc interpretari , meminerit frequentissimæ loquutionis, *præcepta Dei*; quâ aliud nihil significatur, nisi *præcepta à Deo hominibus tradita*.

18. *Similitudinis rei alicujus cum alia*; ut Esa. I, 10. *Ductores Sodomæ*, sunt proceres Sodomitis similes , & *populus Gomorræ*, est plebs similis Gomorrensi. Jerem. XXII, 19. *sepultura asini*, est ei similis quâ sepeliuntur asini. *Signum Jonæ Prophetæ* est ei simile quod Jonæ contigerat, Luc. XI, 29. & alibi.

19. *Affinitatis aut Consanguinitatis*; ut Matth. I, 5. ἡ ὁὐραία uxor Uriæ, & apud Virgilium, *Hæctoris Andromache*. Plerumque , apud Græcos , in Genitivo ponitur parentum nomen, ut Πλάτων Ἀρίστωνος *Plato Aristonis filius*. Quamquam in eo non sunt constantes, etenim Ἀπολλόδωρος Ἀσκληπιάδης non modò *filius Asclepiada* explicari, sed etiam *pater, discipulus, amicus* verti potest; qua de causa, inter
eru-

eruditos non satis constat quæ conjunctio Apollodoro cum Asclepiade intercesserit; quæ de re videndus vir doctus Th. Gale, in Dissertatione Apollodori Bibliothecæ præfixa.

20. Genitivus rei affinis intendit, apud Hebræos, *significationem*, ut Ezech. XXXIX, 4. *volucres avium*, sunt omnis generis aves. 2. Pet. II. 17. & Jud. vers. 13. ζόφος ὁ σκοτός *caligo tenebrarum* significat densissimas tenebras. Vide & Ephes. VI, 10. & summi viri Hug. Grotii ad eum locum adnotata. Apud eosdem Hebræos, sæpe idem substantivum repetitur, ut *vanitas vanitatum*, *canticum canticorum*, *sanctitas sanctitatum*; quibus summus gradus vanitatis, excellentia summa cantici & sanctitatis significatur. Apud eosdem, *Deorum Deus* est summus Deorum, seu eorum omnium, qui Dii vocantur; quem Platonici ἀληθεία Θεὸν vocant, quod sit excellentiori modo Deus quàm alii, ut vidimus Cap. III.

21. Observare est etiam, hoc in loco, per hypallagen transponi substantiva, adeò ut id in genitivo sit quod in nominativo esse debuit. Ita Ezech. XXI, 30, 34. *Iniquitas termini* occurrit, ἀνὴρ ὁ terminus *iniquitatis*, hoc est, dies, quæ ini-

316 ARTIS CRITICÆ P. II. S. I. C. XII.
 iniquitatē præstitutā , impios Deus ultu-
 rus erat. Rom. IX , 21. νόμος δικαιοσύ-
 νης est pro *justitia legis* , ut apparet ex
 oppositione antecedentis versūs , ubi di-
 cuntur Gentes , *quæ non sectabantur ju-
 stitiam , eam consequutæ* , cū Judæi qui
 sectabantur *justitiam legis , eam adsequuti
 non sint*. Apoc. XXI , 24. ἔθνη τὸ σωζο-
 μένων , sunt *σολόμενοι τὸ ἐθνῶν servati ex
 Gentibus*.

22. Interdum & adjectiva loco sub-
 stantivorum genitivum regunt , ut Prov.
 XIV , 1. *Sapientes mulierum* , pro *sapien-
 tibus mulieribus* , & apud Poëtas Græcos ,
 δῖα θεῶν *divina Dearum* , pro *eximia
 Dea*. Ejusmodi plurima sunt , apud
 Græcos , Hebræos , & Latinos.

23. Animadvertendum præterea est
 pronomina possessiva , loco horum geni-
 tivorum , passim poni. Ita Gen. XVI ,
 5. Sara loquitur de injuria , quā ab Ha-
 gara affecta fuerat : חמסי עליך *hhamasi ha-
 lecha* , *injuria mea super te* , hoc est , in-
 juria , quæ mihi fit , ad te etiam perti-
 net. Quam constructionem cū ad ani-
 mum non revocarent oi LXX. Vulgatus
 & tres Chaldæi Intt. sensum loci non ad-
 sequuti sunt , qui tamen facillimus est.
 Itaque quæcumque dicta sunt de sub-
 stan-

stantiis in genitivo casu, intelligi debent & de Pronominibus Possessivis, quæ proinde memoratas relationes significant.

24. Hinc quantæ nascantur ambiguitates, ubi res ejusmodi phrasi expressa aliunde nota non est, facile est intellectui; præsertim accedente æstu controversiarum, quo omnia obscurantur. Ita quaesitum, inter Theologos, quid significant Colos. I, 24. τὰ ὑπερήματα τῶν θλίψεων ἃς ἔλαβεν, & alii quidem contendunt, illa *supplementa perpeffionum Christi* esse satisfactiones nescio quas Sanctorum; alii verò calamitates piorum, quæ Christo, qui in iis quasi in membris suis patitur, tribuantur. Cum controversiâ de humanis satisfactionibus natâ, hic locus vexaretur, neutri videntur sensum ejus adsequuti. Primum ergo θλίψεις ἔλαβεν erant *afflictiones*, ad quas Christus Paulum Act. IX, 16. parare se voluit, nominis sui causâ ferendas. Itaque hic Genitivus designat *causam finalem*. Secundò ὑπερήματα sunt quæ Paulo, præter ea quæ jam passus fuerat, supererant ferenda ad mortem usque; hoc est, quæ tulit, ex quo primum in vincula conjectus Romam abductus est. Deinde εἰντανανημέρων, quo verbo hic utitur Paulus,

318 ARTIS CRITICÆ P. II. S. I. C. XII.
 lus, significat *vicissim* nunc Christi causâ
 patior: quemadmodum similia olim pati
 coegeram (est ea vis præpositionis *ἀντὶ*)
 alios, quos malè habebam.

25. Alia haud absimilis existit con-
 troversia inter Eruditos, de sensu phra-
 seos *justitia Dei*, quæ occurrit Rom. I,
 17. Alii volunt *justitiam Christi*, qui cum
 Patre *Deus est*, quæ nobis quasi nostrâ
 imputetur, intelligi; ut opponatur justi-
 tiæ hominum, quæ sita sit in observatio-
 ne Legis per homines præstita. Alii ju-
 stitiam *quæ à Deo efficitur*, & ut Dei opus
 Deo placet. Alii benignam illam Oeco-
 nomiam, quâ Deus acceptos habet ac
 remuneratur, quicumque fidem ac præ-
 cepta Christi amplectuntur. Alii justifi-
 cationem, quæ à Deo proficitur, per
 fidem in Christum. Alii in præstandis
 promissis Dei fidem. Alii justitiam in
 puniendo sitam; & quid non? Quæ in-
 terpretationes ita pleræque à suis auctori-
 bus defenduntur, ut fermè æquè verifi-
 miles sint, nec quam, ceteris missis
 amplecti te oporteat satis liqueat. At-
 que hoc oritur ex ambiguitate constru-
 ctionis.

CA-

CAPUT XIII.

REGULA XII.

Ut probè intelligatur Scriptor quivis, consuetudines, & opiniones popularium ejus esse tenendas.

I. **A**NTEA sæpius observavimus, ubi verba Scriptoris cujuscumque sunt ambigua, nisi aliunde nota sit ejus sententia, vix ea posse intelligi; si agatur res, quæ non fuerit semper omnibus æquè perspecta. Nunc rem, quia majoris est momenti, pluribus persequemur.

2. Scriptores quidem, qui suæ ætatis, suæque Gentis historiam scribunt, rarò ejus exponunt opiniones & consuetudines; sed ad eas passim non modò clarè, sed etiam obscurè alludunt, & loquutionibus utuntur inde natis. Res adeò nota est, ut neque argumentis, neque exemplis indigeat; cum, vel aperto quovis Veteris Scriptoris Interprete, affatim se se sint præbitura. Monendum tamen duximus, ne omisisse videremur; & eadem
de

320 ARTIS CRITICÆ P. II. S. I. C. XIII.
de causa, unicum proferemus exem-
plum.

3. Notum est Paulum * sæpe ad Græcorum ludos alludere; nulli tamen Interpreti, quem norim, observatum est Apostolum Rom. IX, 16. eò respicere, ubi dicit: *Non est volentis, neque currentis, sed Dei miserantis.* Nempe, in ludis, ubi cursu certabatur, præmium non erat *volentis*, sed celerius aliis *currentis*; at sunt quædam, quæ neque sunt *volentis*, neque *currentis*, hoc est, nitentis, quia ab industria humana non pendent; quod videtur παροϊμιῶδες dictum de iis omnibus, quæ ne conatu quidem adsequi datur. Hoc comprobatur versiculo incerti Poëtæ, qui in * Grotianis Excerptis exstat:

Ἀνὴρ ἀβελῶς εἰς κενὸν μοχθεῖ τέχων.

Vir inconsultus frustra laborat currens.

Fertur & dictum παροϊμιῶδες, de iis qui conantur aliquid obtinere, sed non iis artibus quibus par est: Καλῶς μὴ τέχων, ἀλλ' ἐνωπὸς τ' ὁδῷ: *bene currunt, sed extra viam.* Vult ergo Paulus, Judæos, licet maxime

* Vid. 1. Cor. IX, 24. Gal. V, 7. Coloss. II, 18.

† Pag. 927.

mè vellent esse populus Dei, & tales soli haberi niterentur; cupiditate, aut conatu non adsequuturos quod quærebant; quia respondet ex arbitratu Dei, qui solus in populi sui jura, quoscumque vult, adlegere potest.

4. Ex eadem origine orta est phrasis, apud optimos Scriptores non infrequens, *τρέχειν περὶ ἑαυτὸν, περὶ ψυχῆς*, & plenius *τρέχειν κινδύνον ὑπὲρ τῆς ψυχῆς*, *currere periculum pro anima*; manifesta enim est ad ludos allusio, de qua tamen si quis dubitaret, posset pertinaciâ suâ depelli, exemplo prolato ex *Dionysio Halicarnasseo*, qui dixit *ὑπὲρ τῆς ψυχῆς ἀγωνία τρέχειν*, *certamen currere de anima*. Phraseos hujusce exempla congesse *Desiderius Erasmus* in Proverbiis, ad vocem *Discrimen*, * *Gulielmus Budæus* in *Comment. Græcæ Linguz*, & *Æmilius Portus* in *Lexico Ionico*, ex quibus peti poterunt.

5. Quod dixi modò §. 2. de Consuetudinibus, id de Opinionibus quoque dicendum; ad quas & clarè & subobscurè passim alluditur, & ex quibus etiam variz loquendi formulæ desumptæ sunt, ut omnibus notum est. Nec opus est ea de

Tom. I. *X* *re*

Page. 968. Ad. R. Stephani.

re quidquam afferri, præter ea quæ diximus P. I. C. I. §. 3.

6. Verum hic aliud observandum, quod ita tritum non est; nec tamen cuius est, in hoc negotio, momenti. Nempe, quivis Scriptores solent opiniones eorum, de quibus loquuntur, & res gestas exprimere, verbis & phrasibus Scriptorum ipsorum ævo usitatis & apud Gentem, cujus Linguâ utuntur, receptis; nullâ sæpe habitâ ratione sermonis eorum, de quibus scribunt. Nisi hoc ad animum revocemus, phrascs variarum Gentium, & diversorum seculorum confunderemus; dein etiam facile opinionem Scriptorum iis tribueremus, quorum scripserunt historiam, & qui eadem fortè non senserunt.

7. Moses in Libro Genesios, ubique utitur nomine Dei Hebræorum *Jehovah*, vel potius *Jahvah*; seu ipse aliquid narret, seu inducat Deum loquentem; licet Deus id nominis non gesserit, ante Moysis tempora, ut liquet ex Exod. III, 15; ubi vide quæ notavimus. Imò etiam, quando de Ethnais loquitur, eodem modo rem exprimit, ac si sermo de Hebræis esset. Ita xxxix. 21 de Potipharo Ægyptio: *Et Dominus ejus vidit Jahvoh esse cum illo*

Genes. III. C. 13. (scm-

(nempe, Josepho) *Et omnia quæ gereret ab eo secundari.* Unde non sequitur à Potiphiare agnitum Josephi Deum, sed tantum Scriptorem Hebræum de homine Ethnico, Hebraicâ loquendi formulâ, verba fecisse.

8. Similiter 1. Samuel. xxix, 6. *Achis Philisthæorum Rex inducitur jurans per Jahvoh*, more Hebræo. Quæ de re hæc, quæ huc transferantur digna, notavit * *Lud. Cappellus*: „Videtur potius jurasse „per nomen Dei alicujus Philisthæorum, „quæ jurandi ratio & formula, cum tam „sancta Philisthæis esset, quàm erat Judæis ista, *Vivit Jehovah*; inducitur „propterea, in historica narratione, quæ „si usus esset istâ formulâ. Sic si quis „vellet stylo Terentiano, aut Plautino, „hoc est, merè Latino, Comœdiam scribere, „cujus argumentum esset Historia aliqua sacra Abrahami, Isaaci, Jacobi „aut aliorum Vet. Testamenti Patriarcharum, „si viros illos induceret jurantes „*Meeastor*, *Ædepal*, &c. non hoc vellet „significare viros illos sanctos, aut usos „esse vocibus illis, aut per Deos illos „profanos Ethnicorum jurasse; sed hoc „dumtaxat vellet, usos eos fuisse jureju-

X 2

„rando

* *Not. Crit. in Exod. VI. 2.*

„rando communi inter Judæos tunc
temporis, quæta fuerunt ista inter La-
tinos.

9. *Tacitus Hist. IV. c. 81.* narrat duos
egros monitu *Serapidis Dei* Vespasianum
adiisse, cum Alexandria moraretur, ut
ab eo curarentur; quod quomodo fa-
ctum fuerit ubi narravit, ait se originem
Dei Scriptoribus Romanis nondum cele-
bratam ostensurum. Inde narrat quomo-
do *Ptolomeus Lagi* statuam illius Dei ex
agro Sinopenfi, ad Pontum Euxinum;
advehi in Ægyptum curaverit, templum-
que ei extruxerit, loco ubi fuerat *Sera-
pidis & Ifidis* Sacellum. Igitur quod ini-
tio hunc Deum *Serapidem* vocavit, id fe-
cit more ejus temporis Ægyptiorum, qui
antiqui apud se Numinis nomen impo-
suerant ignoto hæctenus in Ægypto Deo;
& qui, diu postquam Serapis apud eos
colebatur, eò advectus fuerat. Si more
Græco loquutus esset, ei Numinis Græ-
ci nomen imposuisset; nec deerant qui
ita loquerentur: *Deum*, inquit, * *ipsum*
multi Æsculapium, quod medeatur corpori-
bus aegris; plerique *Jovem*, ut rerum omnium
potentem; plurimi *Ditem Patrem*, insigni-
bus quæ in eo manifesta, aut per ambages
conjectant.

10. Idem

* *Ibid. c. 48.*

10. Idem Scriptor Hist. Lib. V. c. 5: dicit Judæos unum Numen intelligere, summum illud & æternum, & idque mutabile, & verque interitum; mox oblitus unitatis Dei Templum Judæorum incolentis, more Romano narrat, c. 13: expaffas repente delubri fores, & auditam majorem humanam vocem, excedere Deos, simul ingentem motum excedentium. Nempe, more gentili, de Judæorum Deo *αὐτὸν πᾶσι* loquutus est. Quia & Varro, ut prodidit Augustinus de Conf. Evang. Lib. I. c. 22. Deum Judæorum Jovem putavit. Quare autem? Quia, ut rectè conjicit Augustinus, nihil superius solent colere Romani, quàm Jovem, eumque Deorum omnium Regem arbitrantur; cum animadvertenter Judæos summum Deum colere, nihil aliud potuit suspicari quàm Jovem.

11. Germaniæ Cap. IX. describit veterum Germanorum Religionem: & Deorum, inquit, maxime MERCURIUM colunt, cui certis diebus humanis quoque hostiis litari fas habent. HERCULEM ac MARTEM concessis animalibus placant, pars Sævorum & ISIDI sacrificat. Incautus Lector facile crederet, hisce animadvertis, Germanos eosdem Deos, ac quos Græci colebant, habuisse; qui si nomi-

325 ARTIS GRÆCÆ P. II. S. I. C. XIII.
 nibus quidem differrent, constituisse ta-
 men eadem fuisse Numina. Sed in eò-
 dem Opere, idem Tacitus testatur Ger-
 manos aliis nominibus usos, nec cum vi-
 cinis ulla habuisse commercia, aut exi-
 gua; nedum ut haberent cum Græcis, à
 quibus proinde Religionem accipere non
 potuerant. Itaque memoratos Deos à
 Germanis cultos intelligendum est, *inter-
 pretatione Romanâ* *, ut sibi loquitur Ta-
 citus, de Suevorum Religione verba fa-
 ciens: Deos, inquit, *interpretatione Ro-
 manâ, Castorem & Pollucem memorans*;
 hoc est, Deos quosdam, quos Romani
 judicant eosdem esse, ac Castorem &
 Pollucem.

12. Si quis quasiverit, unde nasce-
 rentur ex Romanorum interpretationes,
 sciat oportet Ethnicos confudisse Deos
 Regionum peculiâres cum Diis Universis;
 ideòque facile credidisse, quos ipsi in
 patria colebant, eosdem cum aliarum
 Gentium præcipuis Diis, licet nomina
 non convenirent; quam in opinionem
 delabebantur facilius, si viderent statuas
 habere quid simile, aut non absimilia,
 aliqua ex parte, de utrisque Diis narra-
 ri. Tacitus, eodem in Libro, c. IX.
 post-

* *Ibid.* c. 43.

postquam dicit à Suevis Idoli sacra fieri;
subiecit: unde causa. Et origo petroglyphi Sa-
cro parum comperi, nisi quod signum ipsius
in modum Libarum figuratum docet ultectam
Religionem. Cicero de Nat. Deorum Lib.
I. n. 81. Jovem, Junonem, Minervam,
Neptunum, Vulcanum, Apollinem, reli-
quos Deos et facie nominis, quâ pietas,
fidelitatemque voluerunt; neque solum facie, sed
etiam ornatu, aetate, atque vestitu. An
non Aegyptii, nec Syri, nec cuncta ferè bar-
baria. Hinc tamen Numen idem esse ad
Iidem iudicatum, quod Idoli sacra
esse narrantur. Simili de causa, Herculem
à Germanis cultum existimarunt Roma-
ni, * eodem Tacito auctore, cuius hæc
verba sunt de locis ad Septentrionalem
Oceanum sitis: Ipsius quæ etiam Oceanum
illa tentavimus, et superesse aditus Her-
culis columnas fama vulgavit; siue aditus Her-
cules, seu quicquid ubique magnificum est,
in claritatem ejus referre consuevit. Quæ
in memoriâ revocant quod de Schah-
Abba, Persarum Rege, narrat P. Valle-
ss, in Itiner. Ep. IV. Ferhabado dard,
cujus Italica verba sic Latine sonant:
; Is arbat solum Alm, apud Christianos
; etiam, sanctum haberi, eundemque
nomen

X 4

„esse

* Ibid. c. 34.

» esse quem Hispani *Sanctum Jacobum*,
 » vocitarent, aut quem alii Christiani
 » *Sanctum Gregorium* appellare solerent.
 » Gladium enim, quem Equites S. Ja-
 » robi è collo pendentem gererent, esse
 » invictum illum *Alis* gladium; eos verò,
 » apud quos S. *Georgius* diceretur, eum
 » pingere similiter armatum gladio & lan-
 » ceâ, & eum equo pugnasse, stre-
 » nuumque militem fuisse narrare. Ex
 levibus indiciis, vir ceteroqui callidus
 iudicium ineptum de re incomperta fere-
 bat; sed non ineptius, ac quæ de Nu-
 minibus alienis solebant ferre Græci &
 Romani.

13. Quia, apud Græcos, Deorum
 summus Ζεύς vocabatur, ideò Græcorum
 Historici, ubi loquuntur de Numine,
 quod apud aliam Gentem summum ha-
 bebatur, id etiam Δία vocant. Ita * *He-
 rodotus* postquam dixit à Persis neque sta-
 tuas, neque templa, neque aras Diis
 consecrari, quòd non crederent eos ἀν-
 θρωποφυέας, uti Græci, subijcit: οἱ γὰρ νο-
 μίζουσι Διὶ μὲν, ὅτι τὰ ὑψηλότετα τῶν ἑρῶν
 αἰναβαίνοντες θυσιάς ἔρδειν, καὶ κύκλον πάντας
 τῶν ἑρῶν Διὶ καλέοντες: JOVI solent sa-
 cræ facere in altissima montium adscendentes,
 ambitum

* Lib. I. 31.

ambitum omnem cæli JOVEM vocantes. Nemo non crediderit, his lectis, Persas eodem nomine summum Numen appellasse, quo Græci utebantur; nisi aliunde notum esset Linguam Persicam nihil habuisse commune cum Græca, Persarumque ac Græcorum mores fuisse planè diversos, ut apparet etiam ex ipso *Herodoto*. Similiter Deum Babyloniorum summum * vocat Δία Βῆλον *Jovem Belum*, nomine Chaldaico, quasi cognomine Διὸς intellecto; cum Βῆλ sit ܒܝܠ *Beel* Chaldaicè, id est, *Dominus*, quod fuit Dei vocabulum, ut ܐܕܢ *Adonis* apud Phœnicias.

14. Idem Scriptor Lib. II. ubi Ægyptiorum Religionem describit, eorum Deos nominibus Græcis vocitat, cum debuisset Ægyptiaca edere; ea tantum de causa, quòd ex quibusdam indiciis conjectaret eosdem esse Deos, qui iis vocabulis in Græcia appellabantur. Idem facit & *Diodorus* † *Siculus* & Scriptor elegantissimi libelli, qui inter opera *Luxuriani* exstat, de *Dea Syria*. Barbara Nomina Græcis vocabulis afficiunt, quòd conjicerent eadem esse ac Græca, ex similitudine *Historiæ*, *Statuæ*, *sacrorum*,
aut

* *Ibid.* G. CLXXI. † *Biblioth. Lib. I.*

336 ARTIS CRITICÆ P. II. S. I. C. XIII.
 aut Templi. At, ut verbis *Geronis* utar,
 de N. D. Lib. I. n. 84. quot hominum lin-
 guæ, tot nomina Deorum. Non enim ut ex
Velleius (*Epicurei* nomen est, quem *Stoi-*
cus *Cotta* illic alloquitur & confutat) qua-
 cumque veneris : sic idem in Italia *Vulca-*
nus, idem in Africa, idem in Hispa-
 nia.

15. Quin etiam hodierni Scriptorum Chri-
 stiani, qui Asiæ aut Americæ superstitiones
 tradunt, more Christiano de iis pas-
 sim imprudentes loquuntur. Exempli
 causâ, ajunt à plurimis coli DIABOLUM,
 quod parum cautos Lectores fallit; dum
 persuadet eos populos, de Spiritibus qui-
 busdam in Creatorem rebellibus, eadem
 ac nos sentire; quod verum non est. At-
 tentè enim legenti Recentiorum Asiaticâ
 Itinera, eâque cum Veterum narrationi-
 bus conferenti, liquebit plurimas Asiæ
 Gentes hanc etiamnum fovere opinionem,
 quæ Persarum, & Babyloniorum olim
 fuit. Credebant, nempe, duo esse Prin-
 cipia, unum Bonum, alterum Malum,
 utrumque summum ac æternum. * Prius
 vocabant Chaldaei אורמזד *Ormazde*, id
 est, lucem fulgentem, adorabantque im-
 mensâ nec circumfusa. Postea hunc
 pel-

* Vide Plutarchum in Lib. de Iside & Osiride.

pellabant *noiv Arimam*, id est, *hostem hominum*, aut *astutum* illudque ne noceret colebant.

16. Scriptores Latini, simili consuetudine, ubi de aliorum rebus gestis loquuntur, munera aliarum *Retumplicarum* nominibus Romanis *peculiaribus* appellant. *M. Cato in Originibus*, *Annibalem Dictatorem Carthaginensium* vocaverat, ut apparet ex *Gellio Lib. X, 24. Justinus Lib. XIX, 1. Hasdrubalem Dictatorem undecim & triumphis quatuor* ait fuisse insignem. Idem *Annibalem* vocat *Carthaginis Consulem*, *Lib. XXXII. 2.* ad quem locum adendum *Jac. Bongarsius*; qui ex ejusmodi loquutionibus perperam collegit, apud Carthaginenses, similes Magistratus fuisse ac apud Romanos; cum nihil inde colligi possit, nisi, propter levem fortè similitudinem, nomina Romanorum munerum Poenis Magistratibus fuisse attributa. Sanè apparet ex *Livio Dictatorem Poenum* non fuisse tantæ auctoritatis ac Romanum, ex *Lib. XXIII, 13.* ubi dicit *Dictatorem* missum esse cum *Magone* in *Hispaniam*, ad conducendos milites. Idem testatur *Lib. XXX. 7.* *Carthagine Suffetes velut Consulare imperium fuisse.* Hi autem vocantur *binī Reges à*
Cor-

Cornelio Nepote, in *Annibale*; licet id quod apud Latinos voce *Rex* significatur, ignotum esset apud Carthaginienses, quorum *Respublica Democratico-aristocratica* fuit; ut facile ostenderemus, si res esset hujus loci.

17. Sunt igitur accuratè distinguendæ res ipsæ à stylo Historicorum; qui loquutionibus sui ævi, aut suæ Gentis describunt res gestas, aut opiniones temporum & populorum, quorum sermo ac dogmata diversa planè fuere. Neque temerè ducenda sunt consuetudina ex stylo Scriptoris, de re prisca, aut ad aliam Gentem pertinente, loquentis; quasi ii, de quibus loquitur, aut eodem modo mentem suam expressissent, aut easdem potestates subjecissent vocabulis, quibus uti solebant.

18. Optandum quidem fuisset Historicos hæc communioribus expressisse verbis, non iis quæ fuerunt ita propria popularibus suis, ut similibus aliæ Gentes carerent; quale est verbum *Jupiter*, aut *Zeus*, quod significat hominem in Græcia tantum notum, & qualia sunt plerumque Deorum Græciæ nomina. Sed quoniam factum id non est, Lectores oportet diligenter sibi cavere ab his in quos ejusmodi vocabula incertos con-

jiciunt; & si quid hodie scribere aggredimur, ita est loquendum, ut nullam errandi occasionem legentibus praebeamus.

CAPUT XIV.

REGULA XIII.

Diversas Sectas iisdem saepe usas esse vocabulis, ad diversa prorsus dogmata exprimenda; & easdem, servatis iisdem vocabulis, lapsu temporis, sententiam mutasse.

1. QUAM necessarium sit opiniones Scriptorum quos legimus scire, ut mentem eorum usquequaque intelligamus; etiam ex hoc intelligere est, quod homines, opinionibus planè diversis, saepe eodem utantur sermone. Si tunc ex uno, aut altero loco de sententia eorum iudicium ferremus, existimarem eos similia sensisse, qui nihil simile cogitant.

2. Paulus, exempli gratiâ, ita loquitur Act. XVII, 27. *Deus longè non est ab unoquoque nostrum, in ipso enim vivimus, & movemur, & sumus, &c.* Significat,

ut

ut Deum agnoscamus, non esse procul
quærenda potentia ejus specimina, quo-
niam ei quidquid circa nos atque in no-
bis est debemus. Idem Eph. IV, 30.
præter alia, monet Ephesios, *ne contri-
stent spiritum sanctum Dei, in quo signati
erant in diem redemptionis*; hoc est, ne pec-
catis suis efficerent ut, quod hospites of-
fensi solent, eos desereret Spiritus San-
ctus, quo veluti sigillo Deus eos ab aliis,
adservandos in diem judicii, seceverat.

3. At si quis, lectis dumtaxat verbis
Pauli, neque sensum satis attendens;
legat hæc verba *Seneca*, neque aliunde
norit Stoicorum placita, credet facile
ἐμὸδοξον hac in re fuisse Paulo Senecam:
* *Non sunt, inquit, ad cultum elevande
manus, nec exorandus aditus, ut nos ad
pures simulacri, quasi magis exaudiri possi-
mus, admittat; prope est ad te Deus, ta-
cum est, intus est. Ita dico, Lucili, SA-
CER. intra nos SPIRITUS sedet, ma-
lorum, bonorumque nostrorum observator et
custos; hic, prout à nobis tractatus est, ita
nos ipse tractat.*

4. Qui non legerit integram *Seneca*
Epistolam credet se legere potius verba
Christiani Apostolos imitari, quam Phi-
losophi

* Ep. XLI.

Iosephi Ethnici. Ipse *H. Grotius*, vir summus, at Stoïcorum Dogmatum parum memor, hæc non planè aliena à Paulinis iudicavit. At qui leget sequentia *Seneca*, videbit sacrum istum spiritum, quem intra nos esse dicitur, esse ipsum animum humanum, partem Animæ Mundi, seu Dei Stoïcorum, ac proinde ipsum Deum; quam Stoïcorum sententiam esse observavit rectè *Iust. Lipsius* in notis, & alibi etiam gravibus ostendit argumentis. Quod vel hæc verba *Seneca*, in eadem Epistola, satis probent: *Majore sui parte* (animus humanus) *illuc est, unde descendit. Quemadmodum radii solis contingunt quidem terram, sed ibi sunt unde mittuntur: sic animus magnus & sacer, & in hoc demissus, ut propius divina possamus, conversatur quidem nobiscum, sed hæret origini suæ. Illuc pendet, illuc spectat ac nititur, nostris tamquam melior interest. Quis est ergo hic? Animus, qui nullo bono nisi suo nititur.*

5. Hinc intelligere est, ut hoc obiter dicamus, non esse temerè conferenda Ethnicorum dicta, cum Sacrorum Scriptorum sermone; quandoquidem sæpe, ubi videntur eadem dicere, diversa proferunt. Atque hac in re passim peccavit

Joan-

Joannes Pricæus, qui immensam farraginem, etiam in rebus clavis, locorum Veterum Scriptorum, ad Novum Testamentum illustrandum, congeffit. Nec tamen *H. Grotius* ejus culpæ ubique prorsus immunis est, ut ex loco laudato satis liquet.

6. Videndum est prius quam diligentissime, quem sensum phrasibus suis subjecerint Scriptores Ethnici, quem Hebræi ac Christiani suis; quo demum peracto, possunt invicem conferri. Attentè rem expendenti constabit ab Ethnicis * mutuatos esse plurima Judæos, à Lagidarum & Seleucidarum temporibus, quâ occasione licebit utrorumque dicta comparare; ita tamen, ut alterius moniti memores semper simus; nempe, phrasès sæpe à primigenia significatione esse detortas, ab iis qui eas aliunde sumserunt, quod pluribus exemplis nobis illustrandum est.

7. Olim inter Christianorum familias, etiam in iis in quibus dissentiebant & confligebant acerrimè inter se, conveniebat tamen in eo quòd utraque contentium pars libenter loquutionibus Scripturæ uteretur, quasi iis sua egregiè

* Vide Tom. 3. Ep. 1x. hujus *Artis Criticæ*.

exprimeretur sententia. Cùm *Ariani* sententiam suam, de creata Christi Divinitate, optimè exprimi censerent verbis hiscæ Pauli, *πρωτότοκος πάσης κτίσεως*, *primogenitus omnis Creatura*: iisdem *Consubstantialistæ* haud illibenter utebantur, nec minùs contendebant τὸ συναϊδον iis significari. Idem hodie fit inter dissidentes Christianos, qui omnes pariter opiniones suas in Scripturis esse existimant.

8. Hæc exempla metum nobis injicere deberent, ne qua in re, licèt veterum Christianorum vocabula retinuerimus, ab eorum sententia nec-opini recesserimus; nedum ut, quia phrasibus iisdem utimur, ideò tantùm credamus nos cum illis per omnia consentire. Loquutiones ipsæ tot libris scriptæ, characteribùsque oculos percellentibus notatæ, magnam mutationem pati nequivere; sed cùm mentis notationes sensus non feriant, harum mutationes in hominum animis potuerunt esse maximæ, lapsu temporis; neque vocum ambiguarum solo subsidio, licet notionum variam sortem cognoscere.

9. Mutationes illæ notionum, servatis vocabulis, irrepere potissimùm potuere, ubi res quæ his significantur obscuræ sunt, vocèsque ambiguae. Exemplum profere-

Tom. I.

Y

mus

mus ex re maximi momenti, quæ olim Christianos divisit, hodièque lacerat, & ut sunt hominum ingenia, in posterum etiam in partes distrahet. Inter Christianos, de natura, & distinctione duarum *S. Trinitatis Personarum*, ut nunc loquimur, Filii & Spiritûs Sancti, concertationes fuere, ferè ex quo Apostoli fato functi sunt. Sed & ante & post Christum, Ethnici ipsi varia de tribus *Principiis* dixerant, sono certè à dogmatibus Christianis nequaquam aliena. Verùm licèt iisdem vocibus plurima sæcula usa sint, atamen sub illis vocibus latuit sat magna sententiarum varietas, ut singillatim ostendamus.

10. Primus omnium tria *Principia* constituit * *Parmenides*, & post eum *Plato*; qui an consenserint non satis liquet, quòd *Parmenidis* nihil supersit, præter obscura fragmenta. † *Plato* autem dixit primum esse ΤΟ ΟΝ, ΑΙΤΙΟΝ ΑΠΑΝΤΩΝ *Ens, causam omnium rerum*; secundum verò ΛΟΓΟΝ, *Rationem & Rectorem presentium & futurorum*; tertium denique ΨΥΧΗΝ ΚΟΣΜΟΥ *animam, sive spiritum mun-*

* *Plotin. Ennead. V. Lib. I. c. 8.* † *In Timæo, & Epist. II. & V. Vide & Artis hujus Critica I. 3. Ep. VII.*

mundi. Secundum quidem Principium à primo *genitum*, seu factum; tertium verò à secundo affirmat. Liquet attentè Platonicum *Timaum* legenti, *generationem* à Platone dici *creationem*, & passim confundi, γυνῆσαι, ποιῆσαι, τεκταίνειν, μηχανῆσαι, δημιουργῆσαι, ἀπεργάζειν, &c. atque idem haberi αἶνον ac πατέρα, *causam* ac *patrem*.

11. *Philo Judæus*, ejus admirator & discipulus, similia habet; nam ait * Λόγον esse πρεσβύτατον ἢ Ἀγγέλων, & ὃ ὄν-
τα πρῶτότουτον Ἰδὼν, *antiquissimum Angelorum*, & *primogenitum Entis*. Platonici verò Ethnicus *Plotinus*, sermone eodem usus est, præsertim Enneade IX. Lib. V. à Cap. III. ad VIII, ubi hac de re copiosè agit. Crediderunt illi unum esse summum Deum, *Causam primam omnium*; deinde duos alios inferiores Deos, à summo illo creatos, minúsque primâ Causâ perfectos.

12. Joannes porrò Apostolus, *Platonica* usus voce, Λόγον vocat *Divinitatem* quæ in Christo habitavit, eique similia tribuit ac *Philo*; *creationem*, scilicet,

Y 2

uni-

* Vid. supra allatum locum C. III. § 9. Vitam Eusebii Casariensis, & Tom. 3. Ep. VIII. *Artis hujus Critica*.

340 ARTIS CRITICÆ P. II. S. I. C. XIV.
 universi. Meminit etiam Πνύματῳ *Spiritus*, quem illi conjungit, ut ille secundo Principio subjunxit *Animam* mundi. Paulus vocat quoque eum, per quem omnia sunt facta, πρωτότοκον πάσης κτίσεως *primogenitum omnis Creaturæ*. Denique occurrunt alia similia Platonice loquutionibus, in N. Testamento, quæ non memorabimus.

13. Quæritur nunc an Joannes voce Λόγῳ idem planè intellexerit, ac *Plato*, ejusque discipuli? anve Paulus πρωτότοκον intellexerit quemadmodum *Philo*? Si quis affirmet, eundem erit in castra *Arianorum*, qui Divinitatem, quæ Christo adfuit, creatam è nihilo contendebant. Si neges, agnoscendum erit, quod volumus, sub iisdem phrasibus, diversas sæpe latere sententias. Nec dubium est quin posterius hoc verius sit, quod ostendimus Epp. VII, VIII, & IX. T. 3. *Artis Criticæ*.

14. Attamen propter rei difficultatem, & ambiguitatem vocum, æstuentes sequentium sæculorum Christiani in varias opiniones abierunt. Plerique tamen cum *Platone* loquuti sunt, & cum eo se sentire dixerunt; dum secundum Principium faciunt priori * συναΐδον,
 coater-

* Vide G. Bulli *Defensionem Nicænæ Synodi*. Sess. III.

coæternum, & quo non magis carere potest primum, quàm Sol luce; quod tamen videtur contrarium esse *Platoni*, qui à primo creatum vult. Interea iidem, ex Judaïco loquendi more, unum esse Deum passim affirmant, quod etiam à Platónico dogmate, quo tres summi Dii statuuntur, abhorret. Attamen haud absimilia dixerat etiam *Plotinus*, etiamsi *Platonis* interpretem agit.

15. Scripsit idem Platonicus τρεῖς esse ὑποστάσεις ἀρχαῖς tres esse hypostases quæ rerum omnium sunt Principia, & variâ ratione in iis posse considerari ταυτότητα identitatem & ἐτερότητα diversitatem. Christiani quoque similia dixerunt, licet fuerint controversiæ de voce ὑπόστασις; quæ significat nunc accidens, seu τρόπων ὑπαρξεως, modum existendi: nunc substantiam, seu rem ipsam, quæ certo modo est, vel cui tamquam subjecto inest modus existendi. Tandem inter Græcos quidem convenit, ut dicerent τρεῖς εἶναι ὑποστάσεις tres esse modos existendi, μίαν οὐσίαν unam essentiam; inter Latinos verò, tres personas, unicam substantiam, seu essentiam; quâ phrasi etiamnum hodie utimur.

16. Platonici, in hisce rebus, usietiam

fuerant voce * ὁμοῦσι⊙, quæ apud eos significat ὁμοφυσί, ὁμογενή, seu *eiusdem speciei, aut simillimæ naturæ*. Eam dictionem adhibuit *Nicana Synodus*, quæ definiuit Τὸν εἶναι ὁμοούσιον τῷ Πατρὶ, *filium esse consubstantialem Patri*. Hodie etiam plerique cum Synodo Nicæna se sentire profitentur, & eandem usurpant vocem.

17. Loquutiones autem, quas attulimus §. 14, 15, 16. non uni inservire possunt dogmati exprimendo; quare dubium fit an qui iis olim usi sunt idem omnes sentirent, quamvis, omissis Platoniciis, Christiani soli spectentur. Imò *Hugo Grotius* eò processit, ut diceret † *sibi constare Patres in explicatione harum rerum plurimum dissensisse, etiamsi vocum quarundam sono inter se conveniunt*. Profectò videntur Veteres inter se discrepasse, in plurimis, & Christiani omnes hodie multum abesse à sententia Synodi Nicæna; licet plerique cum ea sentire se putent, quòd voces ab ea consecratas admittant.

18. Hæc ne temerè affirmasse videamur, primò observandum vocem αἰδι⊙
ater-

* Vid. *Vit. Eusebii Casariensis*, G. Bulli *Defens. Synodi Nicænae* Sect. II. C. I. §. 2. & *Epist.* 2. T. 3. *Artis Criticæ*. † *Epp. ad Fratrem Ep. Cell.*

æternus admodum esse ambiguum apud Veteres, in hoc negotio. *Αἰδιον* enim potest significare propriè dictam æternitatem, quæ omni, quomodocumque intelligatur, principio caruit; quâ ratione, ex omnium consensu, Pater dicitur *αἰδιον*. Sed alteram * habet ea vox significationem, quâ denotat quod fuit, antequàm mundus ac proinde tempus esset, quod vocant etiam Veteres *ἄχρονον* & *ὑπέρχρονον*, *sine tempore*, & *supra tempus*. Jam dubium est an Veteres, qui *τις ὑπόστασις* dixerunt esse æternam, priori aut posteriori intelligendi sint sensu; an, nimirum, eam æternam, non minùs ac Patris *ὑπόστασις*, esse voluerint, an verò ita eam vocent, quòd ante mundum fuerit? Atque hac in sententia videtur fuisse *Tertullianus*, qui contra *Hermogenem* Cap. III. & XVIII. ait *Filium semper non fuisse*, nec *sine initio esse*. Idem videntur sensisse multi Patres Ante-nicæni, qui paullò ante mundum genitum Filium volunt, licèt *αἰδιον* appellent. Altera etiam est ambiguitas vocis *αἰδιον*, in hac re. Dici, nempe, potest Divinitas Christi, quoad

Y 4

sub-

* Vid. Epistolam Alexandri Alexandria Episcopi apud Theodorum Lib. I. c. 4. & Basilium Cæsariensem Hom. I. in Hexæmeron.

substantiam, seu *essentiam*, αὐτὸν non minus ac Pater; aut quoad *modum existendi* ejus *essentiæ*, propter quem Filius vocatur. Quidam ex Veteribus * scripserunt *substantiam* ipsam Divinitatis Filii, ἀγεννητῶς in Patre existentem, esse illi συνάδιον; quod de *subsistentia* non affirmant. Quæ fuit Nicænæ Synodi sententia, unde factum ut damnarit eos qui dicerent *Filium non fuisse antequàm genitus esset*, licèt definierit Filium esse Patri συνάδιον, quoad *substantiam*; erat, nimirum, ab omni æternitate, Filius ἀγεννητῶς in Patre, antequàm generaretur; sed cœpit γεννητῶς exsistere paullò ante creationem mundi, cùm *hypostasin* seu *existentiam* distinctam à Patre accepit, ut Veteres putabant.

19. Secundò, cùm dicebant Patrem & Filium *Unum* esse, latebat etiam in illa voce non levis ambiguitas. Aliquid enim dicitur esse *Unum*, quemadmodum Philosophi loquuntur, vel *Unitate numericâ*, vel *Unitate specificâ*. Ita Petrus est unus, *unitate numericâ*; Petrus, Joannes, & Paulus unus sunt, *unitate specificâ*. † Apparet autem

* Vid. Ep. Eusebii apud Theodor. Lib. 1. c. 12.

† Vide St. Curcellai Quatern. Diss. 1. §. 74. & seqq. & Vit. Eusebii ac Gregorii Nazianzen.

autem ex Veteribus eos credidisse tres esse Naturas divinas, numero quidem diversas, sed unius speciei. Reverâ in sermone quotidiano, & apud Philosophos etiam, unum dicuntur quæ specie conveniunt; ut liquet vel ex *Aristotele*, cujus observationes sæpe vulgari sermone nituntur, qui docet † λέμεθ' ἐν ᾧ ἡ εἰς μία, μία ὅ ἡ συνεχεία, ἡ εἶδος, ἡ λόγος, dici unum, quorum essentia una est, una autem continuitate, aut specie, aut ratione.

20. Tertiò, ut *Plotinus* τρεῖς ὑποστάσεις agnovit, numero distinctas, hoc est, tres substantias cum variis proprietatibus, licet alioqui conjunctissimas: ita Christiani Veteres, eodem sermone usi, non nobiscum, sed cum *Plotino* hac in re consenserunt. Qui unam εἰς αὐτὴν dicunt, τρεῖς τρόποι ὑπόστασεως, id ipsum hisce verbis expresserunt; ut enim Humanitas, quæ est separatim in Joanne, Petro & Paulo, est una; nec in Paulo differt ab eo quod est in Petro & Joanne, nisi τρόπος ὑπόστασεως; ita tres Naturæ divinæ numero diversæ, sed specie eadem, differunt tantummodo existendi.

21. Quartò, cum vox διουσίῳ, ex
Pla-

† *Μεταφύσ.* Lib. IV. c. 6.

346 ARTIS CRITICÆ P. II. S. I. C. XIV.
 Platoniorum usu , significaret *eiusdem*
speciei , & Synodus Chalcedonenſis , in
 ſuo Symbolo , ſtatuerit Filium eſſe nobis
 ὁμοῦσιον κατ' ἀνθρωπότητα , ut eſt ὁμοῦσιον
 Patri καὶ θεότητι ; nulla eſt ratio exiſti-
 mandi hac voce ſignificatum fuiſſe eſſe
unicam numero Eſſentiam Patris , & Filii.
 Nihil ſanè occurrit in Diſputationibus
Conſubſtantiaलिſtarum , quod ſuadere poſ-
 ſit alia in re controverſiam Arianam ſitam
 fuiſſe , niſi quòd Ariani *Eſſentiam* filii pa-
 rem non eſſe *Eſſentia* Patris contende-
 rent : *Conſubſtantiaलिſta* verò *Eſſentiarum* ,
 paritatem propugnarent ; * quod Viri
 Doctiſſimi copioſè oſtenderunt , nec
 ignorari poteſt quin eadem operâ den-
 ſiſſimæ tenebræ offundantur Veterum hac
 de re Scripta legentibus ; in quibus con-
 trā omnia ſunt clara , ſi memorata tenea-
 mus.

22. Ex hac vocum ambiguitate , col-
 ligere eſt potuiſſe facilè fieri , quod cre-
 didit *H. Grotius* , ut qui verbis conſentire
 olim inter ſe videbantur , re ipſā diſſenti-
 rent ; útque , ſervatis iſdem vocabulis ,
 paul-

* *St. Curcellaus in Quatern. Diſ. I. & R. Cud-
 worthus in libro Anglico inſcripto : the true Sy-
 ſtem intellectual of the Universe Lib. I. c. IV. pag.
 606. & ſeqq.*

paullatim substituta alia fuerit potestas. Atque hoc eò facilius factum, in negotio *de Unitate Dei*, quòd persuaserit sibi posteritas consensisse Patres Ecclesiæ cum veteribus Hebræis, liqueret autem Hebræos *unitatem* Essentiæ divinæ *numericam* credidisse. Verùm uti *Consubstantialistæ* sub iisdem verbis, quibus antiqui Hebræi utebantur, aliam abscondebant sententiam, cum non auderent ab iis discedere: ita nostri hodie Theologi verba quidem à Patribus consecrata retinent, sed alias iis subjecere potestates. Animadvertit hoc, in aliquot aliis vocabulis, *Joan. Dallæus* de Usu Patrum Lib. I. c. 5. sub finem, quod vellem copiosius duxisset.

CAPUT

CAPUT XV.

REGULA XIV.

*Difficultatem intelligendi maximam interdum
oriri ex Rhetorico stylo.*

I. GRAMMATICI & Rhetores voces proprias vocant, ut omnes norunt, eas, quæ usurpantur pro nativa significatione, quæ est illis usu attributa; tropicas verò, quæ ex nativa significatione in aliam translatae sunt. *Moveri* propriè dicuntur *corpora*, quorum mutatur situs; translata *animi*, cum quispiam in iis excitatur affectus. Cum autem nulli Linguae tot suppetant voces & loquutiones propriæ, quot suppetere oporteret, ut omnia propriè exprimi quirent; est enim rerum infinitus numerus, vocum finitus; necessariò confugiendum fuit ad voces tropicas. Digna sunt, quæ huc transferantur, verba *Ciceronis* de Translationibus ex Lib. III. de *Oratore* c. 28. *Modus transferendi verbi latè patet, quem necessitas genuit inopiâ coacta, & angustius; post autem delectatio, jucunditasque celebravit.*

vit. Nam ut vestis , frigeris depellendi causâ reperta primò, post adhiberi cœpta est, ad ornatum etiam corporis : sic verbi translatio instituta est inopiæ causâ ; frequentata delectationis — Translationes quasi mutationes sunt , cùm , quod non habeas, aliunde sumas. Exempli causâ, ad res ad animum pertinentes exprimendas , paucissimæ sunt voces , nativâ significatione adhibendæ; quia populus , à quo potissimum paullatim Linguæ auctæ, & ornatæ, de rebus spiritualibus plerumque securus, de corporeis tantum sermones ferit , aut spiritus corporibus similes putat. Hinc qui de rebus incorporeis verba faciunt, è corporeis petitas voces passim usurpare coguntur.

2. Inde nascitur magna intelligendi difficultas, in rebus per se obscuris, quales sunt quæ ad spiritus pertinent. Cùm enim *efflare animum* legimus, in Scriptore , cujus de animo sententiam aliunde cognoscere non possumus ; quâ scire liceat , utrum re ipsâ crediderit animum esse flatum, an verò tropicè ita loquatur? Hodièque, cùm multi negent in animo quidquam esse corporei ; omnes tamen, Latine scribentes, ejusmodi loquutionibus usu consecratis utuntur, non minus
ac

ac qui credunt mentem esse tenui auræ similem.

3. Verùm cùm Cap. V. egerimus de difficultate dignoscendi quò usque metaphorica loquutio urgenda sit, hac de re iterum non agemus, ne repetendum sit quod jam dictum est. Observabimus potius, præter usum necessarium Troporum, propter Linguarum paupertatem, esse alios quosdam eorundem usus Rhetoricos, unde non exigua nascitur obscuritas. Scilicet, non modò ad mentem exprimendam, non occurrente aliâ voce, adhibentur, sed & ad ornatum orationis; ut notio vividior, aut elegantior, aut amplior in audientium aut legentium mente excitetur. Ita *Horatius* fulmen tropicè describit, hisce verbis: * *tremendo Jupiter ipse ruens tumultu, ut excitet majorem fulminis notionem; nam aliquid amplius est intelligere Jovem ipsum ruentem, quàm telum ejus manu emissum.*

4. Si sola Veritas esset docenda, isque esset unus loquentium finis, uti par esset, universa eorum cura in eo sita esset, ut perspicuè loquerentur; quam in rem, quantum possent, vocibus uterentur propriis; sed ornatus orationis adhibetur

ad

ad delectandos auditores, vel legentes, aut eorum movendos affectus; eumque in finem non tropica modò, sed & figurata oratio inventa est. Quo fit ut Rhetores doceant non ubique adhibendum esse sermonem proprium, sed in iis dumtaxat Orationis partibus, ubi affectus non moventur. *In exordienda causa, servandum est ut lenis sit sermo, & usitata verborum consuetudo, ut non apparata oratio esse videatur.* * In † *Rhetorica Scholastica* Curii Fortunatiani, parum quidem Latini Scriptoris, sed nequaquam inepti, pro tempore quo vixit, est hæc quaestio: *Propria verba, quæ partes orationis magis desiderant?* cui ita respondetur: *Principia & narrationes*; quia, nempe, neque in principiis, neque in narrationibus, moveri solent affectus.

5. Non est nostri instituti inquirere in originem affectuum, aut eorum explicare naturam. Paucula tantum indicabimus indubitata, quibus nititur quod de difficultate intelligendæ figuratæ orationis dicemus. Cum ab iis qui nos educant, à prima infantia, excitentur & moveantur in nobis affectus; paullatim fit
ut

* *Scriptor ad Herem. Lib. I. c. 7.*

† *Lib. III. p. 71. Ed. Paris.*

352 ARTIS CRITICÆ P. II. S. I. C. XV.
ut his nimium indulgere adsueta, nullâ
re fermè commoveamur, aut delectemur,
nisi iis quæ affectibus blandiuntur. Ce-
tera omnia videntur nobis tædiosa & in-
fusa; nec ea, nisi inviti, patimur. Hinc
fit ut somnus nobis obrepat, ubi audi-
mus paullò copiosius exponentes ipsam
Veritatem; sed, quæ per se apta non est
ad creandam nobis admirationem, vel
spem, metum, aut similem affectum in-
generandum. Imò Veritatem ipsam, quâ
naturâ nostrâ percelli deberemus, immo-
ti sæpe audimus; nisi ita describatur, ut
aliunde petitis ornamentis in nobis creen-
tur affectus. Quantumvis sit periculum,
nisi quasi imminens à nobis spectetur, eo
non percellimur, etiam moniti, si ea
admonitio concepta sit verbis propriis.
Oportet describi periculum figuratâ ora-
tione, quâ affectus, re commoveri inter-
dum nescii, verbis vehementius ciean-
tur. Exemplum in Orationibus sacris
cernere est, quæ licet admonitionibus
summi momenti refertæ sint, somnum
conciliant, nisi Rhetorum pigmentis or-
natæ prodeant.

6. Si porro quæramus rationem, ob
quam figuris ita afficimur, comperiemus
eam ejusmodi esse, ut obscuritatem ne-
cessariò

cessariò pariat. Figuræ tantam vim argu-
 mento , quod iis exornatur , addunt ,
 quia audienti , aut legenti eam tantum
 ejus partem ostendunt , quæ est omnium
 aptissima ad eum commovendum ; amo-
 tis omnibus , aut potius tectis , quæ com-
 motionem illam filtere possent. Si miles
 sit ad pugnam cohortandus , alto pre-
 muntur silentio horror mortis , qui na-
 turâ omnibus inest , summa cautio quæ
 debet adhiberi , ubi de effundendo san-
 guine humano agitur , aliæque quæ viro
 sapienti tunc seriò pensitanda essent. Ab
 infauktis ejusmodi vocibus abstinetur ,
 gloria militi proponitur è victoria colli-
 genda , divitiæ è spoliis conficiendæ , præ-
 mia , honores , &c quibus fit ut à prio-
 ribus illis animum avertat , & in hæc in-
 ventus , alacris rem per se omnium fœ-
 diffimam , deterrimi carnificis munus
 obire in innocentes aggrediatur. Exem-
 plo esse potest oratio Cæcinæ , apud *Ta-*
citum Ann. Lib. I. c. 67. ubi territis mili-
 tibus difficultate itinerum , adverso præ-
 lio , jacturâ impedimentorum , metu im-
 minentis hostis , ostendit *unam esse in ar-*
mis salutem , manendum intra vallum , dein
erumpendum , illâ eruptione ad Rhenum per-
veniri ; quod si fugerent , plures sylvas , præ-
-u Tom. I. Z fundus

fundas magis paludes , servitiam hostium superesse ; at victoribus decus , gloriam , quæ domi cara , quæ in castris honesta. Subdit Tacitus eum reticuisse de adversis , aut præsentibus , aut futuris ; ne , nempe , terror augeretur imagine præteritæ cladis , similisque in futurum timeretur.

7. Huic negotio aptare possumus , quod Cicero de Inventione Lib. I. n. 24. ait observandum , si pro re turpi dicendum sit. *Si causa turpitudine , inquit , contrahet offensionem ; aut pro homine , qui offenditur , alium hominem , qui diligitur , interponi oportet ; aut pro re , in qua offenditur , aliam rem , quæ probatur ; aut pro re hominem , aut pro homine rem ; ut ab eo quod odit , ad id quod diligit audientior animus traducatur.* Hac enim arte fit ut auditor id tantum animo verferet , quod non est turpe , cum de re turpi cogitare eum oporteret. Ideò , verbis honestis , res nequaquam honesta velatur.

8. Hac in re , situm est universum præterea orationis figuratæ artificium. Dum autem is , qui ejusmodi oratione utitur , conatur animum legentium , vel audientium ad certam argumenti sui partem convertere , & utitur loquutionibus ex parte dumtaxat veris , agrè ut plurimum in-

intelligitur. Notiones enim rerum, quæ nobis obversantur, comparamus cum ejus verbis, & cum videamus ea verba nonnisi partim notionibus convenire, hæremus dubii an rectè mentem Scriptoris intelligamus; seu an modum illum, quo nobis videntur vocabula convenire notionibus, urgere voluerit is quem legimus, vel audimus, an verò aliud quidpiam, quod nescimus.

9. Exempli gratiâ, Hector, Iliad. 7, 371. ita loquitur de Achille, quem formidabant Trojani, quòd neminem cum eo congrediendo parem censerent:

Τῷ δ' ἐγὼ ἀντίος εἰμι, καὶ εἰ πρὸς χεῖρας
ἔοικεν,

Εἰ πρὸς χεῖρας ἔοικε, μὴ δ' ἀθάρσ
σέδηρ' ὦ:

Huic ego occurro, licet manibus igni simili,

*Licet manibus igni simili, robore verò
splendenti ferro.*

Intelligimus quidem summatim hoc velle Hectorem, se obviam iturum Achilli, quamvis strenuo, quod volebat Hector à Trojanis intelligi. Sed præterea si fin-

gula verba excutiamus, ut accuratè norimus, quas notiones illis subjecerit Poëta, comprehendemus non levem esse difficultatem. 1. ἀντὶ ὧν an simpliciter significat *contra ire*, an verò eâ loquutione continetur *resistendi*, aut *aggrediendi* animus? 2. ἀντὶ οὗ εἰς ἐστίνε, solitus sum *contra eum consistere*, antehac *contra constitui*, vel *illico hoc faciam*, si necesse sit; vel *decevi facere*, &c. certò faciam? 3. Quid est πυρὶ χαίρειν ἰσχυράναι; ἐστίνε *manuum motu*, *celeritatem ignis æquare*; an *manu id præstare*, quod ignis facit; an *manus habere æquè formidandas*, ac *ignem*? Alibi Poëta Menelaum inducit de Hectore dicentem: Ἐκτὸς πυρὸς αἰὼν ἐχέμεν, Hektor *gravem vim habet ignis*. Iliad. P. vers. 565. Passim etiam prælium incendio confect. 4. An Hector vult dicere re verâ Achillem πυρὶ χαίρειν ἰσχυράναι, an verò *quomvis* *minibus ignem æquaret*, se non *detrectaturum pugnam*; nedum ut eum, qualis erat, fugeret? 5. Μένειν αἰθέρι σιδήρῳ simile, *quam in re est*? an in *gravitate ignium*, an in *amoliendis illatis plagis*, aut *resistendo ictibus duritie suorum armorum*? 6. Denique αἰθέριος ὁ ἀσπίδος splendens gladius, aut *quodlibet* *fulgens* *adæ-*

slug

s Δ

adæo

adde ut *αἶθρα* sit epithetum otiosum; an
verò est *candens ferrum*; cui similis sit alia
qua in re Achilles? Quis dicet an Home-
rus omnes hasce *αἶθρας* in animo habue-
rit, an aliquot tantum, & quanam ex
sint? Certè vix ipsum, si revivisceret;
dicturum putem, ob rationes quas po-
stèa afferam. Attamen nemo est, qui
non afficiatur hisce duobus versiculis, &
vim eorum non laudet, si modo Poëta-
rum Græcorum stylo adsuetus sit. Ob-
versantur, nempe, animo ferrum & ignis,
duæ res efficacissimæ, quibus confereba-
tur Achilles, & illa *αἶα δὲ πῶλως*, et *πυρὸς*
χέειρος ἔοικε, quâ Hector significat se, li-
cèt probè intelligat periculum, audacter
id subiturum, ita animum legentium per-
cellunt; ut in obscura fortitudinis no-
tione adquiescant, ne cogitantes qui-
dem de notionibus singulis vocibus ad-
nexus.

9. Secundò, figurata oratio nos tan-
topere afficit, quòd rem exornando au-
geat, non ita quidem ut illico appareat
eam augeri, occultius enim hoc fit; sed
tamen ut ingerat animo nostro maiorem
quamdam imaginem, quàm ea esset quæ
ex simplici sermone nasceretur. Quo-
niam autem limites illius augmenti, ut

ita loquar, vocabulis perspicuè non signantur; obscurum est quàm latè loquentis notio pateat. Ceterùm *augmentum* intelligo; tam in feciorem, quàm in meliorem partem; & quod complectitur extenuationem, non minùs quàm exaggerationem.

10. Exempli gratiâ, *facere Deos* habet vim aliquam *αιξηνολω*, in hoc Epigrammate *Martialis*, Lib. VIII. c. 24.

*Qui fingit sacros auro, vel marmore vultus,
Non facit ille Deos, qui colit ille facit.*

Propriè si loquamur, *facere Deum* est efficere, ut qui Deus antea non erat Deus evadat; quod non potest dici de statua, quæ non est Deus, postquàm coli cœpit. Attamen videtur *Martialis* tropicè statuam vocare *Deum*; deinde *facere eam Deum*, esse ei statuæ honorem exhibere, qui solebat signis Deorum; vel consecratione efficere ut Deus, cui dedicata est, eam infideat; nam & * hoc, de statu is Deorum ritè consecratis, credebant Ethni-

* *Arnob. cont. Gentes Lib. VI. p. 254. Ed. Par. 8. 1605. ubi vide notas Desj. Heraldi.*

Ethnici. Apparet quidem phrasi *facere Deum* plus dici, quam revera fieri credebatur *Martialis*; sed dubium est utra ex memoratis significationibus ei phrasi conveniat, & quousque pateat ἐνοικησις Θεοῦ, *inhabitatio Dei*, si ad posteriorem respexit.

II. Eadem occurrit difficultas, in loquutionibus metaphoricis Scripturæ, ubi Dii Ethnicorum dicuntur * esse meræ statuar, sine sensu ullo. Nam Gentes omnes Idololatriæ deditæ aut animos mortuorum hominum, aut dæmonas, aut sidera colebant, quorum vim nescio quam inesse statuis existimabant; non statuas ipsas, quasi eas solas Numina sua esse censuissent. Itaque oportet in ea figura Scriptorum sacrorum esse aliquam αὔξησιν, nec facile est scire, quàm latè pateat; & utrum voluerint dicere, eos qui Numina in consecratis statuis colebant, æquè insanivisse, ac qui meros lapides coluissent, an verò vim illam divinam, quam somniabant Idololatræ inesse statuis, nullam fuisse, ideòque universum eorum cultum in statuas substituisse; an aliud quidpiam, cujus nobis in mentem non venit? Quidquid id est, phrasin hancce ex Idololatriæ

* *Psalms*, CXV. & CXXXIV.

lolarum usu desumerunt Hebræi, ut apparet ex oratione Labanis Gen. XXXI, 30. ubi statuas sibi subreptas *Deos suos* vocat. Ita & cum Ap. Herdonius Capitolium, cum fervorum & exsulum manu, occupasset, dixit in concione P. Valerius Consul: *Jovem Opt. Max. Junonem Reginam, alios Deos, Deasque obsideri*, Livio narrante, Lib. III. c. 17. Ambracenses apud eundem queruntur, sublati à M. Fulvio Cos. Deorum signis: *simulacra Deum, Deos imò ipsos, convulsos ex sedibus suis ablatos esse, parietes, postesque nudatos. Quos adorent, ad quos presentur & supplicent Ambracensibus non superesse*. Idem de Attalo, qui Romanis Idææ Matris simulacrum avehendum tradidit: *Is legatos comiter exceptos Pessinuntem in Phrygiam deduxit, sacrumque iis lapidem, quem MATREM DEUM incolæ esse dicebant, tradidit, ac deportare Romam jussit*. Lib. XXIX. c. II. Hinc magnam invidiam subiit Stilpo Philosophus Athenis, unde & migrare jussus est, quod Minervam Phidiæ Deum esse negasset, quam historiolum habet *Diogenes Laërtius* Lib. II. §. 116.

12. Tertiò, cum multa sint quæ, si penitus introspectantur, non apta sunt ad

ad commovendos affectus; non modò eorum partem aliquam Auditoribus suis Oratores ostendunt dumtaxat, aliis silentio velatis; nec modò augent eam, quam spectari volunt, prout necesse esse judicant; sed quibusdam præterea vocibus generalibus, seu præstantiorem, seu tenuiorem notionem adjunctam habentibus, exprimunt; ne animus audientium, illo veluti phantasmate occupatus, rem accuratiùs expendat. Cùm sub Tiberii principatu de cohibendo luxu ageretur, * *Gallus Asinius* orationem habuit, quâ ostendit, dum Imperium augebatur, auctas etiam esse privatorum opes, adeoque mirum videri non debere, si sumtus majores tolerarent. Eâ oratione factum ne Senatus Consultum ullum fieret, hac de re, adficientibus ei Senatoribus: *Facilem ad sensum Gallo*, ait Tacitus, sub **NO-**
MINIBUS HONESTIS, *confessio vitiorum, & similitudo audientium dedit.*

13. *Augustinus* Hipponensis Episcopus, & qui ejus de Gratia sententiam sequuti sunt, non modò quantum possunt impediunt, ne Lectoribus obversetur imago iniquitatis; quæ est in ferendis legibus, iis a quibus Deus scit eas non posse ob-

* *Tacitus Ann. II, 33.*

servari, non ipsorum culpâ, sed primi hominis, ob cuius peccatum destituti sunt omni virtute; deinde in eis æterno exitio damnandis, quod numquam potuerunt vitare, quia necessario auxilio in eam rem carent, ob Adamî culpam; nec modò verbis amplificant gratiam Dei erga pauculos Electos, quos salute donat; sed ubi contingit difficultates, quæ in eorum doctrina sunt, urgeri, tum verò omnia velant generalibus dictis, *non posse nimis deprimi hominem, & Deum contra extolli, Deum nemini debere gratiam, ejus judicia esse ἀκαταληκτά*, aliisque similibus. Qui generalium ejuscemodi responsionum involucra excutiunt, vix ac ne vix quidem intelligere possunt quid sibi velint. Si enim responsa illa urgeant, sequetur, ut deprimatur homo, omnes ejus actiones Deo esse tribuendas; adeò ut sit *subjectum*, ut loquuntur Scholastici, *merè passivum*, in quod Deus quasi in lapidem agat; quod illi acerrimè negant. Si verò non sint nimium illa urgenda, sequetur sine divinæ gloriæ imminutione posse dici hominem aliquid agere, ac prout non à Deo tantum moveri, sed aliquid viribus suis efficere, quod illi pariter negant. Atque hinc fit, ut quid sibi ve-

. lint,

linæ, generalibus illis loquutionibus, vix intelligi queat.

14. Certè Deus *nemini debet gratiam*, ut aiunt, sed hocine significat Deum, in pœnam peccati Adami omnes homines spoliare justitiâ, quâ alioquin ornatî essent, & propterea eos damnare? Sanè Deus etiam sibi, ut ita dicam, debet æquitatem, seu naturâ suâ est æquus, ideòque tale quidquam facere nequit.

15. Multa quidem sunt, in humanarum rerum administratione, ἀκαταληπτά, seu quorum rationem adsequi non possumus; sed hocine ejusmodi est, ut ideò liceat qualvis iniquitates Deo tribuere, & postea se tueri frigidâ exclamatione? Si res ita se haberet, nullum non delirium, è Scriptura detorta deductum, defendi posset; quod *Augustini* tamen Discipulî agrè ferrent.

16. Hinc Rhetores docent diligenter cavendum ne tropi ex re humili nimium, aut audientium aures offendente petantur. Cum addere debeant orationi majestatem, eam contrâ minuerent, si essent petiti è rebus humilioribus iis, à quibus petuntur voces propriæ. Efficèrent ut res per se magnæ minores viderentur, earum loco substitutis minoribus imaginibus,

nibus, quod scopo Oratoris adversatur; nisi, in contrariam partem, vellet res magnas deprimere. *Quoniam*, ait summus & Orator & dicendi magister, *hæc vel summa laus est verbi transferendi, ut sensum feriat id quod translatum sit, fugienda est omnis turpitudine earum rerum, ad quas eorum animos qui audient trahet similitudo. Nolo morte dici Africani, castratam esse Rempublicam; nolo sterius Curia dici Glauciam. Quamvis sit simile, tamen est in utroque deformis cogitatio similitudinis. Vide & G. J. Vossium Inst. Orat. Lib. IV. c. VI. §. 9. & seqq.*

17. Quartò, ope figuratæ dictionis ubi semel commoti sunt affectus, non severè is qui eloquentiâ dicentis percussus est ejus dicta expendit. Obversantur ejus animo, non plenæ & distinctæ loquentis notiones, sed earum dumtaxat partes apiores ad eum commovendum; eæque sunt quibusdam additis imaginibus ornatae, quibus augentur; ac præterea accedunt generales quædam notiones quibus connectuntur; unde fit ut occupatus animus, atque affectu impeditus, in phantasmatibus illis adquiescat, & indignetur etiam iis, qui perspicuam explicationem eorum quæ admiratur flagitant.

18. Quan-

18. Quando contingit ab homine, qui numquam rem diligenter animo versavit, audiri Oratorem dicentem *rem esse nullam, quacumque tandem sit, quæ à Deo non creetur, quandoquidem summa Dei perfectio postulat, ut solus sit summa omnium rerum causa*; is Orator facile in adensum trahit audientem, cujus cerebrum variis commovet tropis aut figuris, & cujus animo phantasma quoddam, quod significatur hisce generalibus vocibus: CAUSA OMNIUM RERUM, objecit, quo occupatus aliò convertere oculos nequit.

19. At sub iis vocibus latet interdum hæc sententia, ipsarum etiam cogitationum humanarum, quæ inter Entia recensentur Deum esse auctorem; adeoque ipsam mentem humanam nihil quidquam agere, sed tantum agi, instar machinæ quæ nervis alienis movetur. Cum verò objicitur; Deum, hoc posito, malas etiam cogitationes injicere hominibus, denuo delabuntur ad *abstractas* & generales loquutiones; dicunt, nempe, posse spectari in cogitatione qualibet aliquid *physicum*, atque aliquid *morale*; prioris Deum esse auctorem, posterius, ubi sermo est de malo, esse nihil. Sic parum cau-

cautos occupant, notione *abstractâ cogitationis*, quæ potest sine vitio ac virtute esse, & *defectus* cujuscumque scorsim spectati, in quo cogitationis vitium situm esse ajunt. Accedente dein figurato sermone, à Deo omnia pendere; ejus infinita *ἐπεὶ οὐκ ἔστιν ἄλλος* perfectionem esse, ut omnia ejus ope fiant; nihil sine eo esse, alioqui creaturam ejus regimini eripi, & similibus; ita commovetur cerebrum auditorum, ut non videant Religionem omnem & Societatem ipsam Civilem radicitus evelli, fictâ illâ Numinis reverentiâ; utque monentes, etiam cum indignatione, excipiant.

20. Qui sunt ejuscemodî sermonibus adsueta non modò audientibus fucum faciunt, ne possint intelligere quid velint; sed semet ipsi sæpe deludunt. Hinc fit ut cùm monentur, de sensu quem illæ loquutiones fundunt, negent se eum sensum agnoscere, si aliis verbis sit conceptus, licet sit prorsus idem. Quisquis affirmat Deum esse cogitationum omnium nostrarum auctorem; adeò ut, sine ejus interventu, eoque, ut loquuntur, *prædeterminante*, nihil possimus cogitare, & vice versâ eo *prædeterminante* non possimus non cogitare quod vult; quisquis, inquam, talia affirmat, idem contendit
Deum

Deum esse mali, non minùs quàm boni, auctorem. Attamen qui ita loquuntur hoc à se admitti confectarium acerrimè negant; &, ut puto, bonâ fide negant, quia rei perspicuè expressæ non assentiuntur; licèt sub involucris *abstractarum* quarundam notionum, figuratis vocibus vestitarum, idem planè amplectantur.

21. Si quis dubitaret, an qui figuratâ oratione tantopere delectantur, affectibus præpediti sint; essent dumtaxat rogandi, ut vocibus propriis, quoad ejus fieri potest, mentem suam exprimerent. Tum ex illorum inanibus conatibus, & in figuram semper delabentibus apparet illos, præ commotione cerebri, nescire quid sibi velint. Nempe, de omnibus, qui nimium pigmenta Rhetorica deamant, idem dici potest quod ingeniosissimè de Poëtis *Socrates* in *Apologia*, apud *Platonem*, habet: ἡ σοφία ποιεῖσι, οἰκτὰ φύσιν πνίχθαι ἐνθουσιάζοντες, ὥστε οἱ θεομάντεις καὶ οἱ χρησµωδοί: non arte, sed naturâ quadam & veluti afflatu faciunt ut divini & vates. Καὶ γὰρ ἔπει λέγουσι µὴ πολλά, ἀλλὰ καλὰ, ἸΣΑΞΙ ἣ ἔδεν ὦν λέγειν: et enim hi dicunt multa & egregia quidem, sed nesciunt quid dicant. Reverâ orationes valde figuratæ non conscribuntur, sine com-

οἰκτὰ φύσιν πνίχθαι ἐνθουσιάζοντες, ὥστε οἱ θεομάντεις καὶ οἱ χρησµωδοί

motione animi, parum apta ad investigationem veri, sed ad grandiloquentiam accommodatissima; ut experti sunt quicumque, furore illo Rhetorico defervescente, seriò cogitationes suas expendunt.

22. Quintò, ejusmodi sunt nonnullæ figuræ, ut aliunde notum loquentis animum esse oporteat, si intelligi velit. Ad hæc pertinet *λιτότης*, quâ plus significatur quàm dicitur. *Livius*, de *Polybio* verba faciens, *Syphacem*, inquit, in triumpho ductum *Polybius*, haud quaquam spernendus auctor, tradit. Lib. XXX, 45. *Fulvius Ursinus* censet tam tenue elogium ab invidia profectum, cum *Livius* pænè integros ejus exscribat libros. At *Isaacus Casaubonus* * *λιτότητα* esse acerrimè contendit, & plura ejus figuræ profert exempla. Plurima quoque habet G. J. *Vossius* Instit. Oratoriæ Lib. IV. c. X. §. 8. Sed res vix potest exemplis liquidior fieri, quia cum *λιτότητα* frequentem esse constet figuram, non perinde constat de candore *Livii*; qui Romanos fortè ablectione *Polybii*, ne ejus retererentur furta, frigido elogio, deterrere voluit.

23. Ejusdem generis *Ironia* est, quæ est

* Ad Fragmenta *Polybii* ex *Livio*.

est oratio, quâ contrarium ejus quod volumus affirmamus, datâ operâ, sed non seriò. At quomodo intelliget Lector, vel auditor nos figuratè loqui, non simplici uti & seria affirmatione? Respondet quidem *Quintilianus*; * aut pronuntiatione, aut personâ, aut rei naturâ. Nam si qua earum verbis dissentit, apparet diversam esse orationi voluntatem. Sed pronuntiatio ad auditorem tantum pertinet, nos verò de Lectore hîc agimus. Non diffitemur personam, aut rem, aut denique aliam circumstantiam persæpe clara esse ironiæ indicia; sed loca sunt, in quibus nec personâ, nec ullâ aliâ circumstantiâ, ironia fit manifesta.

24. Exempli causâ, *Æneidos* I, 41.
Juno ita loquens inducitur:

—— Méne incepto desistere victam?
Nec posse Italiâ Teucrorum avertere Regem?

Quippe vetor fatis! Pallásne exurere classem,

Argivum, atque ipsos potuit submergere ponto

Unius ob noxam, &c.

Tom. I.

Aa

Ast

* *Inst. Orat. Lib. VIII, c. 6.*

*Ast ego , quæ divûm incedo Regina , Jo-
visque*

*Et soror & conjux , una cum Gente tot
annos*

Bella gero , &c.

Innuit *Servius* verba , quippe *vetor fatis* ,
ironiam esse , quia dicere non possumus
à Junone ignoratam vim factorum. *Ge-
rardus* verò *Joannes Vossius* * hoc exem-
plum profert , ex quo constet in hac par-
te summos etiam viros decipi ; aitque
neminem negaturum eum falli , qui na-
turam Junonis & Virgiliani loci conside-
ret. At ego utroque probè considerato,
ironiam hîc esse omnino credo , nec aliud
vult Juno nisi hoc : fatis , quæ mihi à Jo-
ve objiuntur , cùm de fûnditus perden-
da Trojana gente loquor , vetari nequeo ,
ne quod cupio effectum dem. Nemo ne-
scit Poëtas , postquàm fata mutari non
posse dixerunt , tamen *præter fatum* , *ὑπὲρ
φάσμα* , dicere multa contingere. Itaque
Virgilius Junonem inducit , ita loquen-
tem , quasi ei obji nequeat fatum , ne
faciat quod cupit. Vide versum 22.

25. Sed ut exemplum , ex re majoris
momenti , proferam , verba sunt Dei
Gen.

* *Inst. Orat. Lib. IV. c. IX. §. 2.*

Gen. III, 22. *En Adamus instar unius nostrum factus est, nunc autem, ne manum suam injiciat & sumat ex arbore vitæ, vivatque in perpetuum, cavendum.* Quærunt Interpretes, utrum hæc sine figura intelligenda sint, an verò ironia, vel sarcasmus hîc lateat. Posterius nobis vero similis videtur, ut in Commentario ad eum locum ostendimus. Non defuerunt tamen, qui aliter sentirent, quos consulere poterunt qui abundant otio; nam nobis satis est exemplum proposuisse, ex quo liqueret non semper ironias à viris doctis intelligi. Quæ de re, adeundus etiam Ger. Joan. Vossius, loco quem antea indicavimus.

26. Sexto, huc quoque facit, quod affert * Cicero, ut ostendat quid sit, quòd omnes translatis & alienis magis delectantur, quàm propriis & suis; nempe, quòd singulis verbis res, ac totum simile conficitur, hoc est, integra uno verbo similitudo contineatur; cujus proinde partes omnes cognoscere dilucidè non possumus, ut antea diximus. Præterea, eodem judice, delectatio illa oritur quòd omnis translatio, quæ quidem summâ ratione est, ad sensus ipsos admoveatur, maximè oculorum,

Aa 2

lorum,

* De Oratore Lib. III. c. 40.

lorum, qui est sensus acerrimus. Hoc ipsum rem intellectu difficiliorem facit nam dum nobis Orator in conspectu ponere nititur, quæ videre non possumus, res diversissimi generis inter se confert; ac proinde inter quas non nisi tenuis & obscura est similitudo.

27. Profert ex veteri Poëta hæc verba:

——— *Vive, Ulysses, dum licet,
Oculis postremum lumen radiatum rape.*

Quibus Ulysses quàm primùm vita uti, quæ ei brevis futura erat, hortatur nescio quis. In iis hoc meritò observat *Crassus*, aut *Cicero* potius, non dixisse Poëtam *cape*, non *pete*, quia haberet moram sperantis diutius se se victurum, sed *rape*; quod verbum est ad id aptatum quod ante dixerat, *dum licet*. At homini brevi morituro quid faciendum ut *vitam rapiat*? Quid Ulysses, hac auditâ voce, in animo habuit? Scio equidem quid responderi possit, sed nihil hîc obscurum, ac perturbatum admitto. Novi quoque *Horatium*, hæc fortè imitantem, dixisse *Od. XI. Lib. I.*

——— *Sapias, vina liques, & spatio brevi
Spem*

*Spem longam reseces, dum loquimur, fugerit
invida*

*Ætas; CARPE diem, quam minimum
credula postero.*

Hoc sensu, *rapere radiatum lumen* solis
erit bibere & lætari, quarum rerum mo-
dus non indicatur. Hi fructus sunt vitæ,
qui *carpendi*, imò *rapendi*, dum licet,
nobis sunt; sed quâ ratione & quo nu-
mero? Imitatus etiam est, ut hoc obi-
ter dicam, veterem à Cicerone laudatum
Poëtam *Petronius* in Satirico, qui naufra-
gium facturum amatorem ita cum amasio
colloquentem inducit: *da oscula, dum li-
cet, & ultimum hoc gaudium, fatis prope-
rantibus, rape.* Sic & *Thalmudici*, ha-
rum elegantiarum alioqui negligentiores:
חטוף ואכול חטוף ואישתי דעלמא דאולינן מניה
כהילולא דמי: *rape & comede, rape & bibe,*
nam mundus hic, ex quo inus, nuptiali
convivio similis est. Vide *Joan. Buxtorfium* in
Lex. Rabb. ad radicem חלל.

CAPUT XVI.

*Brevis Historia studiorum Rhetoricorum ,
quibus difficillimum cognitum factum est ,
quid cogitarint de pluribus rebus celeberrimi
Scriptores.*

1. **P**OSTQUAM ostendimus quantas tenebras sermoni Rhetorica offuderit , ut constet etiam quàm multi Scriptores figuratam dictionem simplici prætulærint , ac proinde quanta sit difficultas in intelligendis Veteribus ; hîc paucis studiorum Rhetoricorum historiam texemus.

2. Initio quidem , quo Græci habebant tractum , cui nomen fecerunt , cum durior adhuc vita esset , non videntur Rhetorice coluisse. Fatendum tamen , apud eam Gentem , antiquissimam esse artem dicendi ; quoniam *Homerus* , cujus ætas , propter antiquitatem , à bis mille annis ignoratur , summâ fuit eloquentiâ ; ex quo constat , etiam ante eum excultam fuisse dicendi artem. Verè *Cicero* ,
* *jam temporibus Troicis* , inquit , tantum
laudis

* *In Bruto c. 10.*

*laudis in dicendo Ulyssi non tribuisset Homerus & Nestori (quorum alterum vim habere voluit, alterum suavitatem) nisi jam tum esset honos eloquentiæ; neque ipse Poëta hinc tam idem (lego, item) ornatus in dicendo, ac planè orator fuisset. Cùm autem ejus artis tanta esset vis, ut qui eâ valebant ii innumera impetrare possent, quæ à minùs eloquentibus non obtinebantur; tum in Reipublicæ administratione, ubi consensu Populi opus erat; tum apud Judices, ubi causa fuit dicenda; tum etiam apud quosvis alios, in quotidianis vitæ negotiis; plures eam excolere cœperunt, & Corax quidem * ac Tifias Siculi primi artis præcepta collegerunt & scriptis mandarunt, ut ex Aristotele nos docet Cicero. Neque existimandum est postea à bonis tantum esse traditam, virtus enim sola eloquentiam non parit; sed à malis etiam, quibus neque veritas, neque æquitas cordi erant. Atque hinc factum ut Rhetorica complecteretur, non modò artem defendendæ veritatis, aut tuendi juris; sed etiam cujusvis & veritatis, & juris oppugnandi. Tantum quisque Orator sapiebat, quantum erranti populo persuaderi poterat. Sunt verba Scriptoris*

A a 4

Lib.

* Cicero. de Orat. Lib. I. c. 20. & in Brutac. XI.

376 ARTIS CRITICÆ P. II. S. I. C. XVI.
Lib. de Oratoribus, Cap. XXXVI. ubi multa hanc in rem, eaque lectu dignissima.

3. Circa tempora Peloponnesiaci belli, quibus præstantissimi Rhetores apud Græcos floruerunt, vivebant * *Leontinus Gorgias, Thrasymachus Chalcedonius, Protagoras Abderites, Prodicus Cejus, Hippias Eleus*, aliique multi; qui docere se profitebantur, arrogantibus sanè verbis, quemadmodum causa inferior dicendo fieri superior posset; ita enim loquebantur. *Protagoræ* potissimum, qui volebat *omnia esse vera*, hoc est, id *verum* vocari quod unicuique videretur, fallacissimæ artis tribuitur inventio. Πρωτὸς ἔφη, verba sunt † *Laërtii Diogenis*, δύο λόγος εἶναι πᾶσι πρῶτος πρῶτος αὐτοῖς ἀντιπαραστήσειν αἰσθητοῖς: *primus dixit duas esse de omni re rationes contrarias*. *Gorgias* quoque se ad omnia de quibus quisque audire vellet esse paratum denuntiabat. Postea verò vulgò hoc facere ceperunt, hodièque, ait * *Cicero*, faciunt; ut nulla sit res neque tanta, neque tam improvisa, neque tam nota; de qua se non omnia quæ dici possunt, profiteantur esse dicturos. Contra hosce Rhetoras, licet immeritò

So-

* Ex Cicerone de Claris Orat §. 3. Vide & *Quintilianum* Or. Inst. Lib. III. c. 1.

† Lib. IX. §. 21. * De Oratore c. 22. Lib. I.

Socratem iis adgreget, imò eorum principem faciat, aculeatissimam Satiram edidit *Aristophanes*, in *Nubibus*. Eodem in numero erant *Sophistæ*, de quorum argumentis scripsit *Aristoteles* libros duos, & quorum ingenium * hisce verbis describit: ἐπεὶ δὲ ἐςί ποί μαῶλλον πρὸ ἔργου τὸ δοκεῖν εἶναι σοφοῖς, ἢ τὸ εἶναι καὶ μὴ δοκεῖν (ἐστὶ γὰρ ἡ σοφιστικὴ φαινομένη σοφία, ἔσθ' ἢ μή· καὶ ὁ σοφιστὴς χρηματικῆς ἀπὸ φαινομένης σοφίας, ἀλλ' οὐκ ἔστι) δηλον ὅτι ἀναγκαῖον τέτοις καὶ τὸ σοφῶς ἔργον μαῶλλον δοκεῖν ποιεῖν, ἢ ποιεῖν καὶ μὴ δοκεῖν: *quoniam quibusdam operæ pretium majus est, si videantur sapientes, quàm si sint, nec tamen videantur (Est enim Sophistice apparens sapientia, sed quæ reipsâ non est; & Sophista is qui lucrum quaerit ex apparente, non ex vera sapientia) perspicuum est necesse esse hos videri munere sapientis fungi potius, quàm eo fungi, nec tamen videri.*

4. Iis, ut rectè † *Ciceroni* observatum, se se Socrates opposuit, qui subtilitate quadam disceptandi, refellere eorum instituta solebat. Habemus quatuor *Dialogos Platonis* elegantissimos; nempe, *Gorgiam*, *Hippiam*, *Protagoram* & *Euthydemum*;

* *Cap. 2. Lib. I.* † *Loco Laud. & de Orat. Lib. III. c. 16.*

378 ARTIS CRITICÆ P. II. S. I. C. XVI.
demum ; quos *Plato* ex ore *Socratis* aut
ejus nomine edidit, & quibus ii *Rhetores*
pro merito suo ridentur. Verùm &
Socrates & *Plato* frustra fuere, quando-
quidem ab eo tempore *Græcia* id genus
Rhetoribus semper abundavit. * *Isocra-*
tes ipse, cujus indolem probabat *Plato*,
orationes aliquot, ad exemplum *Gor-*
giæ, fecit, ubi summo vituperio dignos
Helenam & *Busiridem*, ostentandi inge-
nii gratiâ, ad cœlum laudibus tollit. Cer-
tè cùm ob dicendi facultatem sæpe par,
nonnumquam etiam superior videretur
qui injustam causam defendebat, atque
inde magna emolumenta, & salus inter-
dum rei penderet; cœperunt boni, ut se
suosque defenderent, ejusmodi artem
discere; mali verò utilitatis causâ, ut pra-
va facinora tuerentur, eidem totis viri-
bus incumbere; denique tota *Græcia*,
ipsique *Philosophi*, qui veritatis investi-
gationem profitebantur, certatim ad elo-
quentiam eniti.

5. Plerique hoc unum spectabant, ut
facultatem adquirerent eleganter de quo-
vis argumento, in utramvis partem, di-
cendi. Cùm autem hoc multò magis ex
consuetudine atque exercitatione pende-
ret,

* *Sub finem Phædri.*

ret, quàm ex rerum ipsarum cognitione, & veritatis indagatione; non tantopere desudabant in acuendo iudicio, & cognoscendis disciplinis, quàm in scribendis ac recitandis orationibus. Si quam Philosophiæ operam darent, eo animo non faciebant, ut veritatem, si quæ ei inesset, cognoscerent; sed ut docti viderentur, & Philosophiæ spoliis ornarent orationes, apud Iudices, aut apud Populum habendas. Addiscebant potissimum *Dialecticam*, quæ ars fuit disceptandi, & quidvis oppugnandi, aut defendendi, non minus ac Rhetorica, ipso fatente * *Aristotele*, cujus hæc verba sunt: ἡ Διλεκτική ἢ Ῥητορική μάλιστα τῶν ἀνέκτα συλλογίζανται, ὁμοίως γὰρ εἰσιν ἀμφότεραι τῷ ἐναντίον: *Dialectica & Rhetorica. solæ contraria concludunt, est enim utraque pariter contrariorum.*

6. Non existimabant in Orationibus nihil oportere proferri, quod verum non censeretur, & validis niteretur argumentis; satis habebant afferre verisimilia, nec eâ quidem verisimilitudine, quæ per se audientium animos percellit; sed quæ non esset perspicuæ ac manifestæ veritati contraria. Modò ne absurdis rationibus, & quarum infirmitas cuivis illico appareret,

ut-

* *Rhetor. Lib. I. c. 1.*

380 ARTIS CRITICÆ P. II. S. I. C. XVI.
 uterentur, fatis pulchrè dicere se putabant.
 Hinc * *Aristotelis libri duplicem scopum ha-*
bere dicuntur, διττὰς σκοπὰς, τὸ πιθανόν
καὶ τὸ ἀληθές, probabile & verum. Δύο ἦ,
 ait *Laërtius*, πρὸς ἐκάτερον δυνάμεσιν ἐχρή-
 σατο, *Διαλεκτικῇ μὲν καὶ ῥητορικῇ πρὸς τὸ πι-*
θανόν: duabus ad utrumque facultatibus usus
est, Dialecticâ quidem, ὅ Rhetoricâ ad
probabile: ἀναλυτικῇ ἢ καὶ φιλοσοφίᾳ πρὸς
τὸ ἀληθές: Analyticâ ὅ Philosophia, ad ve-
rum.

7. Quicumque veteres Rhetoras lege-
 rit, non diffitebitur eos tantum τὸ πιθα-
 νὸν spectasse; & sanè si quis paullò seve-
 riùs orationes Veterum quæ supersunt
 expendat, ubique ferè deprehendet eos
 usos argumentis πιθανοῖς, hoc est, levi
 verisimilitudine tinctis; eadem audaciâ,
 ac si comperta proloquuti essent. Ipsi
 cordatiores Sophistis Philosophi fateban-
 tur sua esse tantum probabilia, quam in
 rem notatu digna sunt † *Platonis in Ti-*
mæo verba: εἰάν μηδενὸς ἢ τίον παρεχόμεθα
εἰκότας λόγους, ἀγαπᾶν χρὴ, μεμνημένοι
οἷς ὁ λέγων, ὑμεῖς τε οἱ περὶ αὐτὴν φύσιν ἀνθρωπι-
νὴν ἐχομεν. Contentum te esse oportet, si non
minùs probabiles, quàm quivis alius, sermo-
nes

* *Diog. Laërt. de Vita Arist. p. 319. Ed. H. Steph.*
Amst. L. V. n. 18. † Ed. Ficin. p. 526.

nes protulero ; memorem , & me dicentem , & vos , qui judicabitis , naturâ humanâ esse præditos. Aliud esse judicabatur Rhetoris , aliud boni viri officium , diversissimâque utriusque oratio esse oportere. *Titus Castricius* , apud *A. Gellium* Lib. I. c. 6. sic defendit Metellum Censorem , qui in concione ad populum aliquid dixerat , quod cum potuisset abstertere ab eo quod Metellus persuadere ei conabatur. *Aliter* , inquit , *Censor loqui debet , aliter Rhetor.* *Rhetori concessum est sententiis uti falsis , audacibus , subdolis , captiosis ; si modò verisimiles sunt , & possunt ad movendos animos qualicumque astu irrepere.* Præterea turpe esse *Rhetori* , ait , *si quid in causa mala , destitutum atque impugnatum relinquat.* Sed enim *Metellum* , inquit , *sanctum virum , illâ gravitate , & fide præditum , cum tanta honorum , atque vitæ dignitate , apud Populum Romanum loquentem , nihil decuit aliud dicere , quàm quod verum sibi esse atque omnibus videbatur.*

8. Ea consuetudo acuendæ linguæ , ex quo semel radices inter Græcos egit , numquam ex eorum animis evelli potuit. Semper fuere postea Doctores , qui artem loquendi profiterentur ; licèt eadem docendi methodo omnes semper usi non sint.

382 ARTIS CRITICÆ P. II. S. I. C. XVI.
 sint. * *Quintilianus* auctor est fictas ad
 imitationem fori materias , apud Græ-
 cos, dicere, circa Demetrium Phalerea,
 institutum. *Cicero* verò , se puero , *L.*
Plotium primum Romæ Latinè docere cœ-
 pisse prodidit; sed antea plurimi fuerant,
 apud Romanos, eloquentiæ studiosi, ut
 liquet ex ejus libro *de Claris Oratoribus*,
 qui à Græcis magistris instituti fuerant.
 At ex illo perpetuò fuere Romæ dicendi
 magistri , & universa Juventus Romana
 certatim eloquentiæ operam dabat.

9. Erant autem variæ exercitationes.
 1. Quædam versabantur circa † *Ethica*
 argumenta, & vocabantur *ῥήσεις*. Lau-
 dabatur virtus, vituperabatur vitium, aut
 vice versâ ; unde natæ ἀναστροφῆς & κατα-
 στροφῆς, sic enim vocabant , *defensiones* &
confutationes. 2. Seligebatur * interdum
 argumentum ex historiis veteribus, aut
 ex re si quæ fortè recens accidisset , lau-
 dandum , vel vituperandum ; aut ubi
 quid suadendum, vel dissuadendum erat.
 Hæ exercitationes, *Ciceronis* tempore,
causæ vocabantur. Ipse testatur se mul-
 tum temporis § in *declamitatione causarum*

* *Lib II. c 4.* † *Suetonius de Clar. Rhetor.*

* *Id Ibid. & Auctor Dial. de Corrupta Eloquent.*

§ *In Bruto. Vid. & Ep. ad Fam. Lib. XVI. Ep. 21.*

rum posuisse, quandoquidem id à se quotidie factum ait. Etiam cum Cæsar rerum potiretur, apud Ciceronem * *Hirtius & Dolabella declamabant*, licet Senatoriâ dudum ætate. 3. Hæc exercitia postea † *Controversia* dicta sunt, sed immutatâ materiâ; cum enim antea ex vero eventu desumeretur, tempore *Senecæ* Rhetoris, ficta argumenta electa sunt; quæ præberent occasionem dicendi mirabiliora, quàm quæ usu veniebant, quæ fastidiebantur quasi nimis communia. Atque hæc tractabantur, non modestâ eloquentiâ, sed tragico pænè tumore.

10. „Tunc nihil ex iis quæ in usu erant
 „ audiebatur; sed piratæ, exempli cau-
 „ sâ, cum catenis in littore stantes; &
 „ tyranni edicta scribentes, quibus im-
 „ perent filiis ut patrum capita præci-
 „ dant; sed responsa in pestilentia data,
 „ ut virgines tres aut plures immolentur;
 „ sed melliti verborum globuli, & omnia
 „ dicta factaque, quasi papavere & sesamo
 „ sparsa. Hinc meritò non obesæ naris
 § Scriptor, ex quo antecedentia verba
 desumpta sunt, aiebat adolescentulos, qui
 ejusmodi nugis imbibebantur, stultissimos
 in

* *Ep. ad Famil. Lib. IX. Ep. 16.* † *Seneca in Pref. Controvers.* § *Petrenius, initio Satirici.*

384 ARTIS CRITICÆ P. II. S. I. C. XVI.
 in Scholis fieri. Quicumque exempla
 ejusmodi ineptiarum videre avebit, *Seneca* & *Quintiliani* Suasorias & Controversias,
Dionisique & *Libanii* Declamationes
 adeat oportet. Temporibus Trajani, *Scholastici*
 vocabantur Rhetores, qui causas
 fictas perorare docebant, & ex tempore
 de rebus ejusmodi dicere semper parati
 erant. *Isaem* sic describit *Plinius* Lib. II.
 Ep. 3. *Dicit semper ex tempore, sed tamquam*
diu scripserit, &c. Poscit Controversias
plures, electionem Auditoribus permittit, saepe
etiam partes. Surgit, amicitur, incipit.
Postea: annum, inquit, sexagesimum excessit,
& adhuc Scholasticus tantum est, quo
genere hominum nihil aut simplicius, aut sincerius,
aut melius. Nos enim qui in foro,
verisque litibus terimur, multum malitia,
quamvis nolimus, addiscimus. Vide etiam
notulas, ad Hieroclis Scholastici Facetias.

11. Hæ erant Juventutis potissimæ exercitationes, & jam sub Nerone adeò erant omnes tumidâ illâ eloquentiâ veluti fascinati, ut in rebus seriis eodem modo agerent, quod liquet ex prima *Persii* Satira; ubi præposterum eloquentiæ studium reprehendit, & hæc habet in *Pedium Blaſum*, sacrilegii & peculatûs à *Cyrænensibus* accusatum:

* Nil.

* Nilne pudet capiti non posse pericula
cano,

Pellere, quin trepidum hoc optes audire
decenter,

Fur es, ait Pedio. Pedius quid? Crimi-
na rasis

Librat in antithetis, doctas posuisse figu-
ras,

Laudatur, bellum hoc.

12. Vel hi versus *Persii* ostendunt, illam eloquentiam à sapientioribus non fuisse laudatam. Idem colligere est ex † *Antonini* Imp. verbis, quibus sibi gratulatur, quòd à *Rustico* didicisset τὸ μὴ ἐκ-
τερεῖν εἰς ζῆλον σοφιστικὸν, μηδὲ ἔσσυ-
γεῖσθαι εἰς τὰ θεωρημάτων, ἢ περὶ τρεπτικὰ
λογάκια ἀγρίως : non deflectere ad am-
bitionem sophisticam, neque ad scribendum de
theorematis, nèque ad suasorias orationicu-
las habendas. Sed ii ipsi, qui meritò tu-
midam eloquentiam sui sæculi reprehен-
debant, immeritò sanè stylum durum &
difficilem intellectu affectarunt. Si alii
studiosius æquo figuras & molliorem ele-
gantiam captabant: hi non melius horri-

Tom. I. B b dam

* Sat. I. 83.

† De Seipso Lib. I. 4.

386 ARTIS CRITICÆ P. II. S. I. C. XVI.
dam nescio quam Rhetoricam induce-
bant, quâ veritas non magis innotesce-
bat.

13. Hæc cum fuerint perpetua Græ-
corum & Romanorum studia, Scripto-
res Ecclesiastici primorum sæculorum,
qui eadem ratione ac Ethnici studia sua
instituerant, eodem modo scripserunt ac
Ethnici, & figurato stylo, plus quàm
par erat, indulserunt. Cum crederent
quæ in rebus humanis hyperbolica forent
& nimia, ea rerum ad Religionem perti-
nentium momentum & majestatem vix
satis exprimere, consuetudinem contra-
xerunt perpetuâ quadam declamatione
utendi; adeò ut rarò ad se redeant, &
simpliciter id quod volunt exprimant.
Atque hinc, ut ex superiore Capite con-
stat, non levis intelligendi nascitur diffi-
cultas.

14. Quamvis exemplorum nimia oc-
currat copia, quemvis ex Veteribus *Tra-*
ctatoribus, ut tunc loquebantur, aperien-
ti, unum hîc apponemus ex * *Theophilo*
Antiocheno, quod Scriptorem illum legen-
tibus nuper admodum occurrit. Hanc
ergo rationem reddit, ob quam Deus
conspicius non est oculis nostris: „*Quem-*
admo-

* *Lib. I. ad Autolyceum. p. 15. Ed. Oxoniensis.*

„ admodum malum Punicum cortice involu-
 „ tum habet intus loculos complures pelliculis
 „ distinctos, & pluvina grana inclusa: ita
 „ universa creatura à Spiritu Dei ambitur
 „ (ᾠεῖχεται τὸ πνῦμα τοῦ Θεοῦ) & ipse
 „ Spiritus ambiens, unà cum Creatura, cir-
 „ cumdatur manu Dei (ᾠεῖχεται τὸ
 „ χεῖρὸς Θεοῦ.) Quemadmodum itaque gra-
 „ num mali Punici, quod cortice exteriori
 „ includitur, quæ extra corticem sunt cer-
 „ nere haud potest: sic nec homo, quem unà
 „ cum universa Creatura manus Dei ambit,
 „ potest videre Deum. Quî potuit Ethni-
 „ cus ejusmodi ratiocinationi cedere, qui
 „ nescivit quid sit Spiritus, aut manus Dei,
 „ & ambiri horum alterutro? Imò credibile
 „ est ipsum Theophilum non satis intellexisse
 „ quid sibi vellet, illo nimium figurato ser-
 „ mone. Et ejusmodi quidem loquutioni-
 „ bus, scatent Scriptores Ecclesiastici.

15. Interdum etiam ipsi Patres, vel
 maxime declamationi dediti, invehuntur
 in illam consuetudinem, ut Hieronymus.
 Ad alios enim Concionatores non respi-
 cit, quàm ad Christianos, cùm dicit in
 * Lib. de Vita Clericorum ad Nepotianum:
 Ne quæras pueriles declamationes, sententia-
 rum flosculos, verborum lenocinia, & per fi-

B b 2

nes

* P. 12. Ed. Gryph.

*nes capitulorum singulorum acuta quædam breviterque conclusa, quæ plausus & clamores excitent audientium: Si quis tamen dubitaret an hæc sit Christianorum eloquentiæ descriptio, eximeretur dubium, hisce ex eadem Epistola verbis: * Docentete, non clamor populi, sed gemitus suscitetur, &c. Nolo te declamatorem esse & rabulam, garulūque sine ratione, sed mysteriorum peritum, & sacramentorum Dei tui eruditissimum. Verba volvere & celeritate dicendi, apud imperitum vulgus, admirationem sui facere indoctorum hominum est. Attrita frons interpretatur sæpe quod nescit, & cum aliis persuaserit, sibi quoque usurpat scientiam. Præceptor quondam meus Gregorius Nazianzenus rogatus à me, ut exponeret quid sibi vellet in Luca Sabbathum δὲ τὸ πρόπρωτον, eleganter lufit; docebo te, inquit, super hac re in Ecclesia: in qua, mihi omni populo acclamante, cogaris invitus scire quod nescis. Aut certè si solus tacueris, solus ab omnibus stultitiæ condemnaberis. Qui fuerint antea plausus, aut potiùs tumultus in foro Romano, vide describentem Plinium Ep. XXXVIII. ubi postquàm ostendit, signo dato, coortos esse plausus: Opus est enim signo, apud non intelligentes, ne audientes quidem: nam plerique non audiunt, nec ulli magis laudant.*

* lb. p. 14.

16. Ex

16. Ex nimia in ὁδωμένοις illa eloquentia exercitatione, idem quoque faciebant in suis disceptationibus Christiani, quod in *Pedio* reprehensum vidimus; nempe, pro rationibus, candidisque responsis, figuras adversariis opponebant.

* Legimus, ait alibi idem Hieronymus, ὁ eruditissimi viri, in scholis pariter, & Aristotelea illa, de Gorgiæ fontibus manantia; simul didicimus plura esse videlicet genera dicendi, & inter cetera aliud esse γυμναστικὸς scribere, aliud δογματικὸς. In priori vagam esse responsionem, & adversario respondentem nunc hac, nunc illa proponere; argumentari, ut libet, aliud loqui, aliud agere, panem, ut dicitur, ostendere, lapidem tenere. In sequenti autem aperta frons, &, ut ita dicam, ingenuitas necessaria est. Origenes, Methodius, Eusebius, Apollinaris multis versuum millibus scribunt adversus Celsum & Porphyrium. Considerate quibus argumentis, & quàm lubricis problematibus Diaboli spiritu contexta subvertant. Et quia interdum coguntur loqui non quod sentiunt, sed quod necesse est, dicunt adversus ea quæ dicunt Gentiles. Taceo de Latinis Scriptoribus Tertulliano, Cypriano, Minutio, Victo-

Bb 3

rino,

* In apolog. contra Jovinian. pag. 196. Ed. Gryph.

rino, *Lactantio, Hilario*; ne non tam me defendisse, quàm accusasse alios videar. Tam apertè Sophisticen se adhibere profitetur, ut non modò à celeberrimis eloquentiâ & eruditione Scriptoribus factum id esse dicat; sed etiam, quæ est hominis confidentia, idem Paulo Apostolo tribuat: *Paulum Apostolum*, inquit, *proferam*, &c. *Legite Epistolas ejus & maximè ad Romanos, ad Galatas, ad Ephesios, in quibus totus in certamine positus est; & videbitis eum in testimoniis, quæ sumit de Vetere Testamento, quàm artifex, quàm prudens, quàm dissimulator sit ejus quod agit, &c. Hæret in causa, capit omne quod tetigerit; tergum vertit, ut superet; fugam simulat, ut occidat.*

17. Hinc fit ut, cùm in Scriptis Patrum quærimus quid senserint de dogmatibus obscuris, aut in controversiam vocatis, difficillimè interdum invenire liceat quod ambiguitate careat, aut quod hyperbolicis loquutionibus non sit auctum. Hinc etiam factum ut simplicissimi primævi Christianismi ritus, fallaci pompâ verborum ornati aut potius obruti, nescio quid *μυστηριώδες*, & quod superaret naturæ ordinem, ab initio à Deo constitutum, habere primùm visi sint, & tan-

dem in arcanas cærimonias mutati; unde absurda consuetaria deducta sunt, quibus haud parum corrupta est species Christianismi, primùm nativâ pulcritudine gratissima. Omnes satis intelligunt me loqui de Baptismo, & Cœna Dominica, nec opus est ut in Theologicam disputationem hîc digrediar. Varia habet, de stylo Patrum nimis rhetorico, *Joannes Dallæus* in eruditi Operis *de vero usu Patrum* Lib. I. c. 5. quæ legisse non pœnitebit.

18. Indidem fiebat ut ipsi olim Martyres, ejusmodi orationibus adsueta, ita apud Ethnicos loquerentur, ut intelligi non possent, & pænè interdum insanire viderentur. Colligimus hoc ex *Antonino Imp.* qui Lib. XI. §. 3. docet virum fortem oportere paratum esse mori, *μὴ καὶ φιλιῶ παρέταξιν, ὡς οἱ Χριστιανοί, ἀλλὰ λελογισμένως, καὶ σεμνῶς, καὶ ὥστε καὶ ἄλλον πείσαι, ἀπεργώδως: non ex simplici, quod Christiani faciunt, perturbatione, sed ex ratiocinatione, & graviter, & ut alios persuadere possis, sine tragico verborum apparatu.*

19. Hoc ipsum exprobravit Christianorum Scriptoribus *Porphyrus*, supersticiosus quidem homo, & Christianæ Religioni infensissimus, sed longè doctissimus.

mus. Querebatur Scripturæ interpretes, αἰνίγματα τὰ φανερώς λεγόμενα κερμαίνοντας, ἢ ὑπὸ θηάσαντας ὡς θεσπίσματα πλήρη κρυφίων μυστηρίων, διὰ τε τύφου τὸ κερμαίνον ἢ ψυχῆς καταροηθείσαντας ἐπάγειν ἐξηγήσεις : *postquam ea quæ aperte dicta sunt anigmata esse jactarant, & quasi oracula plena occultis mysteriis veluti numine afflati dixerant, timore orationis judicio fascinato, explicationes suas protulisse.* Certè (Ethnici non exaudient) fatendum Allegoricos Interpretes Scripturæ non immeritò ab eo carpi; neque hoc parum Religioni olim nocuit, & etiamnum nocet. Vide *Eusebium* Hist. Eccles. Lib. VI. c. 19.

20. Posterioribus sæculis, nulla fuit major scribentibus cura, quàm imitandi SS. Patres; unde factum ut quò quisque ingenio magis valeret; eò plures adhiberet figuras, nec umquam quidquam seriò scriberet; quin quàm maximè, seu in disceptando, seu in docendo, Declamatorem ageret. Ne ipsi quidem horridiores Scholastici, in sua barbarie, Rhetoricis pigmentis, pro modulo styli sui, carent. Nemo ferè videtur cogitasse de animi sui sententia quàm simplicissimè exponenda, ut solâ luce veritatis legentes in adfensum traheret; phaleras semper, & quæ

quæsitum aliunde ornatum in præteritorum proximè sæculorum Scriptis videas, non minùs ac in antiquioris ævi monumentis. Verùm hoc inter ea discrimen est, quòd sæculorum antiquiorum eloquentia modestior sit, & majorem sermoni lucem affundat. Faciliùs multò *Ciceronem* intelligas, quàm *Hieronymum*; *Hieronymum* verò faciliùs, quàm *Bernardum*.

21. Hinc jam apparet quanti momenti sint ea quæ de Rhetorico sermone, in antecedente Capite, diximus; quoniam ad omnia sæcula porriguntur, nec aut Veteres aut Recentiores satis tutò legere licet, nisi ea animò attentè versaverimus. Unum superest nobis monendum, ne dictis tribuatur sensus à mente nostra alienus. Nempe, colligere inde fortè quis possit omnem Rhetoricam à nobis damnari; eò quòd obsit perspicuitati. Verùm eos tantùm reprehendimus, qui numquam simpliciter efferunt quod volunt, sed perpetuà quadam declamatione utuntur. Licitum credimus, postquàm Orator aut Scriptor rem sine figuris ac ornamentis clarè exposuit, ut meritò se à Lectoribus, vel Auditoribus intellectum existimare queat; si putet eos non satis commoveri

394 **ARTIS CRITICÆ P. II. S. I. C. XVI.**
moveri simplici sermone, tū demum ar-
tem Rhetoricam adhibere. Commovean-
tur affectus ornatā oratione, per nos li-
cet; sed prius luce veritatis perfundatur
animus Auditorum, ut perspicuè intelli-
gant quid agatur, & quare moveantur
sentiant; non cæco motu perculsi sint,
neque sciant qua de causa, ut passim con-
tingit. Miratur enim plebs quotidie ora-
tiones sacras, quas non intelligit; & quo
minus intelligit, sæpe cò magis miratur.

II. PARTIS SECTIONIS I. FINIS.



ARTIS



ARTIS CRITICÆ

P A R S II.

De Vocum & Loquutionum Signi- ficatione.

S E C T I O II.

In qua particulatim expenduntur Vocum
& Loquutionum significationes.

C A P U T I.

*De significatione vocum, quæ Simplicium
Notionum signa sunt.*

I. **P**OSTQUAM ea monuimus quæ
summatim, de omnium vocum &
loquutionum generibus, moneri
potissimum posse videbantur; devenien-
dum nobis est ad singula earum genera,
ut

396 ARTIS CRITICÆ P. II. S. II. C. I.
ut quæ de singulis observatu digna occurrerent tradamus. Non necesse erit repetere hoc loco quæ de Notionum & Vocum generali divisione diximus, superioris Sectionis Cap. I. nec etiam singula genera philosophicâ subtilitate excutiemus, cum id à nobis jam factum sit, in *Logicâ* nostræ Parte I. Eò Lectores, si quid fortè hîc obscuri erit, amandamus, ne inutili repetitione sit hoc augendum volumen.

2. Nomina *notionum simplicium*, ut ab hisce initium faciamus, sunt dictiones omnes, quibus exprimere nitimur id quod fit in nobis, cum sensus nostri re quapiam quæ illis objecta est, sunt affecti. Cavendum ergo ne confundamus hæc nomina cum nominibus rerum, extra nos positarum, cum sint tantum vocabula cogitationum nostrarum. Scio quidem transferri ea ad res ipsas, sed ortum hoc ex errore vulgari; quo rebus inesse putamus id quod nobis tantum inest, ut recentiores Philosophi ostenderunt. *Colores*, seu singulorum colorum nomina, *albus*, *niger*, *ruber*, *cæruleus*, *viridis*, &c. sunt ejusmodi vocabula. Quam in rem, dudum animadverterunt Philosophi nobis non posse constare, an alios de illis loquentes intelligamus. Nam con-

convenit quidem nobis de nominibus, sed an sensa eadem animis nostris insint ignoramus. Exempli causâ, omnes qui Latine sciunt, cum intuentur herbam, aut arborum folia, in hoc consentiunt ut dicant esse *viridia*. Sed Cajus non potest scire, an Titius eodem planè modo afficiatur, cum intuetur id quod *viride* vocat, ac ipse afficitur; nam quamvis idem sensibus utriusque objiciatur, non sequitur utriusque animum eodem modo affici. Fortasse id quod obversatur menti Titii; cum herbas aut folia adspicit, id ipsum est quod sentit Cajus, quando nivem intuetur, licet uterque dicat illa esse *viridia*. Sæpe contigit unum eundemque virum ita affectos habere oculos, ut res eadem objecta aliter dextrum, aliter sinistrum percelleret oculum; unde intelligere licet posse fieri diversitate organorum, ut non eodem modo afficiamur rebus coloratis, quamvis iisdem nominibus utamur.

3. Si quis à nobis quærat quis sit color *caruleus*, non possumus describere quid sentiamus, cum res quæ hoc colore tinctæ nobis obversantur; aut efficere ut sentiat idem planè ac nos, ita ut id à nobis effectum esse sciamus. Hoc unum possumus,

mus, nimirum, ei digito ostendere serenum coelum, aut mare placidum, aut quidvis aliud quod *cæruleum* vocare solemus; hoc est, quo præsentē & oculos nostros feriente, sensu afficimur coloris cui *cæruleo* nomen fecimus. Quod si colorem cujuspiam rei singularem, quam soli viderimus, & quæ ad manum non sit, exprimere conemur; quanta in difficultate versemur & ipsi per nos sentimus, & ex quæstionibus audientium faciliè animadvertimus. Tunc enim rerum nomina, quibus rebus inspectis, eodem modo affici solemus, coacervamus; nec nobis ipsi, nec audientibus satisfacimus.

4. Præter hæc quæ hominibus eadem Lingua utentibus, eodémque ævo & loco viventibus, quotidie contingunt, unde intelligere possunt, se nominibus quidem consentire, sed scire non posse an sibi de re conveniat; observatu dignum est, in libris Veterum, maximam in hoc negotio aliquando difficultatem intelligendi quid velint occurrere; non modò ob causam memoratam, sed quòd unum idémque nomen coloribus rerum, quibus diversissimè afficimur, imposuerint. Levis aliqua affinitas satis gravis causa eis fuit,

fuit, cur eodem vocabulo illos appellarint; & cum definire non possint sensa hæc animi sui, illa nomina nunc quidem distinguunt, nunc verò miscent.

5. Exempli causâ, 1. *cælum cæruleum* vulgò vocant Latini, ut in *Ennii* verbis: *cæli cærulea templa*. 2. At iidem vocant *angues cæruleos*. *Silius Italicus* Lib. II. sub finem:

Cæruleus maculis auro squalentibus anguis.

3. *Virgilius* Lib. III. *Æneidos*, vers. 63. vittas funebres vocat *cæruleas*.

— *Stant manibus aræ*
Cæruleis mæstæ vittis —

4. Idem vers. 194. ejusdem libri imbrem *cæruleum* his verbis describit:

Tunc mihi cæruleus supra caput adstitit
imber,
Noctem, hyememque ferens.

5. At vers. 208. de mari:

Admixi torquent spumas & cærulea verrunt.

6. *Æ*

6. *Æneidos* Lib. V. vers. 123. *Scylla*, navis *Cloanthi*, dicitur *carulea*. 7. Libro verò VIII. ita describitur *Deus*, qui *Tiberi* præesse credebatur, vers. 33.

— *Eum tenuis glauco velabat amictu Carbasus.*

Et vers. 64.

Ceruleus Tiberis, *cælo gratissimus amnis.*

8. Idem in *Ciri*, vers. 215. *umbras notis* ita vocat:

— *Dementia, subita in formidine, vires Caruleas sua furta prius testantur ad umbras.*

9. *Horatius* verò *Epod. XVI.* *cæruleam Germanorum pubem* dicit:

Nec fera cæruleâ domuit Germania pube.

10. *Cicero*, in *Arateis*, vocavit *Astra carula.*

Carula vestigat finita in partibus astra,
Si

fi credimus nonnullis Editionibus, nam
aliæ habent *austri*. 11. Propertius Lib. IV.
Eleg. 2. Cucumerem vocavit *cæruleum*:

*Cæruleus cucumis, tumidoque cucurbita
ventre.*

12. Scriptor consolationis ad Liviam, de
morte Drusi, eo Epitheto mortem affi-
cit, moribundi describens,

Lumina cæruleâ jam jam natantia morte,

13. Plinius de Heliotropio verba faciens,
ait ejus *noctu velut desiderio (solis) contra-
hi cæruleum florem*. Lib. XXII. c. 21.

6. Intelligimus 1. quare cælum *cæru-
leum* dicatur, quia etsi non afficit omnium
oculos eodem modo; tamen est idem,
& ab omnibus potest adspici. Hinc à
multis Gentibus dicitur hodie *blavum*,
sic enim *cæruleum* vertere possumus.
2. At quare *cæruleum* serpentem dixit
Silius? Voluitne dicere *atrum*? An colo-
ris, ut more nostro loquar, *blavi*, vel
blavastri? Nemo profectò dixerit. 3. Cu-
jus coloris fuerint *cærulea* vittæ, quibus
erat cincta ara, in honorem Polydori
structa, ambigunt, simili de causa, docet
Tam. I. C 6 viri.

virī. Hæc Servius ad eum locum: Cato ait depositâ veste purpureâ, fœminas usas carulea, cum lugerent. Veteres sanè caruleum nigrum accipiebant. Vitta autem carulea in acerbo funere, præcipuè filiorum familias adhiberi solebant. At Ant. Tbylæsius in Lib. de Coloribus Cap. I. Quoniam carulei, inquit, species est penè nigra, ut quod Indicum dicitur, eoque olim vestita Græcæ mulieres amicta producebant eorum funera, quorum in cælum migrasse animas caruleum existimabant; idcirco pro tristi nuncumquam capitur, ut apud Virgilium puppis carulea Echarontis. Nunc non expendam utra sententia vero similior sit, satis est ad difficultatem digitum intendisse. 4. Imber caruleus videtur esse nubes obscura, quales nostram à Græcis dicuntur; at color ille multum diversus, à colore cœli sereni. 5. Carula æquum. Virgilius & alii, innumeris locis, quo fit ut Neptunus ab Ovidio Met. Lib. I. in descriptione Diluvii, dicatur caruleus:

Caruleus frater juvat auxiliaribus undis.

Cui etiam oculi caruleo colore pingebantur, ut docet Cicerō Lib. I. de Nat. Deon. cap. 30. Nemo non credidit colorem maris

maris propriè cæruleum posse dici, si attendat ingentem copiam locorum, in quibus ita vocatur. Non potest tamen, si propriè loquutus est *Cornel. Celsus* Lib. VII. Cap. VII. §. 14. ubi de suffusione: Si exigua suffusio est, si immobilis, colorem verò habet MARINÆ AQUÆ, vel ferri nitentis — spes superest. Si magna est, si nigra pars oculi, amissâ naturali figurâ, in aliam se vertit, si suffusioni color CÆRULEUS est, — vix unquam succurritur. Hîc cæruleus color manifestò distinguitur à colore marinæ aqua. Si quæras à *Servio*, quare mare dictum fuerit à *Virgilio* *Æn.* Lib. VII. v. 198. *Vada cærula*, respondebit *cærum* esse viride cum nigro, ut est mare. 7. Sed navis *Cloanthi* quare cærula dicitur? An blavo erat colore picta? *Servius*: aut nigra, aut atra carina. Omne enim altum nigrum est, ut *scrupea* tuta lacu nigro, nemorumque tenebris. Inepta est, sine dubio, posterior interpretatio; prior potest ferri, quia idem *Charon*, qui

— ferrugineâ subvectat corpora cymba,

Æn. VI. vers. 303. paullo post, vers. 410.

Caruleam advertit puppem, ripaque propinquat.

Certè esse nigram navim necesse est, quia pice obducitur, nisi imponatur alius color, qualis est *cumatilis*, ut undas marinas colore referat. *Homerus* ambiguo similiter Epitheto vocat naves *κυανοπέρους*, quæ habent proram cyaneam. Nam *κυάντεον* blavum & nigrum ex æquo sonat. 7. Si *Tiberinus* diceretur aut *glaucus* tantum, aut *caruleus*, nihil mirum esset; at mirum colores misceri, qui distinguuntur ab aliis: ut à *Celso* vidimus distingui eos, qui misceri solent. *Glaucus* enim idem est ac *caesus*, quandoquidem *Minerva*, quæ perpetuo Epitheto *γλαυκῶπις* dicitur *caesus* oculis pingebatur, ut auctor est *Cicero* de Nat. Deor. Lib. I. c. 30. Dicere licebit *caesos* esse oculos *Minervæ*, *caruleos* *Neptuni*. *Glaucus* autem aut *caesus* est color, quem *viridastrium* nunc vocamus. 8. Umbras nocturnas *Jos. Scaliger* existimat dici *caruleas*, more Græcorum, qui *κυανταὶ ὀφρῶν* dicunt. Ac sanè tenebræ non omni luce destitutæ, non multò aliter nos afficiunt, quàm quæ *caruleo* colore ad nigrum accedente tincta sunt. 9. *Carulea* Ger-

mano-

manorum pubes, dicitur, ut volunt Interpretes ob oculos caruleos, frequentiores apud Germanos, quam apud Italianos. 10. Si Cicero non dixit atra carulea, at à Virgilio in Ciri, vers. 38. Sol & Luna dicuntur

Sidera caruleis orbem pulsantia bigis,

ob colorem cœli, per quod feruntur.

11. Fateor me nescire qui Propertius *caruleum* dicat cucumerem, seu cucumerem propriè dictum, seu melopeponem intelligamus; omnes enim, quos umquam vidi, sunt *virides*, aut *viridastri*, ut loquar hodierno more, vel *flavi*, vel misti his coloribus. *Blavos* verò numquam adspexi. Fortè intelligit *castos*, hoc est, *viridastros*. 12. In Conf. ad Liviam mors dici videtur *carulea*, quòd morientium color soleat esse lividus, hoc est, *blavus moriens*, ut nunc loquimur, vel *plumbeus*.

13. Si Plinius vertit *Dioscoridem*, *caruleum* vocaverit subrubrum, *Dioscorides* enim vocavit floris Heliotropii colorem aut *κόκκινον*, aut *κόκκινον*, Lib. IV. c. 193. Vide utriusque Interpretes & Claud. Salmasium, de Homonymis Hyles Iatrices Cap. XXI.

7. Alterum de coloribus exemplum addam, ex *Homero*; quod etiam ostendet, ideò quòd definiri nequeant, nasci maximam ambiguitatem & obscuritatem in vocibus, quibus significantur. Princeps Poëtarum vinum passim vocat αἶθρα οἶνον quod possemus vertere *nigrum* vel *rubrum* *vinum*, quia, nempe, id vinum est * ἄπ-κεκαυμμένον † ὄψιν, ἥτοι μέλαν, ἢ ἐρυθρὸν, specie ambusta, vel *nigrum*, vel *rubrum*. Sic vocat æs lucidum αἶθρα χαλκόν, *Iliad.* Δ. 495. & alibi. At quo sensu mare vocavit † οἶνον πόντον? *Nigrum*, nempe, dicit, inquit Grammatici. Esto, sed nigror ille maris non accedit ad nigrorem vini rubro colore saturiore tincti; sed potius ad nigrorem, de cæruleo colore multum trahentem. Præterea vocat etiam boves οἶνοπες, cujus rei duplicem causam reddit *Eustathius*, § ἄπ οἶνοπες βόες οἱ μέλανες, Διὸς τὸ μέλανα καὶ † οἶνον λέγεσθαι, ἢ οἱ πυρροὶ Διὸς τὸ καὶ οἶνόν πιναι ἐρυθρὸν εἶναι: *nigri boves quia vinum nigrum dicitur, vel rubri, quia vinum quoddam rubrum est.* Sic videmus non levem hinc nasci ambiguitatem, in nomine coloris; quia nec boum, nec

* *Eustathius in Iliad.* p. 131. *Ed. Rom.*

† *Iliad. A. vers.* 750. & *passim.*

§ *Pag.* 1732. *Ed. Rom.*

nec vini, nec maris semper idem est color, eaque difficulter inter se possunt conferri.

8. Quod si possent *colores*, ut & ceterae simplices notiones, definiri, more Philosophico; eorum semel definitione certâ constitutâ, nulla ampliùs occurreret ambiguitas, quia idem vocabulum semper esset ejusdem notionis animi signum. Similia possemus observare, de variis rationibus quibus afficiuntur auditus, olfactus, gustus, & tactus; quas omnes quidem sentimus, at aliis describere non possumus; quo fit ut nesciamus, an, iisdem nominibus, idem alii ac nos significant. Sed quod diximus de colorum nominibus, ea erunt instar omnium, quæ hanc in rem afferri possent; quia eodem modo de ceteris omnibus, quæ sentimus, est judicandum.

9. Hinc quoque sequitur ut nesciamus, quid sit quod ab aliis, præsertim si eorum mores nobis sint ignoti, *bonum*, *gratum*, *jucundum*, *pulcrum*, in hoc rerum genere, vocatur. Ne enim repetam quod dixi de ratione, quâ quisque afficitur, quæ diversa esse potest, quamvis eodem nomine ab omnibus appelletur; pro consuetudinibus Gentium, magna est in si-

gnificatione earum vocum varietas, quam vix adsequimur, quia definiri nequeunt ea quæ sentimus. Musicam, sive Symphoniam laudant nonnulli populi, quæ aliis summopere displicet. Seres dicuntur delectari genere Musicæ, planè diverso à Musica Europæorum, & egregiam * *Symphoniam* vocitare, quam nos *absonam* esse diceremus. Igitur si quis Serum libros legeret, nec umquam eorum Symphonias audivisset, cum laudatam videret Symphoniam quamdam; non intelligeret quid significarent voces, quibus eam in rem Seres uterentur; easque si ex usu & consuetudine suæ Gentis interpretaretur, gravissimè falleretur. Verùm missis Seribus, quotus quisque est qui legit scripta Græcorum & Latinorum, ubi passim occurrunt Symphoniæ laudes, vel conjunctus legitur tibiarum sonitus cum recitatione versuum in Comædiis, & Tragædiis, qui intelligat quid illa sibi velint? Profectò perpauca, vel subobscurè, suspicantur quæ fuerit illa Musica, & viri doctissimi, qui multum operæ ac temporis impenderunt in illa indaganda, permulta se fatentur ignorare.

Ni-

* Vide Isaac. Vossium de Poëmatum cantu & versibus rythmi.

Nimirum, quomodocumque soni describantur, non possunt satis intelligi, nisi ab iis qui eos, aut similes aliquando audiverint.

10. Nemo non legit quæ Cicero sub finem libri, quem *Oratorem* inscripsit, habet de *Numero* illo oratorio; ausim tamen dicere innumeros esse, quibus inane videatur quod habet, ideò tantum quod non audiverint umquam quemquam aut Poëtam, aut Oratorem, observatâ ratione numeri, legentem; aut quod in Linguis hodiernis, sive numeris adstrictam, sive solutam orationem spectes, nullum ejusmodi numerum habeamus. At qui syllabarum singularum quantitatem (quæ eadem omnino est in prosa, ac in versibus) diligenter observabant, & alios observantes audiebant, dispositione vocum, pro quantitate syllabarum, vehementer afficiebantur. Cicero * orationis numerosæ hoc exemplum C. Carbonis profert, qui in concione dixit: *O Marte Druse, patrem appello, tu dicere solebas, sacram esse Rempublicam; quicumque eam violavissent, ab omnibus esse ei pœnas persolutas. Patris dictum sapiens temeritas filii comprobavit. Ut cetera omittam, ait Cicero hoc dichoreo* (ulti-

* In Orat. c. LXIII.

(ultima vocis) tantum clamorem concionis
excitationem esse, ut admirabile esset. Tum
 subiicit: *Quæro numne id numerus effecerit?*
verborum ordinem immuta, fac sic: com-
probavit filii temeritas: jam nihil erit, etsi
temeritas ex tribus brevibus & longa est. Te-
 stor aures Lectorum, an tantum discrimen animadvertant, in his composi-
 tionibus verborum; ut propter priorem ex-
 clamare debuisse intelligant Populum Ro-
 manum, posteriorem tacitum audire?

- II. At fortè dixerit quispiam, pleros-
 que saltem affici numero versuum Græco-
 rum & Latinorum. Verùm hunc quoque
 numerum plerisque ignotum esse ostendit
 ratio recitationis, quæ ubique fore nunc
 obtinet. Versuum enim *numerus*, cum
 sine dubio in quantitate syllabarum situs
 sit, à plerisque planè negligitur; quan-
 doquidem voces non efferuntur, pro syl-
 labarum quantitate. Græci versus si le-
 gantur, aut memoriter recitentur, ratio
 quidem habetur accentuum; qui ad ver-
 suum numerum nihil faciunt; negligitur
 verò quantitas syllabarum, quæ solæ ver-
 sus constant. Quod cum omnes planè
 corrumpat, Iambicorum potissimum &
 Throchaicorum versuum numeris ita no-
 xium est, ut nihil differant à prosa, quan-
 do

De Simplicibus Notionibus.

do ita , ut dixi , leguntur. Eadem est ratio Latinorum versuum , nam licet in Latina Lingua accentus à nobis non pingantur , attamen constanter pronuntiantur ; nam omnes voces dissyllabas ita pronuntiamus , quasi esset accentus in prima , quæcumque ceteroqui sit ejus quantitas. Sic *dabit* , cujus prima syllaba est brevis , non aliter pronuntiatur ac *lavit* , cujus prima est longa. In trissyllabis vero vocibus , quarum duæ priores sunt breves , semper prima acuitur ; ut , *cápe-re* , cujus primæ non minus insistimus , quàm primæ verbi *cárpere*. Præterea ita nunc pronuntiamus ultimam syllabam nominum primæ declinationis , ut in recto non sit minus longa quàm in sexto casu , ut *Musá* , &c. O productum & O breve , in ultima syllaba , longum facimus. Adhendæ sunt hisce elisiones , quas nullo modo observamus , & quibus neglectis , æquè absurdi sunt versus Latini , ac si in hodiernis Gallicis syllaba , quæ elidi debet , plenè pronuntietur. Quæ regulæ perpetuæ sunt , nec ullâ exceptione laborant. At iis observatis , in lectione versuum planè corrumpitur numerus : quemadmodum perit , in Græcis versibus , si accentuum rationem habeas.

12. Hinc

12. Hinc fit ut multæ syllabæ brevès videantur longæ , & quidem iis locis ubi necessariò brevès esse oportet ; utque duo versus , ejusdem generis , diversum planè numerum habere videantur. Exempla quid velim ostendent. Itaque apponam versus *Catulli* , in quibus eas syllabas notabo accentu , quæ cùm sint naturâ suâ brevès , & tales sint necesse est in versu , tamen legendo producuntur.

*Esse me adfiduo confectum curâ dolore ,
 Sevocat à doctis , Ortale , virginibus.
 Nec potis est dulces Musarum expromere factus ,
 Mens animi , tantis fluctuat ipsâ malis.*

In primo versu ultima syllaba vocis *curâ* , quæ brevis est , producitur pronuntiatione ; in ultimo verò ultima vocis *ipsâ* , & prima vocis *malis* ; quo fit ut ultimus versus videatur esse alijs generis ac secundus , in quo penultima vocis *virginibus* corripitur , & in quo tamen peccatur quòd antepenultima producat. In Iambicis versibus lectis , prout nunc legi solent , idem usu venit. *Phaselum* Catullianum si quis legat , postquam legerit:

Ait

Ait fuisse navium celerrimus,

Correptâ , ut par est , penultimâ , sequentem versum legens eandem syllabam producet :

Neque ullius natantis impetum trabis.

Quo fiet ut videantur esse versus diversi generis. Atque ex his facile est intellectu , plerosque dudum nescire quid sit numerus.

- 13. Igitur hinc sequitur non idem significare *rectam pronuntiationem* , & *numerus* , cum oratorium , tum poëticum , in ore nostro , ac in Scriptis Veterum. Quod nos plausu cohonestamus , illi pastoritiâ fistulâ exciperent ; & vice versâ nobis alii pronuntiationi adsuëtis , quamvis absonæ , ludibrium deberet quisquis , prisco more , recitaret. Unde verò hoc factum ? Nempe , quia , Linguarum hodiernarum consuetudine ita postulante , mutavimus pronuntiationem Linguæ Latinæ , aut potius sensim mutatam à Majoribus nostris accepimus ; quâ mutatione admissâ , necesse est ut *numerus* , de quo tam multa Veteres , planè ignoremus.

414 ARTIS CRITICÆ P. II. S. II. C. I.
mus. Nomen est ejus quod sentimus,
cùm modulata ex arte oratio pronuncia-
tur; cujus nominis significationem me-
lius adsequimur, auditâ rectâ recitatio-
ne, quàm vel amplissimâ rei quam signi-
ficat descriptione.

14. Cùm legimus *tetrum* aut *gratum*
odorem, nisi addatur ex qua re ille odor
manaret, scire nullo modo possumus
quis sit; quia ignoramus sæpe cujus rei
odore homines delectentur. Idem de *sa-
pore* dixeris, qui pro gustuum varietate
laudatur, aut vituperatur. Exempli cau-
sâ, finge Hollandum & Siamensem in fo-
rum piscarium ire, Hollandumque inci-
dere in pisces fluviatiles, per aliquot dies
servatos; illico dicet eos foetere, & de-
terrими saporis esse. Adsit hoc dicenti
Siamensis, olfaciâtque pisces; negabit
esse *tetrum* odorem, & *grati* saporis esse;
si coquantur, contendet. Adsuetus ci-
bis, multo pipere & sale conditis, *insipi-
da* vocabit; quæ alius sat sapida esse di-
cet, qui tanto pipere & sale in cibis uti
non solet. Hic vice versâ, aromatibus
præter modum condita contendet, quæ
probè temperata illi videbuntur.

15. Finge tibi delicatam mulierem,
carpentioque vehi solitam, incedentem
pe-

pedibus, & quidem tenuibus calceis indutis, per viam paullo lapidiosorem, dicet *asperissimam* & *molestissimam* esse viam. Tum eandem calcet rusticus, qui soleat non modò pedibus incedere, sed & loca aspera ac lapidosa peragrarè, negabit eam viam esse *asperam*, aut *molestam*; imò verò sat *planam* & *commodam* judicabit. Quod si uterque describeret iter quod fecisset, neque quidquam de alterutrius sorte, & ratione vivendi sciremus, quo modo possemus intelligere quid sibi vellet? Eadem diversis vocibus significarent, atque iisdem vocibus diversa. Nec dubium est, quin multa talia occurrant, in Veterum Scriptis, quæ moniti Litterarum studiosi posthac animadvertent.

16. Ex hisce etiam colligere licet, nos non satis clarè intelligere posse quid significant voces, *pulcritudo*, *pulcher*, aliæque similes; quia sunt nomina notionum simplicium, quæ per sensus ad nos appellantur; aut notionum compositarum, quæ ejusmodi notionibus simplicibus constant. Didicimus usu quid iis aut similibus nominibus vocetur, apud eos inter quos nati atque alti sumus, cum videremus ea quæ pulcra vocarentur; non verò ex descriptionibus pulcritudinis. Quid verò

verò alii iisdem appellationibus signare soleant vix intelligere possumus, nisi apud eos versemur; unde necesse est nos non satis intelligere quid velint Scriptores, temporum aut locorum intervallis à nobis remoti, vocibus quæ iis quas protulimus verti solent. Ac sanè constat experientiâ, non eandem formam omnibus Gentibus admirationi esse, & laudari. Quam in rem, ita *Sextus Empiricus*, contra Mathematicos, Ed. Genevensis p. 446. Ἀνθρώποι συμφωνῶντες, εἰ τύχοι, οὐδὲ ἔστιν εἶναι πῶς σωματικῶν ὁμορφίαν, οὐδὲ τὸ ὁμόφρον καλῆς γυναικὸς πιστεύουσι. *Homines consentientes quidem fortè esse quampram corpoream pulcritudinem, de formosa verò ὅ pulchra muliere dissentiant.* Τῷ μὲν Αἰθίοπι ὅ τὸ σιμοτάτην καὶ μελανοτάτην προκρίνουσι. ὁ δὲ ὅ Πέρσας ὅ λευκοτάτην καὶ λευκοτάτην ἀποδεχομένης. αἱ δὲ ὅ μέσην κατέπε τὸ χαρρικτῆρος καὶ ὅ τὸ χροῖαν πασῶν καλλίστονα λέγουσι: *præferente Æthiope eam quæ maximè sima ὅ nigerrima est; Persâ verò eam probante, quæ est maximè adunco naso ὅ candidissima; alio verò mediam, ὅ ad figuram quod attinet ὅ ad colorem, pulcherrimam omnium esse dicente.* Alia exempla proferre possemus, sed hoc satis erit; ut quid velimus intelligatur.

C A-

CAPUT II.

De nominibus Notionum Compositarum.

I. **C**UM notiones *compositæ* dicantur omnes, in quibus varias partes distinguimus; ut perfectè adsequamur quid significant nomina ejusmodi notionum, oportet nos ita pervidere omnes partes quibus constant, ut eas ad unam enumerare possimus. Alioqui si quæ pars nos fugiat, non possumus dicere nos plenè intelligere quid ejusmodi nominibus significetur. Si in pyxide, aut in sacco varia essent clausa, ac nos perfectè scire diceremus quæ iis clauderentur; tum verò iis apertis, & oculis expositis omnibus quæ inerant, liqueret fuisse varia, de quibus ne suspicati quidem fueramus; nemo non diceret, nos frustra jactasse nobis notum fuisse quidquid sacco, aut pyxidi inerat. Eadem est ratio nominum, quibus *compositæ* notiones appellantur. Verùm quàm facile est scire quidquid pyxide, vel sacco clauditur; tam difficile est investigare omnes partes notio-

Tom. I.

D d

nis

nis compositæ, quæ verbo quoque significatur.

2. Omnes notiones, quæ animo nostro obverfantur, aut per sensus ad eum appulerunt, seu id semel contigerit, seu repetitis experimentis; aut meditatione, & commentatione ab animo nostro formantur. Itaque ad hæc duo genera omnes compositæ notiones, adeoque nomina quibus significantur referri possunt. Corpora, eorumque qualitates videmus, aliisque sensibus percipimus; ceteræ verò incorporearum rerum notiones à nobis sunt meditando effictæ. Igitur sunt nomina corporum, & nomina rerum incorporearum, quibus significantur notiones compositæ.

3. In quolibet corpore, duo animadvertuntur; quorum alia ei corpori sunt communia cum omnibus aliis corporibus: alia sunt qualitates, ei corpori peculiæres. Itaque quisquis nomen corporis profert, eo nomine complectitur varia illa, quæ in corpore cernuntur. Verùm hoc in negotio magna occurrit difficultas, neque enim ex eo quòd novi in quoque corpore certum numerum qualitatum, sive communium, sive ei propriarum; ideò sequitur omnes, qui nomen
ejus

eius corporis præferunt, notionem ejus habere æquè amplam, aut æquè arctam, ac mea est. Fortasse non novi quidquid illi animadverterunt, aut vidisse se putant in corpore, de quo loquuntur; aut etiam plura in eo animadverti, aut existimo me deprehendisse, quàm illi. Igitur cum eodem nomine utamur, ideo tamen eandem notionem eo nomine non significamus; & dum ignoramus quàm latè pateat, aut quàm arcta sit aliorum notio, nescimus an adsequamur quid velint, anve ab iis probè intelligamur. Idem fit inter nos, ac si nummis quidem ejusdem nominis duo mercatores uterentur, eoque inter se permutarent; sed interez neuter sciret an metallum, quo constarent, anve eorum pondera essent æqualia. Ut periculosum esset ejusmodi commercium, quia unus posset multum pecunie amittere, dum lucraretur alter: sic & non leve periculum est, ne fallamur, dum de notionibus aliorum judicamus ex nostris, similisque prorsus eas censemus, dumtaxat quia eodem nomine appellantur. Hoc autem si verum sit de iis, qui colloquuntur; multò verius est de Scriptis Veterum, disque qui ea nunc intelligere nituntur.

4. Exemplo ut rem illustremus, ab antiquissimis temporibus notus fuit *Magnet*, ut nos docet *Aristoteles* de Anima Lib. I. c. 2. Ἔοικε γὰρ θαλῆς κινητικὸν πρὸς ψυχὴν ὑπολαμβάνειν, εἴπερ τὸ λίθον ἔφη ψυχὴν ἔχειν, ὅτι τὸ σιδηρὸν κινεῖ: *videtur Thales statuisse animam esse aliquid, cui vis movendi inest, quandoquidem dixit lapidem animam habere, eo quòd ferrum movet.* Pluribus etiam hunc lapidem descripsit *Plinius*, *Histor. Naturalis* Lib. XXXVI. Cap. 16. Si quis misceret notionem hujus lapidis, qualem nunc habent Philosophi, cum notione Veterum, existimaret Veteribus etiam notam fuisse qualitatem quâ Polos suos ita dirigit, ut alterum semper Septentrioni, alterum constanter Meridiei obvertat. Quam tamen constat Veteribus ignotam fuisse.

5. Quia Veteres non modò eadem genera animalium viderant ac nos, sed & de iis ingentia volumina scripserunt, ut *Aristoteles*; quia plantas diligenter Instruant, ut liquet ex libris *Theophrasti*, & *Dioscoridis*, ne jam *Plinium* appellem; ideo tamen existimandum non est, iis eandem notionem obversatam esse corporis animalium, & partium quibus plantæ constant; quæ nobis, post Recentiorum pulcherrima

cherrima inventa, obversatur. Ne singillatim loquar de iis quæ ignota antehac fuerant, certum est hæc eorum notiones obscurissimas & imperfectissimas fuisse, si cum nostris conferantur, vel ad solam rationem nutritionis animalium & plantarum quod attinet. Igitur quamvis iisdem vocibus hac in re utamur, iis, cum loquimur, subjecta est potestas multò amplior, & clarior; quàm in Veterum Scriptis.

6. Si quis legerit & expenderit quæ Recentiores Physici de rerum universitate scripserunt, de magnitudine & distantia stellarum, deque amplitudine totius rerum naturæ; is demum intellexerit, si modò intelligi potest, magnitudinem operum Dei; deque iis sentiet, prout tanto artifice dignum est, si humana imbecillitas nos umquam patitur digna Numine cogitare. At idem, si postea legat quæ Veteres plurimi de finibus *Mundi* scripserunt, mirabitur quî potuerit fieri ut sapientes viri in tam absurdis conjecturis adquiescerent. Videbuntur ei viri acutissimi pænè, hoc in negotio, delirasse. Exempli causâ, *Aristoteles*, de cœlo Lib. II. c. 4. ita loquitur de *Mundo*.

Σφαίρειδης ἐστὶν ὁ κόσμος — — καὶ τῷ

ἀκρίβειαν ἔνταυθα ἔτιωσ' ὥστε μηδὲν μήτε χει-
ρὸ κμητὸν ἔχειν ὡς πωλησίως, μήτε ἄλλο μη-
δὲν ἢ παρ' ἡμῖν ἐν ὀφθαλμοῖς φαινομένων:
Sphaericus est mundus ὅτι *usque adeo rotundus*,
ut nihil illi conferri queat eorum quæ manu
facta sint, *neque aliud quidquam quod in*
oculis nostris versetur. Facile esset talia mul-
ta congerere.

7. Qui, dum hæc legunt, subjiciunt
voci κόσμος, *mundus*, eandem notionem,
quam recentiores Astronomi, non pos-
sunt non ridere Veteres, qui similia af-
firmarunt. At meminisse eos oporteret
Veteres *Mundum* vocasse spatium illud,
quod hinc ad stellas porrectum est, ne-
que stellas admodum remotas existimas-
se. Cum autem hæc in orbem circa ter-
ram sita viderent, ideò crediderunt *Mun-*
dum esse rotundum. Sed qui norunt So-
lem esse centrum, circa quod hæc nostra
Terra, cum ceteris Planetis, in orbem
agitur; stellasque alias totidem esse So-
les, qui non magis moventur quàm hic
noster, & immensâ distantîâ inter se di-
visi sunt; nec ullam esse rationem, cur
putemus nos hinc profectos ad ultimum
operum divinorum pervenire posse, si per
totam æternitatem rectâ lineâ ad ulterio-
ra feramur; qui, inquam, hæc norunt,
non

possent capere qui *Mundus* hic, quem animo ita contemplantur, rotundus dici queat. At, ut dixi, idem non intelligebant Veteres, voce *Mundus*. Igitur cavere debemus ne notiones nostras mutuas Veteribus demus; deinde, ex notionibus illis, de eorum sermone judicemus, ut passim fieri solet.

8. Si velimus eorum mentem adsequi, oportet nos veluti nostrarum opinionum oblivisci, & ad eos, ut ita dicam, rudes atque integros discipulos afferre; qui quærant quid Magistri illi veteres senserint, non quod sentire debuissent videntur, ut scaperent. Non debemus eorum dicta cum ipsa rerum, de quibus loquuntur, natura conferre, quatenus nobis nota est; nam, ut diximus eorum cognitio amplior, aut tenuior esse potuit, quam nostra; sed eorum mentem ex ipsis eorum verbis, quantum licet, interpretari. Si ex eorum oratione non possimus colligere, quæ fuerint omnes partes, quibus notiones eorum compositæ constabant, de ceteris nihil est pronunciandum; fatendum potius nos non planè adsequi quid sibi voluerint.

9. Manifesta hæc mihi esse videntur, cum ex re ipsa, tum ex superioribus exemplis

plis; quibus similia innumera harum rerum studiosi observabunt, si attendant, dum Veterum Scripta legent. Attamen contrarium planè fit, nam ad lectionem Veterum accedimus ita animo affecti, ut parati simus iis omnia nostra dogmata, si vel minimùm per eorum verba licet, attribuere. Si quid omittunt, quod videatur pertinere ad perfectionem notionis, quam in eorum libris quarimus, id ex nostris observationibus, aut opinionibus supplemus. Quo modo pro sententiis Veterum, postea Systema quoddam doctrinæ habemus, quod partim eorum opinionibus, partim nostris constat additamentis.

10. Constitutis verò nonnullis dogmatibus, cùm ex lectione Veterum, tum ex nostris supplementis, hîc non consistimus; sed consecutaria innumera, cùm proxima, tum remotiora; cùm necessaria, tum verisimilia ex iis deducimus. Quæ omnia Veteribus tribuimus, quasi eorum notiones æquè latè patuissent ac nostræ, & consecutaria illa infinita, quæ ex iis deducimus, pro suis agnitori essent, si reviviscerent.

11. Visne exempla ejus rei, in negotio maximi momenti, atque ad notiones præ-

præsertim incorporeas pertinentia? Veteres Christiani, qui per aliquot sæcula Platonici fuerunt, cum legerent Scripturam, ut ex ea Religionis Christianæ Systema quoddam colligerent; Platonicas suas notiones Scripturæ notionibus ubique miscuerunt, & quod in Scriptura non legebatur, quodque credi volebant, ex ea deduxerunt confectariis, non ex uno fonte derivatis, sed ex *Platone*, æquè ac ex Prophetis. Cum verò Occidentales Christiani *Aristotelis* Scripta terere, & admirari cœpissent; tum quoque cœperunt Peripatetica dogmata miscere cum Scripturæ decretis, atque ex illa mistura infinita confectaria deducere, quibus conflata est Scholastica Theologia. At nunc, variis in locis, ubi in pretio est *Ren. Cartesii* Systema Philosophicum, miscentur ejus opiniones cum iis quæ ex Prophetis & Apostolis discere licet; atque inde corpus ipsum Theologiæ, quasi ex sola Scriptura collectum, conficitur.

12. Quod Scriptura de Deo, ejusque natura, nos docet ex *Platone* interpretati erant Veteres, ex *Aristotele* verò Scholastici, nunc ex *Cartesio* multi interpretantur; & ut præterita sæcula, pro ibrida illa Theologia, pugnarunt Scriptis, anathe-
matibus,

matibus, legibus, edictis, quasi pro meritis oraculis divinis: inveniuntur fortè olim qui pro Cartesiano-Christianismo, quasi pro aris & focis, decertent. Imò verò jam inventi sunt, in perspicacissimi hujus sæculi luce, qui invidiam facere nequissimè conentur iis, qui Apostolos ex *Cartesio* interpretari nolunt; eosque traducant, quasi negarent dogmata, quorum Cartesianas interpretationes repudiant.

13. Duo tantum alicujus momenti huic nostræ doctrinæ, de omnibus partibus notionis compositæ inveniendis in Scriptore, cui eam tribuere volumus, objici queant. Nimirum, I. quando sermo est de rebus, quæ Veteribus æquè videntur notæ fuisse, ac nobis, nullam satis gravem esse rationem, cur nominibus, quibus utuntur, non æquè amplam significationem subjectam fuisse suspicemur, ac nostris; sive cur non putemus totidem partes fuisse, in notionibus illis compositis Veterum, ac in nostris. Unde sequi videtur, eos de iis rebus ratiocinari, quemadmodum hodie solemus, atque ex iisdem notionibus eadem, ac nos, consectoria ducere debuisse.

14. Profectò si spectentur res, quæ ex quotidiana hominum omnium vita necessario

fariò cognoscuntur , & quæ semper eadem , per omnia sæcula , fuerunt ; non dubitarim Veteribus eandem eorum ac nobis tribuere cognitionem , quæ ex quotidianis experimentis hauritur. Talia sunt *cibus* , *vestitus* , *mors* , *vita* , & alia innumera. Verùm ubi opus est ratiocinatione , ut notio quæpiam formetur , præsertim si paulò plures enunciationes completatur ratiocinatio ; non opinor tutum esse , Veteribus ea de re silentibus tribuere eandem notionem ac nobis ; quia facillimè fieri potest ut illâ ratiocinatione usi non sint , adeoque eam notionem non formarint. Potuerunt Veteres de consecrariis , quæ deducimus ex iis quæ perspecta habebant , non cogitare ; quod non intelligo dumtaxat de consecrariis verisimilibus , sed & de prorsus necessariis. Neque hoc potuit tantùm fieri , sed etiam persæpe factum est , in rebus manifestis. Exempli causâ , norant & Veteres & proximè elapsa sæcula ; norant , inquam , *sanguinem* esse liquorem , qui perpetuò è corde fluit ad extremos artus ; sciebant , ut sanguis è vena commodè emittatur , vinciendum esse artum , inter cor & extremitatem. Hinc , ut alia omittam , necessariò , nisi mens læva fuisset , debuissent

sent colligere esse in corpore nostro vasa per quæ sanguis ad extremos artus feratur; & alia, per quæ ad cor refluxo æstu redeat. Si res in se spectetur, sique argumenta, quibus à *Guil. Harveio* confirmata est, expendantur; non tam videbitur fuisse perspicacis ingenii motum sanguinis in orbem invenire, quàm stupidi non vidisse. Attamen res ab omnibus adhuc ignorata fuerat. Non multò majoris negotii erat invenire *Antipodas*, positâ eâ cognitione Navigationis & Astro-miæ, quæ fuit à multis sæculis, apud varias Gentes, quàm sanguinis reciprocum æstum; & cum primùm nonnulli Philosophi, aut Nautæ mentionem ejus rei injecerunt, omnes debuissent illico rem quasi verissimam agnoscere, & pudore suffundi, quòd citiùs eam non animadvertissent. Contrà omnino accidit, ut san-ctis, & probris, imò etiam anathemati-bus exciperentur, non à stultis, sed * ab acutissimis ac eloquentissimis sui sæculi viris, qui *Antipodas* primùm in lucem, per hoc nostrum Hemisphærium, profer-re ausi sunt.

15. Hisce exemplis, manifestò liquet
iis,

* Vide inter alios *Augustinum de C. D. Lib. XVI. c. 9.* & *Lactantium Lib. III. c. 24.*

his, qui principia ex quotidianis experimentis norunt, non satis tutò attribui cognitionem *confectariorum* necessarium. Quod si in rebus sensus percellentibus, clara & facilia *confectaria* homines non vident; quid erit dicendum de rebus incorporeis? Cautiùs erit agendum, neque quidquam affirmandum, de quo manifestò non constet. Quæ ratiocinatione colligimus ex enunciationibus, quæ apud Veteres leguntur, non sunt continuò illis tribuenda; quamvis firmæ sint, & faciles ratiocinationes. Animus humanus non modò omnia non videt simul, sed per sæpe etiam ea quæ videre posset non intructur. Quandoque ante pedes posita negligimus, ut remotiora sectemur. Amplissimus hîc mihi se se aperit campus, in quem digredi possem, si vellem. Sed in arctiorem gyrum coërcenda oratio, & Lectoribus satius est relinquere quærenda quæ omittimus, quàm eos nimia exemplorum copiâ obruere.

16. II. Objici præterea possit, si admittatur quod diximus, de non tribuenda ulla parte notionis compositæ Veteribus, cujus clara non sint in eorum Scriptis vestigia; præsertim in re paulò difficiliore; inde sequi pausa eorum verba per-

perfectè à nobis intelligi posse; cum pleræque ejusmodi cogitationes significant; nec proinde *adaquatas* notiones, eorum quæ docent, comparari. Unde iterum sequetur, multa, quæ credi vulgò solent ex contraria ratione interpretandi, dubia videri oportere; quod si verum esset, multò minor utilitas nasceretur ex Veterum lectione, quàm à plerisque adhuc existimatum est.

17. Respondemus 1. verissimum esse multò pauciora intelligi, quàm Vulgus putat: 2. innumeratum opinionum, quæ apud Veteres viguerunt, *inadaquatas* tantum notiones posse comparari: 3. idèoque frustra sæpe in eorum Scriptis quæ solutiones controversiarum, quæ nunc exercent viros eruditos. Verùm tantum nostrâ non interest accuratissimè scire, quid per omnia voluerint Veteres; cum ex potissimorum capitum cognitione colligere possimus omnia, quæ necessaria sunt ad bene, beatèque vivendum. Si tantæ utilitas ex Veterum Scriptis non colligatur, quanta colligeretur, si quæcumque dicunt non obscurius intelligimus, quàm ipsi intellexerunt; at ita non dum quàm maximè licet, sine errandi periculo; sit magna enim utilitas ea erit, ut
gra.

gratulari nobis debeamus, quòd eorum tot monumenta ad nos pervenerint. Multa fortasse, neque enim dissimulabo, comperiemus nos nescire, quæ scire nos antea falsò putabamus; sed quid? an præstat opinari sibi esse nota, quæ re ipsa nota non sunt, quàm intelligere suam ignorantiam? Non opinor; imò verò, si Socrati credimus, humanæ sapientiæ apex in eo situs est, ut quàm ignari simus, probè cognoscamus; cui viro si quis adfenserit, iudicio suo meum etiam adscribat.

18. Si hæc probè intelligeretur interpretandi ratio, & in animum, ut par esset, demitteretur; non parum conferre posset, ad trium gravissimorum Reipublicæ Litterariæ, imò & Christianæ malorum emendationem. Retunderetur primùm superbia nonnullorum Criticorum, nata ex eo quòd putent se scire quod nesciunt, & quâ sæpe bonis litteris aut invidiam, aut contemptum crearunt. Deinde mitigaretur ferox ingenium non paucorum Theologorum, qui intelligerent sæpe, si ad hanc normam ratiocinationes suas exigent, ex Scriptura nullo modo posse probari, quod in ea clarè haberi, ob Critices ignorantiam, existimant. Parcius uterentur anathematibus, & dissentientes faciliùs fer-

432 ARTIS CRITICÆ P. II. S. II. C. II.
ferrent. Denique errores orti ex temerariis conſectariis deductis ex Scriptura, contra allatas Regulas explicata, agnoscerentur, atque ex Chriſtianorum Theologia eliminarentur; quod optare adhuc licuit, ſed nescio an ſperare umquam licebit. Verùm res eſt tanti momenti, ut Eruditi omnes operam conferre debeant, non modò ad augendam aliarum rerum, ſed præſertim noſtri ipſius, hoc eſt, noſtræ ignorantie cognitionem. Nec hoc munus eſt dumtaxat Theologorum, ſed etiam Philoſophorum & Criticorum; qui artes quas proſitentur, non dicis cauſâ, colunt; ſed ut quoad licet humano generi profint, dimittantque proinde diſcipulos, non modò doctiores, ſed & mo-deſtiores ac mitiores, contrà quàm vulgò fieri videmus.

C A-

CAPUT III.

De Nominibus Substantiarum &
Modorum.

1. **L**OGICÆ nostræ P. II. c. 3. ostendimus quàm sit obscura notio *Substantiarum* omnium, quæ quasi reverâ sint spectantur; unde sequitur, earum nomina significare notiones obscurissimas. Namine *Substantia* intelligimus naturam, quæ per se est, & cui insunt variæ qualitates, quas *Modos* solemus vocare. Sed quæ sit illa natura ignoramus, nisi quòd certas qualitates in ea simul esse cernimus.

2. Igitur quotiescumque occurrit nomen *Substantiæ*, apud veterem Scriptorem, ante omnia intelligamus necesse est, illi ignotum fuisse obscurum illud *subiectum*, ut loquuntur Physici, cui insunt qualitates. Deinde quor in illo nosset, vel esse putaret (nam hîc, ubi de animi notionibus agimus, perinde est an sint, anve esse putemus) qualitates, plerumque nobis ignotum esse; ac proinde an voci quam legimus eandem subiciamus

Tom. I

Ee

po-

potestatem, quam subjecit is qui eâ olim usus est. Exceptis enim Substantiis nonnullis, quæ omnibus ex æquo notæ, quotidianâ experientiâ, nec notiores sunt nunc quàm olim, aut fuerunt olim quàm nunc; dicere nemo queat, num Scriptor, quem legit, idem prorsus intellexerit ac quod legentis animo obversatur. Quam in rem, in memoriam revocandam est quod Capite superiore dicebamus, de nominibus notionum compositarum; nam Substantiæ quoque notio composita est, ut ex allata ejus definitione liquet.

3. Exempli causâ, *Deus* est nomen Substantiæ, quæ licet singularis naturæ, nec cum ulla alia conferenda, spectatur tamen à nobis quasi subjectum quoddam, ornatum qualitatibus, quæ ejus *attributa* vocari solent. Quæcumque formetur Dei notio, est illa à *posteriori*, ut loquuntur Scholastici; nempe, si ex usu, nunc inter Christianos recepto, describatur, collectio præstantissimarum quarumque qualitarum, quæ nullo defectu finiri intelliguntur. At quamvis singulas illas qualitates, animo à ceteris sejunctas, & *abstractè*, ut loqui solent, spectatas intelligere possimus; attamen subjectum, cui insunt, adsequi non possumus; adeoque nomen

nomen Dei nomen est notionis obscurissimæ, etiam inter Christianos. Sed inter Ethnicos multò obscurior est, quippe apud quos, ut antea * ostendimus, nomen est Naturæ humanæ præstantioris, sed cujus quàm latè pateat præstantia non liquet. Erant enim illis varii ordines Deorum, quorum aliis alii superiores esse credebantur. Invocabantur

——— *dī, deaque, superi, atque inferi
& medioximi,*

ut ille loquitur apud *Plautum*, *Cistellariā* A&. II. S. I. vers. 36. ad quem vide Interpretes, & eos qui de Diis scripsere. Colebantur & Dii *mali*, ne nocerent, qui, ut docebat † *Labeo*, propitiabantur cædibus & tristibus supplicationibus, unde apparet quandoque, non dissimulatis ipsis Ethnicis, voces *Deus* & *Numen* significare Naturam hominibus quidem potentiorē, sed nequaquam meliorem. Igitur non erat certa potestas his vocibus subjecta, & cū sermo sit de Naturis in-

E e 2

con-

* P. 2. S. I. c. 3.

† Vide *Augustinum de C. D. Lib. I. c. 11.* & alibi. *Adi & Plutarchum de superstitione.*

conspicuis difficillimè scire licet quid sit earum nominibus pro locis, in quibus occurrunt, intelligendum. Quousque enim porrigebatur præstantia Deorum inferiorum, mediorum, & superiorum? Nemo certè dixerit, nec Ethnici ipsi figmentis illis suis certos limites constituerant. Si sermo sit de rebus, quæ oculis usurpari possunt, ea quæ de illis dicuntur comparamus cum iis quæ cernimus; atque ex illa comparatione, colligimus quid voluerit is, cujus verba intelligere conamur. At rem inconspicuam, qualis est divinæ natura, non possumus conferre cum nominibus, quibus vocari solebat. Itaque nihil obscurius est illis vocibus.

4. Possunt duorum ejusdem temporis, & gentis hominum comparari sermones, qui planè contrarii erunt, de una eademque illa Natura, à qua omnia regi consentient. De eadem tabula picta ita dissentire nequeunt, ut alter in ea Elephantem esse pictum, alter Hominem contendat; at de Deo, quia inconspicuus est, æquè repugnantia affirmare possunt. Alter describet tibi Deum quasi hominum patrem, qui numquam eis benefacere desinat, & peccantibus facile parcat, nec libenter

benter pœnas infligat. Sic de Deo lo-
quetur Philosophus, ut omnes norunt.
Contrà superstitiosus describet tibi Deum
ἀέεθαιον, ἀμετάβολον, ἀχερῆ πρὸς ὀργήν,
ἐπὶ τοῖς τυχεῖσι πμωρητικόν, μικρόλυπον:
*inconstantem, mutabilem, primum ad iram,
vindictæ levibus de causis cupidum, de mi-
nimis indignantem.* Quæ verba sunt *Plu-
tarchi*, è libro de superstitione. Itaque
licet ejusmodi homines consentiant de vo-
ce *Deus*, & nonnullis Dei *attributis*; in
ceteris multum dissentiunt, nec idem vox
Deus in utriusque ore sonat. Si supersti-
tiosus ex sua notione vocem *Deus* inter-
pretetur, in viri sapientis oratione, toto
cœlo errabit; si sapiens, vice versâ, ex
suo sensu in superstitiosi verbis eam intel-
ligat, non minùs fallitur. Igitur in hisce
potissimum rebus cavendum est, ne ex
nostris notionibus verba Ethnicorum in-
terpretemur.

5. Ad Christianos Scriptores ut redea-
mus, multi multa de creatione, ceteris-
que actionibus Dei scripserunt; sed fa-
tendum est, ut nobis omnino constat re-
rum universitatis initium ad Deum aucto-
rem referendum esse: ita rationis, quâ è
nihilo creavit, seu actûs illius, qui *crea-
tio* dicitur, nullam à nobis claram notio-

nem formari posse. Sunt & alia *μυστικώτε-
ρα*, quæ à Theologis dicuntur de Deo,
& quæ haud magis intelliguntur, ut fa-
cile possemus ostendere. Quando quis-
piam loquitur de actione rei corporeæ, in
aliud corpus, illâ conspectâ intelligimus
quid velit; sed quî possumus intelligere
eos qui de actibus quibusdam divinis ver-
ba faciunt, quos nec nos, nec illi vidi-
mus? Cùm sermo est de homine nobis si-
mili, in cujus animo vel corpore quid-
piam contigisse dicitur; ex nostra ipso-
rum experientia, quadamtenus saltem,
suspicari possumus quid significetur. At
quid intelligere possumus, ubi sermo est
de Natura nobis dissimillima; & de qua
ea dicuntur, quibus similia in nobis
numquam experti sumus? Attamen si
proferantur verba, ex Scriptoribus di-
vinitus afflatis deprompta, non difficulter
credimus iis subesse sensum quempiam
quem ignoramus, quia spiritus divinus
res divinas novit. Verùm cùm homines
sine afflatu de ejusmodi rebus loquuntur,
non modò non intelligimus quod dicunt,
sed ne ipsi quidem satis sciunt quid sibi
velint.

6. Vocabula Substantiarum creatarum
esse pariter rerum obscurissimarum nomi-

na,

na, ex ipsarum consideratione ostendimus, loco *Logicæ* nostræ memorato; neque hîc quod illic diximus repetere necesse est. Ipsas Substantias non videmus, nec quid intelligant earum nominibus alii, præsertim quos interrogare non licet, scire possumus. Qualitates, ut dixi, quæ in iis esse putent nescimus. Cavendum ergo est, in interpretatione Veterum, ubi de hisce loquuntur, ne iis tribuamus quod ipsi intelligimus, pro eo quod illorum animis obversabatur.

7. Verùm non singulares dumtaxat Substantiæ considerantur, sed Substantiarum collectiones; quæ quò ampliores sunt, eò habent nomina obscuriora. Nomina sunt collectionum Substantiarum similium, ut *exercitus*, qui significat cœtum militum; *classis*, quæ est collectio navium; *urbs*, quæ est multitudo domuum, & similia innumera. Sunt quoque nomina collectionum Substantiarum dissimilium, ut *navis*, *domus*, &c. In hisce autem animadvertendum est spectari non nudas tantùm Substantias, sed innumerose etiam Modos, qui iis inesse intelliguntur; quo fiunt notiones ampliores, eadèmq; operâ obscuriores.

8. Si vel eà nomina expendamus col-

lectionum Substantiarum, quæ, exempli causâ, attulimus, quàm obscura sint ejusmodi vocabula faciliè animadvertemus. Scimus quidem *exercitum* esse multitudinem militum, qui sunt sub signis, & duci aut ducibus parent; satisque clara est ea notio, si ita *abstractè* consideretur. At si agamus de exercitu, non qui esse potest, sed qui est, ut claram ejus notionem habeamus, qualis necessaria est, ut de rebus ab eo gestis, aut gerendis judicare possimus; plura sunt cognoscenda, quorum ferè semper maxima pars omittitur à Scriptoribus, qui ea voce utuntur. Scire, exempli gratiâ, nos oporteret 1. quot sint milites: 2. an sint veterani, an tiro-nes; equitèsne, an pedites; seu quot fuerint utriusque generis; quo armorum genere instructi, & cui pugnae rationi adfueti: 3. cujus sint gentis, & quomodo exercitati: 4. quàm animosi, aut quàm timidi: 5. an ducibus dicto audientes sint, an iis confidant, vel diffidant: 6. quis sit animus, quæ peritia, quæ potestas ducum: 7. quos habeant belli apparatus, & unde omnia exercitui & bello gerendo necessaria comparare queant: 8. qui sint iis focii, & quæ auxilia ab iis accipere possint, &c. Attamen plerique Historici, qui

qui aut Rerum publicarum generales Historias, aut excellentium Imperatorum vitas scripserunt, ne quartam quidem partem earum rerum, ut par erat, memorant; seu eas ipsi rescire non potuerint, seu cum scirent, imperitiâ scribendi, dicere neglexerint; unde consequens est ut de præliis, victoriis, expeditionibus, itineribusque exercituum, & universim de eorum rebus gestis, non satis exploratò judicare possimus. Lege mihi Historicos omnes, quotquot sunt, Græcos ac Latinos; & comperies plerosque eâ ommissione gravissimè peccasse, atque densissimas tenebras toti narrationi offudisse. Dicemus iterum aliquid hac de re, in Sect. 3. Part. III. hujus Opusculi, ubi de *Curtio* agemus. Atqui solet conferri Historia Picturæ, quasi, nimirum, res gestas populorum & virorum insignium oratione nobis pingeret, & spectandas posteris daret. Quis verò ferret in vultu hominis pingi dumtaxat oculos & nasum, omiſſis ceteris partibus? An judicium ullum posset fieri de pulcritudine totius vultûs, ex tabula, quæ dimidiam tantum ejus partem spectandam præberet? Attamen ita se gerunt plerique omnes Historici; ut ex iis, quæ modò dicebamus, liquet, &

VO-

442 ARTIS CRITICÆ P. II. S. II. C. III.
volumus de eventibus, quos eorum Hi-
storiæ complectuntur, certa judicia ferre!
Verùm, si sapimus, ex imperfectis ejus-
modi descriptionibus, conjecturas tan-
tùm faciemus; quas nec accuratas, nec
adequatas esse fatebimur, nec pertina-
ciùs æquo defendemus. Stultum certè
esset ex tabula imperfecta, de tota re quæ
pingitur, sine provocatione ad ampliorem
cognitionem, judicare velle.

9. Omnes putant se scire quid sit *clas-
fis*, & sæpe Historici maritimas copias eâ
solâ voce describunt; omissis numero,
magnitudine, & formâ navium, numero
classiariorum & militum, aliisque circum-
stantiis, quas memoravimus, cùm de
exercitu loqueremur. Attamen absque
accuratiore cognitione eorum omnium
quibus constat classis, *adequatum* nullum
judicium de ea ferre nobis licet. Idem
dicendum de voce *urbs*, cujus domuum
numerus & amplitudo reticetur, & quæ
quot incolas habuerit, quæve divitias
ignoramus; quod frequentissimè, inter
legendum, contingit. *Urbs* aut *oppidum*,
id plerumque dicitur quod *descripsimus*,
si mœnia & fossam addideris, quibus mu-
niri solet. At qui eas voces ex hac de-
scriptione intelligeret in Historia Veterum
Bri-

Britannorum, is vehementer falleretur, si credimus *Cæsari*, qui Lib. V. c. 21. ita eorum oppida pingit: *Oppidum*, inquit, *Britanni vocant*, cum *syloas impeditas vallo & fossâ munierunt* quò incurfionis hostium vitandæ causâ, convenire consueverunt. Vide not. à nobis ad Gen. III, 17. Utebantur voce *Caer*, quæ eadem est ac Phœnicia *כרת* *Kirtha*, hoc est, *urbs*, à verbo *כר* quod sæpe convocare sonat; quia eò convocati ex agris conveniebant.

10. Quod si nomen collectionis Substantiarum proferatur, quæ complectatur diversi generis Substantias, innumeris *Modis* ornatas, nec aliter describatur; oportebit nos in obscurissima notione adquiescere. Exempli causâ, *navem* adduximas, quod nomen est machinæ lignæ ingenti numero partium, inter se compactarum, constantis; in quia sunt clavi, mali, funes, & cetera armamenta. Quia in Scriptis Veterum nulla est navis, præsertim longæ, descriptio accurata; per multa sunt in descriptione classium, & navalium præliorum, quæ nullatenus possumus adsequi. * *Florus* nos docet magnas classes à Populo Romano, brevissimo tempore instructas fuisse, eisque im-

po-

* Lib. II. c. 2. quem confer cum Polybio Lib. I.

positos & transvectos maximos exercitus, quod vix ac ne vix quidem intelligere possumus, ob causam memoratam. Scio esse permultos, qui Romanam Historiam legant, atque illa, veloci lectione, prætervolent, quasi nihil esset difficultatis; sed hoc ipsum ostendit Lectores persæpe adquiescere in obscurissima notione eorum, quæ maximè intererat probè scire; nec eo seciùs de aliis judicare, quàm si accuratissimè omnia perlustrassent. Qui non satis intelligent quid velim, ii adeant * eos, qui de re nautica Veterum scripserunt; rem enim copiosius exponere, per institutam brevitatem, non licet.

11. Hisce de notionibus Substantiarum demonstratis, non opus erit, ut multis agamus de Modorum notionibus; quia, ut monui, omnes Substantiæ spectantur, quasi Modis variis præditæ. Tria ergo dumtaxat animadversione digna profereamus I. Si Modum unum *abstractè* consideremus, exempli causâ, figuram quamlibet, notio ejus nobis obversatur summæ perspicuitatis, atque ejusmodi notionum nominibus utuntur Geometræ; sed de his intelligendis hoc loco non laboramus, nec ulla

* Præsertim Joan. Schefferum & Marc. Meibomium.

ulla est certior via , quâ perveniatur ad intelligentiam Veterum qui de Geometria scripserunt , aut eam alicubi attigerunt , quàm si ei disciplinæ operam demus.

12. II. Sunt etiam nomina Modorum, non minùs perspicua attendentibus , sed quæ usu Vulgi ita ambigua facta sunt, ut recentiores demum Phyfici eam ambiguitatem animadverterint. Nomina qualitatum, quæ *senfiles* vocantur, duo significant, quæ non possunt sine maximo errore misceri , & tamen à Vulgo miscentur. Exempli causâ , *lux* , *sonus* , *odor* , *sapor* , *calor* , &c. sunt ejusmodi nomina, quibus significatur cùm id quod sentimus, quando animadvertimus *lucem* , *sonum* , *odorem* , *saporem* , *calorem* , &c. tum id quod est in corporibus lucidis, sonoris, odoratis, sapidis, & calidis. Quod quidem sentimus est Modus nostræ Mentis; quod verò est in illis corporibus eorum corporum Modus , isque planè diversus ab eo qui est in nobis. Verùm de his solent agere Phyfici, & nos diximus quod satis sit , *Physicæ* nostræ Libro Quinto. Itaque nihil ea de re addemus, cùm præsertim non soleant Critici in tam subtilem notionum divisionem, & considerationem descen-

descendere. Satis iis est, si modò possint Veteres interpretari, æquè clarè ac intelligitur vulgò sermo hominum, vernaculâ Linguâ utentium.

13. III. Innumera sunt vocabula, quæ significant non unum Modum, qui rebus extra nos positis, aut Menti nostræ insit, quales sunt ii de quibus modò dicebamus, sed plurium Modorum collectionem; eaque vocabula difficilia sunt intellectu, quòd non sit facile omnes Modos, quos significatione suâ complectuntur, invenire; quia ii qui iis vocabulis usi sunt, ea numquam aut rarò sat accuratè definierunt, nec possunt nunc à nobis interrogari. Talia sunt nomina affectuum, vitiorum, & virtutum. Hæc enim sunt dumtaxat varii Modi, qui nobis insunt, aut inesse possunt, & quorum certis collectionibus certa nomina imposita sunt. Ut ergo accuratè intelligamus quid significant ea nomina, oportet nos scire quot varios Modos complectantur, quorum si vel unus nos fugit, dici non possumus ea nomina intelligere. Exemplis res liquidior fiet.

14. *Amor & Odium* affectus sunt, qui in historia humani generis, omnibusque fere omnium Scriptorum scriptis, utramque

que paginam faciunt. *Amor* vix potest ita definiri, ut una definitio conveniat omnibus affectibus, qui eo nomine vocantur, propter maximam eorum varietatem. Constat quidem quidquid eo nomine appellatur oriri ex re quapiam, quæ nobis est voluptati, & in eam ferri; sed sunt diversissima ea, quæ nobis voluptatem creant, & diffidentes prorsus circumstantiæ affectuum, qui eo nomine continentur. Quæcumque nobis voluptatem creant ea *bona* vocamus, suntque aut corporis, aut animi, aut externa. Itaque hæc omnia bona amare dicimur; & pro variis circumstantiis, *amor* nomen est diversissimorum affectuum, sive diversis Modis constantium. Qui nisi diligenter distinguantur, non intelligimus eos, qui iis vocibus utantur.

15. I. *Amor* significat eum affectum, quo duo sexus conjunguntur, matrimonii, aut etiam voluptatis causâ. Nihil frequentius, apud omnes Scriptores, & artem satisfaciendi huic amori scripsit nequitiz magister *Ovidius*. Si sermo sit de amore licito juvenum, qui matrimonium spectant, in eo hæc considerata veniunt: 1. est totius sanguinis quidam fervor: 2. voluptas animi in adpectu ejus
qui

qui amatur , & in sermonibus cum eo
 cædendis : 3. cupiditas eo potiundi , at-
 que unâ vitæ transigendæ : 4. vota , qui-
 bus amans optat omnia ei quem amat se-
 cunda accidere ; & si quâ possit adjuva-
 re , alacre , promptum ac profusum auxi-
 lium : 5. lætitia aut dolor , prout rebus
 secundis , aut adversis utitur : 6. egregia
 de eo opinio , sive corporis , sive animi
 dotes spectentur : 7. animus ad quævis
 obsequia paratissimus. Ad hæc omnia ac-
 cedit amoris vehementia , quæ , pro tem-
 porum , rerum ac personarum circumstan-
 tiis , major aut minor est. Jam autem
 quis est , qui lectâ hac voce *Amor* , quo-
 modo omnia illa se habeant accuratissimè
 norit ? Nemo profectò ; ideòque fateamur
 necesse est nos non plenè adsequi
 narrationes , in quibus hæc vox occurrit ;
 etiamsi summatim scimus , affectum quem
 descripsimus significari. Atqui sæpe , ut
 de historiis rectè judicare possimus , mul-
 tum interest quàm accuratissimè omnia
 illa , si fieri possit , cognoscere. Si quis
 legat historiam belli , quod *Cæsar* *Octa-*
vianus gessit cum *Antonio* , videâtque hu-
 jus cladis causam referri ad amorem , quo
Gleopatram deperibat ; non satis intelli-
 get , quî amor cladis causa esse potuerit ,
 nisi

nisi vehementiam ejus ex aliis circumstantiis historiarum cognoverit.

16. II. *Amor* passim etiam sumitur pro amicitia, quæ intercedit inter viros, qualis fuit inter *Ciceronem*, & *Atticum*; cujus gravissima indicia videmus, in illius ad hunc *Epistolis*, atque in vita *Attici* à *Corn. Nepote* conscripta. Nihil est in amicitia, quod non sit in amore antea descripto; à quo si abstuleris ea quæ ad corpoream voluptatem pertinent, plenam habebis descriptionem amicitia. Itaque non opus est eam pluribus à nobis describi. Nisi hæc omnia attendamus, non intellegemus cur omnes, qui de Amicitia scripserunt, tantas laudes ei tribuerint; quorum omnium instar esse potest *Cicero*, qui, in libro de Amicitia, negat * *se scire, an, exceptâ sapientiâ, quidquam sit homini amicitia melius à Diis immortalibus datum*; contenditque eos † *solem è mundo tollere videri, qui amicitiam è vita tollunt*.

17. III. *Amor* est parentum erga liberos, & liberorum erga parentes; qui amor, præter omnia quæ sunt in arctissima amicitia, conjunctionem sanguinis habet, quâ fit vehementior inter eos amicitia, ita ut parentes liberos, liberi pa-

Tom. I

F. facit parentes

* *Lib. de Amic. C. VI.* † *Ib. C. XIII.*

rentes omnibus aliis amicis longè antepo-
 nant. Qui non animadverterint quan-
 ta sit, & quàm justa conjunctio in hac
 amicitia, præsertim si, ut par est, mutua
 sit, numquam capere poterunt, cur tam
 multi parentes commodis liberorum, ma-
 gis quàm suis, studeant; curve existant
 exempla liberorum; qui libentissimè pa-
 rentibus quæcumque ab iis acceperant,
 etiam vitam, reddiderint. . . . Qui coelibes
 vitam egerunt non capiunt, ~~non~~ parentes
 mortem liberorum usque adeò lugere so-
 leant; cur verò? Quia numquam volu-
 ptatem illam senserunt, quæ amicitia in-
 ter parentes & liberos longè jucundissi-
 mus est fructus; & quam sibi in æternum
 eripi sentire non possunt parentes, sine
 gravissimo dolore. Numquam omnes il-
 las notiones, quas *paterna amicitia* nomen
 complectitur, attenderunt; unde etiam
 sequitur, ut non satis intelligant quæ de
 hisce rebus à Veteribus scriptæ sunt.

18. IV. *Amor* denique sumitur pro
 quavis cupiditate, ut *amor regni*, *amor*
pecunie, &c. quæ sunt circumscriptæ passionibus
 ambitionis, avaritiæ & avaritiæ, & avaritiæ, & avaritiæ,
 quibus homines permoti in bonum quod-
 dam, aut quod bonum putant, ferun-
 tur. Eos non aggrediar describere, uti

neque enim in hisce rebus nec

nec *ordinum*, cujus natura ex descriptione contrarii facile intelligi potest. De omnibus summam observandum eos solos, qui eorum naturam diligenter investigaverunt, & varias partes, ut ita dicam, quibus constant discriminare possunt, adsequi quæ de illis passim dicuntur, & rationem effectuum, qui illis tribuuntur, nosse.

19. Similia dicenda de nominibus *virtutum & vitiorum*. Sunt enim habitus animi, quibus homines convenienter rationi & naturæ suæ vivunt; aut contra leges, ex ratione & natura humana petitas, perfingunt; quibus in habitibus, varia continentur. Nullus non Ethicæ scriptor hoc ostenderit, si adeatur. Attamen exemplum hîc addam, ut res manifestior fiat. *Justitia* à * Jurisconsultis definitur: *constans & perpetua voluntas jus suum cuique tribuendi*. Igitur in Justitia hæc sunt 1. cognitio juris, quod est, aut naturæ, aut institutionis hominum: 2. peritia, quâ regulæ generales juris singulis factis aptantur: 3. voluntas, quâ illæ regulæ non modò in se spectatæ probantur, sed & in usum revocantur, quotiescumque se dat occasio: 4. animus ita

F f 2

tem

* *Inst. Lib. I. Tit. I. §. 1.*

temperatus, ut non patiatur perturbatione ullâ sibi excuti eam cognitionem ac voluntatem. Hisce continetur *Justitia*, quod ut meliùs intelligatur, sciendum *jus naturæ* vocari quidquid consentaneum est ac utile humanæ Societati, in quocumque sit statu; adeò ut eo posito atque observato, meliùs se habeant homines; contrà verò neglecto, aut violato, deterius. *Jus* verò *institutionis* est quod nititur legibus Reipublicæ, in qua vivimus; quæ tamen leges non debent observari, si contingat *juri naturæ* esse contrarias; quod contingit quando imperantes utilitatem Societatis sibi per omnia non proponunt. Igitur *Justitiâ* præditus is dicetur, qui legum omnium Reipublicæ, cum jure naturæ consentientium observans est; & præterea facit quidquid *jus naturæ* ab omnibus hominibus exigit.

20. Ejusmodi est *justitia universalis*, de qua dixit *Theognis*:

Ἐν δὲ δικαιοσύνῃ συλλήβδην πᾶσ' ἀρεταῖς,
 Πᾶς δὲ τ' ἀνὴρ ἀγαθὸς, Κύριε, δίκαιος
 εἶναι.

Justitia una alias virtutes continet omnes,
Et

Et quisquis justus, vir bonus ille fuit.

Ea est Justitia Evangelica, de qua egimus superiore Sectione, Cap. VI. ubi nonnulla observavimus, quæ hîc dicenda essent, nisi alio loco proponi debuissent. Nimirum, non apud omnes Scriptores, & omnibus in locis, æquè latè patet vox *justitia*, ut illic ostendimus.

21. Descriptiones vitiorum plurimas suppeditabit *Theophrastus*, in Characteribus Ethicis, ex quibus liquebit, si quis cupiat scire quid eorum nominibus significetur, diligenter considerandas esse omnes partes, quibus potestates eis subjectæ constant. *Theophrastus* enim non satis habet ea definire paucis verbis, sed præterea mores ejus, qui iis vitiis inquinatus est, singulatim describit. Exempli causâ, non modò definit *ἀρέσκειαν*, ἐν τῷ βέλτιστῳ ἡδονῆς πλεονασμῷ: *congressionem quæ voluptatem creat, non in optimum finem*; sed & copiosè describit, iis allatis quæ facit *ἀρεσκῶς*, sine quibus vix intelligeremus quis sit, nam parum accurata est definitio, ut multæ aliæ, quibus utitur *Theophrastus*. Hoc exemplum profero, non quòd singula Capita ejus libelli non suppeditent clara ejus quod dixi exem-

pla; sed ut animadvertat Lector quod, in hoc negotio, maximi est momenti; nimirum, varias Gentes in hujusmodi nominibus varios Modos, ut loquuntur Metaphysici, unâ junxisse, eique collectioni certam nomen imposuisse; cui apud alias Gentes simile nullum est, quod non formarint notionem collectione eorundem Modorum constantem. Sic *ἀπτενσία* non potest dici Latine, unâ voce; significat enim *id animi vitium, quo quis omnibus placere studet, etiam malis artibus;* quo vitio qui laborat dicitur *ἀπτενς*. *Isaacus* quidem *Casaubonus* vertit *blandum*, & *ἀπτενσιαν* *blanditiam*; quæ voces non multum quidem à significatione Græcarum absunt, & significant vitium, quo laborat *ἀπτενς*, nam eum *Theophrastus* omnibus adblandientem describit; sed non sequant amplitudine suâ totam earum significationem. Etenim primò propriam potestatem vocis *ἀπτενς* non exprimunt, quæ tamen exprimenda est; cum ex ea appareat quis sit scopus ejus qui hoc vitio laborat, & ea facit, quæ eum facientem describit *Theophrastus*. Hanc esse vim vocis, quam diximus, intelligere licet, ex verbis Pauli, Rom. XV, 1, 2, 3. & 1. Cor. X, 33. ubi *ἀπτενς* in bonam par-

partem sumitur, significatque nihil eorum omittere, quæ per virtutem facere liceat, ut omnibus placeamus, seu ut eorum benevolentiam nobis conciliemus. Secundò, ex ea descriptione liquet ἡ ἀρεσκὺς ἔργον non esse tantum ut aliis blandiatur, sed ut lautioris fortunæ, & liberalioris atque elegantioris ingenii videatur; quod dimidiâ parte Capitis docet Theophrastus. Ἀρεσκον ergo sic descriperis: hominem qui omnibus placere studet, verborum comitate, obsequio, cultus elegantia, liberalitate, & sumtibus; quibus verbis quæcumque habet Theophrastus complecti queas. Hinc in Onomastico veteri: Ἀρεσκείας, hic placor, venustas. Ἀρεσκων, placitus, participium.

22. Sunt & alia nomina vitiorum, apud eundem Theophrastum, quæ unâ voce Latinâ exprimi nequeunt. I. Ἀδολεχρία, quæ Garrulitas à Casaubono vertitur, est propriè, ut ex ipsius Casauboni commentario intelligere est, id vitium quo laborant homines otiosi, qui ἐν λέξει ἡμενοί, sedentes in taberna de rebus nihili per totos dies colloquuntur. Non diffiteor homines illos esse garrulos, sed hæc vox non satis latè patet, nam ἀδολεχρία est inanis, atque otiosa garrulitas. II. Βδελυ-

είαν ille vertit *obscœnitatem*, aut *impuritatem*, quas tamen voces non satis commodas esse fatetur. Ac sanè *βδελυεία* vox est, quæ ambitu significatûs sui multò plura complectitur, quàm voces Latinæ; describitque hominem *Theophrastus*, qui nullâ ratione ducitur existimationis suæ, qui nihil pensi habet decorûmne an indecorum sit quod agit, aut dicit. Hæc autem latissimè patent, ut & nomina multorum convitiõrum, quibus subjectas notions enumerare difficillimum est. Hinc videre licet ipsum *Theophrastum*, postquàm hanc, & similes voces definivit, in sequentibus ea dicentem quæ definitione nequaquam complexus erat. Caput *ὅτι βδελυείας* inchoat hisce verbis: *non est difficile βδελυείαν definire*, atque esse *παίδιαν ὀπιφανῆ καὶ ἐπινείδαν*, hoc est, ut habet *Casaubonus*, *jocum*, *ludumve evidentem nimis*, ac *flagitiosum*. Dimidiâ verò parte Capitis, describit hominem fraudulentum, nec quidquam turpe ducentem. Nec rarum est hoc, in hisce Characteribus. III. *Αἰαροήσιαν* *stupiditatem* esse putat *Casaubonus*, estque sine dubio *αἰαροήσιος* *stupidus*; sed quæ illi tribuuntur à *Theophrasto* ostendunt esse etiam hominem, cujus animus perpetuò peregrinatur,

natur, neque umquam attendit id quod agit. Gallicè dixeris, *un hébété*, qui est *totièjours distrait*. IV. Μεμψιμοιεία, non est satis rectè versum *querela*, vel *iniqua querulitas*; aliquid addendum. Est enim animus suâ sorte parum contentus, quo fit ut perpetuò fortunas suas queratur. Non opus est ut plura, ex *Theophrasto*, exempla proferamus.

23. Unum dumtaxat subjiciemus ex *Aulo Gellio*, cujus hæc sunt verba Lib. XI. c. 16. Noctium Atticarum: *Nuper, inquit, cùm allatus esset ad nos Plutarchi liber & ejus libri indicem legissemus, qui erat ἐκ πολυπεργυμοσύνης, percunctanti cuipiam, qui & litterarum & vocum Græcarum expertus fuit, cujusnam liber & qua de re scriptus esset; nomen quidem Scriptoris statim diximus: rem, de qua scriptum fuit, dicturi hæsimus. Ac tum quidem primò, quia non satis commode opinabar interpretaturum esse, si dicerem librum scriptum esse de negotiositate, aliud institui apud me exquirere, quod, ut dicitur verbum de verbo expressum esset. Nihil erat prorsus, quod aut meminissem legere me; aut, si etiam vellem, quod non insigniter asperum, absurdumque esset, si ex multitudine & negotio verbum unum compingerem &c. Quamobrem cum diutale*
taci-

tacitus in cogitando fuisset, respondi tandem non videri mihi significari eam rem posse uno nomine; & idcirco junctâ oratione quid vellet Græcum id verbum paratam dicere. Ad multas igitur res adgressio earumque omnium rerum actio, πολυπραγμοσύνη, inquam, Græcè dicitur, &c. Exin ita pergit: Tum ille opicus verbis meis inchoatis & inconditis adductus virtutem esse πολυπραγμοσύνην: hortatur, inquit, nos profectò nescio quis hic Plutarchus ad negotia capeSSenda & ad res obeundas plurimas, cum industria & celeritate; noménque ipsius virtutis, de qua loquuturus esset, libro ipsi, sicuti dicis, non incommode præscripsit. Minimè, inquam, verò; neque enim ista omnino virtus est, cujus Græco nomine argumentum hoc libri demonstratur; neque id quod tu opinare aut ego me dicere sentio, aut Plutarchus facit. Deterret enim nos, hoc quidem in libro, quàm potest maximè, à varia, promiscuâque & non necessaria rerum cujusmodi plurimarum, & cogitatione & petitione. Sed hujus, inquam, tui erroris culpam esse intelligo, in mea, scilicet, infacundia, qui ne pluribus quidem verbis potuerim non obscurissimè dicere, quod à Græcis perfectissimè uno verbo, & planissimè dicitur. Miror Gellium ex ipso Plutarcho potius non desumisse definitionem
hujus

huius vitii, quæ sic habet: φιλομάθεια πρὸς τὴν ἀλλοτριῶν κακῶν, ἐπεὶ φθόνος δοκεῖ κα-
ταρδύνειν νόσον, ἢ κακῆς: cupiditas
quædam cognoscendi alia mala, morbus qui
non videtur invidia ac malignitate esse va-
cuus. Hinc in Veteribus Glossis πολυ-
πράγμων vertitur; scrutator, sciscitator, ar-
delio, curiosus.

24. Hinc colligere est, non esse faciliè
non modò invenire voces aptas ad verten-
da aliâ Linguâ nomina collectionum Mo-
dorum, sed ne Modos quidem omnes emu-
merare, qui continentur in ejusmodi col-
lectionibus. Attamen ex iis vocibus, sæ-
pe pendet totius orationis sententia. Qua-
re decet litterarum studiosos diligenter ea
quæ antea dicta sunt attendere; ne intel-
ligere sibi videantur quod non intelligunt,
utque integras vocum notiones eruere ad-
discant, non in obscuris aut imperfectis
adquiescant, quemadmodum vulgò fieri
solet.

CAPUT IV.

De Nominibus Relationum.

1. **N**ON repetam hîc quod dixi *Logica* Part. I. c. 4. de *Relationibus*; addam tantum exempla, quibus probabo Veterum auctoritatibus quæ illic rationibus philosophicis ostendi. Dixi nomina Modorum omnium, qui augeri & minui possunt, esse nomina Relationum; quæ cum sint innumera, diligenter cavendum ne *absolutè* dici credantur, quæ tantum *relatè* dicta sunt. Hoc autem observandum, cum in nominibus adjectivis, tum etiam in substantivis & in verbis, integrisque enunciationibus; quæ veræ dumtaxat sunt *relatè*, ut sic loquar, ad nonnulla, non universim & *absolutè*. Exemplis res clara fiet.

2. Dicebat Plato * τὰ πρὸς τὴν ἀρετὴν πνὸς, καὶ τὸ κατὰ τὴν ἀρετὴν πνὸς, καὶ τὸ κατὰ τὴν ἀρετὴν πνὸς, καὶ τὸ κατὰ τὴν ἀρετὴν πνὸς. οἷον τὸ μείζον πνὸς, καὶ τὸ ἰσότητον πνὸς, καὶ τὸ κάλλιον καὶ τὸ τοιαῦτα. τὸ τε γὰρ μείζον ἐλάττωτός ἐστι μείζον, καὶ τὸ ἰσότητον πνὸς ἐστὶ. Quæ ad aliquid dicuntur (hoc est, quæ ad aliquid referuntur) *aliquâ inter-*

* *Diog. Laërt. Lib. III. § 102.*

interpretatione indigere, quale est majus aliquo & celerius aliquo, & pulcrius, & similia. Nam majus est majus minore, & celerius est aliquo celerius, &c. Pro comparativis, positiva μέγας, ταχὺς, καλὸς, potuit afferre; hæc enim non minùs sunt ἢ τοῦ π, quàm comparativa. Magistri sententiam meritò sequutus est Aristoteles, in libro de Categoriis, ubi egit περὶ πόσος, de quanto. Cujus dogma sic exposuit Scriptor libri de decem Categoriis, qui Augustino tribui solebat, Cap. X. Nihil multum vel exiguum dicitur, nisi alteri fuerit comparatum. Cùm enim dicimus montem brevem, grandiore esse alterum, cui comparatus est, indicamus. Vel cùm dicimus grande milii granum, comparatione sui generis, in quo brevius aliquid invenitur, illud esse grandius monstramus. Ac propterea manifestum est multum & exiguum, grande & breve, cùm aliquo comparata sui vocabulum reperire. Hinc maxima obscuritas in sermone, cùm nesciamus quàm mensura, ut ita dicam, utatur is, qui ejusmodi vocibus utitur; quis autem non innumeris in locis eas adhibet, cujusve opiniones omnes tam accuratè novimus, ut ex iis possimus perspicuè scire quæ sit illi mensura ejusmodi Relationum? Ideò hoc argumento ute-

utabatur junior Academia, ut nihil percipi posse ostenderet. *Rerum natura*, ait Cicero*, nullam nobis dedit cognitionem finium, ut ulla in re statuere possimus quatenus — Nulla omnino in re minutatim interroganti, dives, pauper; clarus, obscurus; multa, pauca; magna, parva; longa, brevia; lata, angusta; quanto aut addito, aut dempto, certum respondeamus non habemus. Sextus Empiricus Pyrrh. Hypot. Lib. I. de octavo modo, quo cohibendum iudicium ostendebant Academici: Ὅ γὰρ οὐδὲς ἐστὶν ἀτόκον (ἐπαχὺς δηλονότι) ὃ δὲ οὐδὲ πρὸς π, καὶ ὃν συναίρετον, οὐ ἐπεὶ πέντε ἐστὶ πρὸς π, οὐδὲ δὲ πέντε ἐστὶν ἑξαπλάσιον ἢ πρὸς π, φύσιν, ἐπεὶ ἑξαπλάσιον: ostendimus est modus (cohibitionis iudicii) ex relatis, secundum quem colligimus, cum omnia sint relata, quantum sint simpliciter & secundum naturam, nos ad sensum retenturos. † Verum hinc non sequitur nihil esse absolute & in se, sed tantum Modis, qui capiunt plus aut minus, nullam esse certam mensuram constitutam, in animis hominum.

3. Idem aliis testimoniis probare pergemus. *Lucretius* Lib. VI. p. 808. Ed. Lamb.

Scili-

* Acad. Quest. Lib. IV. n. 92.

† Vide etiam quæ idem habet contra Mathematicos. p. 303: & seqq.

Scilicet & fluvius quis visus maximus est,
Qui non ante aliquem majorem vidit, &
ingens

Arbor hominēque videtur; & omnia de ge-
nere omni

Maxima quæ vidit quisque, hæc ingentia
fingit;

Cum tamen omnia cum cælo, terræque,
marique

Nil sint ad summam summæ totius omnem.

Ea de re egit iterum Cicero Tuscul. Quæst.
Lib. I. n. 94. Quia ultra nihil habemus, hoc
longum ducimus; omnia ista, perinde ut cui-
que data sunt, pro rata parte à vita, aut
brevia, aut longa dicuntur. Apud Hypanim
fluvium, qui ab Europæ parte in Pontum in-
fluit, Aristoteles ait bestiolas quasdam nasci,
quæ unum diem vivant. Ex his igitur quæ
horâ vestrâ mortua est, provectâ ætate mor-
tua est; quæ verò occidente sole, decrepita;
et magis, si etiam solstitiali die. Confer no-
stram longissimam vitam cum æternitate, in
eadem propemodum brevitate, quâ ista bestio-
la, reperiemur. Imò verò nostra vita ni-
hil penè erit, si cum æternitate contem-
natur.

4. Dignus etiam est auditu, hanc in-
rem,

rem, *Seneca* Ep. XLIII. five Lib. V. Ep. 8.
*Quidquid inter vicina eminet, magnum est
 illic ubi eminet. Nam magnitudo non habet
 certum modum; comparatio illam aut tollit,
 aut deprimit. Navis, quæ in flumine ma-
 gna est, in mari parvula est; gubernaculum,
 quod navi alteri magnam, alteri exiguum
 est. Idem, aut alter Seneca, in Troade
 vers. 1014. idem ferè expressit, hisce ver-
 bis:*

*Ferre, quam sortem patiuntur omnes,
 Nemo recusat.*

Nemo se credit miserum, licet sit.

Tolle felices, removeto multo

Divites atro, removeto centum

Rura qui scindunt opulenta bubus;

Pauperi surgent animi jacentes.

Est miser nemo, nisi comparatum.

In Dialogo de Causis Corruptæ eloquen-
 tiæ, cum *Messalla antiquos recentioribus*
 præferret, Cap. XVI. *Hoc primum, inquit.*
Aper, interrogabo, quos vocetis antiquos,
quam oratorum ætatem signatione istâ deter-
minetis?

5. Hinc perspicuè intelligere est omnes
 planè voces, quibus significantur Modi,
 qui augentur, aut minuantur, esse rela-
 tivas;

tivas; quod & pluribus exemplis ostendimus, in Logica. Igitur quotiescumque nobis occurrunt *ex* voces, oportet illico in animum revocare quis sit qui iis utitur, quo tempore, & apud quam Gentem vixerit. Quod nisi fiat, in similem errorem incideremus, ac qui audito certo *pedum* numero; qui agri modus esset, & indicaretur à viro, qui non diceret quo *pedum* genere esset usus; illico arreptâ *pedis* mensurâ, quam apud se haberet, vellet ad eum *pedem* alterius dicta exigere; licet breviorum aut longiorum *pedis* mensuram adhibuisset, prout apud varias Gentes varia est. Paria faciunt, qui ex notionibus suis *relativas* voces, ab aliis usurpatas, interpretantur.

6. Igitur quando laudatur, aut vituperatur quispiam, ante omnia quærendum, quis laudet aut vituperet, & , quantum licet, investigandum quid senserit de virtutibus, aut dotibus quas extollit, deque vitiis in quæ invehitur. Si enim magnam, atque amplam notionem habeat virtutum, laudes illæ multò majores erunt: ut contrâ, si de iis tenuius & exilius sentiat, multò erunt minores. De vitiis paria sunt animadvertenda, in contrariam partem. Quærendum etiam quo tempo-

re, & apud quos vixerint qui laudantur, aut vituperantur; nam pro temporibus & locis, crescunt & minuuntur probra & laudationes.

7. Exempli causâ, si quis apud Ethnicos, Græcos aut Romanos, dicatur *optimus*, *sanctissimus*, *innocentissimus*, atque *integerrimus vir* vixisse, quod apud utriusque Linguae Scriptores non rarò occurrat; intelligendum id erit, pro modulo illius ævi & illarum Gentium. Si Christiano more ejusmodi vocabula tunc interpretaremur, planè alios viros illos fuisse fingeremus, ac reverâ fuerunt. Quamvis enim nolim, quod nonnulli faciunt, nimium spernere virtutes Ethnicorum, aut etiam eas vitiis accensere; attamen *bonitas*, *sanctitas*, *innocentia* & *integritas* Christiana, multo latius patent, quàm apud Ethnicos patebant.

8. Hoc vel ex eo liquet, quòd laudatissimi illi viri, apud Ethnicos, eas virtutes dumtaxat erga cives, aut summum adversus socios exercerent; sed erga populos nullâ amicitiam secum conjunctos, aut etiam hostes, omnia sibi licita esse putarent, ut ex eorum historiis intelligere est. Horum virtus tantò tenuior est Christianâ virtute, quantò toto orbe terrarum

rarum arctiores erant fines eorum patriæ, aut tractuum quos amici ac vicini iis populi infidebant; nam Christiana virtus planè ad omnes omnium terrarum homines porrigitur. Scio Stoïcos * haud ab-
similia dixisse iis, quæ de Christianæ vir-
tutis amplitudine docemur; sed ex eo-
rum formula nemo olim vixit, & virtu-
tis naturam falsis aliis dogmatibus cor-
rumpebant. Quin & ipsi profitentur bo-
nos aut malos cives dictos non ex virtutibus,
sed ex potentia. *Sallustius Lib. I. Hist. Dum
pauci potentes, quorum in gratia plerique
concefferant, sub honesto Patrum aut plebis
nomine, dominationes affectabant, bonique
& mali cives appellati, non ob merita in
Reipublicam, sed uti quisque locupletissimus,
& injuriâ validior; quia præsentia defende-
bat, pro BONO ducebatur.*

9. Ut majoris momenti exempla pro-
feram, quod monuimus in memoriam
etiam revocandum est, ubi laudantur
qui sub Vetere Testamento vixerunt. Sic
cum David dicitur homo secundum cor Dei
1 Sam. XIII, 14. præterquam quod illic
sermo est de Rege, regisquæ adeò vir-
tutes potissimum spectantur; id non ita
intelligendum est, quemadmodum intel-

G g 2 ligitur

* *Vide Ciceronem Offic. Lib. III. c. 7.*

ligeretur de Christiano, qui ad Evangelii normam vitam exegisset. Militaris enim vita Davidis, cùm juvenis esset; multitudo deinde uxorum, & concubinarum; adulterium denique & homicidium, consistere non possent cum moribus viri, qui sub Evangelio diceretur esse *secundum cor Dei*. Non judicaretur hodie vir, qui Davidis instar vixisset, *præcepta Dei observasse, sequutus eum esse toto corde, ut id tantum fecisset quod in oculis ejus rectum est*, quod legimus 1. Reg. XIV, 8. Sed illic potissimum ratio habetur. Idololatriæ, quam certè David diligentissimè vitavit; estque intelligendum encomium, pro modulo illius ætatis.

10. Similiter cùm præteritorum proximè sæculorum, aut etiam paullò antiquiorum Scriptores promiscuè ἀγιωτάτους καὶ σοφωτάτους *sanctissimos & sapientissimos* vocant Ecclesiarum Christianarum Rectores, cùm singulos, tum etiam in Concilia coactos, id est intelligendum pro captu sæculorum, & hominum; non interpretandum ex divino illo sanctitatis & sapientiæ exemplari, quod nobis præbuit Christus, & quod in Scriptis suis descripserunt Apostoli. Quicumque Historiam Ecclesiasticam legerunt, dictaque & facta *sanctissimorum*

morum & sapientissimorum virorum exegerunt ad normam Evangelii & rectæ Rationis, satis norunt quantum ab hac recesserint eorum sanctitas & sapientia. At qui non perpetuò ante oculos habent exemplar illud unicum, ad quod omnia sunt componenda, decepti ejusmodi vocibus eos venerantur, atque imitari per omnia conantur; qui certè neque veneratione, neque imitatione digni sunt, nisi quatenus cum Evangelii, Rationisque rectæ æterno virtutis exemplari consentiunt. Plura non addam, nam ferè præstat ea de re tacere, quàm nimis pauca scribere.

II. *Relativa* etiam sunt cùm nomina substantiva, tum etiam verba omnia quibus notiones significantur, quæ augmentum aut diminutionem capiunt. Ejusmodi sunt nomina virtutum & vitiorum, & verba quibus vita ad virtutes exacta, aut vitiis contaminata signari solet. Ejusmodi sunt & omnia alia, in quorum significatu varii veluti gradus distingui possunt. Exempli causâ, à Veteribus Romanis Oratores & Poëtæ, quos illi primos habuerunt, aut qui non multò post primos floruerunt, summopere sunt laudati, quia nihil melius norant; qui ta-

men postea, melioribus exortis, meritò sprete sunt. *Ennium* non modò laudavit ætas quæ eum vidit, sed & *Cicero* passim extollit; at ejus poëmata, si cum *Virgilianis*, aliisque ejusdem ævi conferantur, quid sunt, præter *sterquilinia*? Verùm *Cicero* nihil Latinè legerat, quod *Ennium* ad poësin quod attinet superaret. Quos plausus consequutus est *Plautus*, ab hominibus sui ævi? *Horatius* tamen, acerimus harum rerum judex, hoc judicium de iis plausibus tulit:

* *At nostri proavi Plautinos & numeros
&
Laudavere sales; nimium patienter utrumque,
Ne dicam stultè, mirati.*

De similibus laudibus, in priscum oratorem congestis, audiamus ipsum † *Ciceronem*, in *Bruto*: *Carbonem in summis oratoribus habitum scio; sed, CUM in ceteris rebus, tum in dicendo, semper quo nihil est melius, id laudari, qualecumque est, solet.* Exempla alia non proferemus, quia quæ de nominibus adjectivis diximus, ea facillimè substantivis & verbis aptari possunt.

12. Unum

* In *Arte Poët.* † In *Bruto* Cap. 86.

12. Unum præterea monebimus, quod ad omnis generis loquutiones pertinet. Næpe, innumeras Enunciationes, quæ generales & absolutæ primo intuitu videntur, esse tantum *relatè* veras, adeoque ex tota sua amplitudine urgeri non posse. Iis passim utuntur Scriptores omnes, exceptis solis Geometris, sive Mathematicarum rerum scriptoribus; qui nulla proferunt axiomata, quæ non debeant universim de omnibus quæ complectuntur intelligi, atque urgeri pro tota significatione quam verba, quibus constant, apud Geometras obtinent. Sciunt quid velim quicumque, vel ab ipso limine, Mathematicas disciplinas salutarunt. Ex aliis dumtaxat Scriptoribus, *relativarum* Enunciationum exempla aliquot sunt nobis proferenda.

13. Moses Gen. VI, 5, ita loquitur: *videbat Jehovah vitia hominum in terris augeri, nec quidquam eorum animum, præter malum, cogitando quotidie effingere.* Hæc verba ita solent à nonnullis proferri, quasi hoc iis inesset axioma: *NIHIL* quidquam hominum animus, præter malum, cogitando quotidie effingit; quo perditâ totius humani generis nequitia significetur. At ne quid dicam de hyperbole, quæ est in

hisce verbis, ut in Commentario ad eum locum ostendi, loquitur Moyses *relatè* ad ante-diluvianos homines, non ad omnes omnium ætatum mortales. Itaque quod *relatè* dicitur non est *absolutè* intelligendum, quo sensu falsum esset; certum enim est innumeros pios quotidie multas sanctas cogitationes animo versare.

14. Psaltes Pl. XIV, 2. hæc habet: *Jehova è cælo despexit in homines, ut videret an sit sapiens, qui quærat Deum. Omnes defecerunt, unà corrupti sunt, nemo facit bonum, ne unus quidem.* Hinc à nonnullis totius humani generis depravatio colligitur, quasi neque temporum, neque locorum rationem ullam habuisset Psaltes. Non diffiteor gentem humanam universam, excepto uno ejus Redemptore, prolapsam esse & prolapsuram in peccatum. At Psaltes hæc non dicit, in humani generis concione, sed apud Judæos, in Chaldæa exulantes; loquiturque de iis qui injusto jugo Gentem suam premebant, nimirum, de Chaldæis; ut sequentia manifestò ostendunt, quod aliquando ad eum locum demonstrabimus. Nec certè ita quisquam loquatur, de quavis ætate, sine maxima hyperbole.

15. Esaias

15. Esaias Cap. XLIV, 6. *Omnes, inquit, fuimus instar immundi, & omnia nostra iusta facinora instar vestis sordidae, aut menstruatae, ut habet Hieronymus. Hinc quidam colligunt ipsa piorum omnium κατὰ φύσιν esse peccato inquinatissima; cum Esaias tantummodò de Judæis sui ævi loquatur, qui iusta facinora fortasse scelera vocabant. Nam licet primâ personâ utatur, liquet eum non nomine suo loqui, sed maximæ partis Gentis Hebrææ.*

16. Paulus 2. Cor. III, 5. ita loquitur de eo quod antea dixerat, de Apostolatu suo: *Fiduciam autem huiusmodi habemus, per Christum, apud Deum; non quòd idonei simus per nos ipsos, ad cogitandum quidquam, velut ex nobis ipsis; sed quòd idonei sumus id ex Deo est, qui etiam fecit, ut idonei essemus ministri novi Testamenti.* Manifestum est Paulum dicere se non potuisse per se fieri Apostolum, sine revelatione & donis cœlestibus, quæ prædicationi sui pondus adderent. At nullâ ratione habitâ seriei orationis loci, in quo hæc verba exstant, universale axioma hinc colligitur; quo significant nonnulli Theologi, post Adami peccatum, neminem hominem ullam cogitationem rectam animo versasse; nisi ope inusi-

inuitatæ *Gratiæ*, quam Deus, præter ordinem Naturæ, nonnullis largitur. Quod dogma, ut verum statuatur, certè ex his verbis Pauli probari nequit, quæ dicuntur *relatè* ad Apostolatam, cui idoneus à Deo factus erat, non à se.

17. Sexcenta possent proferri talia, quæ eùm *relatè* intelligantur, divulgata ab orationis contextu urgentur quasi *absolutè* intelligenda. Veteres Patres regularum Criticarum aut imperiti, aut negligentes, passim ita Scripturam laudant, habueruntque multos postea sequaces; ea, opinor, de causa, quòd multò facilius sit ejusmodi axiomata excerpere, quàm omnes omnium locorum circumstantias diligenter attendere, antequàm ex iis quidquam probare aggrediamur. Sciunt me verum dicere, quicumque Veteres *Tractatores*, ut loquebantur, non prorsus oscitanter legerunt.

18. Hic etiam advertendum est, innumeras ubique occurrere loquutiones, quas, ut rectæ sint, satis est *ἡσυχία π*, hoc est, *relatè* ad quamdam significationem esse veras. Igitur nisi Scriptoris scopus, & doctrina aliunde nota postulent phrasin, pro tota nativæ significationis amplitudine, urgeri; non faciliè ille sunt erroris

ris inculcandi, qui *ῥέσιν* dumtaxat aliquam, pro rei quæ agitur natura, urgendam censent. Non omnis sermo, ut jam diximus, est Geometricus; satis habent plerique, si nihil dixerint quod non sit aliquo sensu verum. Huc faciunt quæ diximus, superioris Sectionis Cap. V. §. 5. ubi egimus de tralatitiis vocibus & loquutionibus non nimium urgendis; ut necesse non sit nova nos huc exempla congerere.

19. In omnium Scriptorum interpretatione, pluries in hæc regulas est peccatum; at cum nullum esse oporteret librum, ad cuius interpretationem adhiberetur *παρὰ τὴν βίβλιν κατὰ πικρὴν*, ac ad explanandos Libros Sacros; nescio quid factum sit, ut in his illustrandis certissimi quique Criticorum canones conculcarentur. Ex qua re innumera *παρερμηνείαι* natae sunt, easque sequuta numerosissima errorum & controversiarum propago. Eruditos & veri amantes viros decet hisce malis remedium querere, & laboranti Christianismo sedulò atque animosè medicinam facere.

CAPUT V.

De rerum Concretarum & Abstractarum nominibus.

1. **Q**UÆNAM *Concreta & Abstracta* notiones dicantur, non opus est ut doceamus; nam præterquàm quòd res vulgò nota est, de ea egimus *Logica* nostræ P. I. C. 6. Haud magis necesse est de nominibus *Concretarum* notionum nos agere, cùm huc pertineat quidquid antea de nominibus *Substantiarum* diximus. Sed sunt, de nominibus *Abstractarum* notionum, nonnulla observatu digna.

2. Nomina notionum *Abstractarum* ferè sunt substantiva, formata ex adjectivis. Sic à *divinus* fit *divinitas*, ab *humanus* *humanitas*, à *pius* *pietas*, à *sanctus* *sanctitas*, &c. Nomina enim hæc sunt *Abstractarum* notionum, cùm in se spectantur; notione *subjectorum*, quibus inhæreant, nullâ admistâ. Usque adeò usitata sunt ejusmodi vocabula, ut vix ulla frequentius, in omni sermonis genere, celebrentur.

3. Hinc

3. Hinc factum ut antiquissimi Græcorum Poëtæ , cùm sapissimè viderent adhiberi nomina Abstracta , nec aliter aliquando homines loqui , ac si credidissent esse Naturas quasdam , quæ seorsim essent , quæ iis nominibus designarentur ; occasionem arripuerint earum notionum in personas mutandarum. *Hesiodus* in *Theogonia* , vers. 120. inter antiquissimos Deos , proximè post *Chaos* & *Terram* , memorat *Amorem*.

Ἦ' δ' Ἐρὸς ὃς κάλλιστος ἐν ἀθανάτοις θεοῖσι.

Et amor qui pulcherrimus est inter immortales Deos, &c.

Sic & *Aristophanes* , in * *Avibus* , facit *Amorem* patrem *Deorum*.

Πρότερον δ' οὐκ ἦν γένος ἀθανάτων , πρὶν Ἐρῶς συνέμιξεν ἅπαντα.

*Prius non erat genus immortalium , quàm Amor omnia miscuisset. Indidem progna-
tae sunt Ἐμῆς , Justitia , Μνημοσύνη , Me-
moria , Ἴμερ , Cupido , Θάνατος , Mors ,
Μόρ , Fatum , Κῆρ , Parca , & alia id-
ge-*

* P. 574. Ed. Gen. Æm. Forti.

478 ARTIS CRITICÆ P. II. S. II. C. V.
 genus Numina, quæ in sequentibus me-
 morat *Hesiodus*. Postea ad imitationem
 ejus Poëtæ & aliorum, non rarò, apud
 Ethnicos, nomina notionum Abstracta-
 rum facta sunt nomina Deorum. Exem-
 pla sat multa congeffimus, quamvis in
 aliam rem, superioris Sectionis Cap.
 VIII.

4. Sic, cùm antiquissimi Philosophi
 agerent de *Ideis*, quo nomine significa-
 bant, ut videtur, Abstractas omnium
 rerum notiones, * quæ divino intellectui
 obversabantur, antequàm quidquam
 crearet; ita interdum loquebantur, qua-
 si ejusmodi notiones naturæ quadam
 seorsim existentes fuissent. Quo factum
 ut *Plato*, aliique eos sequuti Ideas existi-
 marint esse, ex eorum sententia, substan-
 tias quasdam.

5. Mentem quidem *Platoniorum* ita
 expressit *Cicero*, in † Oratore: *Phidias*
cùm faceret Jovis formam, aut Minervæ,
non contemplabatur aliquem è quo similitudi-
nem duceret; sed ipsius in mente infidebat
species pulcritudinis (ιδέα ἢ καίματος) eximia
qua-

* Vide *Epicurum* ap. *Diogenem Laërt.* Lib. II.
 §. 14. & 15. & *Platonem* in *Phædro* p. 346. & *Ti-*
mao p. 526. Ed. Gen. Ficini & *Philonem* *de* *no-*
monias. † *Capp.* 2. 3.

quadam, quam intuens, in eâque defixus, ad illius similitudinem artem & manum dirigebat. Ut igitur in formis & figuris est aliquid perfectum & excellens; cujus ad cogitatam speciem imitando referuntur ea, quæ sub oculos ipsa cadunt: sic perfectæ eloquentiæ speciem animo videmus, effigiem auribus quarimus. Has rerum formas appellat IDEAS ille non intelligendi solum, sed etiam dicendi gravissimus auctor & magister, Plato; easque gigni negat & ait semper esse, ac ratione & intelligentiâ contineri. Debuisset tamen addere Cicero eas ideas perpetuò Dei intellectui obversari, & ad earum exemplar omnia fuisse à Deo formata. Similiter Plutarchus, in * Quæstionibus Platonis, ait Platonem ἀρχαὶ δειγμάτων ἢ ἰδέαι, τὰ νοητὰ τῶν αἰσθητῶν, ὥσπερ εἰκόνων, ἢ ἐμφάσεων ὑποπθεῖς: intelligibilia esse sensilium exemplaria & ideas, quasi imaginum, aut expressionum.

6. At quia contendebant δημιουργὸν sive creatorem mundi ad idearum exemplar omnia formasse, hasque esse essentias omnium rerum, quæ, ut etiamnum sentiunt Philosophorum scholæ, sint æternæ & immutabiles; Substantias esse, à Deo sejunctas, voluerunt. Quod confutare aggre-

480 ARTIS CRITICÆ P. II. S. II. C. V.
 aggreditur *Aristoteles* *Metaphys.* Lib. XII.
 c. 5. ubi vult eos, qui defendunt ideas,
 κενολογεῖν ἢ μεταφορᾷ λέγειν ποιητικὰς,
inania loqui, & *figuras poëticas proferre*.
 Rationibus autem variis eas oppugnat, &
 inter alia hæc habet: δόξειεν ἂν ἀδύνατον
 χωρὶς εἶναι τῆς οὐσίας, καὶ ἢ ἡ οὐσία. ὥστε πῶς
 ἂν αἱ ιδέαι οὐσίαι τῶν πραγμάτων ἔσαι χωρὶς
 εἶεν: videatur etiam fieri non posse, ut *seor-*
sum sit essentia & *id cuius est essentia*. Igi-
 tur quomodo *idea*, quæ sunt *essentiæ rerum*,
seorsum essent? Sed & alii ita intellexerunt
Platonem. *Plutarchus*, de placitis *Philos.*
 Lib. I. c. 3. de Principiis: Σωκράτης Σω-
 φρονίσκος Ἀθηναῖος, ἢ Πλάτων Ἀρίστωνος
 Ἀθηναῖος. αἱ γὰρ πᾶσι παντὸς ἐκατέρω δόξαι.
 τρεῖς δὲ χάς, τὸ Θεὸν, τὸ ὕλιν, τὸ ιδεῶν
 (λέγουσι.) Ἐστὶ δὲ Θεὸς ὁ νῦν, ὕλη δὲ τὸ
 υποκείμενον πρῶτον γένος ἢ φθορᾷ, ιδέα δὲ
 οὐσία ἀσώματος ἐν τοῖς νοήμασι καὶ ταῖς
 φαντασίαις ἔστι Θεός: *Socrates Sophronisci F.*
Atheniensis, & *Plato Aristonis F. Athe-*
nienfis (eadem enim utriusque sunt de Uni-
 verso sententiæ) tria principia, *Deum*,
Materiam & *Ideas esse dicunt*. Est autem
Deus mens, *materia verò subiectum primum*
generationis & *corruptionis*, *idea denique*
essentia incorporea in intellectibus & *ima-*
ginationibus Dei. Capite verò X. ubi de
 Ideis:

Ideis: Ἰδέα, inquit ex *Platonis* sententia, ἔστιν ἑστία ἀσώματος, αὐτὴ μὲν ὑφεώσα καὶ αὐτῇ, εἰσενέζουσα δὲ τὰς αἰμόρφους ὕλας, καὶ αἰτία γενεῶν καὶ τελευτῶν δειξέως. Σωκράτης καὶ Πλάτων χωρεῖς τὴν ὕλης ἑστίας τὰς ἰδέας ὑπολαμβάνει, ἐν τοῖς νοήμασι καὶ ἐν ταῖς φαντασίαις ἔστι Θεῶν, τέστι νῦν, ὑφεώσας: *Idea est essentia incorporea, per se ipsa subsistens, informans materias formā destitutas, & causa cur hæc appareant. Socrates & Plato se junctas à materia essentias statuunt, in intellectionibus, & imaginationibus Dei, hoc est, mentis subsistentes. Vide & quæ hanc in rem habet Dionysius Petavius, Dogm. Theol. T. I. Lib. iv. c. 9. & Epist. viii. Tomi 3. hujus Artis Criticæ.*

7. *Platonici* tamen recentiores querunt *Platonem* mentem in alienum sensum torqueri, contenduntque: aliud nihil *Magistrum* voluisse, nisi Deum apud se intellexisse quid esset facturus, antequam facere aggrederetur id quod creavit. Si hæc ejus fuit sententia, nec ipse, nec ejus discipuli excusari possunt affectatæ obscuritatis, in rebus magni momenti. Ex hujusmodi etiam sermone factum, ut *Ideæ*, aut notiones Abstractæ tractu temporis in personas mutatæ sint, etiam

Tom. I. H. h. apud
Proclus Comment. I. in Parmenidem.

apud alias Sectas. Dum res vulgò notas exprimunt vocibus & loquutionibus planè insolitis, aut etiam somnìa mæra oraculorum ritu profundunt, incautos Lectores fallunt; ceteris bilem, aut risum movent.

8. Hoc tamen fatendum, etiam in aliis rebus, usu receptum esse, ut res ipsæ abstractè spectatæ, à rebus ipsis quæ reverà sunt, veluti distinguantur in sermone. Passim dicimus *essentias*, aut *naturas rerum*, nec aliter nos loqui patitur usus; attamen fallaces sunt ejusmodi loquutiones, quia *natura*, aut *essentia rerum* sunt *res ipsæ*; ita ut *naturam rei* dicere perinde fere sit, ac si dixeris *rem rei*; si sensum, potius quàm sonum verborum attendas. Scio Metaphysicos solere dicere hæc inter se distinguere *ratione*; sed est perinde ac si dixeris non distinguere, nisi *relatione* quadam, quam fingit animus distinguentis, sed quæ nullam rei mutationem affert.

9. Abstractæ notionis nomina sunt *Fortuna*, *Sors*, *Mors*; attamen vulgò quasi persona quædam habebatur, cum ei vota nuncparentur, & sacra fierent. Unde verò hoc ortum? Nimirum, Poetæ & Philosophi ita de ea loquebantur, quasi

quasi de persona quadam, ut passim videre est. Exempla peti poterunt ex iis, quæ attulimus superioris Sectionis Cap. IX.

10. Ex huiusmodi loquutione, quæ res veluti à se ipsa, mutatione nominis, distinguitur, natus est jocularis error viri doctissimi, certè multæ lectionis, *Casp. Barthii*, qui in *Animadversionibus in Rutilii Numariani Itinerarium*, vers. 328. *Numen Junonis* distinxit ab ipsa *Junone*. Totum locum adscribere non pigebit, & particulatim ad examen revocare. „ *Diis*
 „ etiam ipsis, inquit, peculiaria *Numina*
 „ & *Genies* quosdam adscripsisse *Idolola-*
 „ *tras*, de eorum libris, etsi vulgò non
 „ cognitum, disci tamen potest. Sic in
 „ priscis *Inscriptionibus*, *Genius Plutonis*
 „ deprehenditur. Sic *Jovialem Genium* le-
 „ gimus, apud *Arnobium* Lib. III. quem
 „ ille mirificâ urbanitate, ut est talium
 „ doctissimus, *villicum Jovis* appellat. Sic
 „ de aliis *Diis*, alii

11. I. De buisset vir eruditus proferre *Inscriptionem*, in qua *Genius Plutonis* ab ipso distingueretur, quasi *Numen* quod coli à *Plutone* oporteret, non quasi *Genius* à *Plutone* missus; neque enim hoc illi facile accedimus, qui in sequentibus

locis usque adeò hallucinatus est. II. *Genius Jovialis* non est, apud *Arnobium*, Numen quod Jovi esset Genii loco, sed nomen Laris domestici ideò sic dicti, quod à Jove datus familiæ crederetur. *Arnobius*, sub finem Lib. III. memorat sententias Theologorum Ethnicorum de Penatibus, atque inter alia hæc habet. *Idem* (*Nigidius*) in Libro sexto exponit & decimo, disciplinas *Etruscos* sequens, genera esse Penatum quatuor, & esse Jovis ex his alios, alios *Neptuni*, inferorum tertios, mortalium hominum quartos, inexplicabile nescio quid dicens. Hinc liquet Genium Jovialem posse dici Genium à Jove progenitum, aut missum, qui enim alii sunt Genii Jovis, quàm à Jove aut orti, aut venientes? Ita verò pergit *Arnobius*: *Cæsus* & ipse adsequens *Fortunam* arbitratur, & *Cererem*, Genium Jovialem, et *Palem*, sed non illam familiam, quam vulgaritas accipit, sed masculini nescio quam generis, ministram Jovis, ac villicum. Hic *Pales*, non *Genius Jovialis*, dicitur Jovis villicus.

Numina autem, ait *Barthius*, Diis quædam singularia, & ab reliqua eorum essentia velut separata, adscripta nos nunc demonstrabimus. Sic non de se, sed de suo Numine, loquitur *Jano*, in *Æneide* septima: Quod

— *Quòd si mea Numina non sunt*
Magna satis, dubitem haud equidem im-
plorare quod usquam est.

Apuleius Lib. VI. de Venere : totum per
orbem anxiam disquisitione tuum vestigium
furens animi requirit, teque ad extremum
supplicium expetit, & totis Numinis sui
viribus ultionem flagitat. Ut sit Numen
quædam veluti anima Deorum illorum.
Eodem libro, idem Scriptor : ad istum
modum supplicanti, statim sese Juno, cum
totius Numinis sui augusta dignitate, præ-
sentat. Hinc crudite inter Deos, & Nu-
mina eorum, distinctionem facit Arno-
bis Lib. VII. in Prosopopœia bovis ad
Jovem : Numquid aliquando tuos ludos
minus sanctè, diligentèrque perfeci ? Num-
quid aliquem præfulem, tuum Numen qui
offenderit, aut te traduxi ? Aut te, aut
Numen tuum.

13. At, mi Barthi, Numina Junonis
 sunt ipsa Juno, Numen Veneris ipsa Venus;
 quemadmodum natura aëris est ipse aër,
 quamvis distingui videatur verbis. Talia
 infinita sunt, in omnibus Linguis, ubi
 res, per abstractionem spectata, à se ipsa
 veluti distinguitur. Sic manifestò intelli-

gendi *Virgilius & Apuleius*. *Arnobii* pravam editionem sequutus es, sic enim * in melioribus leguntur ejus verba : *numquid aliquem præfulem, tuum numen qui offenderet, ante traduxi ?* Sig. Gelenius, infelix Criticus, hunc locum corruerat, quia non intelligebat; at tuum erat, *Barthi*, ei non credere.

14. Pergis tamen, &, „ Dii ipsi, in-
„ quis, suis aliquando Numinibus aras
„ instituerunt. *Solinus* Cap. II. *suo quoque*
„ *Numini idem Hercules instituit aram, qua*
„ *maxima, apud Pontifices, habetur.* Loc-
cus est Capite I. nec procul ab initio, sed
suo *Numini* idem est ac *sibi*. Sic de *Caligula* *Suëtonius* Cap. XXI. paria faciente;
Templum etiam Numini suo proprium, in-
quit, & Sacerdotes, & excogitatissimas vi-
ctimas instituit. Cetera non sunt digna,
quæ pluribus confutentur.

15. Cavendum est igitur ne, quia Ab-
stractæ notiones nominibus substantivis
exprimuntur, & quandoque de iis ita lo-
quimur, quasi seorsim essent à rebus, à
quibus sunt animo sejunctæ, eas pute-
mus esse aliquid à rebus illis diversum.
Nec ea cautio inutilis debet censeri, quòd
nemo

* P. 272. *Heraldina Editionis Parisensis* 80.
1605.

nemo peccet in ejusmodi rebus. Allata enim exempla saepe in iis peccatum ostendunt, quibus alia etiam multa possemus addere, & copiosius, prout digna fortè essent, explanare; at brevitati studentes aliquot indicabimus paucis, & explicabimus. Nomina notionum Abstractarum sunt *Patria*, *Senatus*, *Synodus*, *Ecclesia* & similia; quando distinguuntur ab ipsis hominibus, quibus constantur *Patria*, *Senatus*, *Synodus*, *Ecclesia*, ut saepe fit in omnibus Scriptoribus. Sumus autem usque adeò illis nominibus adsueta, ut videamur nescio quas Naturas animo intueri, cum ea vocabula proferuntur, distinctas ab hominibus.

16. *Mori pro patria* pulcrum erat, quia eâ voce intelligebant nescio quid, quod sanctum habere, & revereri decebat. Sed re ipsâ quid erat patria Atheniensi, exempli causâ, aut Romano? Si solum intelligas, Italia, & Attica; pro quibus cur pulcrum sit mori, nulla ratio est, potiusquàm pro Africa, aut pro Asia. Non magis enim ad te pertinet gleba, in qua natus sis, quàm alia quævis in qua commode vitam degere queas; sanctumque adeò est mori pro agello in occasum, aut in septentriones spectante, potiusquàm vi-

H h 4 vas

vas in alio, qui magis ad orientem solem aut ad meridiem verget. Si homines malis, quæ fuerunt Republicæ Atheniensis & Romana, præter societates latronum, si eas probè introspeciamus? Itaque qui pro iis moriebatur, latro erat, qui pro latronum globo vilem animam profunde-
bat. At notio Abstracta, cui detracta sunt quæcumque offendere possent, nescio quid amabile & reverendum animo offerebat. Huc facit *Lactantii* locus insignis ex *Inst. Divin. Lib. VI. c. 6. Sublatâ hominum concordia, virtus nihil est omnino. Quæ sunt enim patriæ commoda, nisi alterius civitatis aut gentis incommoda? id est, fines propagare, aliis violenter ejectis, augere imperium, veltigalia facere majora. Quæ omnia non utique virtutes, sed virtutum sunt everisiones. In primis enim tollitur humana societatis conjunctio, tollitur alieni abstinentia, tollitur denique ipsa justitia; quæ dissidium generis humani ferre non potest. & ubicumque arma fulserint, hinc eam fugari & exterminari necesse est. Verum est enim Ciceronis illud: * Qui autem civium rationem dicunt habendam, externorum negant, dirimunt hi communem humani generis societatem; quâ sublatâ, benefi-*

* *Officior. Lib. III. C. 6.*

centia, liberalitas, bonitas, justitia funditus tollitur. Nam quomodo potest justus esse, qui nocet, qui odit, qui spoliat, qui occidit? Quae omnia faciunt qui patriae prodesse nituntur.

17. Si civem Romanum audiamus dicentem * *Senatum, esse principem salutis, mentisque publicae*; † *summum Populi Romani, populorumque & gentium omnium ac Regum concilium*, § *orbi terrarum praesidens*; quis non, ex ejusmodi descriptione, magnificè de Senatu Romano judicet? Quis non credat Senatores Semi-deos fuisse æthereis sedibus delapsos, ut fessis humanæ gentis rebus subvenirent, pacemque & otium, unà cum justitia, per omnes terras confirmarent, ac bonis ubique contra improbos auxilio essent? At si Censores sedeamus, atque, ad eam animo conceptam notionem, Senatum legere velimus; vix unum atque alterum Senatorem reperiemus, in quem magnifica illa notio quadret. Homines sunt aut ambitione occæcati, aut libidinosi, aut avari; aut tribus illis vitiis simul laborantes; aut ignavi, aut timidi, aut imprudentes, aut iniqui, aut superbi; uno

verbo

* Cicero de Har. Resp. c. 27. † pro Domo c. 28.
§ 2. Philip. c. 7.

verbo præne totus Senatus nequissimorum hominum cœtus. Verùm à re ipsâ, nomine Abstractæ notionis prolato, avertitur animus, convertiturque ad imaginem inanem, inter Ideas Platonicas volitantem, quam stultè miratur.

18. Si aurem præbeamus viris, quorum alioquin auctoritatem spernere nequaquam possumus, de *Synodiis* veteribus loquentibus, nobis magnificâ oratione describent αἰγίας καὶ οἰκουμενικὰς συνόδους θεοφόρων πατέρων, συναθροισθείσας ἐπὶ τῇ βασιλείᾳ τῇ μεγάλῃ βασιλέως, ἡ ἰουποσόλης: *sanctos & œcumenicos cœtus afflatorum divinitus patrum, congregatos in regiam magni Regis, & Apostolis equiparandi.* Quis, auditis his & similibus verbis, religioso quodam horrore & corpore & animo non contremiscat, ac paratus non sit oracula ejusmodi cœtus avidis auribus excipere, haud aliter ac si cœlo ipso emitterentur? Verùm hæc est (quis crederet?) Abstracta notio Synodorum, quæ in inconspicua Idearum Republica coguntur; non imago earum, quæ inter miseros mortales olim congregatæ fuere. Reges ignari, (non legent hæc Muhammedani, nec Ethnici, sed ii quorum scire interest, quo fiet ut verum apertè proloquar) Reges, inquam,

inquam, ignari nec inter bonos principes numerandi, convocarunt Græculos, qui linguæ acuendæ per totam vitam operam dederant, rerum ipsarum ignaros, contendendi studiosos, perpetuis rixis inter se divisos; & bardos aliquot homines ex occidente, rudiores quidem illos, sed non meliores; iique post pudendas contentiones, obscurissima quædam dogmata, verbis sæpe parum aptis, auctoritate suâ firmant; quæ stupidi populi sine examine adorent, quasi divinitus accepta. Non ficta me loqui norunt qui Synodorum historias legerunt; nec certè vanus erat * qui dixit:

Οὐδέ τί πᾶ συνόδοισιν ὁμόθρονον ἔσομαι ἔγωγε,

Χηνῶν ἢ γερόνων ἀκροτα μαρναμένων.

Ἐνθ' ἔεις, ἔνθα μὲν πᾶ ἡ αἰχρὰ κρυπταί
παύροισιν,

Εἰς ἓνα δυσμμένων χάρον ἀγειρόμενα.

Numquam ego sedebo in Synodis anserum augurium, temerè pugnantium. Illic contentio, illic rixa, & probra antea latentiaavorum hominum in unum locum collecta.

19. Vísne

* Gregorius Nazianz. Carm. X. cujus vide etiam Ep. LV, LXV, LXXI, LXXII & LXXIV.

19. Vísne aliam notionem Abstractam? Lege quæ de *Ecclesia representativa*, ut solet vocari, à plurimis olim & nuper scripta sunt; illâ nihil sanctius, nihil doctius, nihil amantius veri excogitari potest. Sed cave ne Abstractæ notioni similem ullam in rerum natura quæras, nisi frustra esse velis. Si rem in qua reperiri oporteret, quod tantis laudibus ornatur, inspicias; delabêris fortè ad opinionem *Gasp. Scioppii*, insignis Grammatici, qui *Ecclesiam representativam* definiebat *mandram*, *frve gregem*, *aut multitudinem jumentorum*, *frve asinorum*; & benignè atque amicè loquutum esse judicabis, quòd *ferarum* non dixerit. Nec aliter de iis sensit *Jos. Scaliger*, cujus est hoc insigne judicium, in *Scaligeranis*; *Christianis Orientalibus Græcis*, *Syris*, *hodie nihil pejus*; & *olim Episcopi Græci fuerunt nequissimi & superbissimi. Eorum Concilia fuerunt mera conspirationes. Latina Ecclesia longè honestius se gessit, quamvis intus multa & clam pessimè fecerint.*

20. Sed vereor ne à Criticis investigationibus ad graviora sensim deflectere videar. Itaque hîc gradum sisto, Lectorémque, monitum ne notionibus Abstractis facîle credat, dimitto. Hæ nobis

De notionibus Singularibus, &c. 493
bis res, non quales sunt, sed quales esse
deberent describunt; neque, sine stulti-
tia, statuere possumus res ita se habere,
ut eas animo fingimus, quia ejusmodi
esse par esset.

C A P U T V I.

*De Notionum Singularium, Particularium
& Universalium nominibus.*

ANTE omnia, Lectori nostro no-
tum esse statuimus quod docent
Dialectici, de Enunciationibus *Singulari-
bus, Particularibus, & Universalibus*; alio-
quin esset repetendum quod de iis in *Lo-
gica* diximus. Quamvis autem tria ge-
nera sint Enunciationum, prout *Subje-
ctum* est Singulare, Particulare, aut Uni-
versale, Logici de Enunciationibus sin-
gularibus eadem tradunt ac de Univer-
salibus; eo quod perinde sit, quacum-
que sit amplitudo *subjecti*, modo univer-
sum intelligatur. At Critici necesse habent
de nominibus trium harum notionum
seorsim agere, quia non habent eadem de
omnibus monenda.

1. *Singularium* notionum nomina sunt,
quæ

quæ res singulares significant, ut Socrates, Alexander, &c. At in significatione horum nominum, aliquando magna est difficultas, cum ea nomina notiones compositas significant. Idem enim nomen nunc complectitur quidquid est in re quam significat, nunc partem dumtaxat, nec semper eandem. Exempli causa, ubi sermo est de homine quopiam, triplici illo sensu nomen ejus sumitur. Dicemus *Socratem* primum Athenienses docuisse verè philosophari; qua in loquutione intelligemus integrum *Socratem*, animo & corpore constantem. At dicemus *Socratem* esse mortuum, ad corpus, nimirum, quod attinet; quem, si de ejus animo cogitemus, negabimus esse mortuum, immortalemque esse contendemus; quemadmodum ipse de se loquebatur mortui proximus. Cum enim * Crito eum rogasset, quid vellet sepeliri: *ὅτι περὶ ἐμοῦ λέγεται ὡς ἐγὼ εἶμι ὅτι ὁ Εὐκλείδης οὐκ ἀφ' ἀλεξιφάνου, ἀλλ' ἀφ' ἀλεξάνδρου, ἀλλ' οἷός τ' ἐστιν ὁ ἀλεξάνδρων, ἀλλ' οἷός τ' ἐστιν ὁ ἀλεξάνδρων, ἀλλ' οἷός τ' ἐστιν ὁ ἀλεξάνδρων*: non persuades, inquit, Critoni me esse hunc *Socratem*, qui nunc disputo, & singula dicta dispono; sed opinatur me illud esse, quod paullo post videbitur, *καὶ δαὲν*.

* In *Phadone* p. 401. Ed. Gen. Ficini.

claver. Itaque Crito rogare debuisset, ex sententia Socratis: *ἄντιπρὸς ὃ τίνα τρόπον οὐ οὐ νεκρὸν*; quomodo sepeliemus cadaver tuum? nam Socratem volebat ille animum suum vocari, at vulgus aliter loquebatur.

3. Quam in rem hoc quoque observandum, si velimus ejusmodi loquutiones, cum apud Veteres occurrunt, intelligere, sciendum esse quæ sit eorum de immortalitate animi sententia. Si enim Platonius dicat *mortuum esse Socratem*, de corpore, ejusque conjunctione cum animo loquetur, atque ita intelligi se vult. Si verò Epicureis eadem loquutione utatur, integrum hominem intelliget. Quod monitum ad omnia pertinet, quæ pluribus partibus constant, & de quibus non consentiunt homines.

4. I. Enuntiationes *particulares*, vel nomina notionum particularium, eadem ferè de ratione, sunt obscura. Nam *quidam*, *aliqui*, *plerimi*, *multi*, & similia, quæ indicia haberi solent hujusmodi notionum, hoc unum certè significant, id quod dicitur non posse omnibus tribui, de quibus sermo est; at de quibus & de quanto numero dicatur, nullo modo docent. Si dicam, exempli causâ:
multi

multi Ethnicorum olim intellexerunt Religiones populorum, inter quos nati, educatique fuerant, falsas fuisse; propterea nemo intelliget quos Ethnicorum designare velim, nec sciet quantum esse putem ita sentientium numerum.

5. II. Vox *multus*, alique id genus, quæ non certum numerum significant, cum per se obscuræ sunt, quia nescimus quibus limitibus contineantur notiones quas significant; tum etiam quia sunt *relative*, & relationem signant plerumque ignotam. Hoc inde liquet, quòd de una eademque re possint contrariæ voces adhiberi. Exempli causâ, dixi *multos Ethnicorum scriuisse Religiones suas patrias fuisse falsas*; nunc verò dicam, *paucos Ethnicorum intellexisse Religionum suarum errores*, neque hæc Enunciatio minùs vera habebitur. Nempe, *paucos* eos dico, cum eos conféro cum ingenti multitudine eorum, qui cæco errore abducti Religiones illas verissimas esse crediderunt; *multos* verò, si comparentur cum pauculis, quales essent aliquot decades.

6. Passim autem ejusmodi Propositiones particulares occurrunt, quas accurate intelligere non licet; quia quas & quot particulares notiones complectantur, scire

scire non possumus. Iis etiam ita adsueti sumus, ut libenter in obscura illa notione adquiescamus, nec quidquam ultra quæramus; quamvis interdum possemus quærendo accuratiùs rem cognoscere. Quod ideò fieri videtur, quòd plerumque numerorum, qui vocibus *pauci* & *multi* designantur, proportionem rescire non liceat. Vide, si vacat, quæ scripsimus ad Gen. XXXVIII, 12. Idem dicetur de vocibus *major* & *minor*, quæ invicem referuntur, & quæ incertissimæ sunt significationis; quia plerumque nescimus, quantò pars quæpiam dicatur *major*, aut *minor*; nec quantus sit numerus partium, quæ inter se conferuntur. In Tit. de Verborum significatione §. 156. hæc leguntur: *major parte anni possedisse quis intelligitur, etiam si duobus mensibus possederit; si modò adversarius ejus, aut paucioribus diebus, aut nullis possederit. Nimirum, major pars non refertur ad reliquas anni partes, sed ad tempus, quo possedit adversarius; quod nemo possit ex iis verbis divinare, nisi rem aliunde norit.*

7. III. Verùm *major* etiam nascitur obscuritas ex Enunciationibus, in quibus vox *multi* non modò obscuritate quam

diximus laborat, sed & novâ ambiguitate, nam videtur sumi *ὅτι* & *omnes*. Exempli causâ, ita loquitur Christus Matth. XXVI, 28. *Hic est sanguis meus Novi Testamenti, qui pro multis effundetur, in remissionem peccatorum.* Qui nolunt Christum mortuum esse pro omnibus hominibus, verba *ὅτι* ΠΟΛΛΩΝ urgent, quæ non possunt concoquere explicari hisce, *ὅτι* ΠΑΝΤΩΝ. At alii observant eundem, qui sanguinem suum effudit *pro omnibus*, rectè dici sanguinem effudisse *pro multis*, quia *omnes* complectuntur *multos*; atque in hoc quidem loco, H. Grotius intelligit eos cum ex *Judæis*, tum ex *gentibus*, qui *fœderis conditiones amplectuntur*. Crediderim potius *multos* dici, ut opponatur multitudo ingens totius humani generis, paucitati Judæorum. Verùm hoc colligendum, non ex hoc loco, sed ex aliis.

8. Ac sanè videmus aliquando *omnes* & *multos* promiscuè sumi, sed posterius adhiberi, quando respicitur paucitas, prius in absoluta loquutione: *Igitur*, ait Paulus, Rom. V, 18. *sicut per unius delictum, venit peccatum in OMNES* (εἰς ΠΑΝΤΑΣ) *in condemnationem: sic & per unius justitiam, justitia venit in OMNES* (εἰς ΠΑΝΤΑΣ) *homines, in justificationem*
I A
vita.

ultæ. Sicut enim per inobedientiam unius hominis, peccatores constituti sunt MULTI (ΠΟΛΛΟΙ) ita & per unius obeditionem, iusti constituentur MULTI, ΠΟΛΛΟΙ. Manifestum est multos & omnes, hoc in loco, ἐκ τῆς ἀλλῆλης poni, quasi idem significantia. Similia in Græcorum sermone animadverterat Aristoteles, cujus hæc sunt verba, in Lib. de Poëtica C. XXV. Τὰ πάντες ἀντὶ τῶ πολλοῦ, καὶ μεταφορᾶν εἰρηται, τὸ γὰρ πᾶν πολὺ π: omnes pro multi per metaphoram dici queat, nam omne complectitur multitudinem.

9. Hinc intelligere possumus inania esse varia, quæ Interpretes nonnulli, cum Judæi, tum Christiani, colligunt ex Dan. XII, 2. nisi aliunde comprobentur. MULTI (רבים rabbim) ex dormientibus in pulvere terræ, excitabuntur; hi ad vitam æternam, illi verò ad opprobria & contemptum æternum. Judæi, qui credebant bonos dumtaxat resurrekturos, voce multi sententiam suam defendere conabantur. Dixerunt, ait R. David Kimchi ad Esa. XXVI, 19. Magistri nostri quorum memoria sit benedicta, mortuorum resurrectionem esse iustorum, non impiorum; idque apparet ex hoc versu Esaie, ubi dicitur מתים mthecha, mortui tui, scilicet, vivent. Similiter ex

Daniëlis prophetia, qui dixit וְרַבִּים & multi; nempe, *evigilabunt.* At posito hîc de resurrectione, ex grammatico sensu, agi; vox *multi* opposita quidem est *paucis*, sed non *omnibus*. Eadem de ratione, frustra etiam sunt, * qui hinc probari statuerunt, inter eos qui resurgent in vitam æternam, eosque qui excitabuntur ut pœnas dent, esse mediam quamdam conditionem; ideò tantùm quòd *multi* dicantur, non *omnes*.

10. IV. Igitur diligenter distinguendæ sunt Enunciationes, quæ particulares videntur, ob nomen quod particularem notionem significare solet; ab iis, quæ verè & naturâ suâ sunt particulares. Sæpe enim, sub particularis notionis signo, latet notio universalis, ut ex allatis exemplis satis liquet. Verùm sunt quoque particulares Enunciationes, sine ullo signo, ex quo de earum amplitudine judicare liceat. Exempli causâ, vitia frequentia in quapiam Gente ita ei tribuuntur ut, si verba sola spectemus, scire nequeamus qui & quot ex ea Gente incùsentur. Dixit *Epimenides* de *Cretensibus*, quod dignatus est *Paulus* repetere,

Κῆρες

* Vide Rob. Bellarmín. de A. G. & S. P. Lib. VI: c. 1. & 3.

Κρητες αει ψευσαι, κακα θηρια, γαστρις
 χοραι.

Cretes semper mendaces, mala bellua, ventres pigri. Si omnes planè Cretenses, sine exceptione, eâ indole fuissent, res posset etiam eo modo exprimi. At in tota Gente, non est credibile ne unum quidem eorum vitiorum fuisse immunem. Itaque est particularis Enunciatio, quâ significabat *Epimenides* vitia illa frequentissima fuisse inter Cretenses, aut plerosque iis inquinatos. Talia multa possent proferri, qualia aliud agentes congestimus superioris Sectionis Cap. VII. §. 6.

II. Ut ad notiones *universales* veniamus, in Enunciationibus universalibus probè conceptis nulla est, ad verba quod attinet, obscuritas; qui enim de omnibus rebus, de quibus loquitur, quidpiam affirmat, sine exceptione ulla, si modò verbis utatur perspicuis, facillimè intelligitur; cùm exceptiones, ut vidimus, soleant obscuritatem parere. Ejusmodi sunt axiomata Geometrarum, quæ nullis planè exceptionibus laborant; ejusmodi hoc quoque est, *omnes homines esse mortales*, & similia.

I i 3

12, Sed

12. Sed præter illas Enunciationes, alia sunt quæ, licet universalibus prorsus verbis conceptæ sint; tamen universales non possunt dici, nisi certo sensu, & quæ Interpretibus negotium facessere solent. I. * *Integrè loquimur*, ait Augustinus, *cùm de aliquo litterarum magistro, dicimus: omnes iste hîc litteras docet; non quia omnes discunt, sed quia nemo nisi ab illo discit, quicumque ibi litteras discit. Igitur subintelligendum, qui hîc litteras discunt. Sic Psal. CXLV, 14. Sustinet Deus omnes cadentes & erigit omnes incurvos; nempe, qui ad ejus auxilium, ut par est, confugiunt.*

13. Ubi sermo est de re clara, facile videmus, quid Enunciationi desit, & in ea suppleri oporteat; at in re obscura, aut quæ in controversiam venit, rei obscuritas, aut Interpretum affectus, magnas concertationes sæpe creat. Exempli gratiâ, postquàm in partes itum est, inter Theologos, de Divinæ misericordiæ amplitudine, dum alii volunt Deum omnibus suppeditare quæ ad salutem consequendam necessaria sunt, paratùmque esse omnibus ignoscere, si modò talentis cœlestibus rectè utantur; alii verò contendunt

* De Prædest. Sanct. c. VIII.

tendunt Deum nonnisi paucis velle ignoscere, quibus solis suppeditavit ea, sine quibus ad meliorem frugem nemo potest redire; postquam, inquam, ea de re disceptari coepit, Enunciationum universalium sensus in controversiam quoque est vocatus.

14. Locus est vexatus à Theologis.
 1. Tim. II, 4. *Deus OMNES homines salvos fieri vult, & ad cognitionem veritatis venire;* de quo ita *Augustinus*, Enchir. ad Laurentium Cap. 103. *Cum audimus, inquit, & in sacris litteris legimus, quod Deus velit omnes homines salvos fieri, quamvis certum sit nobis non omnes homines salvos fieri, non tamen ideò debemus omnipotentissimæ Dei voluntati aliquid derogare; sed intelligere quod scriptum est, qui vult omnes homines salvos fieri; tamquam diceretur, nullum hominum fieri salvum, nisi quem ipse salvum fieri velit. Non quod nullus sit hominum, nisi quem salvum fieri velit; sed quod nullus fiat, nisi quem velit, & ideò sit rogandus, ut velit, quia necesse est fieri si voluerit. De orando quippe Deo agebat Apostolus, ut hoc diceret. Sic enim intelligimus id, quod in Evangelio scriptum est: qui illuminavit omnem hominem; non quia nullus est hominum, qui non*

illuminetur; sed quia nisi ab illo, nullus illuminatur. Similia & alibi habet.

15. Dubium certè non est, quin Enunciationes universales interdum ita intelligi debeant; sed circumstantiæ loci ostendunt, Propositionem Pauli planè esse universalem. Cùm enim Apostolus hortetur Christianos, ut pro *omnibus* hominibus precentur, & præsertim pro magistratibus, quia gratum hoc est Deo, qui *omnes homines vult salvos fieri*; necessariò hîc vox *omnes* eodem sensu sumi debet ac in superioribus, hoc est, prorsus universaliter. Absurda alioquin esset hæc ratio: orate Deum servari omnes omnino homines, nam quicumque servantur, illi non sine Deo servantur. Præterea certum est affirmantem Pauli Propositionem posse in negantem converti, quæ sit ejusmodi. *Deus non vult ullos perire, sed omnes venire ad cognitionem veritatis*; nam hæc Enunciatio est Petri 2. Ep. III, 9. nisi quòd, pro cognitione veritatis, habet *pœnitentiam*. Negans autem Propositionis non potest ita explicari, ut ab *Augustino* est explicata affirmans. Itaque & apud Paulum debet esse Enunciatio, quæ sit prorsus universalis.

16. II. Sunt præterea Enunciationes uni-

universales, si verba attendas, quæ ad rem ipsam quod attinet, particulares sunt; quia, nimirum, hyperbolicæ cum sint, pro parte totum dicere videntur. Exempla ejusmodi loquutionum attulimus ad Genes. VI, 5. ubi vide à nobis dicta. Sed & nonnulla alia non abs re erit addere. Sic Joan. III, 32. *Testimonium ejus*, ait Christus de se, *nemo admisit*, hoc est, per pauci. Apostolus verò Philip. II, 2 r. *Omnes*, inquit, *quærunt quæ sua sunt, non quæ sunt Christi Jesu*, hoc est, plerique. Quò facit regula Juris: *Refertur ad universos quod publicè fit, per majorem partem.* De div. Regg. Juris §. CLX.

17. Similiter omnes homines, totumque orbem vocant frequentissimè Scriptores Ethnici, Gentes aliquot vicinas, aut intra Imperii Romani fines degentes. Sic Isocrates, non procul ab initio Panegyrici: *ὁμολογεῖται*, inquit de Atheniensibus verba faciens, *τὴν πόλιν ἡμῶν πᾶσιν ἀνθρώποις εἶναι ὀνομαζομένην*: in confesso est urbem nostram esse, apud omnes homines, celeberrimam. Fragmentum de Bello Civili:

Orbem jam totum victor Romanus habebat.

Vide

Vide Luc. II, 1. & ad eum locum Intē.
Possent & ex Linguis hodiernis exempla
adjici, nisi res manifesta esset.

18. III. Aliæ sunt Enunciationes uni-
versales, quæ potiùs omnia aut pleraque
genera rerum, de quibus sermo est,
quàm singulas significant. Sic Matth. IV,
23. Christus dicitur *sanasse omnem mor-
bum & omnem languorem in populo*; hoc
est, omnis generis morbos, Ita Act. X,
12. memoratur linteum cœlo demissum,
*in quo erant omnia quadrupedia & serpentina
terra & volucris cœli*; hoc est, omnis ge-
neris animalia. Sic & *Virgilius*:

* *Nec verò terra ferre omnes omnia pos-
sunt,*

Qualia innumera possent proferri.

19. Hinc Theod. Beza, *ἵνα ὁμοίως*
ᾠκεῖν, ut solet, in versione suâ, ita tran-
stulit locum Pauli 1. Tim. II, 1. *Adhortor
ut fiant deprecationes pro—quibusvis ho-
minibus, pro Regibus & quibusvis in emi-
nentiâ constitutis*; nam hoc—*acceptum est*
Deo, qui vult quosvis homines servari. De-
buisse eodem jure vertere 2. Pet. III, 3.
nolens quosvis homines perire, sed quoslibet ad
pœni-

* *Georg. Lib. III. vers. 110.*

pœnitentiam venire : quod cum fieri nequeat, nec illud factum oportuit. In hac ratione Critica hîc adquiescimus, nec ad Theologicas delabemur.

20. IV. Denique videntur esse loquutiones universales, quæ nonnisi cum exceptione sunt intelligendæ, quamvis non exprimatur. Sic Matth. XVII, 11. Christus aptat Joanni Baptistæ vaticinium Malachiz, deque eo dicit, *πάντα*, omnia restitutum fuisse; quâ voce non intelligit, quæcumque restitutione indigebant in humano genere, aut etiam apud Judæos. sed quæ pertinebant ad munus Joannis; de quibus adeundi interpretes, atque inter alios *Herr. Hammondus*, cum iis quæ adjecimus ejus Adnotationibus. 1. Joan. II, 20. ita alloquitur Christianos Apostolus: *vos unctionem habetis à Sancto, & nostis omnia*; quæ, nimirum, Christianos scire oportet, & præsertim quæ de antichristis antea dixerat.

21. Ex hac observatione, intelligendus locus Rom. XI, 36. *Ex ipso, per ipsum & in ipsum sunt omnia*; nempe, omnia dona, quæ huic aut illi pro arbitrio largitur, non quæcumque eveniunt; quis enim ausit dicere vitia, & scelera ex Deo,
per

per Deum, & in Deum esse? Profectò nemo, qui non desipiat. Sic & Eph. I, 11. *Operatur*, inquit Paulus, *omnia, secundum consilium voluntatis suæ*; & ejusdem Cap. verl. 23. *omnia in omnibus adimplet*; hoc est, omnia quæ facere in negotio salutis Dei est; neque enim aut malum operatur, aut credit loco nostro, aut judicat in nobis.

22. Hæc de Enunciationibus *Singularibus, Particularibus, & Universalibus* animadvertenda habebamus, magni, nisi fallor, momenti, ad intelligenda ejusmodi notionum nomina; aut minimùm ad vitandos errores, qui ex perperam intellectis oriri solent. Ubi non licet fugientem veritatem adsequi, errorem saltem vitare licet; quod tunc temporis loco inventæ veritatis nobis esse debet.

CAPUT VII.

*De Notionum Clararum & Obscurarum
nominibus.*

I. **D**UO ad hoc Caput pertinentia, cum jam alibi sint à nobis pertractata, non necesse erit hinc repeti. *Logica* nostræ P.I. c.9. egimus de notionibus *claris & obscuris*, eadèmq; operâ ostendimus quæ sint clararum, quæ obscuriorum notionum nomina. Hujus verò *Critica* superiore Sectione, Cap. VIII, & IX. multa exempla congeffimus vocum obscurarum, aut etiam nullam subjectam notionem habentium. Hinc possumus colligere clara esse nomina omnium simplicium notionum; earûmq; ex compositis, quarum omnes partes enumerare possumus. Contrà verò obscura sunt nomina, quibus aut nulla est subjecta potestas, aut cujus singulas partes non possumus ordine recensere. De claris, nihil est quod hinc animadvertamus, ubi nec memorabimus, quæ *Dialecticus* de notionum obscuritate dicere posset; quia hoc in loco, non de rebus, sed de rerum nomi-

§10. ARTIS CRITICÆ P. II. S. II. C. VII.
 nominibus agere instituius. Verum
 cum maximi sit momenti, ut probè intel-
 ligantur Veteres, secernere posse voces
 obscuræ significationis, ab iis quæ claras
 habent subjectas notiones, rem hîc no-
 vis exemplis illustrabimus; ex quibus li-
 quebit maximas, excultissimas atque an-
 tiquissimas Gentes vocibus nonnullis fre-
 quentissimè esse usas; quarum obscurissi-
 ma fuit, & fortè etiam aliquando nulla
 planè significatio.

8. Vix ullæ voces frequentius occurrunt
 in Græcorum & Romanorum monumen-
 tis, iis quæ *munditiem*, ac *immunditiem*,
 easque variorum, ut postea videbimus,
 generum significant. Græci passim lo-
 quuntur *οἱ τὴν καὶνότητα καὶ βεβήλων*, & *οἱ*
βὴ μόλυνειν ἢ τοὺς μαίνειν, plurimæque ad-
 hibent voces ex hisce derivatas, aut com-
 positas. Latini similiter habent quæ sub-
 iude narrent de rebus, aut hominibus
imparis, vel *immundis*, vel *profanis*, dé-
 que *pollutionibus*, aut *profanationibus*, aliis-
 que similibus. Utrique sæpissimè verba
 faciunt de *sordibus*, quibus contaminari
 censentur quæcumque eas tangunt. Si
 contraria significantes voces spectes,
 utramque etiam apud illos paginam fa-
 ciunt voces *ἀγρός*, & *καθαρός*, earumque de-

derivata, apud Græcos: ut nomina *purus* & *mundus*, vocésque affines, apud Latinos. Atqui omnium horum vocabulorum non solum ambiguus, sed & non raro obscurissimus est, aut nullus significatus.

3. I. *Mundities* aut *immundities*, proprio, & nativo significatu, ad res corporeas spectat. Nonnulla enim sunt, quæ *immunda* dicuntur, ob singularem naturam, quæ iis inesse creditur. Exempli causâ, pleraque quæ foetent, eò quod sint corrupta, *immunda* vocantur. Fimus dicitur *immundus*, ejusque contactu *fedari* dicimur. Si ejusmodi vocibus ea dumtaxat, quibus læduntur sensus hominum, intelligerent qui iis olim usi sunt, aut qui eas etiamnum usurpant (nam & nos ita loquimur) nihil esset quod de ejusmodi loquutionibus diceremus, præter ea quæ antea de nominibus notionum simplicium observavimus. Sed hodie, cum de rebus eo sensu *immundis* loquimur (credibile autem est Veteres similia cogitasse) de sensibus nostris non cogitamus, sed de nescio qua *immunditie*; quam quasi *absolutam* qualitatem spectamus, & quam credimus inesse rebus *immundis*, à quibus propterea abhorremus. Sumat quisque

quisque experimentum hujus rei, &, si in se ipse descendere nolit, ab alio petat quid ejusmodi vocibus intelligat, eumque eo adigat ut eas clarè definiat. Tum demum intelliget plerosque homines nescire quid dicant, cum de *immunditie* loquuntur. Imò verò multi sunt, qui ferinam foetentem in deliciis habent; atque avidissimè comedunt; quam alii si vel digito tetigissent, foedatos se, & ablutione indigere judicarent.

4. Contrà *munda* & *pura* dicuntur, quæ neque ipsa sensus offendunt, neque sunt contaminata, tactu eorum quæ per se *immunda* esse existimamus. Vestes, exempli causâ, *munda* aut *pura* sunt, quæ nullâ re, postquàm à fullone allatæ sunt, contaminatæ fuerunt. *Sordere* verò dicuntur, atque *immunda* esse eæ, quibus contrarium quidpiam accidit. Scimus quid hæc sibi velint, cum intelligimus quid sit *immundities*, de qua antea diximus; alioqui priori ignorato, posterius etiam ignoremus necesse est.

5. II. A rebus corporeis eæ voces ad animum sunt translatae, animusque *purus* dictus, qui non est vitio ullo, aut singulari quopiam scelere, de quo sermo sit, contaminatus; contrà *impurus* quisquis est aut

aut vitiis, aut peccato quodam inquinatus. Hinc Latini *impurum* & *impuratum* hominem nequam & improbum vocant, quemadmodum Græci *μιαρὸν*, *ἀκαθάρτον*. Hæ harum vocum significationes claræ sunt, si modò perspicuum est quid sit virium & virtus; quod certè clarum esse potest, sed omnibus sine dubio non erat olim, uti nec est hodie.

6. III. Verùm quidquid est obscuritatis, in memoratis significatibus vocum, quibus *mundities*, aut *immundities* signatur, id nihil est, præ eo quod nunc dicam. Veteres, nimirum, passim neque corporis propriè, neque animi ratione habitâ, *impurum*, aut *pollutum* dicebant in sacris, eum quem sacra attrectare aut iis adesse nefas erat; eo quod *impuratus* haberetur. Quod si sacra faceret, hoc in statu, ea Numini displicere arbitrabantur. Exempli causâ, manibus illotis, quamvis ceteroqui nullæ sordes iis adhererent, immolare victimam non licebat, imò nequidem templa ingredi. Immundi similiter erant, qui cadaver attigerant, aut etiam proprius ei adfuerant, qui puerperam inviserant, qui surgebant è lecto antequàm se abluissent, qui *ὀνειρωγμὸν* passi erant, qui cum uxore concubuerant. Im-

mundæ erant mulieres omnes, tempore
καταμνησιν, αὐτὸς λογιῶν. Hæc omnia sin-
gillatim probari necesse non est, cum
partim sint notissima, & partim à nobis
in *Commentario in Pentateuchum* probata,
ubi primum de ejuscemodi pollutionibus
sermo fuit. Sunt præterea qui hac de re
datâ operâ scripserunt, qui, si necesse sit,
* adiri poterunt.

-17. Jam quæto, quid menticorum ob-
versaretur, qui dicebant hominem esse
pollutum, nec sine purificatione posse ad
sacra accedere, qui cadaver humanum
attrectasset, aut etiam homini morienti
adfuisset; quod si, pollutione illâ negle-
ctâ, è vestigio Templum adiisset, aut
rem divinam fecisset, nec preces, nec
victimam Deo placere potuisse; imò ve-
rò fuisse ingratissimas, quæcumque cete-
roquin hominis virtus esset. An ex eo-
rum sententia adhærebat aliquid corpori,
aut animo ejusmodi hominis, ex tacto,
aut conspecto cadavere, quod, licet igno-
raret, ea vitiaret? Non puto, nec, ut
opinor, credebant qui hominem functa-
rum purè sacra facere posse negabant.
Certe apud illos pollui non censentur
Sacer-

-18. Vide Joann. Lottierum, de Injurianibus Ve-
tærum. Ci. XVI. & seqq.

Sacerdotes, qui non modò contrèctabant cadavera victimarum, sed etiam intestina, & stercora, ad sanctissima altaria, è ventre extrahebant. Quid ergo è conspecto cadavere humano potuit in spectatores subito transire, quod eos impuraret? Quid etiam fuit in rebus merè naturalibus, & in quibus nihil est quod hominem deteriore aut meliorem reddat; quo quisquam Deo, naturæ rerum auctori, minùs acceptus fieret? Cur Templum à funestato, si id illico ingrederetur, βεβηλῶς, κενῶς, profanari, ac pollui credebatur? Cur redeunti è macello patuerre Sacraria, quæ claudebantur homini, in cujus gremio homo, dum ei vulnerato, aut subito casu perculso opem, ut par est, ferre nititur, mortuus fuerat? Non quero hîc quæ esse potuerit ratio hæc primùm instituentibus, cur ejusmodi doctrinam de pollutionibus & purgationibus, animis hominum inferere cuperent; anve aliud quidpiam significarent, quàm quod primo intuitu videtur. Hoc unum scire velim quid deinceps cogitarent populi, qui attractu cadaveris hominis, non vituli, aut agni pollui se putabant, & distabant? Quam vim ei vocî, similibusque subjicebant? Profectò nullam; nec

aliud respondere potuissent, nisi se à Majoribus ita accepisse, hominem funestatum tactu, aut conspectu cadaveris humani esse *pollutum*; hoc est, se à teneris hanc opinionem imbibisse, ad sacra accedere non debere, & dici solitos ejusmodi homines *pollutos*; sed rationem rei, ac significationem ejus vocis & similium sibi esse ignotas. *Josephus* quidem aliquid hac de re dicere tentavit Lib. II. contra *Apionem* pag. 1074. sed ejus verba intelligi nequeunt, fortasse quidem quòd mendolaborent, sed potissimum, ut puto, quòd nesciret ipse quid sibi vellet. Εἰ πρ, inquit, ὅππῃ λέχῃ ἢ φθονῶν παρέλθοι, καθαρὸς εἶναι εὔδυναται, εἰ (sic lego, non ἦ) καὶ μὴ τὸ νόμιμον συνεσίαν ἀνδρὸς ἢ γυναικὸς ἀπολύσασθαι κελεύει ὁ νόμος. ψυχῆς τε καὶ σώματος ἐγείρεται μολυσμὸς ὡς πρὸς ἀλλήλων χώρῃν ὑπεβαλόντων. καὶ γὰρ ἐμφυομένη σάμα π καὶ παθεῖ ἡ ψυχὴ, καὶ τῶν αὐτῶν πάλιν ὡς θανάτω ἀφαιρεθεῖσιν. A vocibus ψυχῆς τε &c. tanta ineest hisce verbis obscuritas, ut *Oedipo* indigeant, quem nondum, ut opinor, invenerunt; nam sunt perabsurdè à *Sigism. Gelenio* versa, nec quid velint scio.

8. Attamen hac positâ opinione, quasi certissimâ, & re admittâ quasi perspicuâ, innu-

Innumeri ritus erant quibus homines hoc, aut aliis similibus modis *polluti* purgabantur, aut expiabantur, & multi quidem ludicri. Non modò aquâ, eâque purâ abluebantur, sed ceterorum elementorum ope, aut etiam animalium, plantarum, & fossilium lustrabantur; quorum lustrationum exempla affatim congesse-
runt * viri eruditi, quorum labore effectum est, ne nobis necesse sit ulla huc convehere.

9. Quid verò erat *purgare*, aut *lustrare*, hoc mystico significato? Quæ intelligebatur mutatio fieri in homine, qui è domo funesta egressus manus abluebat, aut aquâ lustrali adspergebatur, aut simile quid faciebat? Corpus mundius non fiebat, quod scd datum nemo dixerit, eò quòd accessisset ad cadaver; nec animus etiam, qui cadavere nequaquam pollutus fuisse censerì potest, purgabatur. Quid ergo significabatur voce *purgare*, aut *lustrare*? Ritus celebrare, cui, si verum quæras, cur hoc nomen esset impositum nesciebant.

10. Horum meminisse oportet fidum Interpretem, qui non Judicem agit Verum, aut indagatorem Veri, sed tan-

K k 3

tùm

* Vide Lomejerum Cap. XVIII. & seqq.

tum fungitur interpretandi munere; quod totum in eo situm est, ut doceat quæ cogitarint Veteres, seu obscura ea sint, seu clara; non quæ cogitare debuerint, ut quid dicerent intelligerent. Hoc verò neglecto, sæpe videmus viros doctos omnes ingenii nervos intendere, atque omnem lapidem movere ut sub verbis nihil significantibus, aut obscurissimas notiones exprimentibus, inveniant perspicuas & firmas ratiocinationes. Attendant hæc studiosi, & multò plura exempla harum rerum, inter legendum, inventient, quàm vulgò persuasum est.

II. Hæc cum sint manifesta, nihil, quod in ratiocinatione nostra capi possit, video. At unum hoc objici queat, nostrum esse ostendere quid factum fuerit, ut Judæi veri Dei cultores ita etiam loquuti fuerint, & similes ritus habuerint. Hoc verò paucis verbis potest expediri; nempe, inanes per se ritus à Deo nequaquam primum esse institutos, sed cum populus Hebræus esset illis dudum aduetus, Deum leges suas ejus ingenio attemperasse; quod cum alii, tum etiam nos ostendimus, in *Commentario nostro in Pentateuchum*. Ac sanè hoc liquebit, si reputemus, apud Ægyptios, quorum Regnum Hebræicâ Repu-

Republika antequam fuit, talia instituta fuisse, cum antequam nasceretur Moyses; ut nos ipse docet, cum ait jam a tempore Josephi Egyptios non fuisse nisi convivari cum peregrinis, ne, nimirum, polluerentur. Vide Gen. XLIII, 31. & quæ illic notavimus. Græci etiam & Romani, antequam noti essent illis Judæi, ejusmodi opinionibus credulitatem suam addixerant. Nec certè incommodos & inutilis, cum ad vitam, tum ad virtutem quod attinet, ritus instituisse unquam Deus; nisi invenisset Judæos iis adeo addictos, ut ex eorum animis nullis novis legibus revelli possent. Possumus ergo, sine ulla vel minima divinæ majestatis imminutione, dicere Deum cum pueris, ut ita dicam, balbutisse; quando de pollutionibus, ex more recepto, loquutus est. Possumus institutores primos ejusmodi rituum ridere, & ostendere eos inanibus verbis plebi imposuisse.

12. Certe plerique Patres, qui verissimis Ethnicos scripserunt, ita eorum ritus oppugnaverunt, ut simul ostenderint, si Judæis Deus eos imposuit, id inequaquam factum fuisse, ob eorum rituum præstantiam; sed propter Judæorum perversam

indolem, qui meliora repudiaturi erant. Eam in rem, multa habet Scriptor *Constitutionum Apostolicarum*, qui certè laudari potuisset, si suo ipsius nomine proferre ea maluisset, quæ Apostolis, non excusandâ fraude, tribuere conatus est. Pauca tantùm, de *pollutionibus*, excerpeamus. Ita ergo, apud eum, Apostoli Lib. VI. c. 27. quod inscribitur *de observationibus Judaicis & Ethnicis*, mulieres & viros alloquuntur: μελέτα τὰς αὐτὰς νόμους, μὴθὲν ὡς ἀπαρνησθῆναι, μὴ καθαρὸν φυσικῶς, μὴ μιξὴν νόμιμον, μὴ τοκετὸν, ἢ ὥστε ἑοικῆναι, μὴ μῶμον σώματος. ἐπεὶ περ τὰ τοιαῦτα ὡς ἀπαρνήματα ΜΩΡΩΝ ΑΝΘΡΩΠΩΝ ΕΦΕΥΡΕΜΑΤΑ ΜΑΤΑΙΑ, καὶ νῦν οὐκ ἔχοντα. ἔτε ἡ κῆδὸς ἀνθρώπου, ἔτε ὅσῃον νεκρῷ, ἔτε μνήμα, ἔτε τοιόνδε βρώμα, ἔτε ὀνειρωγμὸς μιᾶναι δύναται ἀνθρώπου ψυχὴν, αἷμα μόνον ἀσέβεια ἢ εἰς Θεὸν, ἢ παρενομιᾶ, ἢ εἰς τὴν πολλοὺν ἀδικίαν: *meditare etiam leges illius, nihil observans, non purgationem naturalem, non copulationem legitimam, non partum aut abortionem, non corporis maculam; siquidem huiusmodi observationes sunt HOMINUM STULTORUM INVENTA INANIA, & ratione carentia.* Neque verò hominis funus, atque ossa mortui, neque sepulcrum, neque certus quidam

De Notionibus Adaquatis. &c. 521
dam cibus, neque nocturnum seminis proflu-
uium polluere animum hominis possunt; ve-
rum sola impietas in Deum & iniquitas, &
erga proximum injustitia. Vide & Cap.
XXX.

C A P U T VIII.

De Notionum Adaquatarum & Inadaqua-
tarum nominibus.

I. **O**MNES, ut rectè summus Orator,
trahimur & ducimur ad cognitionis
& scientiæ cupiditatem, in qua excellere pul-
crum putamus. Cognitionis autem est du-
plicis generis, alia enim est accurata, om-
nèsque rei cognitæ complectitur partes;
alia verò minus perfecta, & quæ ad non-
nullas dumtaxat pertinet. Cùm innumera
sint, quæ nonnisi posteriori modo cogno-
scimus, nec etiã aliter cognoscere pos-
sumus; attamen perpetuã quadam siti
laboramus perspiciendarum rerum, quas
natura ipsa nobis occuluit.

2. Sæpe etiã, quæ est humani inge-
nii aut cæcitas aut superbia, nobis ea
penitus nota esse putamus, quæ partim
dumtaxat novimus. Tum verò, cùm
de

522 ARTIS CRITICÆ P. II. S. II. C. VIII.
de iis rebus loquimur vocibus utimur,
quæ sæpe plus significant, quàm intelli-
gimus; & aliorum etiam scripta legentes
eorum dictis tribuimus sententiam multò
ampliolem ac pleniolem, quàm umquam
eorum animis obversata est. Hinc fit ut
ab eorum sententia aut penitus aberre-
mus, aut partim desleclamus; dum vo-
cibus, quæ *adaquatæ* notiones signifi-
cant, usos eos esse perperam credimus. Igi-
tur interest eorum, qui Veterum Scripta
intelligere cupiunt, probè distinguere no-
mina *adaquanturum* notionum à nomi-
nibus, quibus *inadaquata* tantum rerum
notiones subiectæ sunt.

3. I. Docuimus, *Logicæ* P. I. c. 10:
adaquatas esse omnes notiones simplices;
ideoque harum nominibus subesse ada-
quatas notiones. Adaquatæ pariter sunt
notiones Modorum *abstractè* spectatorum,
cùm simplices sunt, aut etiam compo-
siti, si omnes partes norimus; & vocabu-
la, quibus significantur, nomina sunt
notionum adaquatarum. Fingimus etiam
ipsi varias notiones, quibus animus ad-
dit, aut detrahit quidquid vult; quòd
non sint imagines rerum, quæ extra nos
sunt, sed mèra nostra figmenta; quibus
in nottionibus cùm sit nihil; nisi quòd vo-
lumus,

lumus, non mirum si sint adequatæ, ac proinde si idem de earum nominibus, ac de superioribus feratur iudicium. Notionum ergo adequatarum nomina sunt *calor, frigus, dolor, voluptus, &c. rotunditas, triangularis, quadrata figura, aut ex iis mista, &c. Centaurus, Chimæra, &c.*

4. II. At si deveniamus ad Substantias, quas spectamus ut re ipsâ existentes, tum demum scire non possumus an nobis obversentur notiones earum adequatæ; imò verò, si rem paullo diligentius expendamus, nobis constabit inadæquatas esse, * quod alibi demonstravimus. Igitur quotiescumque occurrent nomina Substantiarum, aut rerum quarum partes sunt Substantiæ, certum hoc haberi debet, ea esse nomina notionum inadæquatarum. *Deus, homines, corpus, spiritus, animal, planta, lapis, &c.* nomina sunt ejusmodi.

5. III. Præterea ipsi Modi, cum sermo est de Modis re verâ existentibus in Substantiis, aut qui fuisse statuuntur, si præsertim res agatur in qua multæ sint circumstantiæ; ipsi, inquam, illi modi hominibus nunquam omnes innotescunt; ideo-

* *Logica P. I. c. 10.*

524 ARTIS CRITICÆ P. II. S. II. C. VIII.
 ideoque, nomina & loquutiones, quibus describuntur eventus, sermones, aut alia quæ narrantur, sunt notionum inadæquatarum appellationes. Exempli causâ, *viçtoria Cæsaris de Pompeio*, *sermo-nes Socratis in carcere*, vocabula sunt rerum inadæquatè notarum.

6. Hinc varia maximi momenti confectaria deducere licet. Primùm enim hinc sequitur, cùm Scriptorem legimus de Substantia quadam aut de eventu multiplicibus Modis constante, loquentem, nos non posse plenam notionem rei de qua agit ei tribuere. Secundò, si integram notionem ejus rei non habet; non posse ex ejus dictis ea colligi, quæ ut colligi queant, necesse est rem penitus esse notam. Tertiò, ex notione nequaquam perfectâ sæpe nasci maximas difficultates, quæ ex eo Scriptore neutiquam solvi possunt. Denique nihil tutius esse, in ejusmodi rebus, quàm cohibere judicium, cùm de re ipsa, tum de sententia Scriptoris, quem legimus. Verùm hæc sunt paulò pluribus illustranda.

7. I. Prima omnium Substantiarum est *Deus*, ad quem id nominis singulari quodam sensu pertinet. Scimus à posteriori, ut Philosophi loquuntur, nihil perfectio-
 nis

nis inesse creaturis, quod illi non inest; nam à fonte nihil potest manare, quod in eo antea non fuerit. At nemo mortaliū adæquatam notionem ejus perfectiorum umquam sibi effinxit. Itaque quæcumque sit Scriptorum, qui de divina natura scripserunt, sapientia; nihil adæquati de æterna illa Substantia ab iis expectandum est. Quotiescumque occurrit vox DEUS, tenendum semper est nomen esse notionis, quæ, pro Scriptoris ingenio, aut sapientia, plura aut pauciora complectitur attributa; sed quæ Archetypum ipsum neutiquam æquat.

8. Imò verò, cum sermo est de aliis Substantiis, seu spirituales illæ sint, seu corporeæ, nomina quibus appellantur sunt vocabula parum integrarum notionum. *Mens* humana quid sit nescimus; *Corporis* intima natura, & humani quidem singularis dispositio; exceptis iis quæ oculos aut solos, aut instrumentis adjutos percellunt; nobis ignota est. Minus novimus ceteros spiritus, ceteraque corpora. Itaque quoties de illis agunt Veteres, toties fatendum est eos uti nominibus inadæquatarum notionum.

9. Quòd si sermo sit de actionibus Dei, aliarumque intelligentium Naturarum;
aut

526 ARTIS CRITICÆ P. II. S. II. C. VIII.
aut si res, de quibus loquuntur, multiplices circumstantias complectantur, interventumque variarum causarum; tum verò rerum compositarum inadæquatas dumtaxat notiones, singulis fermè vocabulis, significant. Similis est eorum sermo tenuissimis illis picturis, quæ quasi in recessu cernuntur, & offerunt quidem nobis varia spectanda, sed propter tenuitatem, ac distantiam imperfecta, ac evanida rerum majorum vestigia. Qui loquuntur *ὅτι τὸ θεῶν ἔκτισται, ὅτι τὸ γυνήσεως ἦν, καὶ ὅτι τὸ ἀνθρώπου πνέματος πνέματ' ἀγίου*, & de aliis id genus, multum abest ut adæquatas notiones verbis suis subjiciant. Qui Historias narrant, quamvis copiose omnia persequantur, quatenus licet, innumeras circumstantias, aut notas, aut arcanas necessario prætermittunt, ex quibus sæpe eventus pependerit. Hæc non dico, quasi vitio vertam Theologis aut Historicis, quòd pleniores iis non fuerint notiones; multa enim sunt, quæ plenius nosse non poterant; at ii digni sunt, qui reprehendantur, qui imperfectas notiones cum adæquatis miscent, voluntque in Veterum Scriptis ea reperire, de quibus illi numquam cogitarunt.

10. Si eâ, quâ per est, attentione & reve-

reverentiâ expendamus quæ Apostoli habent de Jesu-Christo, facile intelligemus eos non putasse *merum* esse *hominem*, quandoquidem ei mundi * creationem tribuunt; eosque errare, qui similia sentiunt; sed de ratione, quâ æternum Numen cum Jesu homine conjunctum sit, tacent; quo credibile sit arcanum illud iis, in terris agentibus, nondum revelatum fuisse. Sciverunt Christum esse Deum & Hominem, atque ita de eo loquuti sunt; sed modum rei ignorasse videntur, certè nusquam explicant, adeò ut possimus meritò suspicari inadæquatam eishujus rei fuisse notionem. At Religionis Christianæ, sequentibus sæculis, Interpretes temerè statuentes ex verbis Apostolorum pleniorē rei notionem colligi posse, quàm reverâ potest, modum ejus conjunctionis definire aggressi sunt, & singulare nomen ei imponere; unde natarolim *Eutychianorum*, *Nestorianorumque* & aliorum concertationes; quæ nec hodie sopitæ sunt, nec potuerunt aut possunt ex solis Apostolorum Scriptis componi; quia Theologi nesciunt in notionibus inadæquatis adquiescere, quamvis pleniores ex Scriptura colligere nequeant. At si quod

* *Joan. C. I, 10, 14. ubi vide à nobis notata.*

528 ARTIS CRITICÆ P. II. S. II. C. VIII.
 quod obscurius docent Apostoli, obscu-
 rè intelligere satis habuissent, nec ulte-
 rius progredi voluissent; nulla fortè um-
 quam diffidia hac de re orta fuissent, aut
 facile saltem composita.

10. Nec quisquam nos nimis temeri-
 tatis arguat, quòd ausimus dicere Apo-
 stolis ipsis nonnullarum sublimiorum re-
 rum fuisse notiones inadæquatas. Di-
 fertè hoc de se profitetur Paulus, in exi-
 mio illo Capite XIII. 1. ad Corinthios, in
 quo postquàm longè prætulit caritatem
 cognitioni oranium mysteriorum, ita per-
 git versu 8. Ἡ δὲ ἀγάπη ὑδ' ἐποτε ἐκπύπιδ. εἴτε
 δὲ προφητεῖαι καταργηθήσονται, εἴτε γλῶσσαι
 παύσονται, εἴτε γνώσις καταργηθήσεται· ἐκ
 ΜΕΡΟΥΣ δὲ γνώσκομῳ, καὶ ἐκ ΜΕΡΟΥΣ
 προφητῶν. ὅταν δὲ ἔλθῃ τὸ ΤΕΛΕΙΟΝ,
 τότε τὸ ἐκ μέρος καταργηθήσεται· ὅτε ἡμην
 νήπιον, ὡς νήπιον ἐλάλεον, ὡς νήπιον ἐφρό-
 νουν, ὡς νήπιον ἐλογιζόμεθα. ὅτε δὲ γένηται
 αἰνὴρ, κατήρηκα τὰ ἔνηπιον. βλέπομεν καὶ ὥσπερ
 δι' ἐσόπτρου ἐν αἰνίγματι, τότε δὲ πρόσωπον
 πρὸς πρόσωπον ἄρτι, καὶ γνώσκω ἐκ ΜΕΡΟΥΣ,
 τότε δὲ ὅλη γνώσκει, καθὼς καὶ ἐπεγνώσθην·
*caritas nunquam excidit, sive prophetia,
 euacuabuntur; sive lingua cessabunt; sive
 scientia, destruetur. Ex PARTE enim
 cognoscimus, & ex PARTE prophetamus.*
 Ceterum

Cum autem venerit quod PERFECTUM est, evacuabitur quod ex parte est. Cum essem parvulus, loquebar ut parvulus, cogitabam ut parvulus. Quando autem factus sum vir, evacuavi quæ erant parvuli. Videmus nunc per speculum, in enigmate, tunc autem facie ad faciem. Nunc cognosco ex PARTE, tunc autem cognoscam, sicut & cognitus sum.

II. Tam insignis est hic Apostoli locus, & usque adeò ad rem nostram facit, ut nonnihil ei immorari operæ pretium videatur. Itaque singulas hujus orationis partes considerabo. I. Observat Paulus prophetiarum, linguarum exoticarum, & eruditionis Theologicæ, qualis hisce in terris floret, omnem usum sublatum iri in altera vita; sed caritatis mutux, quæ beati Deum & se invicem prosequuntur, usum numquam abolendum; unde sequitur ut caritatem pluris faciamus, quam omnem illam eruditionem nostram, cujus brevissimus est in hac vita usus, quamlibet vera sit. II. Tum rationem subiicit, quòd cognitio nostra, adeoque ipsius Apostoli, sit *inadaquata*, sive, quod perinde est, *ex parte* tantum norimus, quæ novimus; nimirum, in iis quæ ad Deum, & Theologiam spectant, de quibus solis

Tom. I.

L I

hic

hic sermo est, non de ceteris disciplinis, nisi quatenus cum illis sunt conjunctæ. Inadæquata autem notio nullius est amplius usus, postquam plenior est comparata. Exempli causâ, si conferatur Theologia Judæorum, qualis erat antequam Christus & Apostoli Evangelium prædicassent, cum ea quam consequuti sunt ex revelatione Evangelii, erat tantum *ἐκ μέρους*. Quamobrem, patefacto Evangelio, omnis illa legalis eruditio Judæorum *καταργηθήναι, inutilis facta est*: haud aliter ac lumen lucernæ inutile est, exorto sole. Si quis ergo Judæus, ante notum Christum, vel post notum & rejectum, sibi ipse usque adeo blanditus est, ut existimarit sibi Theologiæ adæquatam esse cognitionem, quod sine dubio multi crediderunt, vehementer erravit, quamvis se minimè errare consideret. Sic & nos hodie graviter hallucinaremur, si omnia nobis *adequatè* nota esse existimaremus, ut nos docet hic Paulus, utque tenebris hujus vitæ erepti ipsi tandem experiemur. Tunc demum, cum venerit quod perfectum est, *evacuabitur quod ex parte est*. Ut Judæos, antequam venisset Christus, sibi eruditionis causâ placentes, præstitit suæ infelicitati Christo edoctos: sic & nos, qui hodie

hodie fortè superbimus ob eruditionem maximis laboribus comparatam, pudebit olim nostræ ignorantia, cum Deus nos beaverit. Quantò ergo satius esset hîc non superbire, definiendo quæ non nisi partim novimus, quasi nobis essent perspecta; sed ad ampliorem alterius vitæ cognitionem judicium differre, & interea fateri nobis per omnia *non liquere*?

12. Egregiè hoc nos docet III. Paulus, comparatione ex puerili & virili ætate deductâ, ex qua intelligimus minimùm tantum fore discrimen inter hodiernam hanc nostram eruditionem, quæcumque sit, & eam quæ futura est in cœlo; quantum est inter opinioniones puerorum & peritiam virorum, quod attinet ad res hujus vitæ. Igitur quamvis tumeamus, oportet nos fateri vastissimam eruditionem Theologicam mortalium collatam cum Angelica, aut cum ea quæ olim erit beatorum hominum, puerilem planè esse. Rideremus puerum, qui, ne de crassioribus erroribus pueritiæ agam, existimaret sibi perspecta esse quæ videremus eum imperfectissimè nosse, & propterea sibi iple plauderet: sic & nos, si ita loqui fas sit, rident beatæ illæ Mentes, quæ multò superiores sunt nobis, quàm nos su-

mus puerulis, cùm audiunt nos audacter & superciliosè loquentes, de iis quæ non novimus, nisi instar ejus *qui videt, aut vidisse putat per nubila lunam*. Certè eos miseret nostræ cæcitaris & ridiculæ superbiz, in tanta ignorantia. Si videamus fortè pueros inter se de puerilibus opinionibus primùm disceptantes, deinde ad verbera devenientes, quàm acerrimo possunt pugilatu certare; non possumus illis non irasci quòd, propter id quod neutri sciunt, ita inter se, pro ætate, pugnent. Quid verò censemus cogitare Angelos, cùm vident viros adultos, aut senes, jam non pugnis, sed legibus, edictis, exiliis, pœnisque omnis generis in se invicem sævire, propter multa, quæ iis aut penitus, aut partim ignota sunt? Profectò non modò pueros, sed & nequam pueros, ac flagris dignos esse censent. Cùm animadvertunt inconspicui illi factorum nostrorum speculatores, viros, qui graves haberi volunt, dies, noctesque garrientes de iis quæ nesciunt; disceptantes inter se primùm privatim, deinde publicè; tum scriptitantes, ac infesto stylo digladiantes; postea coitiones facientes; ut numerum secum consentientium cognoscant, videantque ne quid factionis opinio capiat

capiat detrimenti, in eo terrarum angulo in quo plurimum possunt; ac tandem aliis (virisne dicam, an pueris?) sollemniorem in modum convocatis, leges condere de iis quæ nesciunt, quasi divinas aliis sui similibus obtrudere; & omnibus rationibus dissentientes vexare; cum animadvertunt, inquam, hæc Angeli, quid illis animi esse putamus? Parum abest quin non jam ludos, sed tragoedias nostras perturbent, malè illico mulctatis cæcis illis qui in alios cæcos sæviunt; & facerent, nisi summus αὐτοκράτης juberet eos exspectare, donec judicium ipse sit de hisce omnibus laturus, & superbos ac immites à modestis ac mansuetis separaturus. Interea fortè beati illi Spiritus, iidemque generis nostri amantes, non voce quidem, quæ aures verberet, sed tacitis, ut ita dicam, in animum nostrum insusurrationibus, nos monent ut memores nostræ ignorantix paullisper cohibeamus judicium, donec intra pauculos annos rem pernoscamus; cum nos Deus ex hac vita evocaverit, ostenderitque in clara luce, quam nunc quærimus, veritatem.

13. Quod si arcanos hosce susurros affectuum strepitus nos audire non finit,

534 ARTIS CRITICÆ P.II.S.II.C.VIII.
 at oculi nostri feriantur necesse est, sen-
 tentiâ hacce Pauli, qui atramento, quod
 nulla delebit ætas, scripsit IV. nos *videre*
nunc per speculum, in enigmate, nos cogno-
scere ex parte; sed postea facie ad faciem vi-
suros, cogniturosque ut ipsi cogniti sumus.
 Non tantum ergo partim novimus, sed
 & obscurè atque ænigmaticè; ita ut, si
 partes quasdam ænigmatis nobis propo-
 siti adsequamur, supersint aliæ, quas
 nequaquam intelligimus. Quod si Pau-
 lus, post tam sublimes revelationes, de
 se ipse factus est, quis nunc audebit apud
 nos de se negare?

14. II. Geometræ, qui omnia sua de-
 ducunt ex abstractis, adæquatisque no-
 tionibus, in quibus nulla est obscuritas,
 facillimè à Lectoribus attentis intelligun-
 tur. Nihil illis tribuitur, quod non agno-
 scant, & cujus omnia necessaria conse-
 ctaria amplecti pro suis parati non sint.
 At cum res, de qua incidit sermo, *ina-*
dequatè nota est, nec vocabulis signatur,
 quæ totam ejus naturam complectantur;
 cavendum ne contrarium statuamus, ut
 fit, atque hinc deducamus inania conse-
 ctaria. Hinc exstiterunt tot controversiæ de
 Veterum sententia, ad res divinas, spi-
 rituūque & mentis humanæ naturam
 quod

quod attinet. Plenas, nimirum, notion-
es earum rerum illis tribuimus, quas
plenè nullus mortalium umquam novit.
Igitur, si sapimus, nihil ex eorum dictis
colligemus, quod pateat ampliùs quàm
eorum inadæquatæ notiones. Si velimus
eorum esse discipuli, in ejusmodi notio-
bus est nobis adquiescendum, nec ulte-
riùs quidquam quærendum. Alioqui si
ope confectariorum pleniores, quàm illi,
adipisci notiones nitamur; dum statui-
mus eos adæquatarum notionum nomi-
na protulisse; ab eorum sententia sensim
recedemus, nec minùs peccabimus, ac
si quis ex summa non integra rationem
integram inire institueret.

15. III. Maximæ difficultates in hisce
rebus, necessariò nascuntur ex imperfe-
ctis notionibus, præsertim si eas perfectas
judicemus: quemadmodum innumera
orirentur, in calculo summarum, quas
nonnisi ex parte nosceremus. Rationes
varias in concordiam numquam redigere
possemus, quæ fortè tamen consentirent;
ut facilè animadverteremus, si integræ
summæ nobis essent notæ. Nomina ina-
dæquatarum notionum, quibus usi sunt
Veteres, occasionem suppeditant innu-
meris quæstionibus; quas ipsi Scriptores

536 ARTIS CRITICÆ P. II. S. II. C. VIII.
 non attigerunt , nec licet ex ejuscemodi
 nominibus solvere. Quot possunt quæri
 de sententiis Veterum , cùm rectè , tum
 secus de rebus divinis sentientium , quæ
 ex illorum verbis solvi nequeunt ? Quas
 tenebras nobis ipsi offundunt , cùm vo-
 lunt id quod sentiunt efferre ? Norunt
 quàm verum sit quod dico qui legerunt
 quæ , de *Nicænis* controversiis , scripta
 sunt à viris doctissimis *Dionys. Petavio* ,
Steph. Curcellao , *Pet. Dan. Huëtio* , *Rod.*
Cudwortho & nuper à *Georg. Bullo*. Ad fi-
 nem hujus Opusculi properantibus non
 licet accuratius rem explicare. Similia
 possumus dicere , de plerisque Historiis ,
 ex quarum narratione oboriuntur ali-
 quando tenebræ , nullâ luce ingenii dis-
 cutiendæ ; quia , ab Historicis , licet ve-
 ra dicentibus , quidquid oportebat dici
 non est Scriptis mandatum ; quòd eos
 fugerit longè maxima pars rerum , qua-
 rum historiam scribere aggressi sunt.
 Exemplo *Q. Curtii* , sequentis Criticæ no-
 stræ Partis Sectione tertiâ , rem compro-
 batam dabimus. Interea cavendum à pec-
 cato nimis quàm frequente , quo de even-
 tibus judicamus ex imperfectissimis hi-
 storiis ; quasi omnia essent complexæ ,
 quæ ad rationes & causas eventuum per-
 tinent.

tinent. Peccatum hoc committitur præsertim ab Historiarum Ecclesiasticarum Interpretibus, qui passim ex mutilis ac mancis narrationibus, confectaria colligunt; quasi nihil esset omissum, aut quasi perspicuum esset id jure factum quod probant, injuriâ verò quod ipsis displicet. Hinc postea miræ exoriuntur repugnantix, quas frustra tollere nituntur.

16. IV. Manifestum est ex antecedentibus, in retexenda Veterum de rebus, quas ex parte tantum norant, sententia, eos occurrere nodos, qui vix ac ne vix quidem solvi à nobis possint. Quid ergo superest faciendum, nisi ut in obscuris & ἀλύτοις cohibeamus judicium? aut, si judicemus, ut meminerimus nostra judicia niti obscuris nominibus aut descriptionibus in adæquatarum notionum; ideòque conjecturas potius esse, quàm res compertas; nec proinde invitis aliis obtrudenda, nec temerè damnandos aliter sentientes, aut acerbius traducendos. Res sunt per se obscuræ, nec nisi partim notæ, eæque verbis nequaquam clavis expressæ. Neque verba, rebus collata, clariora fieri possunt; neque ex verbis, interdum parum aptis, lux ulla

538 ARTIS CRITICÆ P. II. S. II. C. VIII.
rebus affertur. Mirum esset, nisi quis
in tantis tenebris subinde erraret; at quò
majus est errandi periculum, eò nos er-
rantibus oportet esse æquiores.

II. PARTIS CRITICÆ.

F I N I S.

